

সাহিত্য মেলা

বিষ্ণুগোপ্তর পূর্ব-পশ্চিম বাংলা সাহিত্য
১৩৫৪ - ১৩৫৯
লোকসাহিত্য || শিশুসাহিত্য || কাব্য ও নাট্যসাহিত্য
কথাসাহিত্য || প্রবন্ধসাহিত্য

শান্তিনিকেতনে অর্গঠিত
সাহিত্যমেলার
(১৫-১৭ ফাল্গুন ১৩৫৯)
বিভিন্ন অধিবেশন-সমিতির তত্ত্বাবধানে।

১৯৫৯

সম্পাদনা

ক্ষিতীশ রায়

সম্পাদকমণ্ডলী

এক **I** অন্নদাশঙ্কর রায়, নীলা মজুমদার, ক্ষিতীশ রায়, নীলা রায়,
নিমাই চট্টোপাধ্যায়, গৌরী দত্ত



শাস্তিনিকেতন সাহিত্যমেলার পক্ষ থেকে সাধারণ সম্পাদক কি
কর্তৃক সর্বস্বত্ব সংরক্ষিত ।

প্রথম প্রকাশ—আষাঢ়, ১৮৭২ শকাব্দ

প্রকাশক—শচীন্দ্রনাথ মুখোপাধ্যায়

বেঙ্গল পাবলিশার্স প্রাইভেট লিমিটেড

১৪, বক্সিম চাটুজে স্ট্রিট,

কলিকাতা-১২

মুদ্রাকর—অজিতমোহন গুপ্ত

ভারত ফোটোটাইপ স্টুডিও
৭২।১, কলেজ স্ট্রিট

কলিকাতা-২

প্রচ্ছদপট ও বর্ণলিপি

খালেদ চৌধুরী

বাধাই—ওরিয়েন্ট বাইণ্ডিং ওয়ার্কস

গ্যাচ টাকা

সূচনা

লেপুলে গোকবাহুর হাঁড়িকুড়ি শিলনোড়া সব একে একে ভাগ হয়ে
ছিল। বাকী ছিল উঠানের মাঝখানে পাঁচিল তোলা। সেটুকুও যখন
রা হল তখন আশকা জাগল, এর পরে বোধ হয় আলো হাওয়া বন্ধ
বেবে। ছাড়পত্র প্রথা প্রবর্তনের পরের ধাপ সাহিত্য সংগীত প্রভৃতির ভাগ
বাটোয়ারা। পূর্ব পাকিস্তান ও পশ্চিমবঙ্গের হৃদয়মনের উপর অন্ধোপচার।
মলজ্বা ব্যবধান। চিরস্থায়ী ব্যবধান।

আমরা কি তা হলে চিরকালের মতো পর হয়ে যাব? আত্মীয়তার
কোনো একটাও সূত্র থাকবে না? সেতুবন্ধনের জন্তে কেউ কোনো চেষ্টা
করবে না?

শান্তিনিকেতনের সাহিত্যমেলায় সূত্রপাত হল এই প্রশ্নের উত্তর দিতে
গৌরী দত্ত, ফরিদা মালিক, নিমাই চট্টোপাধ্যায় প্রমুখ তরুণ-
আমার সঙ্গে সাক্ষাৎ করে প্রস্তাব তুলল সাহিত্যসম্মেলনের। পূর্ব
সাহিত্যসম্মেলন। আমি চিন্তা করে বললুম, সাহিত্যসম্মেলন নয়,
সাহিত্যমেলা। পূর্ব পশ্চিম নয়, গত পাঁচ বছরের বাংলা সাহিত্য। তারা
র যায়। তার পরে উজোগপর্ব। অতি সামান্য তাদের ধনবল।
উপসংখ্যা গেল জনবল আরো সামান্য। যাদের উপর তারা নির্ভর
আলো তারা ধরাছোঁয়া দিল না। এমন অবস্থা হল যে শুভার্থীরা বলতে
রলেন, এ বছর মেলা বন্ধ থাক।
এক মুহূর্তে চাঁদাও উঠল, মাহুঘও জুটল, পূর্ব পাকিস্তান থেকে আমন্ত্রিতেরা

এসে পড়লেন, কলকাতা থেকে এলেন অপ্রত্যাশিত স্বধীজন। সে এক ভোজবাজি। আমরা কেউ ভাবতেও পারিনি যে মেলা সত্যি সত্যি জমবে। বরং আমাদের বরাবর ভয় ছিল স্থানীয় অধিবাসীরা অভিমানে অসহযোগ করবেন। দেখা গেল তাঁরা স্বতঃপ্রবৃত্ত হয়ে চাঁদা দিয়ে গেলেন, নানাভাবে সাহায্য করলেন। বলা বাহুল্য বিশ্বভারতীর সাহায্য সব চেয়ে বেশি। শ্রীযুক্ত রথীন্দ্রনাথ ঠাকুর, শ্রীযুক্ত নিশিকান্ত সেন ও শ্রীযুক্ত প্রবোধচন্দ্র বাগট প্রথমাবধি উৎসাহ দিয়েছেন। শ্রীযুক্ত ক্ষিতীশ রায় সাধারণ সম্পাদক হ'ল সবকিছু সহজ করে দিয়েছেন। অগ্নাগ্র কর্মীরা অকুণ্ঠ সহযোগিতা করেছেন। কাকে ছেড়ে কার নাম করি! বাইরের ধারা সহায় হয়েছেন তাঁদের দু'জনের নাম না করলে নয়। বিচারপতি শ্রীযুক্ত ব্রজকান্ত গুহ ও ধনকুবের শ্রীযুক্ত নরেন্দ্রনাথ চৌধুরী।

হবে কি হবে না করতে করতে হল। সেইজন্তে ব্যবস্থায় অসংখ্য ক্রটি সেসব কথা বললে মর্মান্বিতদের মন ভিজবে না। সহকর্মীদের মন ভেঙে যাবে। পরের বারের জন্তে অভিজ্ঞতা সঞ্চিত হল। যদি পরের বাঃ মেলা বসে।

এখন একটু ভিতরের কথা বলা যাক। সাহিত্য সম্মেলন কেন নয় কেন সাহিত্যমেলা। পূর্ব পশ্চিম কেন নয়। কেন গত পাঁচ বছরের, বঙ্গ সাহিত্য।

সাহিত্য সম্মেলনের গতাহুগতিক ধারা হচ্ছে একজন থাকে; সভাপতি, আর কয়েকজন শাখা সভাপতি। প্রত্যেক শাখায় এম রচনা পাঠ হয়। সভাপতির প্রত্যেকে এক একটি ভাষণ দেন। মিলে আলাপ আলোচনার অবসর থাকে না। আমরা স্থির করি।^১ বদলে দিতে হবে। সাহিত্যের মধ্যে বিজ্ঞান দর্শন ইতিহাস স্থান দেওয়া হবে না। সাহিত্যের বিভাগগুলি হবে কথাসাহিত্য সাহিত্য, প্রবন্ধসাহিত্য, লোকসাহিত্য ও সাধারণ সম্পাদকের

অন্তরোধে শিশুসাহিত্য। প্রত্যেক বিভাগের একজন করে আত্মায়ক থাকবেন, তিনিই সেই বিভাগের সূত্রধার। যে বিষয়ের ভার তাঁর উপরে সে বিষয়ে গত পাঁচ বছরে কী কী কাজ হয়েছে তিনি তার একটা আভাস দিবেন। তাঁর আত্মানে এক এক করে পাঁচজন বিশিষ্ট সাহিত্যিক সিম্পোজিয়মে যোগ দেবেন। এক এক জনের উপর এক এক অঙ্কের ভার। ধরুন, কথাসাহিত্যের সিম্পোজিয়মে একজন বলবেন ছোটগল্প সঙ্ক্ষে, আরেকজন ছোটগল্পের আঙ্গিক সঙ্ক্ষে, একজন বলবেন উপন্যাস সঙ্ক্ষে, একজন উপন্যাসের আঙ্গিক সঙ্ক্ষে, শেষের জন বলবেন পূর্ববঙ্গের কথাসাহিত্য সঙ্ক্ষে সমগ্রভাবে। এখানে বলে রাখি আমরা পূর্ব পাকিস্তান থেকে প্রত্যেক বিভাগে একজন করে বিশিষ্ট সাহিত্যিক আনিয়েছিলুম, তার বেশি আমাদের অর্থসামর্থ্যে কুলোয়নি। শিশুসাহিত্য বিভাগে পূর্ব পাকিস্তানের স্থান শূন্য থেকে যায়।

সিম্পোজিয়মের পরে আলোচনার জন্তে সময় বরাদ্দ করা হয়েছিল। এর জন্তেও কয়েকজনকে বিশেষভাবে বলে রাখা হয়েছিল, যাতে তারা প্রস্তুত হয়ে আসেন। হঠাৎ উঠে কেউ কিছু বলতে চাইবেন তার জন্তে আমরা ফাঁক রাখিনি। দু'ঘণ্টা আড়াই ঘণ্টায় পাঁচজনের সিম্পোজিয়ম ও পাঁচ ছয়জনের আলোচনা অতি কষ্টে আঁটে। তার উপর আত্মায়কের উপক্রমণিকা তো আছেই। সভার কাজ চালাবার জন্তে স্থানীয় এক একজন সাহিত্যিককে এক একটি বিভাগের সভাপতি করা হয়েছিল। ইংরেজীতে যাকে চেয়ারম্যান বলে সেই অর্থে। সভার শেষে তিনি দু'চার কথা বলে উপসংহার করেন। এ ঠিক সভাপতির অভিভাষণ নয়। এ হল আলোচনার উপর যবনিকাপাত।

এবার বলি কেন গত পাঁচ বছরের বাংলা সাহিত্য।

গোড়া থেকেই আমাদের উদ্দেশ্য ছিল পূর্ব পশ্চিমের সাহিত্যিকদের এক জায়গায় মেলানো। কিন্তু ঠিক এই জিনিসটিকে পূর্ব পাকিস্তানের

অনেকে সন্দেহের চোখে দেখেন। সংশয়ীদের এত দূর থেকে সমঝানো শক্ত যে আমরা তাঁদের ঘরোয়া ব্যাপারে হাত দিতে চাইনে। আমরা শুধু চাই পূর্ব পশ্চিমের সেতুবন্ধন। ছাড়পত্র প্রবর্তনের দরুন যে যোগাযোগ ছিন্ন হতে বসেছে আমরা চাই তাকে অল্প উপায়ে জোড়া দিতে। এখান থেকে চৌচিয়ে বললে কেউ ওখানে গুনতে পাবে না। সন্দেহ না মিটলে আমাদের আমন্ত্রণে যারা সাড়া দেবেন তাঁরা ছাড়পত্র পাবেন না। আমাদের উদ্দেশ্য ব্যর্থ হবে।

সেইজন্তে আমরা আমাদের আলাপ-আলোচনাকে এমন ভাবে সীমাবদ্ধ করে দিলুম যে কারো কোনো সংশয়ের হেতু থাকবে না। এটা একটা ইন্টার-জ্ঞানাল কনফারেন্স ও এর কর্মসূচী উভয় প্রান্তের পঞ্চবার্ষিক সাহিত্য প্রগতি। এখানে কী হয়েছে তার হিসাবনিকাশ তাঁরা গুনেন যাবেন। ওখানে কী হয়েছে তার হিসাবনিকাশ আমরা গুনব। এই ভাবে বাংলা সাহিত্যের দুই বিচ্ছিন্ন ধারা সংযুক্ত হবে। দক্ষিণ পদের সঙ্গে বাম পদ সংগতি রক্ষা করবে। প্রগতি হবে উভয়ের ছন্দোবদ্ধ প্রগতি। বাংলা সাহিত্য বহু শতাব্দী কাল একই সাহিত্য বলে পরিচিত। তার একটাই ইতিহাস। আমাদের প্রচেষ্টা যদি সফল হয় তবে গত পাঁচ বছরের রাজনৈতিক ইতিহাস দুই হলেও সাহিত্যিক ইতিহাস একটাই থাকবে। বাংলা দেশ অবিভাজ্য না হলেও বাংলা সাহিত্য অবিভাজ্য হবে।

কাজ করতে করতে দেখা গেল শান্তিনিকেতনের জলহাওয়া জয়ী হয়েছে। বাংলার দুই প্রান্তের সাহিত্যিক ঘেই একত্র হলেন অমনি তাঁদের মধ্যে ভালোবাসার ঝড় বয়ে গেল। ‘ঘরের হয়ে পরের মতন ভাই ছেড়ে ভাই ক’দিন থাকে।’ শান্তিনিকেতনের লোক ভিড় করে এল পাঁচটি পূর্ব পাকিস্তানীকে স্বাগত জানাতে, আদর আপ্যায়ন করতে। তাঁদের কথা গুনতে। তাঁরাও অবাক! আমরাও অবাক। এতটা আমরা প্রত্যাশা করিনি। তখন বসন্ত উৎসব চলছে। তারা উৎসবে যোগ দিলেন।

আর্ট

হৃদয়ের ঐক্যটাই আসল ঐক্য। হৃদয়ের ঐক্য নানা ছলে বাক্ত
হল। মেলায় বাইরে সামাজিকতার আয়োজন ছিল। কফি পাটি
চলল অনেক রাত तक। গুমানী দেওয়ান ও লছোদর চক্রবর্তীর কবিগান
এবং নবনী দাসের বাউল সংগীতের দ্বারা অহুষ্ঠান সর্বাঙ্গীণ হয়।

বৈশাখ, ১৩৬০

শান্তিনিকেতন

অন্নদাশঙ্কর রায়

প্রতিবেদন

সাহিত্যসম্মেলনের রেওয়াজ এদেশে নতুন নয়, তার উদ্দেশ্য ও কাৰ্যক্রম সাধারণক্ষেত্রে আনুষ্ঠানিকতার ছকে বাধা। শাস্ত্রনিকেন্তন সাহিত্য-মেলায় সে-গতাত্মগতিকতার নিছক জের টানা হয় নি; এ-অনুষ্ঠানের পরিকল্পনায় বৈশিষ্ট্য ছিল। সম্মেলনের লৌকিকতা নয়, মেলার আনুষ্ঠানিকতাটি ছিল তার লক্ষ্য। উদ্যোক্তারা রবীন্দ্রনাথের এ-উক্তির তাৎপর্য বিশেষভাবে অনুভব করেছিলেন: “সাহিত্য শব্দের মধ্যে একটি মিলনের ভাব দেখিতে পাওয়া যায়। যে-দেশে সাহিত্যের অভাব, সে-দেশের লোক পরস্পর সজীব বন্ধনে সংযুক্ত নহে—তাহারা বিচ্ছিন্ন।” বস্তুত এই উক্তিটিই ছিল সাহিত্যমেলায় উদ্দেশ্যলিপি। সাহিত্যই ছিল একমাত্র আলোচনার বিষয়, সাহিত্যের সঙ্গে সংশ্লিষ্ট দর্শন বিজ্ঞান প্রভৃতি নয়। চেষ্টা করা হয়েছিল আলোচনা যেন নির্বিশেষ উক্তির অস্পষ্টতা এড়িয়ে তথ্যের উপর প্রতিষ্ঠিত হয়। মেলা-সমিতির তরফ থেকে বাংলাদেশের প্রায় সমস্ত প্রতিষ্ঠাবান সাহিত্যিককেই দলমতনির্বিশেষে আমন্ত্রণ জানানো হয়েছিল। তাঁদের সকলের পক্ষে যোগদান করা সম্ভব না হলেও পশ্চিম ও পূর্ব বাংলার প্রায় পঞ্চাশজন স্বনামখ্যাত লেখক এই মেলায় যোগদান করেন। আলোচ্য সাহিত্যের কালসীমা নির্ধারিত ক’রে দেওয়া হয় স্বাধীনতাপ্রাপ্তির সময় থেকে এখন পর্যন্ত পাঁচ বছর। এই সময়ে পশ্চিম ও পূর্ব বাংলায় যে সাহিত্য সৃষ্টি হয়েছে তাকে বিষয় হিসাবে পাঁচ ভাগে ভাগ করা হয়, যথা: লোকসাহিত্য (এই বিশেষ শাখার আলোচনা

অবশ্য পাঁচ বছরের কালসীমায় আবদ্ধ রাখা সম্ভব হয় নি), শিশুসাহিত্য, কাব্য ও নাট্য-সাহিত্য, কথাসাহিত্য, প্রবন্ধসাহিত্য। প্রতিটি বিষয়ে পশ্চিম ও পূর্ববঙ্গে প্রকাশিত সাহিত্যের বিবরণ উপস্থিত করা হয় এবং বিভিন্ন দিক থেকে তার আলোচনা ও মূল্য-বচার করা হয়। বলা বাহুল্য, উদ্দেশ্যের দিক থেকে অল্পসংখ্যক ছিল একাঙ্কই পরীক্ষামূলক।

১৫ই থেকে ১৭ই ফাল্গুন, ১৩৫২, এই তিনদিন ধরে মেলার অস্থগান চলে। শাস্তিনিকেতনের কর্মী, ছাত্রছাত্রী ও অধিবাসীদের নিয়ে গঠিত একটি কাৰ্যনিবাহক সমিতি এই মেলার আয়োজন করেন। আনুষ্ঠানিক বায়-নিবাহের জগ্বে অর্থসংগ্ৰহ করা হয়েছিল সাহিত্যাঙ্গুরাগী ব্যক্তিদের (প্রধানতঃ স্থানীয় অধিবাসীদের) কাছে চাঁদা তুলে। বিশ্বভারতী কতৃপক্ষের স্বাক্ষরিত আনুষ্ঠান-লাভের ফলেই মেলা-সমিতির পক্ষে তাদের এই গুরুদায়িত্ব বহন করা সম্ভব হয়। অধিবেশন হয়েছিল সর্বমমেত পাঁচটি, উল্লিখিত পাচটি বিষয়ে। উদ্বোধনকরা এতদন্তরিত্ত একটি ঘরোয়া আলোচনা বৈঠকের—যাকে বলে কনভার্সাৎসিয়োনে—আয়োজন করতে চেয়েছিলেন, সময়ভাবে তা সম্ভব হয়নি।

মেলার উদ্বোধন হয় ১৫ই ফাল্গুন সন্ধ্যায়। অস্থগান শুরু করা হয় 'সবারে করি আহ্বান' গানটি দিয়ে। মেলা-সমিতির সাধারণ সভাপতি শ্ৰীঅন্নদাশঙ্কর রায় তাঁর প্রারম্ভ-ভাষণে মেলার উদ্দেশ্য ব্যাখ্যা করে বলেন : "আমাদের উদ্দেশ্য প্রথমতঃ লেখকদের পরস্পরের মধ্যে মিলন ও সম্প্রীতি সাধন; দ্বিতীয়তঃ গত পাঁচ বছর বাংলাসাহিত্যের ক্ষেত্রে যে-সব পরিবর্তন বা পরিণতি দৃষ্টিগোচর হয়েছে তার আলোচনা ও হিসাবনিকাশ, যাকে বলা চলে stock-taking। বর্ধবিভাগের ফলে বাংলাসাহিত্য দুইটি স্বতন্ত্র ধারায় বিভক্ত হয়ে গেছে। তার এক ধারা প্রবাহিত হচ্ছে পূর্ববঙ্গে, আর-এক ধারা পশ্চিমবঙ্গে। এই দুই ধারারই দিক নির্ণয় করবার জগ্বে আজ এই রকম একটি মেলা আহ্বানের প্রয়োজন হয়েছে।" বিশেষভাবে

তিনি স্বাগত অভিবাদন জানান পূর্ববঙ্গ থেকে অভ্যাগত অতিথিবৃন্দকে।
 মেলার উদ্বোধন করেন উপদেশকমণ্ডলীর প্রধান শ্রীরথীন্দ্রনাথ ঠাকুর।
 উদ্বোধনপ্রসঙ্গে তিনি বলেন: “স্থানীয় ছাত্রছাত্রী ও আশ্রমবাসীদের এই
 শুভ প্রচেষ্টার মূলে প্রেরণা জুগিয়েছে শান্তিনিকেতনেরই সাংস্কৃতিক ঐতিহ্য।
 এ ঐতিহ্য মিলন ও প্রীতির ঐতিহ্য। বিরোধের নয়। এই কারণে এঁরা
 প্রচলিত রীতির অহুর্ভবনে সাহিত্যসভা না ডেকে ডেকেছেন এই সাহিত্য-
 মেলা। এখানে সকলেরই সাদর আহ্বান, বিভেদের কোনো স্থান নেই।
 উদ্বোধনীদের তাই আমি আন্তরিকভাবে অভিনন্দিত না ক’রে পারিনি।”

রথীন্দ্রনাথের ভাষণের শেষাংশ ছিল বিশেষ গুরুত্বপূর্ণ: “গত পাঁচ বছরে
 বাংলা দেশের রাষ্ট্রনৈতিক জীবনে অনেক পরিবর্তন এসেছে। নানা বিষয়ে
 আমরা স্বাতন্ত্র্যলাভ করেছি। সামাজিক মূল্যবোধের ক্ষেত্রে অনেক
 ডাঙাগড়ার সম্মুখীন হয়েছি। সাহিত্যেও এই হাওয়া-বদলের স্বর
 অনেকখানি প্রতিফলিত হয়েছে। উদ্বোধনারা অহুর্ভব করেছেন, এই
 সঙ্কল্পের সাহিত্যপ্রচেষ্টার একটা হিসাবনিকাশ নেওয়া দরকার। এই
 পাঁচ বছরে বাংলা সাহিত্যের বিভিন্ন শাখায় উল্লেখযোগ্য কাজ কতটুকু
 হয়েছে, আমাদের কবি-কথাসাহিত্যিক-নাট্যকার-প্রবন্ধকারেরা কি ধরনের
 সমস্যার সম্মুখীন হয়েছেন ও কতখানি এগিয়েছেন, এ সম্বন্ধে তাঁরাই এই
 সাহিত্যমেলায় তাঁদের মতামত পেশ করবেন, আলোচনা ও ভাষণের মধ্য
 দিয়ে। লোকসাহিত্যকেও এই মেলার সম্মানে স্থান দেওয়া হয়েছে।
 সাহিত্যিকেরা যেমন এই মেলামেশার মধ্য দিয়ে তাঁদের পারম্পরিক ঐক্য
 ও প্রীতির সম্পর্ক নিবিড়তর ক’রে তোলার সুযোগ পাবেন, সাহিত্য-
 পাঠকেরাও তেমন সাহিত্য-প্রচেষ্টার সান্নিধ্য লাভ করে আনন্দিত হবেন।
 এই মেলার ভিতর দিয়ে সাহিত্য-প্রেমিকদের হৃদয়ে-হৃদয়ে যে সেতুবন্ধন
 সত্ত্ব হবে, অল্প কোনো উপায়ে তা চূঃসাধ্য। এই মিলনের ভাবটিই তো
 সাহিত্যের মূলকথা।...

কারো

“সাহিত্যিক সমাজ-নিরপেক্ষ নন। সামাজিক বন্ধনই তাঁর সৃষ্টির উপজীব্য ও প্রেরণাস্থল। যে কোনো মেলাই এই সমাজ-জীবনের স্বীকৃতি। সাহিত্যমেলাও তেমনি। সাহিত্যিকের ধর্ম হল জীবনে জীবন যোগ করা। সাহিত্যমেলা সেই মহৎ সামাজিক আদর্শেরই অঙ্গীকার। এখানে এসে সাহিত্যশিল্পী আর নিঃসঙ্গ নন, একক নন,—এখানে তিনি আমাদের আপনজন। আপনজনের অভ্যর্থনায় হয়তো উন্মোক্তাদের দৈন্ত প্রকাশ পেয়েছে, আশা করি এ দৈন্ত আপনারা ক্ষমার চোখে দেখবেন।...

“এখানে আমরা যারা উপস্থিত আছি সকলেই ভালোবাসি বাংলা ভাষাকে। এই বাংলাভাষা ও সাহিত্য আমাদের অন্তরের সামগ্রী। আমরা সকলেই তার নিরন্তর শ্রীবৃদ্ধি কামনা করি। এই সাহিত্যমেলায় সেই শুভেচ্ছাই আমরা প্রকাশ করতে এসেছি। সেই সঙ্গে স্মরণ করছি পূজনীয় পিতৃদেবকে, যিনি অল্পভব করেছিলেন এই বাংলা ভাষার অমিত শক্তি, প্রাণ দিয়ে তাকে ভালোবেসেছিলেন। বহুদিন আগে এই কথাই তিনি লিখেছিলেন :

বাঙালির ঐক্যের মূলস্থলটি কী? আমরা এক ভাষায় কথা কই। আমরা দেশের এক প্রান্তে যে-বেদনা অল্পভব করি, ভাষার দ্বারা দেশের অপর সীমান্তে তাহা সঞ্চার করিয়া দিতে পারি। রাজা তাঁহার সমস্ত সৈন্যদল খাড়া করিয়া তাঁহার রাজদণ্ডের সমস্ত বিভীষিকা উদ্ভূত করিয়াও ইহা পারেন না। শত বৎসর পূর্বে আমাদের পূর্বপুরুষ যে গান গাহিয়া গিয়াছেন, শত বৎসর পরেও সেই গান বাঙালির কণ্ঠ হইতে উৎপাটিত করিতে পারে, এত বড়ো তরবারি কোনো রাজ্যশালায় আজো শানিত হয় নাই। এ শক্তি ভিক্ষালব্ধ নহে। এই চিরন্তন শক্তিযোগে সমস্ত দূরত্ব লঙ্ঘন করিয়া অপরিস্রবের সমস্ত বাধা ভেদ করিয়া আজ এই

ভেরো

সভাতলে, বর্তমান ও ভবিষ্যতের, আগত ও অনাগতের, সমস্ত
বাঙালিকে আপন উদ্দেশ্য হৃদয়ের সম্ভাষণ জানাইবার অধিকারী
হইয়াছি ॥

রবীন্দ্রনাথেরই ভাষায় স্বাগত সম্ভাষণ জানাই সাহিত্য-মেলায় সমাগত
মাননীয় অতিথিবৃন্দকে । তাঁদের শুভাগমন সার্থক হোক ।”

উদ্বোধনের অব্যবহিত পরেই আরম্ভ হয় লোকসাহিত্যের অধিবেশনটি ।
প্রত্যেকটি অধিবেশনেই বিভাগীয় আস্থায়ক তাঁর প্রারম্ভভাষণের মধ্য দিবে
আলোচনার সৃষ্টি পরিবেশ দেন । এই অধিবেশনের পর সভামণ্ডপে রাত
দশটা থেকে মধ্য রাত্রি পর্যন্ত জনাব স্ত্রীমানী দেওয়ান ও শ্রীলঙ্কাদের চক্রবর্তী
কবিগান বিশেষ উপভোগ্য হয়েছিল ।

পরদিন ১৬ই ফাল্গুন ছিল দোলপূর্ণিমা, এ উপলক্ষে সকালে আশ্রমের
বসন্তোৎসব অনুষ্ঠিত হয় । সাহিত্যমেলার শিশুসাহিত্য শাখার বৈঠকটি
বসে অপরাহ্ন দুটোয় । আশ্রমবাসী শিশুদের একটি গান দিবে এই
অধিবেশন শুরু হয় । শ্রীদক্ষিণারঞ্জন মিত্রমজুমদার প্রেরিত দীর্ঘ আশীর্ভাষণও
পঠিত হয় । এদিন অনুষ্ঠান শেষে শ্রীশ্রী লীলা রায়ের বাড়িতে অভ্যাগত
সাহিত্যিকদের চা-পাটিতে আপ্যায়িত করা হয় ; সেখানে শ্রীনবনী দাসের
বাউল গানেরও আয়োজন ছিল । সন্ধ্যায় বসন্তোৎসব উপলক্ষে আশ্রম-
বাসীরা গৌরপ্রাঙ্গণে ‘চিত্রাঙ্গদা’ অভিনয় করেন । পূর্ণিমা রাত্রে ‘প্রাক্তনীর
ছাদে সাহিত্যিকদের একটি কফি-পাটিতে নিমন্ত্রণ করা হয়, সেখানে অনেক
রাত পর্যন্ত আলাপ, গান ও কবিতাপাঠ হয় । উপস্থিত কবিদের অনেকেই
—শ্রীশ্রীভাষ মুখোপাধ্যায়, শ্রীহরপ্রসাদ মিত্র, শ্রীদিনেশ দাস, শ্রীনরেশ গুহ,
শ্রীশ্যামসুন্দর রাহমান, শ্রীঅন্নদাশঙ্কর রায় প্রভৃতি—সেখানে স্বরচিত কবিতা
পাঠ করে শোনান । সেদিনকার গানের মধ্যে নজরুলবন্ধু ডাঃ কাজী
মোতাহার হোসেনের গাওয়া নজরুলগীতি মনে রাখবার মতো ।

১৭ই ফাল্গুন তিনটি অধিবেশন বসে । সাহিত্য-মেলা উপলক্ষে বিশ্ব-

চৌদ্ধ

ভারতীর কৰ্তৃপক্ষ সেদিন বিশ্ববিদ্যালয়ের ছুটির ব্যবস্থা করেন। সকালে ছিল কাব্য ও নাট্যসাহিত্যের বৈঠক। আস্থায়কের ভাষণের পরই প্রবীণ কবি শ্রীযতীন্দ্রনাথ সেনগুপ্ত স্বরচিত একটি কবিতা পাঠ করে শোনান। তাঁর পড়বার বিশিষ্ট ভঙ্গীটি উপস্থিত সকলকেই মুগ্ধ করেছিল :

...আমরা যাহারা কাব্য লিখি

তোমাদের কমা ঘেন পাই।

আমরা চালের দর জানি ;

উদর হৃদয়াধিক মানি ;

আমরাও চেষ্টা করি ভাই

অল্প পথে মীমাংসিতে

এ বিশ্বের অল্প সমস্তাই ;—

কমা মাগি ভাই ॥

অপরাহ্নে কথাসাহিত্যের অধিবেশন হয়।

সন্ধ্যার অধিবেশনে আলোচনার বিষয় ছিল প্রবন্ধ-সাহিত্য। এটি ছিল মেলার সর্বশেষ অধিবেশন। শ্রীঅন্নদাশঙ্কর রায় তাঁর শেষ ভাষণে বলেন : “সাহিত্যক্ষেত্রে বাঙালী বিভেদ ভুলে এক হয়ে মিলতে পারবে এ আশ্বাস এই সাহিত্য-মেলা থেকে পাওয়া গেল। এই মেলাটির মধ্য দিয়ে সেই মেলামেশার পথই প্রশস্ত হল।”

যে মিলন ও সম্প্রীতির সুরে মেলা আরম্ভ হয়েছিল, সেই সুরেই তা শেষ হয়।

সাহিত্যমেলার সব অধিবেশনগুলিই অল্পস্থিত হয়েছিল সংগীতভবনের নবনির্মিত মঞ্চে। অতিথিরা ছিলেন প্রাক্তন ছাত্রদের আবাস ‘প্রাক্তনী’তে, বিচারপতি শ্রীব্রজকান্ত গুহর ভবনে ও আশ্রমের বিভিন্ন গৃহস্থের বাড়িতে। তিনদিনের জন্তে একত্র অবস্থান ও আহারবিহারের ফলে তাঁদের পরস্পরের মধ্যে চেনাশোনার যথেষ্ট স্বযোগ ঘটে, যা অন্তর্জ হৃৎকণ্ঠ। অভ্যাগত

পনেরো

সাহিত্যিকবৃন্দ ও আশ্রমবাসীদের মধ্যেও একটি মধুর প্রীতিসম্পর্ক স্থাপিত হয়। শান্তিনিকেতনের পরিবেশ এবং কর্মিবৃন্দ ও ছাত্রছাত্রীদের আতিথেয়তার বারংবার প্রশংসা করে অতিথিরা বিদায়-গ্রহণ করেন। বিদায়ের পূর্বে কবি শ্রীযতীন্দ্রনাথ সেনগুপ্ত তাঁর শেকস্পিয়র-অনুবাদের খসড়া একটি ঘরোয়া বৈঠকে পড়ে শোনান।

নিমন্ত্রিতদের মধ্যে যারা শেষ পর্যন্ত নানা কারণে আসতে না পেরে শুভেচ্ছা জ্ঞাপন করেন তাঁদের মধ্যে এঁরাও ছিলেন : ডাঃ মহম্মদ শহীদুল্লাহ, আবুল কালাম শামসুদ্দীন, জলীম উদ্দীন, আবুল ফজল, মোতাহের হোসেন চৌধুরী (ঢাকার নন, চট্টগ্রামের), শাহেদ আলী, বেগম শামসুন নাহার, আশরাফ সিদ্দিকি, মোফাজ্জল হায়দার চৌধুরী, তারশঙ্কর বন্দ্যোপাধ্যায়, জীবনানন্দ দাশ, বিষ্ণু দে, বিভূতিভূষণ মুখোপাধ্যায়, প্রমথনাথ বিশী, মন্মথ রায়, ডাঃ শশিভূষণ দাশগুপ্ত, “বনফুল”, শিবরাম চক্রবর্তী, শিবনারায়ণ রায়, শঙ্কু মিত্র, তপনমোহন চট্টোপাধ্যায়, কামাক্ষীপ্রসাদ চট্টোপাধ্যায়, নরেন্দ্রনাথ মিত্র, মণীন্দ্রলাল বসু, মৈত্রেয়ী দেবী, চপলাকান্ত ভট্টাচার্য, মনোজ বসু, কানাই সামন্ত, গোপাল ভৌমিক, নারায়ণ চৌধুরী। এ ছাড়া শুভেচ্ছা পাঠিয়েছিলেন ঢাকার পাকিস্তান সাহিত্য সংসদ, ঢাকা ও শ্রীহট্টের “নও বেলাল”, কলকাতার প্রগতি লেখক ও শিল্পী সংঘ এবং শিশু-সাহিত্য পরিষদ ইত্যাদি প্রতিষ্ঠানও। এঁদের মধ্যে অনেকে অল্পপস্থিত থেকেও সক্রিয় সহযোগিতা করেছিলেন। উদ্যোগ পর্বে মেলাসমিতিকে বিশেষভাবে উপকৃত করেন পূর্ববঙ্গের বিশিষ্ট সংবাদপত্রগুলি।

বলা বাহুল্য আশ্রমবাসীদের অর্থানুকূল্য ও অরূপণ সহায়তা ব্যতীত এ অনুষ্ঠান সূচুভাবে সম্পন্ন হতে পারত না। বিশ্বভারতীর উপাচার্য শ্রীযতীন্দ্রনাথ ঠাকুর, কর্মসচিব শ্রীনিশিকান্ত সেন, শ্রীব্রজকান্ত গুহ, শ্রীনরেন্দ্রনাথ চৌধুরী ও শান্তিনিকেতন আশ্রমিক সংঘের অর্থানুকূল্য বিশেষভাবে অমূল্য। পরিকল্পনার স্বচনা থেকেই উদ্যোক্তাদের বিশেষভাবে উৎসাহ দান করেন

ঘোলো

শিল্পাচার্য নন্দলাল বসু, আচার্য ক্ষিতিমোহন সেন ও শ্রীযুক্তা ইন্দিরা দেবী
চৌধুরানী। মণ্ডপসজ্জা, যানবাহন-ব্যবস্থা, স্বেচ্ছাসেবক-ব্যবস্থা প্রভৃতি ব্যাপারে
যাঁরা সাহায্য করেছেন তাঁদের কাছেও মেলা-সমিতি কৃতজ্ঞ।

শ্রাবণ, ১৩৬০

কলিকাতা

নিমাই চট্টোপাধ্যায়

শান্তিনিকেতন সাহিত্যমেলা

সবিচয়

আলাপ আলোচনার বিষয়	বিভাগোত্তর বাংলাসাহিত্য
আলাপী ও আলোচক	পূর্ববঙ্গের ও পশ্চিমবঙ্গের সাহিত্যিকগণ
স্থান	শান্তিনিকেতন বিশ্বভারতীর সংগীতভবন মঞ্চ
কাল	১৫ই, ১৬ই ও ১৭ই ফাল্গুন ১৩৫২
উদ্বোধন	১৫ই ফাল্গুন সন্ধ্যা
উদ্বোধক	রথীন্দ্রনাথ ঠাকুর

লোকসাহিত্য অধিবেশন : ১৫ই ফাল্গুন সন্ধ্যা

সভাপতি : প্রবোধচন্দ্র বাগচী

আহ্বায়ক : অমিয়কুমার সেন

যোগদাতা : মুহম্মদ মনসুরউদ্দীন, আশুতোষ ভট্টাচার্য,
শান্তিদেব ঘোষ, গুমানী দেওয়ান, বীণা দে,
পঞ্চানন মণ্ডল, কুঞ্জবিহারী দাশ

কবিগান : ১৫ই ফাল্গুন রাত্রি : গুমানী দেওয়ান ও লম্বোদর
চক্রবর্তী

শিশুসাহিত্য অধিবেশন : ১৬ই ফাল্গুন অপরাহ্ন

সভানেত্রী : ইন্দিরা দেবী চৌধুরানী

আহ্বায়ক : প্রভাতমোহন বন্দ্যোপাধ্যায়

আঠারো

যোগদাতা : লীলা মজুমদার, নরেন্দ্র দেব, চিত্তরঞ্জন দেব

চা পার্টি : ১৬ই ফাল্গুন অপরাহ্ন : অন্নদাশঙ্কর ও লীলা
রায়ে়র গৃহে

বাউল সংগীত : নবনী বাউল ও পূর্ণ বাউল : ঐ সময় ঐ গৃহে
কফি পার্টি : ঐ রাত্রি একটা পযন্ত প্রাক্তননী গৃহে

কাব্যনাটক অধিবেশন : ১৭ই ফাল্গুন সকাল

সভাপতি : প্রবোধচন্দ্র সেন

আহ্বায়ক : অশোক বিজয় রাহা

প্রদান অতিথি : যতীন্দ্রনাথ সেনগুপ্ত

যোগদাতা : রাধারানী দেবী, অজিত দত্ত, শামসুর রাহমান,
সুভাষ মুখোপাধ্যায়, বুদ্ধদেব বসু, নরেশ গুহ,
দিনেশ দাস, তুলসী লাহিড়ী, শচীন সেনগুপ্ত

উপগ্রাম ও ছোটগল্প অধিবেশন: ১৭ই ফাল্গুন বিকাল

সভাপতি : অন্নদাশঙ্কর রায়

আহ্বায়ক : হীরেন্দ্রনাথ দত্ত

যোগদাতা : প্রতিভা বসু, হরপ্রসাদ মিত্র, আশাপূর্ণা দেবী, বাণী
রায়, নারায়ণ গঙ্গোপাধ্যায়, কাজী মোতাহার
হোসেন, জগদীশ ভট্টাচার্য

প্রবন্ধ ও রম্যরচনা অধিবেশন : ১৭ই ফাল্গুন সন্ধ্যা

সভাপতি : কাজী আবদুল ওদুদ

আহ্বায়ক : সুনীলচন্দ্র সরকার

যোগদাতা : বিমলাপ্রসাদ মুখোপাধ্যায়, গোপাল হালদার,
কাজী মোতাহার হোসেন, প্রবোধচন্দ্র সেন,
প্রভাতকুমার মুখোপাধ্যায়, অল্লান দত্ত

সমাপন : অন্নদাশঙ্কর রায়

কর্মকর্তা সমিতি

সভাপতি : অন্নদাশঙ্কর রায়

সাধারণ সম্পাদক : ক্ষিতীশ রায়

কোষাধ্যক্ষ : ক্ষিতীশ রায় : তাঁর স্থলে স্বকুমার বহু

যুক্ত সম্পাদক : গৌরী দত্ত ও নিমাই চট্টোপাধ্যায়

অপর সদস্য : লীলা রায় ও লীলা মজুমদার

ঠিকানা

ক্ষিতীশ রায়, সাধারণ সম্পাদক, সাহিত্যমেলা, শান্তিনিকেতন

সূচী

লোকসাহিত্য

আমিয়কুমার সেন	সূত্রপাত : লোকসাহিত্য	১
মুহম্মদ মনসুরউদ্দীন	লোকসাহিত্য ও পারম্পরিক সমঝোতা	৫
আশুতোষ ভট্টাচার্য	বাংলার লোকসাহিত্যে উপজাতির প্রভাব	১০
শাহিন্দেব ঘোষ	লোকসংগীত প্রসঙ্গ	২৪
গুমানী দেওয়ান	কাবিগান	৩০ *
বীণা দে	ভাঙ্ ও পটের গান	৩৪
পঞ্চানন মণ্ডল	লোকসাহিত্যের ত্রিধারা	৪৩
কুঞ্জবিহারী দাশ	বাংলা ও গুড়িয়া পল্লীসাহিত্যের ঐক্য	
প্রবোধচন্দ্র বাগচী	ভাষণ : লোকসাহিত্য	৬১ *

শিশুসাহিত্য

প্রভাতমোহন বন্দ্যোপাধ্যায়	সূত্রপাত : শিশুসাহিত্যের সূচনা	৬৫
লীলা মজুমদার	শিশুসাহিত্যের বিষয়বস্তু	৬৮
নরেন্দ্র দেব	চলতি পাঁচ বছরের শিশুসাহিত্য	৭৫
চিন্তরঞ্জন দেব	সাহিত্যে শিশুর সৃষ্টি	৮৪
ইন্দিরা দেবী চৌধুরানী	ভাষণ : শিশুসাহিত্য	৯৫ *

* অনুলিখিত

কাব্য-ও নাট্যসাহিত্য

অশোকবিজয় রাহা	সূত্রপাত : কাব্য ও নাটক ৯৯
রাধারাণী দেবী	অতি সাম্প্রতিক কাব্যসাহিত্য ১০২
অজিত দত্ত	সমসাময়িক কবিতা ১০৮
শামসুর রাহমান	পূর্ব বাঙলার সাম্প্রতিক কবিতা ১১২
শুভাষ মুখোপাধ্যায়	পাঁচ বছরের কবিতা ১২৩
বৃন্দাবন বসু	কী লিপিব ১৩৭ *
নরেশ গুপ্ত	সাম্প্রতিকের স্বাক্ষর ১৫০ *
দীনেশ দাস	ক্রান্তিকালের কাব্যতা ১১২ *
তুলসী লাহিড়ী	নাটক ও মঞ্চের পাঁচ বছর ১৭৪
শচীন সেনগুপ্ত	বাংলা নাটক ১৫০
প্রবোধচন্দ্র সেন	ভাষণ : কাব্য ও নাটক ১৬৭ *

কথাসাহিত্য

হীরেন্দ্রনাথ দত্ত	সূত্রপাত : কথাসাহিত্য ১৭১ *
প্রতিভা বসু	পাঁচ বছরের গল্প-উপন্যাস : বিময়বস্তু ১৭৩
হরপ্রসাদ মিত্র	বর্তমান কথাসাহিত্যের প্রকৃতি ১৭৮
আশাপূর্ণা দেবী	ছোট গল্প কোন পথে ১৮০
বাণী রায়	কথাসাহিত্যিকের সঙ্কলনী দৃষ্টি ১৮৫ *
নারায়ণ গঙ্গোপাধ্যায়	পাঁচ বছরের উপন্যাস : আনন্দিক ১৮৮
কাজী মোতাহার হোসেন	পূর্ববাংলার কথাসাহিত্য ১২৭
জগদীশ ভট্টাচার্য	কয়েকটি স্মরণীয় রচনা ২০৫ *
অন্নদাশঙ্কর রায়	ভাষণ : কথাসাহিত্য ২০৭ *

প্রবন্ধসাহিত্য

শুনীলচন্দ্র সরকার	স্বত্রপাত : প্রবন্ধ ২১৩
দিল্লীপ্রসাদ মুখোপাধ্যায়	পাঁচ বছরের রম্যরচনা ২১৮
গোপাল হালদার	পাঁচ বৎসরের প্রবন্ধ-সাহিত্য ২৩২
কাজী মোতাহার হোসেন	পূর্ব বাংলার সাম্প্রতিক প্রবন্ধ-সাহিত্য ২৪৩
প্রবোধচন্দ্র সেন	মনন ও আত্মবিশ্লেষণ ২৫৪ *
পদ্মাত্মকুমার মুখোপাধ্যায়	সাংস্কৃতিক ঐক্য ও অনুবাদ দার্শনিকতা ২৫৬ *
অম্লান দত্ত	প্রবন্ধে যুক্তিধর্মিতা ২৫৯ *
কাজী আবদুল শূদ্দ	ভাষণ : প্রবন্ধ-সাহিত্য ২৬১ *

लोकशास्त्र



লোকসাহিত্য

অমিয়কুমার সেন

আজকের দিনে আমরা যাকে লোকসাহিত্য আখ্যা দিই, প্রত্যেক দেশেই সেটাই প্রকৃতপক্ষে সাহিত্যসৃষ্টির আদিতম নিদর্শন। সর্বদেশে সাহিত্য লোকসাহিত্যরূপেই ভূমিষ্ঠ হয়, প্রাকৃতজনের ধাত্রীঘেই তার শৈশব কাটে। পরে কোনো শক্তিশালী কবি লোকসাহিত্যের খণ্ড ছিন্ন এবং বিক্ষিপ্ত অংশগুলিকে আপনার প্রতিভার জাদুস্পর্শে একটি পরিমার্জিত যোগস্বত্রের বন্ধনে বেঁধে দেন, সেটাই সাধুসাহিত্যের অমূল্য-যোগ্য আদর্শ বলে স্বীকৃত হয়। দেশে দেশে ব্যাস হোমার বাস্কীকিরা এই কাজ করেই আদিকবি বলে খ্যাত হয়েছেন। সুতরাং লোকসাহিত্যের আলোচনা দিয়ে সাহিত্যমেলার উদ্বোধন উপযুক্তই হয়েছে।

তা ছাড়া রবীন্দ্রনাথ-প্রতিষ্ঠিত এই বিশ্ববিদ্যালয়ে লোকসাহিত্যের আলোচনার বিশেষ একটি মূল্য আছে। আধুনিক কালে লোকসংস্কৃতির নানা শাখার প্রতি শিল্পস্রষ্টা ও শিল্পরসিকদের দৃষ্টি তিনিই আকর্ষণ করেছিলেন। তাঁর প্রবর্তনায় শুধু যে বাংলাদেশেই লোকসাহিত্য, লোকসংগীত এবং লোকশিল্পের পুনরত্মুখান ঘটেছিল তা নয়, বাংলার বাইরে ভারতবর্ষের অন্যান্য প্রদেশেও অমূল্য প্রচেষ্টার সূচনা হয়েছিল। লোকসাহিত্যের সৃষ্টি দেশের মাটিতে; দেশের জনসাধারণের ছোটখাট স্বখস্বঃখ, তাঁদের দৈনন্দিন জীবনের আনন্দবেদনার আলোখ্য এরই মধ্যে ধরা পড়ে। সাধুসাহিত্যের সাহিত্যমেলা—২

মধ্যে এক ধরনের কৃত্রিমতা আছে, দেশের মাটির সঙ্গে তার নাড়ির সম্পর্ক বহু ক্ষেত্রে সেই কৃত্রিমতার আবরণে ঢাকা পড়ে যায়। লোকসাহিত্যের জাগ্রার সে-কৃত্রিমতা থেকে মুক্ত। ইংরেজ-অধিকারের প্রথম যুগে পাশ্চাত্য সভ্যতার সংঘাতে আমাদের প্রাচীন সংস্কৃতি ও ঐতিহ্যের ভিত্তি যখন নড়ে উঠেছিল, তখন আমাদের স্বরূপটিকে একবার যাচাই করে নেবার প্রয়োজন হয়েছিল। সেই স্বরূপ-সন্ধানের প্রচেষ্টাতেই আবার নতুন করে আমাদের লোকসাহিত্য এবং লোকশিল্পগুলির প্রতি দৃষ্টি পড়ে; কারণ আমাদের পরিচয় সেখানে পূর্ণতর, আমাদের খাটি স্বরূপটি প্রকাশের অপেক্ষায় তার মধ্যে আত্মগোপন করেছিল। এই চেষ্টায় যারা ব্রতী হয়েছিলেন রবীন্দ্রনাথ ছিলেন তাঁদের পুরোধাগে। আধুনিক কালে রবীন্দ্রনাথের পূর্বেও লোকসাহিত্য সংগ্রহের প্রচেষ্টা হয়েছিল। ঈশ্বরচন্দ্র গুপ্ত এবং বঙ্কিমচন্দ্র চট্টোপাধ্যায়ের নাম এক্ষেত্রে উল্লেখযোগ্য। কিন্তু রবীন্দ্রনাথ শুধুমাত্র সংগ্রাহক ছিলেন না। প্রাচীন কালে ব্যাস হোমার বাস্তুকির মতো কাজ করেছিলেন রবীন্দ্রনাথ অল্প উপায়ে সে-কাজই করে গিয়েছেন। লোকসাহিত্যের সৌন্দর্যের প্রতি তিনি শুধু দৃষ্টি আকর্ষণ করেই ক্ষান্ত ছিলেন না। লৌকিক ছন্দকে তিনি সাধু-সাহিত্যের আসরে উন্নীত করেছেন, লোকসংগীতের স্বরকে মার্গসংগীতের সুরের সঙ্গে একাসনে এনে বসিয়েছেন, লোকদর্শনের সহজ তথ্যটির সঙ্গে উপনিষদের ঋষিদের সূক্ষ্ম তত্ত্বের একাত্মতা প্রকাশ করেছেন। লোকসাহিত্যের বিভিন্ন শাখা থেকে উপকরণ সংগ্রহ করে সাধুসাহিত্যকে এরকম করে সমৃদ্ধ করার উদাহরণ আর কোথাও আছে কিনা জানি না। আজকাল গণ-ঋতুস্থান গণ-সচেতনতা ইত্যাদির অভিমান সত্ত্বেও আমরা তাঁর প্রদর্শিত পথে তাঁর থেকে বেশি অগ্রসর হতে পারি নি। শাস্তিনিকেতনে লোক-সাহিত্যের আলোচনা যদি আমাদের এ-বিষয়ে সাহায্য করে তবে এই সাহিত্যমেলার উদ্দেশ্য সফল হবে। সাহিত্যমেলা নামটিরও এই বিশেষ উদ্দেশ্যের সঙ্গে সংগতি রয়েছে।

লোকসাহিত্য সাহিত্যসৃষ্টির আদিভিন্ন নিদর্শন। তবু লোকসাহিত্যের প্রগতি এবং সরসতার ইতিহাস সাধুসাহিত্যের চেয়ে অনেক বেশি ঘটনাবহুল; দেশের নাড়ির সঙ্গে তার যোগাযোগ ঘনিষ্ঠ বলেই লোকমানসের পরিবর্তন এবং দেশের অবস্থার পরিবর্তনের সঙ্গে সে তাল রেখে চলে। সাধুসাহিত্য বহু ক্ষেত্রেই সেখানে পশ্চাৎপদ হয়ে পড়ে। লোকসাহিত্যের কোন বিশেষ ধারাকে নিয়মাহুগ পদ্ধতির মধ্যে বেঁধেই তাকে সাধুসাহিত্যের আসরে উন্নীত করা হয়। কিন্তু কিছুকাল পরে সে পদ্ধতির বন্ধনে তার সরসতা যায় হারিয়ে, অল্পষ্টপ্, ত্রিষ্টুভ ছন্দের অগ্রসর গণ্ডীর মধ্যে হ্রস্ব-দীর্ঘ বর্ণের বিজ্ঞান মেনে তাকে সাবধানে পা ফেলে চলতে হয়। অলংকার এবং ভাষাপ্রয়োগের কাটা খালের খাত থেকে তার উচ্ছ্বাস উপচে পড়লে বৈয়াকরণরা হা হা করে ছুটে আসেন। তার ফলে দৈনন্দিন ভাষার থেকে সাহিত্যের ভাষা যায় আলাদা হয়ে, বান্দীকির দণ্ডকারণ্য বর্ণনার উপাদানগুলি বহু পরবর্তী সাহিত্যিকের রচনায় ভৌতিক ছায়া ফেলতে থাকে, কাব্যের সরসতা কাব্যরচনার বিধি-নিষেধের কাছে পদে পদে হার মানতে থাকে। কিন্তু লোকসাহিত্য এই সব সংস্কার থেকে মুক্ত। কৃত্রিম পদ্ধতির জটিলতার মধ্যে তার সরসতার অপমৃত্যু ঘটে না। ভারতচন্দ্রের রচনার সঙ্গে প্রায় সমকালীন ময়মনসিংহ-গীতিকার তুলনা করলে এ-কথার সত্যতা বোঝা যাবে। ভারতচন্দ্রের সময় স্বন্দরীর রূপবর্ণনার প্রাচীন উপাদানগুলির জোলুস প্রায় লুপ্ত হয়ে গিয়েছিল। তাই বিজ্ঞার স্বন্দর চোখগুলির সাদৃশ্য রাখতে গিয়ে পদ্যকে অনেক বিশেষণে ভূষিত হতে হয়েছে, তার খঞ্জন গমনের সঙ্গে একটি খঞ্জন আর তাল রাখতে পারে নি, শত শত খঞ্জন এসে জুটেছে। একটি কোকিলের কণ্ঠস্বরে বিজ্ঞার কণ্ঠের উপমা খুঁজে পাওয়া যায় নি, ঝাঁকে ঝাঁকে কোকিলের আমদানি করতে হয়েছে। অথচ মহাশয়ালুয়ার রূপবর্ণনায় বে-সরসতা তার তুলনা নেই—

চইন্ধেতে অপরাঞ্জিতা গায়ে চাম্পা ফুল।

কিংবা—

ভাত্র মাসের চাঁদনি যেমন দেখায় গাঙের তলা
বৃক্ষতলে গেলে কণ্ঠা বৃক্ষতল আলা।

অস্ব্যঙ্গ অপরাজিতা যেমন সহজে অভিজাত পদকে স্থানচ্যুত করেছে
তেমনি সহজেই লোকসাহিত্য আপনার সরসতা রক্ষা করেছে। লোক-
সাহিত্যের সংস্কারহীনতার একটিমাত্র পরিচয় দেব। বীরভূম থেকেই সংগৃহীত
একটি বাউল গানে আছে—

মন পড়গা ইস্থলে
নইলে কষ্ট পাবি শেষ কালে
আমার গোরচাঁদ হেডমাস্টার প্রেমের নদীয়ায়
আবার দয়াল গুরু নিত্যানন্দ ডেকে প্রেম বিলায়।

ইস্থল এবং হেডমাস্টাররূপ anachronism-এর পীড়ন সাধুসাহিত্যের পক্ষে
এত সহজে সহ্য করা সম্ভব ছিল না। লোকসাহিত্যের সংস্কারমুক্ত মন একে
সম্ভব করেছে। আধুনিক কালে আমরা যখন সাহিত্য এবং শিল্পে
সংস্কারমুক্তির বিশেষ চেষ্টা করছি তখন এই লোকসাহিত্যের কবিরা আমাদের
কাছে আদর্শস্থানীয় হতে পারেন। আজকের আলোচনায় যদি সে পথ
কিছুমাত্রও স্ফুটন হয় তবে আমাদের লোকসাহিত্যালোচনা সার্থক মনে
করব।

লোকসাহিত্য ও পারস্পরিক সমঝোতা

মুহম্মদ মনসুরউদ্দীন

জাতীয় আন্দোলনের প্রথম সোপান হল পারস্পরিক সহায়ত্ব। একথা রবীন্দ্রনাথ বুঝেছিলেন; আমাকে একবার বলেছিলেন, হিন্দুমুসলমানের ষথার্থ সমঝোতার জন্তে রাজনৈতিক মিলনভূমির চেয়ে অর্থনৈতিক ভিত্তিভূমির প্রয়োজনীয়তা বেশি এবং ত্রীনিকেতনে সে আদর্শ তিনি স্থাপন করেছেন যেখানে উভয় সমাজের লোক সহজ ও স্বাভাবিক ভাবে মিলতে পারে।

আজকের মাহুঘের জন্তে সবচেয়ে বড়ো প্রয়োজন সর্বজাতীয় সমঝোতার। মাহুঘে-মাহুঘে বোঝাপড়া যেমন প্রয়োজন, তার চেয়ে বহু গুণ বেশী প্রয়োজন ভেদমনি জাতিতে-জাতিতে বোঝাপড়া। এই আন্তর্জাতিক ঐক্যের সমস্তা থেকেই ইউরোপ-আমেরিকার নানা দেশে নানা ধরনের প্রতিষ্ঠান গড়ে উঠেছে। একথা সকলেই স্বীকার করছেন যে মাহুঘ আজ বিপন্ন, অসহায়। বিশ্বকে একনীড় করার জন্ত রবীন্দ্রনাথ গড়েছিলেন এই শান্তিনিকেতন এবং লোকশিল্প ও সংস্কৃতির কেন্দ্র ত্রীনিকেতন। অহরূপ প্রতিষ্ঠান আজ হুনিয়ার সর্বত্র প্রয়োজন। যেন দুর্ধোগের দিনে—সে-দুর্ধোগ অর্থনৈতিক, রাজনৈতিক বা আদর্শগত বাই হোক না কেন—মাহুঘ শুধু মাহুঘ এই পরিচয়ের দাবিতেই নির্ভয়ে সে-বন্দরে আশ্রয় নিতে পারে।

এই ঐক্যবোধই বিশ্বকুটুচিতার একমাত্র পথ। পৃথিবীর সকল দেশের লোকসাহিত্যের মধ্যেই এমন একটি বিশ্বব্যাপকতা আছে বা এই কুটুচিতার

বিশেষ সহায়ক। স্বাভাবিক ভাবে বস্তুধাকে কুটূষকরূপে অনুভব করা বিদগ্ধ ও নাগরিক মেজাজ-সম্পন্ন এলিয়টপন্থীদের পক্ষে সম্ভব নয়। তাঁদের সৃষ্ট সাহিত্য একদেশদর্শী। জীবন আজ জটিল বটে, তবু অন্তদিকে জীবন সরলও নিশ্চয়ই। লোকসাহিত্যে সেই সরলতারই অভিব্যক্তি লক্ষ্য করি।

রবীন্দ্রনাথ যে বলেছিলেন, লোকসাহিত্যে আমাদের দেশের যেমন অপূর্বতা তা আর কোথাও পাওয়া যায় না, সে কথা যথার্থ।

লোকসাহিত্যের নানা বিভাগ রয়েছে। প্রধানত দুই ভাগ করা যায়—গল্প ও পद्य। গদ্যের মধ্যে রূপকথা বা গ্রাম্য গল্প পড়ে। দক্ষিণারঞ্জনের সংগৃহীত মধুমাল্য কিংবা দীনেশচন্দ্রের সংগৃহীত কাজলরেখা। অল্প দেশের মধ্যে জার্মানির গ্রীম-ব্রাত্ত্বয়ের Fairy Tales সুবিখ্যাত উদাহরণ। পद्यের মধ্যে গান, গাথা, ছড়া, প্রবাদ, সমস্তা ইত্যাদি। লোকসাহিত্যের নানা বিভাগ মিলিয়ে যে বিজ্ঞান গড়ে ওঠে তাকে লোকবিজ্ঞান বলে—ইংরাজিতে Folklore।

যদিও বাংলাদেশের লোকসাহিত্য অতি উচ্চাঙ্গের এবং তার ভিতর দিয়ে বাঙালী জীবন অকপটভাবে ফুটে উঠেছে, তবু আজও তা আমাদের কাছে যোগ্য সমাদর পায় নি। এই সাহিত্যের পুনরুদ্ধার ও যথোচিত মূল্য নির্ধারণ করার জন্য পাকিস্তান ও ভারত উভয় রাষ্ট্রেই উৎসাহী তরুণ-তরুণীর যথেষ্ট অভাব। প্রাচ্যের কোনো দেশেই লোকবিজ্ঞান সম্পর্কে বিশেষ কোনো কাজ হয় নি। ইংলণ্ডের Folklore Society কিংবা Folk Song Society যে-বস্তুভার সংগ্রহ করেছেন, সমগ্র এশিয়ার কিংবা আফ্রিকার লোকসাহিত্যের মিলিত সংগ্রহ আজও তার পাশে দাঁড়াতেই পারে না। আমাদের মন এমন অকৌতূহলী ও অলস যে আমাদের ঘরের আশেপাশে যে লোকবিজ্ঞানের কত অসংখ্য মণি-মুক্তা ছড়ানো আছে তার কোনো সংবাদই রাখে না। অথচ পাক-ভারতের লোকসাহিত্যের ভাণ্ডার ভরে তুলতে হলে প্রয়োজন বিরাট সংগ্রহের। সেকালের বৃদ্ধবৃদ্ধাদের মৃত্যুর সঙ্গে সঙ্গে কত মহৎ লোকসাহিত্য

চিরতরে লোপ পাচ্ছে। এই হারামগিণ্ডলি সংগ্রহ করলে বর্তমান মাহুকের গভীর আত্মোপলব্ধির কাজে লাগতে পারে।

একেবারে কিশোর বয়সে আকস্মিকভাবে রবীন্দ্রনাথের সংগৃহীত লালন ফকিরের গান প্রবাসীতে প্রকাশিত হতে দেখে আমি এই বাউল গান সংগ্রহের কাজে প্রেরণা পেয়েছিলাম। সে আজ ২০।৩২ বছর পূর্বের কথা। কিছু কিছু কাজ করেছি, রবীন্দ্রনাথের উৎসাহে “হারামগি” প্রকাশ করেছি, কিন্তু এখনও তো অনেক কাজ করার রয়েছে। আমার ছুঃখ, আমার কোনো সঙ্গী জুটল না। বয়স তো আমার পঞ্চাশ হয়ে গেল। পাক-ভারতে এক কলকাতা বিশ্ববিদ্যালয় ছাড়া এমন ব্যাপকভাবে আর কোন প্রতিষ্ঠান লোকসাহিত্যের দিকে স্ননজর দেন নি। আজ স্বাধীনতা লাভের পরও কেন এই বিরাট সংগ্রহের কাজে আমাদের শিক্ষিত তরুণ-তরুণীরা এগিয়ে আসছে না, আমি বুঝতেই পারি না। অথচ জগতের সামনে সর্বদা তুলে ধরবার মতো ধনরত্ন আমাদের আছে। শুনেছি চীনের বিশ্বকোষ সংকলনের বিপুল মাল-মসলা দূর-দূরান্ত অঞ্চল হতে সংগ্রহ করে এনেছিল চীন বিশ্ববিদ্যালয়ের ছেলেমেয়েরা।

কাজ তো যা কিছু সাহেববুঝবোরাই করেছেন। গ্রিয়ারসন থেকে আরম্ভ করে বাকি পর্যন্ত আমাদের মানসিক আহাৰ্য জুগিয়ে চলেছেন নিরন্তর। কিন্তু মোটকথা, লোকসাহিত্যের বিরাট সংগ্রহ আজ চাইই চাই। কারণ এইপানেই হিন্দু-মুসলমানের সাংস্কৃতিক মিলন প্রতিফলিত হয়েছে! মুসলমানী ঢঙের সুর ও ভারতীয় ঢঙের সুরে এক গভীর যোগাযোগ ঘটেছে আমাদের লোকসংগীতে। এই পল্লীসাহিত্যেই অতি সহজে ধরা পড়বে ভারতীয় যোগ-সাধনা ও মুসলমানী সূফীবাদের মৌল ঐক্য। ভারতীয় সাধনার বৈষ্ণবীয় ভাবধারা কী ওতঃপ্রোতভাবে মুসলমানী লোকসাহিত্যে মিশে গেছে এবং আবার মুসলমানী ভাবধারা কি ভাবে ভারতীয় লোকসাহিত্যকে প্রভাবান্বিত করেছে তার প্রমাণ পাওয়া যাবে লোকসাহিত্যে। সাহিত্যের ইতিহাসে

আপনারা দেখেছেন যে রাধাকৃষ্ণের কথা হিন্দুমুসলমান উভয়েই প্রাণের জিনিস বলে গ্রহণ করেছে। খ্রীষ্টের মুসলমান কবির মুখেই শুনেছি এ-গান : ‘আকুল করিল চিত্র শ্রাম চিকন কালো।’ অপরপক্ষে, আইন-ই-আকবরী বা আকবরনামায় পাওয়া যায়, এমন অনেক কথা এদেশি মেয়েদের মুখে মুখে ফেরে। এই হিন্দুমুসলমানী যুক্তসাধনা কি জাতির সম্পদ পুনরুদ্ধার ও সংরক্ষণের কাজে যথেষ্ট উৎসাহ সঞ্চার করতে পারে না? লোকসাহিত্যের প্রচলিত মৌখিক নানা পাঠসংগ্রহ ও সংরক্ষণের আশু প্রয়োজন রয়েছে। পূর্ববঙ্গে কিছু কাজ হচ্ছে, তবে পশ্চিমবঙ্গে ইদানীং কিছু হয়েছে কিনা তার কোনো বিশেষ খবর আমি পাই নি। অবশ্য বঙ্গীয় সাহিত্য পরিষদ এবং এশিয়াটিক সোসাইটি অব বেঙ্গল কিছু কাজ করছেন। কিন্তু প্রয়োজনের তুলনায় তা নগণ্য।

বাংলার বাইরে অবশ্য কিছু কাজ হচ্ছে। অধ্যাপক দেবেন্দ্রনাথ সত্যার্থী অনেক কাজ করেছেন। বোম্বাই ইউনিভার্সিটিতেও অনেক গবেষণা হয়েছে। গুজরাটে ঝাঝেরী একজন কৃতী গবেষক। কবিতা-কৌমুদীর সংকলয়িতা অনেক হিন্দী লোকসংগীত সংকলন করেছেন। কিছুকাল ধরে ডাঃ ভেরিঅর এলউইন ষে-অথও মনোযোগ ও অধ্যবসায় সহকারে লোকসাহিত্য সম্পর্কে জীবনব্যাপী সাধনা করে চলেছেন এবং এই বিজ্ঞানের নানা বিভাগে পুঙ্খানুপুঙ্খভাবে যে অহুশীলনকার্য করে যাচ্ছেন তা সত্যিই বিস্ময়কর। এলউইন-এর বন্ধু আচার্য সাহেবও অনেক কাজ করেছেন, তেমনি আরো অনেকে। সিন্ধি মরমিয়া লোকসাহিত্যের সম্বন্ধেও পরম উপায়ে গ্রন্থ প্রকাশিত হয়েছে, কিন্তু কী হয়েছে বাংলাদেশে? ডাঃ বাকে বলেছিলেন যে আমাদের এই পাক-ভারত উপমহাদেশেও লোকসংগীতের যথার্থ অহুশীলন ও Survey হওয়া দরকার। আমি বলি, সেই সঙ্গে লোকবিজ্ঞানেরও। যেমন Linguistic Survey of India-র সূত্র পত্তন করে গেছেন গ্রীয়ারসন। ১৯৫২ সালের জুলাই মাসে লওনে আন্তর্জাতিক লোকসংগীত সম্মেলনে পূর্ববাংলার প্রতিনিধি-রূপে

যোগ দেবার সৌভাগ্য বর্তমান লেখকের হয়েছিল। এই সভায় ইউরোপ এশিয়া আফ্রিকা ও আমেরিকার লোকসংগীত-বিশেষজ্ঞগণ যোগ দিয়েছিলেন। সেখানে যোগ দিয়ে আমার ধারণা হয়েছে এশিয়ার লোক-আত্মার মূর্তি ইউরোপের কাছে উঁচু করে ধরতে হলে ইউরোপীয় স্বরলিপি প্রথায় আমাদের পাকভারত উপমহাদেশের লোকসংগীত প্রকাশ করতে হবে। অবশ্য তার আগে আমাদের স্বদেশীয় রীতিতে স্বরলিপি সংরক্ষণের ব্যবস্থা করা চাই। মনে হয় এই লোকসংগীতের স্বর সংগ্রহের কাজে বিজ্ঞানসম্মত প্রথায় অগ্রসর হলে আমাদের ক্লাসিক্যাল সুরের অনেক জটিল রহস্য ধরা পড়বে।

ভুললে চলবে না আমাদের লোকসাহিত্যের উচ্চ মরমিয়াবাদ ও অধ্যাত্মবাদ আমাদের জাতীয় জীবনের কী অমূল্য সম্পদ। রবীন্দ্রনাথকে লোকসংগীতের এই অমূল্য অধ্যাত্মতত্ত্ব জুগিয়েছিলেন আচার্য ক্বিত্তিমোহন সেন। এ তাঁর স্বরণীয় কীর্তি। শাস্ত্রনিকেতনে এসে এই প্রস্নই করতে ইচ্ছা হয় : ক্বিত্তিমোহনের অমূল্য সঞ্চয় লুট করে নেবার মতো দুর্দাস্ত দস্যু কেউ কি আমাদের দেশে নেই ?

বাংলার লোকসাহিত্যে উপজাতির প্রভাব

আশুতোষ ভট্টাচার্য

বাংলার মেয়েলী ব্রতে কুক্কটী-ব্রত নামে একটি ব্রত আছে; কুক্কটীর মহিমা কীর্তন করিয়া তাহাতে একটি 'কথা'ও বর্ণিত হয়। আপাতদৃষ্টিতে কুক্কটীর সঙ্গে বাংলার হিন্দু মেয়েদের সম্পর্কের রহস্য উদ্ধার করা যায় না; কিন্তু একটু গভীর ভাবে বিষয়টি বিবেচনা করলেই দেখিতে পাওয়া যায় যে হিন্দুসমাজের বহির্ভূত কোন অঞ্চল হইতে আসিয়া এই আচারটি হিন্দুসমাজের অন্তর্নিবিষ্ট হইয়াছে। কুক্কটীর বিরুদ্ধে হিন্দুর সংস্কার যত প্রবল ছিল, একদিন উক্ত হিন্দুসমাজের বহির্ভূত অঞ্চলের শক্তি তাহা অপেক্ষা অধিক প্রবল ছিল, নতুবা একটি বিরুদ্ধ সংস্কারকে জয় করিয়া হিন্দুর ধর্মকর্মে ইহার আত্মপ্রতিষ্ঠা সম্ভব হইত না। বহুকাল পূর্বে শিল্পাচার্য অবনীন্দ্রনাথ তাঁহার 'বাংলার ব্রত' নামক গ্রন্থে এই বিষয়টির প্রতি দৃষ্টি আকর্ষণ করিয়া বাংলার লোকসংস্কৃতিতে প্রতিবেশী উপজাতিসমূহের প্রভাবের কথা উল্লেখ করিয়াছিলেন; কিন্তু তাহা সত্ত্বেও এই পর্যন্ত এই দিকে কাহারও দৃষ্টি আকৃষ্ট হয় নাই—বাংলার সংস্কৃতিবিষয়ক কোন আলোচনার উপজাতিসমূহের দানের কথা চিরদিনই উপেক্ষিত হইয়া আসিতেছে। কিন্তু সাম্প্রতিক অহুসঙ্কানের ফলে এই বিষয়ে আরও যে সকল তথ্য সংগৃহীত হইয়াছে তাহাদের গুরুত্ব এত অধিক যে এই বিষয়ে আর উপেক্ষা প্রদর্শন করিলে সত্যের মর্যাদা রক্ষা পাইবে না।

স্বর্গীয় অবনীন্দ্রনাথ উল্লেখ করিয়াছেন যে ছোটনাগপুরের উপজাতি-সমূহ কুক্কটীর পূজা করিয়া থাকে, একদিন তাহা হইতেই বাংলার মেয়েলী-ব্রতে এই আচারটি গৃহীত হইয়াছিল। ছোটনাগপুরের উপজাতি ব্যতীতও উড়িষ্যার উপকূল হইতে আরম্ভ করিয়া মাদ্রাজ প্রদেশের প্রায় সমগ্র সমুদ্রোপকূল ব্যাপিয়া যে সামুদ্রিক মৎশজীবীগণ বাস করিয়া থাকে কুক্কট-কুক্কটী তাহাদেরও আরাধ্য। এই বিস্তৃত অঞ্চলে মৎশজীবীদের পল্লীতে যে সকল ‘মন্দির’ আছে, তাহাদের প্রবেশ-পথের উর্ধ্বে বাহিরের দিক দিয়া শঙ্খ, বিস্তক ও অন্যান্য আরাধ্য বস্তুর সঙ্গে কুক্কটের মূর্তিও খোদিত দেখিতে পাওয়া যায়। সামুদ্রিক মৎশজীবীগণ মূলত একই সমুদ্রোপকূলচারী উপজাতি-সমূহ বলিয়া অনুমিত হয়, বাংলার দক্ষিণ উপকূল বিশেষত মেদিনীপুর জেলার দক্ষিণ হইতে এই মৎশজীবীগণ কন্যাকুমারী ঘুরিয়া মালাবার পর্যন্ত বিস্তৃত হইয়াছে, দক্ষিণ ভারতে ইহারা অধিকাংশই খ্রীষ্টানধর্মাবলম্বী, কিছু কিছু মুসলমানধর্মাবলম্বীও আছে—কিন্তু তাহা সত্ত্বেও তাহাদের মৌলিক ধর্মের বিশেষ কিছু পরিবর্তন দেখিতে পাওয়া যায় না—ইহাদের প্রায় সকলের মধ্যেই কুক্কট বিশেষ আরাধনার বস্তু। ছোটনাগপুরের উপজাতি ব্যতীতও বাংলার দক্ষিণ উপকূল অধিবাসী এই সামুদ্রিক মৎশজীবিদিগের প্রভাবও বাংলার সমাজে বিস্তার লাভ করা সম্ভব। কুক্কটীর পূজার কারণ অনুসন্ধান করিতেও বহুদূর অগ্রসর হইতে হয় না—কুক্কটী বহুপ্রসবিনী—সেইজগৎ সন্তান কামনা করিয়াই প্রধানত কুক্কটীর পূজা করা হইয়া থাকে।

বাংলার লোকসাহিত্য ও লোকসংস্কৃতির উপকরণসমূহ বাংলার প্রান্তবর্তী অঞ্চলসমূহ আশ্রয় করিয়া এখনও কোনো প্রকারে আত্মরক্ষা করিয়া আছে। ইহার প্রধান কারণ, বাংলার মধ্যভাগ বিশেষত ভাগীরথীর দুই তীর হিন্দু সংস্কৃতির কেন্দ্রভূমি ছিল, এমনকি পদ্মার দুই তীরও, যাহা বর্তমানে উত্তর বিক্রমপুর ও দক্ষিণ বিক্রমপুর নামে পরিচিত তাহাও এক সময়ে বৌদ্ধ ও হিন্দু সংস্কৃতির পীঠস্থান হইয়া দাঁড়াইয়াছিল। একটি প্রচলিত কথা আছে যে,

ভাগীরথী উভ কূল
বারাণসী সমতুল ।

ভাগীরথীর দুই তীর বাংলার বারাণসীস্বরূপ, সেইজন্য এই অঞ্চলেই সর্বাধিক উচ্চবর্ণের হিন্দুর বসতি স্থাপিত হইয়াছে। ইহাদের প্রভাববশতই এই অঞ্চলে বাংলার লোকসংস্কৃতি প্রায় বিলুপ্ত হইয়াছে এবং তাহার উপরই বাংলার ব্রাহ্মণ্য সংস্কারের প্রতীষ্ঠা হইয়াছে। কিন্তু বাংলার প্রাস্তিক অঞ্চলসমূহে উচ্চতর হিন্দুর বসতি বিভিন্ন সময়ে বিচ্ছিন্ন ভাবে স্থাপিত হইয়াছিল—ইহার ফলে তাহাদের মধ্যে কোনো স্থনিবিড় সামাজিক সংহতি গড়িয়া উঠিতে পারে নাই। এই জন্যই তাহাদের প্রভাবও সেই অঞ্চলের সমাজের উপর ব্যাপক ও কার্যকরী হইয়া উঠে নাই। অতএব সেই সকল অঞ্চলেই বাংলার লোকসংস্কৃতির উপকরণসমূহ তাহাদের মৌলিক পরিচয় অনেকটা রক্ষা করিতে সক্ষম হইয়াছে।

বাংলার দক্ষিণ-পশ্চিম সীমান্তস্থিত মেদিনীপুর জিলায় পটুয়ার গান ও পট-চিত্রশিল্প আজ পর্যন্ত প্রচলিত আছে, এই অঞ্চল হইতে ইহা বাংলার পশ্চিম সীমারেখা ধরিয়া বীরভূম জিলা পর্যন্ত অগ্রসর হইয়া গিয়াছে। যদিও একথা সত্য যে বর্তমানে পৌরাণিক বিষয়সমূহই প্রধানত এই সকল সংগীত ও চিত্রের উপজীব্য তথাপি এখন পর্যন্ত বহু লৌকিক বিষয়বস্তুও ইহাদের উপজীব্য হইয়া থাকে। এ কথা অতি সহজেই বুঝিতে পারা যায় যে হিন্দুধর্মের মধ্যস্থতার পৌরাণিক বিষয়সমূহ এই অঞ্চলের সমাজে জনপ্রিয়তা লাভ করিবার পূর্বে একমাত্র লৌকিক বিষয়বস্তুই ইহাদের উপজীব্য ছিল। বাংলাদেশের বিশেষ একটি অঞ্চলে ওই রীতি কি ভাবে প্রচার লাভ করিল? পটুয়ারা মূলত কোন্ জাতি? এই সকল বিষয় অহুসঙ্কান করিবার বিশেষ প্রয়োজন আছে। তবে একটি বিষয় সহজেই বুঝিতে পারা যায় যে উড়িষ্কার সঙ্গে এই পটুয়া শিল্প ও সংগীতের নিবিড় যোগ আছে। উড়িষ্কার রেখাচিত্রের সঙ্গে বাংলার এই পটচিত্রের তুলনা করিলেই ইহা বুঝিতে পারা যাইবে। মেদিনীপুর অঞ্চলে

প্রচলিত প্রত্যেক পটেই ষমপুরীর চিত্রের মত পুরীর জগন্নাথদেবের চিত্রও অঙ্কিত হইয়া থাকে। ইহা উড়িয়া সংস্কৃতিরই প্রভাবের ফল বলিতে হয়। বিশেষত মেদিনীপুর অঞ্চল একদিন উড়িয়ার স্বাধীন রাজ্যের অন্তর্ভুক্ত ছিল। উড়িয়ার রেখাচিত্রশিল্পের উপর যে উড়িয়ার বিভিন্ন উপজাতির আদিম শিল্পের (primitive art) প্রভাব বর্তমান রহিয়াছে তাহা ডক্টর ভেরিয়র এলউইন্ সম্পাদিত Tribal Art of Middle India নামক গ্রন্থে প্রকাশিত কতকগুলি চিত্র হইতে স্পষ্টই বুঝিতে পারা যায়। এখানে উল্লেখযোগ্য যে বাংলার মেয়েদের স্ফুটি ও মাঘমণ্ডল ব্রতের আলপনার সঙ্গে উড়িয়ার আদিবাসী শবরজাতির দেয়াল-চিত্রের অর্ধ সাদৃশ্য রহিয়াছে। একটি উপজাতীয় সংস্কৃতিকে স্বীকৃত করিয়া উড়িয়ার লোকশিল্প গড়িয়া উঠিয়াছে, তাহাই দক্ষিণ-পশ্চিম বাংলার পট-শিল্প ও পটুয়া সংগীতের প্রেরণা দান করিয়াছে বলিয়া মনে হইতে পারে।

ভাদ্রগান পশ্চিম বাংলার লোকসাহিত্যের একটি বিশিষ্ট অঞ্চল। ইহাও বাংলার পশ্চিম প্রান্তবর্তী জিলাসমূহ যেমন, মানডুম, বাঁকুড়া ও বীরভূমের প্রধানতঃ কুমারী মেয়েদিগের মধ্যে ব্যাপক প্রচলিত আছে। সমস্ত ভাদ্র মাস ব্যাপিয়া এই লোকসংগীত গীত হয় বলিয়াই ইহার নাম ভাদ্র, কিন্তু কালক্রমে ভদ্রেশ্বরী নারী একটি রাজকণ্ঠার কাহিনী ইহার সঙ্গে আসিয়া যুক্ত হইয়াছে। অবশ্য রাজকণ্ঠার কাহিনীটি ইহার লক্ষ্য নয়, এই অঞ্চলের প্রকৃতিজীবনে ভরা বর্ষায় যে-চঞ্চলতা দেখা দেয় তাহাই কুমারীহৃদয়ে এই গানের তালে দোল দিয়া থাকে। এই অঞ্চলের যে সকল নদনদী সারা বৎসর বালুকা-শয্যায় বিলীন হইয়া থাকে ভাদ্রের পরিপূর্ণ বর্ষায় তাহারা এক উদ্দাম আনন্দে উন্নত হইয়া উঠে। ভরা বর্ষায় এই উন্নাদনাই কুমারীহৃদয়ে সংগীতের উৎসমুখ খুলিয়া দেয়। ভাদ্রপূজা এই অঞ্চলের পল্লীবালার বর্ষা-উৎসব। বাংলার পশ্চিম প্রান্ত হইতে আরম্ভ করিয়া মধ্যভারতের সমস্ত উপজাতির মধ্যে এই সময় নৃত্য-গীতের সমারোহ পড়িয়া যায়। ভাদ্রমাসেই ছোটনাগপুরের ওরাওঁ মুণ্ডা-

দিগের নৃত্যগীতোৎসব 'করম' অহুষ্টিত হয়, এই সময়ই মধ্যভারতের আদিবাসী কুমারীগণ 'কাজরী' ও 'ঝোলা' সংগীতে মাতিয়া উঠে। অতএব অতি সহজেই অমুমান করা যাইতে পারে যে ভাদ্রগানও ইহাদেরই একটি রূপ মাত্র। ইহার মধ্যে কল্পজগতের কোনো রাজপুত্রও নাই, কোনো রাজকন্যাও নাই—প্রকৃতির প্রত্যক্ষ রূপ চিরদিনই মানব-মনে ধে-অনুভূতি জাগাইয়া আনিত্বেছে ইহার মধ্য দিয়া তাহারই সহজ বিকাশ হইয়াছে মাত্র।

বর্মান ও বীরভূম মধ্যযুগে মঙ্গলগান রচনার পীঠস্থান হইয়া উঠিয়াছিল। অবশ্য মঙ্গলগান লোকসাহিত্যের স্তর হইতে উন্নীত হইয়া ক্রমে উচ্চতর সাহিত্যের ক্ষেত্রে প্রতিষ্ঠা লাভ করিয়াছে, তথাপি লোকসাহিত্যের যে-সকল বিচ্ছিন্ন উপকরণ লইয়া মঙ্গলগান একটি পরিণত রূপ লাভ করিয়াছিল তাহা স্বতন্ত্রভাবে আলোচনা করিয়া দেখিলে দেখা যাইবে যে তাহাদিগের উপরও উপজাতীয় সাহিত্যের প্রভাব বর্তমান রহিয়াছে। মঙ্গলগানের একটি প্রধান অঙ্গ বারমাসী বা ছয়মাসী। পাটনা জিলার ভূমিহার ব্রাহ্মণ, কায়স্থ ও রাজপুত পরিবারের মেয়েদের মধ্যেও 'ছোমাসা' নামক এই প্রকার লোকসংগীতের প্রচলন আছে। অগচ পূর্ব বিহার অঞ্চলের পশ্চিমে ইহা প্রচলিত নাই। অতএব মনে হয় পশ্চিম বাংলা ও পূর্ব বিহারে এই বারমাসী বা ছয়মাসীর বর্ণনায় পশ্চিম বাংলার প্রাস্তবর্তী কোন উপজাতীয় অঞ্চলের লোকসংগীতের প্রভাব কার্যকরী হইয়াছে।*

বাঙলার উত্তর-পশ্চিম সীমান্তবর্তী মালদহ জিলায় যদি আমরা গিয়া প্রবেশ করি তাহা হইলে সেখানে এক সম্পূর্ণ অভিনব প্রকৃতির লোকসংগীতের সঙ্কে আমাদের পরিচয় হইবে—তাহার নাম গম্ভীরা। চৈত্র সংক্রান্তির তিনদিন পূর্ব হইতে ইহা আরম্ভ হয়, বৈশাখ মাসেরও কিছুদিন পর্যন্ত ইহা চলিতে থাকে। 'গম্ভীরা' নামটির সংগত কোনে অর্থ খুঁজিয়া পাওয়া যায় না। ইহার

* এই বিষয়ে বিস্তৃত আলোচনার জন্য W. G. Archer, 'Seasonal Songs of Patna District' Man in India XXIII (1942) pp. 255-7 অষ্টব্য।

সঙ্গে সংস্কৃতশব্দ গাভীরের কোনো সম্পর্ক নাই—এই সংগীতও মোটেই গভীর প্রকৃতির নহে। ওড়িয়া ভাষায় কুঙ্গ কঙ্ককে গভীর বলে। চৈতন্যদেব পুরীতে বাসকালীন কালীমিশ্রের গৃহে যে কঙ্কটিতে বাস করিতেন তাহাকে গভীর বুলিয়া উল্লেখ করা হইয়াছে। কিন্তু এই অর্থ এখানে প্রযোজ্য নহে। বাংলাতে গামার কাঠকে সংস্কৃত করিয়া গভীর কাঠ বলা হইয়া থাকে। বলা বাহুল্য, এই অর্থও এখানে প্রয়োগ করা যাইতে পারে না। অতএব মনে হয়, ইহা মূলত একটি উপজাতীয় শব্দ। বর্তমানে ইহার সঙ্গে শিবের নামটি আসিয়া যুক্ত হইয়াছে, সেইজন্য ইহা আত্মের গভীর নামে পরিচিত। কিন্তু মূলত শিবের সঙ্গে ইহার কোনো সম্পর্ক ছিল না, এবং এখনও নাই। ইহা প্রকৃতপক্ষে বাৎসরিক ঘটনাবলীর পর্যালোচনা মাত্র। এক সময়ে বোড়ো বুলিয়া পরিচিত ইন্দোমোঙ্গলীয় বা কিরাত জাতির একটি শাখা সমস্ত উত্তর বঙ্গ অধিকার করিয়াছিল। তাহাদেরই বংশধরগণ গোড়ে হিন্দু-বৌদ্ধ রাজধানী প্রতিষ্ঠিত হইবার পূর্বেই এই অঞ্চলে বসতি স্থাপন করে বুলিয়া অনুমিত হয়। ইন্দোমোঙ্গলীয় বা কিরাত জাতির একটি প্রধান বৈশিষ্ট্য এই যে বিশেষ কোনো সামাজিক উৎসব উপলক্ষে ইহারা সৃষ্টিতত্ত্ব হইতে আরম্ভ করিয়া পূর্ববর্তী দিবসের ঘটনাবলী পর্যন্ত নৃত্যসংগীতের সহযোগে পর্যালোচনা করিয়া থাকে। আবারমিশমি-প্রমুখ আমাদের প্রাস্তবর্তী অঞ্চলের উপজাতির মধ্যে এই রীতি এখনও প্রচলিত আছে। অতএব মনে হয়, এই সংস্কৃতিরই প্রভাব বশত মালদহ অঞ্চলে বহু প্রাচীনকালে এই গভীরার উৎপত্তি হইয়াছিল। সময়ের পরিবর্তনের সঙ্গে সঙ্গে ইহার বিষয়বস্তুর পরিবর্তন হইলেও ইহার মধ্যে একটি অতি প্রাচীন উপজাতীয় সাংস্কৃতিক ধারা প্রচ্ছন্ন হইয়া আছে।

বাংলার উত্তর-পশ্চিমে ও উত্তর সীমান্ত অর্থাৎ দিনাজপুর, কুচবিহার ও জলপাইগুড়ি অঞ্চলে কোচ নামক উপজাতির বংশধরগণ বাস করিয়া থাকে। ইহারায় বোড়ো বুলিয়া পরিচিত ইন্দোমোঙ্গলীয় উপজাতিরই একটি শাখা। বাংলার লৌকিক শৈব-সাহিত্যে এই কোচ বিশেষত কোচনী বা কোচরমণী

একটি বিশেষ স্থান লাভ করিয়াছে। শিবের এই কোচনী-সম্পর্কের কথা কেবলমাত্র যে এই অঞ্চলেরই লোকসাহিত্যে সীমাবদ্ধ আছে তাহা নহে— ইহার কথা সমস্ত বাংলাদেশের লোকসাহিত্যেই বিস্তৃতি লাভ করিয়াছে, যেমন পূর্ব ময়মনসিংহের শিবের ছড়াতে শিব-বন্দনা শুনিতে পাওয়া যায়,

নম মহেশ্বর দিগম্বর ঈশান শঙ্করে।

শিব শঙ্ক শূলপাণি হর দিগম্বরে ॥

গিয়া কোচনী পাড়া ভাঙ ধুতুরা শিব শঙ্ক খায়।

তানপুরা বাজাইয়া শিবে কোচনী ভুলায় ॥

বরিশালের একটি শিবের ছড়াতে পার্বতীকেও কোচ দেশের অধিবাসিনী বলা হইয়াছে, যেমন, শিব পার্বতীকে বলিতেছেন,

কুচনী নগরে আছে তোমার বাপ ভাই।

সেইখানে যাইয়া পর শঙ্খ আমার কিছু নাই ॥

নদীয়ার মহারাজা রুঞ্চচন্দ্রের সভাকবি ভারতচন্দ্রও তাঁহার অন্নদামঙ্গল কাব্যে শিবের সঙ্গে কোচনীর সম্পর্কের কথা উল্লেখ করিয়াছেন। হরপার্বতীর মিলন বর্ণনায় পার্বতী শিবকে বলিতেছেন,

তব অঙ্গ যদি মোর অঙ্গে মিলাইবা।

কোচনীর বাড়ী তবে কেমনে যাইবা ॥

এই ভাবে বাংলার সর্বত্র যে শিব-গাথিকা প্রচলিত আছে তাহাতে শিবকে কোচ-নারীর প্রতি আসক্ত বলিয়া উল্লেখ করা হইয়াছে। ইহার একটি প্রধান কারণ এই মনে হয় যে উত্তর বঙ্গের কোচ সমাজের মধ্য দিয়াই লৌকিক শৈব সাহিত্য বাংলা দেশের সর্বত্র বিস্তার লাভ করিয়াছিল। কোচ জাতি শিবকে নিজের ঘরের দেবতা করিয়া লইয়া যখন নিজেদের নারী জাতির সঙ্গে তাহার একটি সম্পর্ক স্থাপন করিয়া লইয়াছে তাহার পর তাহাদের নিকট হইতেই বাংলার অন্যান্য অঞ্চলের সাধারণ সমাজও শিব-সম্পর্কিত ছড়া ও গাথিকাসমূহ লাভ করিয়াছে। এই জন্যই শিবের সঙ্গে কোচ-

সম্পর্কের কথা সর্বত্র এতখানি বন্ধমূল হইয়া গিয়াছে। ইন্দোমোঙ্গলীয় সমাজ সর্বত্র মাতৃতান্ত্রিক (matriarchal) না হইলেও স্ত্রী-প্রধান। মূলতঃ কোচ নারীদিগের মধ্যেও হয়ত এই স্বাধীনতা ছিল এবং অল্প কোনো কোনো বিষয়ে সম্ভবতঃ তাহাদের আকর্ষণী গুণও ছিল। উত্তরবঙ্গের সংলগ্ন কামরূপের নারীদিগের সম্পর্কে একটি সুপরিচিত কিংবদন্তী এই যে তাহারা পুরুষকে ভেড়া বানাইয়া রাখে। সম্ভবতঃ তাহাদেরই প্রতিবেশিনী নারীদিগেরও এই প্রকার কোনও গুণ ছিল, তাহা দ্বারাই তাহারা শিবকে আকৃষ্ট করিয়া রাখিয়াছিল বলিয়া মনে করা হইত।

এইবার বাংলার পূর্ব সীমান্ত ধরিয়া অগ্রসর হইতে থাকিলে প্রথমেই আমরা রংপুর জেলায় প্রবেশ করিব। রংপুরের বিশিষ্ট লোকসাহিত্য জাগ গান, ভাওয়ালিয়া গান, যুগীষাজা ইত্যাদি। বাংলাদেশের অগ্ৰাঙ্গ অঞ্চলের লোক-সংগীতের সঙ্গে ইহাদের কিছু পার্থক্য আছে। আধ্যাত্মিক ভাব ইহাদের মধ্যে বিশেষ নাই বলিলেই চলে, ব্যক্তি-অনুভূতি ও মানবচরিত্রের মহিমা-কীর্তনই ইহাদের প্রধান উদ্দেশ্য। রংপুরে যে-শ্রেণীর সমাজে এই প্রকার গান প্রচলিত তাহা রাজবংশী বলিয়া পরিচিত— ইহাদেরই এক অংশ বর্তমানে মুসলমান ধর্ম গ্রহণ করিয়াছে। রাজবংশিগণ মূলতঃ কোন্ জাতি হইতে সত্ত্বত এই বিষয়ে সকলে একমত নহেন। কেহ কেহ মনে করেন, ইহারা কোচ জাতিরই একটি শাখা, আবার কাহারও বিশ্বাস ইহারা কোলমুণ্ডা-শ্রেণিভুক্ত— দক্ষিণ দিক হইতে গিয়া উত্তরবঙ্গে বসতি স্থাপন করিয়াছে, তবে কোচ জাতির সঙ্গে তাহাদের কিছু কিছু মিশ্রণ হইয়াছে। একথা সত্য যে কোচ ও রাজবংশীর সামাজিক আচার এক নহে, রাজবংশিগণ অধিকতর হিন্দু-ভাবাপন্ন। অতএব ইহারা দুইটি স্বতন্ত্র উপজাতি হইতে উদ্ভূত হওয়া কিছুই আশ্চর্য নহে। তবে এই বিষয়ে নিশ্চিত করিয়া কিছুই বলিবার উপায় নাই। রংপুর জেলার সাধারণ অধিবাসীদিগের মধ্যে যে লোকসংগীত প্রচলিত আছে তাহার সঙ্গে আসাষের কোনো কোনো উপজাতির লোক-সাহিত্যের—

লংগীতের ভাবগত সাদৃশ্য আছে। উৎসব উপলক্ষ্যে রাজি জাগিয়া বীর পূর্ব-পুরুষের মহিমা কীর্তন উত্তর ও উত্তর-পূর্ব আসামের উপজাতির একটি প্রধান বৈশিষ্ট্য। রাজবংশী বর্ণহিন্দু-অভিমানবশত এক দিক দিয়া যেমন বাংলার উচ্চতর সংস্কৃতি দ্বারা কতকটা প্রভাবিত হইয়াছে, আবার অল্প দিক দিয়া প্রতিবেশী উপজাতিগুলির প্রভাব স্বীকার করিয়া লইয়া এক অতি মিশ্র ও জটিল সংস্কৃতি গঠন করিয়াছে। তথাপি ইহার মধ্য হইতেও উপজাতীয় উপকরণগুলি সন্ধান করিয়া লওয়া কঠিন নহে।

লোকসাহিত্যের দিক দিয়া বাংলার উত্তর-পূর্ব সীমান্তবর্তী ময়মনসিংহ জিলা বিশেষ সমৃদ্ধ। ইহার কারণ, বাংলার কেন্দ্রীয় সংস্কৃতি হইতে ইহার বিচ্ছিন্নতা ও ইহার বিচিত্র ভৌগোলিক পরিবেশ। ইহার উত্তর দিকে গারো পাহাড়। এইখানে গারো নামক এক প্রবল মাতৃতান্ত্রিক জাতির বাস। হাজং বলিয়া পরিচিত গারোজাতিরই একটি শাখা, জিলার উত্তর ভাগে কিছুদূর পর্বস্ত সমতল ভূমি অধিকার করিয়া ইহার অগ্রাগ্র অধিবাসীর সঙ্গে অবাধ মিশ্রণ করিতেছে। তাহার বাংলা ভাষা গ্রহণ করিয়াছে এবং তাহার মধ্যস্থতায় স্থানীয় অধিবাসীর সঙ্গে ভাবের আদান-প্রদান করিতেছে। মধ্যযুগ পর্বস্ত পূর্ব ময়মনসিংহ অঞ্চলে দুইজন কোচ রাজা রাজত্ব করিতেন। একজনের রাজধানী ছিল নেত্রকোনা মহকুমায় বোকাইনগর, আর একজনের রাজধানী কিশোরগঞ্জ মহকুমার জঙ্গলবারি; স্ততরাং এই জিলার উত্তর এবং পূর্বভাগ কিছুকাল পূর্ব পর্বস্ত উপজাতীয় শাসকের রাজ্যভুক্ত ছিল। অতএব ইহার মধ্যে যে-লোকসাহিত্য গড়িয়া উঠিয়াছে তাহা প্রধানতঃ এই উপজাতীয় সংস্কৃতি দ্বারাই প্রভাবিত হইবে ইহা নিতাস্তই স্বাভাবিক।

এই অঞ্চলের লোকসাহিত্যের মধ্যে গীতিকা (ballads), জারীগান-সারিগান, ঘাটুগান ইত্যাদি প্রসিদ্ধ। পূর্ব ময়মনসিংহ অঞ্চলই প্রসিদ্ধ ময়মনসিংহগীতিকার বা পূর্ববঙ্গগীতিকার জন্মভূমি। এই গীতিগুলির মধ্যে যে সমাজ-চিত্রের পরিচয় পাওয়া যায় তাহা বাংলার উচ্চতর সমাজ নহে—

উচ্চতর সমাজে সেই যুগে বাল্যবিবাহই প্রথা ছিল, কিন্তু ইহাদের মধ্যে স্বাধীন প্রেমের অবকাশ দেখিতে পাওয়া যায়। মহয়া-নামক গীতিকারটির নায়ক-নায়িকার মধ্যে যে সর্বভ্যাগী প্রেমের দৃষ্টান্ত পাওয়া যায় তাহা পারিপার্শ্বিক সমাজ-ব্যবস্থার মধ্যে অভিনব। এই অভিনবত্ব কোনো স্ত্রী-প্রধান কিংবা মাতৃতান্ত্রিক সমাজ হইতেই যে আসিয়াছে সে বিষয়ে সংশয় প্রকাশ করিবার কোনো কারণ নাই। এমনই প্রায় প্রত্যেক গীতিকার মধ্যেই স্বাধীন প্রেমের মহিমা কীর্তন করা হইয়াছে—এই প্রেম-বিনিময়ের ব্যাপারে নারী সর্বত্র একটি সক্রিয় অংশ গ্রহণ করিয়াছে, কাহারও মুখাপেক্ষী হইয়া সে তাহার স্বকীয় অমুভূতিকে বিসর্জন দেয় নাই। এই ভাবটি হিন্দু কিংবা মুসলমান সমাজ নিরপেক্ষ। সেই জগুই মনে হইতে পারে ইহা প্রতিবেশী কোনো উপজাতীয় মাতৃতান্ত্রিক কিংবা স্ত্রী-প্রধান সমাজেরই প্রভাবের ফল।

ইহার পরই জারীগানের কথা উল্লেখ করিব। জারীগান পূর্ব ময়মনসিংহের একটি প্রধান বৈশিষ্ট্য। এই অঞ্চলে মুসলমান ধর্ম বিস্তার লাভ করিবার পর হইতেই মুসলমানী বিষয়বস্তু ইহার মধ্যে প্রবেশ করিয়াছে। সহজেই বুঝিতে পারা যায় যে ইতিপূর্বে ইহার বিষয়বস্তু স্বতন্ত্র ছিল। ইহাতে বর্তমানে বৃত্তাকারে সমবেত নৃত্য-সহযোগে হাসান-হোসেনের কারবালায় করণ যুদ্ধ-বৃত্তান্ত বর্ণিত হয়। মুসলমান ধর্মে নৃত্য এবং গীত দুইই নিষিদ্ধ। অতএব ইহাতে মুসলমানী বিষয় বর্ণিত হইলেও ইহা যে মুসলমান ধর্মের দান নহে তাহা বুঝিতে বেগ পাইতে হয় না। উপজাতীয় সমাজে উৎসবাদিতে বৃত্তাকারে সমবেত নৃত্যের প্রথা আসায় হইতে আরম্ভ করিয়া গুজরাট পর্বত বিস্তৃত। এই নৃত্যে নারীই অংশ গ্রহণ করিয়া থাকে এবং পুরুষ বাদক ও গায়কের কাজ করে। সম্রাস্ত বাঙালী নারীদিগের মধ্যে এখনও কোনো কোনো অঞ্চলে এই বৃত্তাকারে সমবেত নৃত্যের প্রচলন আছে, যেমন কাছাড়ের বাঙালী নারীদিগের ধামালী নৃত্য, বশোহরের শীতলানৃত্য ও বীরভূমের ভাঁজো

নৃত্য। ইহাদের প্রত্যেকটিই যে প্রতিবেশী উপজাতীয় সংস্কৃতির প্রভাবের ফল তাহা সহজেই বুঝিতে পারা যায়। এমনকি গুজরাটের সম্ভ্রান্ত মহিলাদিগের মধ্যে যে গরবা নৃত্য প্রচলিত আছে তাহাও প্রতিবেশী ভীল সমাজের প্রভাবের ফল বলিয়া স্বীকার করিতে হয়। নারীদিগের নৃত্য-বিষয়ে একমাত্র মণিপুরী ব্যতীত আসামের অগাছ উপজাতি অপেক্ষা উড়িষ্যা ও মধ্যভারতের কয়েকটি উপজাতি অধিকতর দক্ষ। মণিপুরের উপর একদিক দিয়া ব্রহ্মদেশ ও অপর দিক দিয়া বাংলার বৈষ্ণব ধর্মের প্রভাববশতঃ তাহার সংস্কৃতি একটু স্বাতন্ত্র্য লাভ করিয়াছে। অতএব দেখা যাইতেছে যে পূর্ব ময়মনসিংহের জারীনৃত্য ও তাহার সংশ্লিষ্ট সংগীত একটি বৃহত্তর উপজাতীয় সংস্কৃতির অন্তর্ভুক্ত। নারীর পরিবর্তে ইহাতে পুরুষের অংশগ্রহণ করিবার কারণ অতি সহজেই অহুম্ময়। মুসলমান সমাজে নারীর অধিকার সংকীর্ণ বলিয়া নারীর পরিবর্তে মুসলমান পুরুষই এই নৃত্যের ভার লইয়াছে, তথাপি নৃত্যকালে ব্যবহৃত তাহাদের পায়ের নুপুর ও আঁচলের মত করিয়া দোলানো কাঁধের গামছাটি হইতে বুঝিতে পারা যায় যে নৃত্যকারীরা স্ত্রীলোকেই অভিনয় করিতেছে। আসামের আবর, মিশমী-প্রমুখ জাতি উৎসব উপলক্ষে সমবেত নৃত্যাত্মস্থানের সঙ্গে সঙ্গে পূর্বপুরুষের বীরত্ব ও আত্মত্যাগের কাহিনীসমূহ স্মরণ করিয়া থাকে। জারীগানে যেমন একজন গায়ন কাহিনী বর্ণনা করিয়া যায় ও অল্প সকলে চক্রাকারে নৃত্য করিয়া তাহার ধূয়া ধরে, আবর জাতির মধ্যেও গ্রামপতি হাতে একটি তরবারি লইয়া, গানের মত সুর করিয়া, পূর্বপুরুষের বীরত্ব ও আত্মত্যাগের কাহিনীসমূহ বর্ণনা করে এবং নৃত্যকারীরা ঘুরিয়া ঘুরিয়া তাহাতে পায়ের শব্দে তাল দিয়া থাকে। কিন্তু ইহাদের নৃত্যে বাহা প্রাণহীন, জারীগানে তাহা জীবন্ত হইয়া উঠে। পূর্বেই বলিয়াছি, মণিপুরী ব্যতীত আসামের উপজাতীয় নৃত্যমাত্রই নিশ্চয়। আসামের ইন্দোমোঙ্গলীয় জাতি তাহাদের নৃত্যের সংস্কার আদি-অজ্ঞানজাতি হইতে অহুকরণ করিয়াছে বলিয়া মনে হয়। সেই অজ্ঞ আদি-অজ্ঞান জাতির মধ্যে ইহা এখনও জীবন্ত। এককালে

আগামে আদি-অন্ত্রাল জাতির ব্যাপক প্রভাব হইয়াছিল। সেই আদি-অন্ত্রাল জাতির স্মৃষ্টেই পূর্ব বাংলার বিভিন্ন অঞ্চলে এই নৃত্যের প্রথা প্রবর্তিত হইয়া থাকিবে।

নৌকা বাইচের গানকে সারিগান বলে। বর্ষাকালে পূর্ব ময়মনসিংহ অঞ্চল জলে জলময় হইয়া যায়। আসামের পার্বত্য অঞ্চলের জলরাশি এইখানে আসে, তাহার পর তাহা ধীরে ধীরে মেঘনা বাহিয়া পদ্মার সঙ্গে গিয়া মেখে। বর্ষার প্রায় ৩৪ মাস কাল এই অঞ্চলে জল প্রায় স্থির হইয়া থাকে। এই জলাভূমিকে স্থানীয় ভাষায় হাওর বলে। হাওর শব্দটি সাগরেরই অপভ্রংশ। এই হাওরের বুকে নৌকা বাইচ এই অঞ্চলের একটি বিশিষ্ট উৎসব। বাইচের সময় বৈঠার তালে তালে যে-গীত গাওয়া হয় তাহারই নাম সারিগান। ১২৪৮ খ্রীষ্টাব্দে বর্তমান লেখক যখন মালাক্কা দ্বীপপুঞ্জের অন্তর্গত নিকোবরদ্বীপ ভ্রমণ করিতে যান তখন সেখানে অল্পরূপ আকৃতির স্বদীর্ঘ বাইচের নৌকা দেখিতে পান। উৎসবাদি উপলক্ষে সেই সমস্ত নৌকা লইয়া সমুদ্রে বাইচ খেলা হয়। বাইচের সঙ্গে সঙ্গে সংগীতও হয়। কে বলিবে, কোনো বিদ্বত যুগে সমুদ্রোপকূলচারী এমনই এক জাতি পদ্মা-মেঘনার মোহনা বাহিয়া হয়ত এই অঞ্চলে আসিয়া বসতি স্থাপন করিয়াছিল। ইহার বর্তমান অধিবাসিগণ হয়ত পুরুষাভুক্তমে এই সংস্কারের উত্তরাধিকারী হইয়াছে।

ঘাটুগানও বর্ষাকালের লোকসংগীত। নৃত্য ও সংগীত উভয়ই ইহার অঙ্গ। বর্তমানে একটি দীর্ঘকেশ বালক স্ত্রীলোক-বেশ পরিধান করিয়া নৃত্য করে, পুরুষ গায়কেরা গীত গাহিয়া যায়। ইহা হইতে বৃদ্ধিতে পারা যায় পূর্বে এই নৃত্য নারীই করিত, বর্তমানে নারীর স্থান বালকে গ্রহণ করিয়াছে। এই সংগীত বাংলাদেশের এই অঞ্চল ব্যতীত আর কোথাও প্রচলিত নাই, অতএব ইহার মধ্যেও পারিপার্শ্বিক অঞ্চলের অধিবাসী কোনো উপজাতির প্রভাব আছে কিনা তাহা অসুসন্ধানের যোগ্য। ইহার সংগীত অপেক্ষা নৃত্যটি আকর্ষণীয়। নৃত্যের মধ্যে কোনো যৌন-আবেদন নাই, বরং সংস্রম ও সৌন্দর্যই ইহার

লক্ষ্য। ঘাট্ট সংগীত বাংলার অন্ত্যস্ত লোকসংগীতের মতই এখন রাধাকৃষ্ণের প্রেমবিষয়ক। কিন্তু পূর্বে যে তাহা একান্তই মানবিক প্রেমবিষয়ক ছিল তাহা সহজেই অনুমেয়।

ত্রিপুরা জিলার পূর্বাঞ্চলের সঙ্গে তিপরাই নামক ইন্দোমৌজলীয় জাতির এক শাখার ঘনিষ্ঠ যোগাযোগ আছে। তিপরাই জাতি উৎসব ও নৃত্যগীত-প্রিয়। স্বাধীন ত্রিপুরারাজ্যের মধ্যস্থতায় ইহাদের সাংস্কৃতিক প্রভাব এই অঞ্চলের বাঙালী অধিবাসীদিগের মধ্যেও বহুদূর বিস্তৃত হইয়াছিল। উদয়পুর বাঙালী ও তিপরাই উভয় সম্প্রদায়েরই তীর্থস্থল। ত্রিপুরারাজ ও তিপরাই সৈন্তের বীরত্বের কাহিনী বহুই। এই অঞ্চলে বাঙালী কবি কর্তৃক গাথা রচিত হইয়াছে। এই অঞ্চলের শম্শের গাজীর গান, শীলাবতীর পালা প্রভৃতির মধ্যে ত্রিপুরারাজ ও তাঁহার তিপরাই সৈন্তদের বীরত্বের কথা আছে। তিপরাইদিগের ব্যবহৃত বাঁশের বাঁশি সর্বত্র সুপরিচিত। এই অঞ্চলের ডাটিয়ালী গানের সুরে ইহার প্রভাব অনুমান করা যাইতে পারে।

চট্টগ্রাম জিলার লোকসাহিত্যে আরাকানবাসী মগ জাতির প্রভাব অত্যন্ত সুস্পষ্ট। এই মগ জাতি অধিকাংশই বর্তমানে মুসলমান ধর্মাবলম্বী। মধ্য-যুগে আরাকানে বাংলাভাষার চর্চা যে অত্যন্ত ব্যাপকতা লাভ করিয়াছিল তাহা সকলেই অবগত আছেন। আরাকানী লোকসংগীত সেই যুগে বাংলা ভাষাতেই রচিত হইত। উপকূল-পথে ইহার সঙ্গে চট্টগ্রামের যোগাযোগ অত্যন্ত ঘনিষ্ঠ ছিল বলিয়া আরাকানে রচিত বাংলা গাথা ও গীতি যেমন চট্টগ্রাম অঞ্চলে প্রচার লাভ করিয়াছিল তেমনই চট্টগ্রাম অঞ্চলে রচিত লোক-সাহিত্যও আরাকানে গীত হইত। চট্টগ্রামের বহু গ্রাম্য সংগীতের মধ্যেই আরাকান ও ব্রহ্মদেশের উল্লেখ পাওয়া যায়। বহু বিরহসংগীতে নায়িকা, ব্রহ্মপ্রবাসী নায়ক ব্রহ্মবাসিনী কোনো কুহকিনীর মায়াজালে আবদ্ধ হইয়া তাহাকে তুলিয়া আছে আশঙ্কা করিয়া কল্পণ সংগীত গাহিয়া থাকে।

স্বাক্ষরপত্রের মধ্যেই সংস্কৃতির সমৃদ্ধি। ইহার সর্বাপেক্ষা উল্লেখযোগ্য

দৃষ্টান্ত মণিপুর। মণিপুর নিজস্ব সংস্কৃতির কোনো উপকরণই পরিত্যাগ করে নাই, তাহার উপর এক হাত পাতিয়া ব্রহ্মদেশের সাংস্কৃতিক উপকরণ ও আর অন্য হাত পাতিয়া বাঙালী বৈষ্ণবের সাংস্কৃতিক উপকরণ নিজের মধ্যে স্বাক্ষীকৃত করিয়া লইয়াছে। সেই জন্ত মণিপুরের অধিবাসীরা মাথা-শিকারী (head hunting) নাগা জাতির স্বজাতি হইয়াও একটি নিজস্ব উচ্চতর সংস্কৃতির অধিকারী হইয়াছে। অপর পক্ষে নাগাগণ অন্যের সব কিছুই পরিত্যাগ করিয়াছে বলিয়া নিজেদের সংস্কৃতিকে সমৃদ্ধতর করিতে পারে নাই—এখনও তাহারা তাহাদের আদিম সংস্কৃতিকেই অহুসরণ করিতেছে।

বাঙালীর সাধনাও স্বাক্ষীকরণেই সাধনা। সে তাহার প্রতিবেশী উপজাতির সাংস্কৃতিক উপকরণকে পরিত্যাগ না করিয়া তাহা নিজের মধ্যে নিজের মত করিয়া গ্রহণ করিয়াছে। সেইজন্তই তাহার লোকসংস্কৃতি এত বিচিত্র ও সমৃদ্ধ।

শান্তিদেব ঘোষ

লোকসংগীত-প্রসঙ্গ

আজকের এই লোকসাহিত্যের অধিবেশনে, আমার আলোচনার বিষয় হল—লোকসংগীত। একথা আপনারা সকলেই জানেন যে, ইংরেজ-পূর্ব যুগে আজকালের মতো বইয়ের সৃষ্টি ছিল না। গায়ক ও কথকেরা গ্রামে ও নগরে সব রকমের কাব্য গেয়ে গেয়ে প্রচার করতেন। স্মরণ ও কথা অজ্ঞানভাবে জড়িয়ে থাকত এই সব কাব্যে। তাকেই আলোচনার বিষয় করে আপনাদের সামনে উপস্থিত করছি।

লোকসংগীত কথাটি আজ অতি প্রচলিত হলেও শব্দটির ব্যবহার ইংরেজ শাসনের পূর্বে ভারতে ছিল বলে জানা যায় না। একে আমরা পেয়েছি ইংরেজদের কাছ থেকে তাদের Folk Music বা Folk Song কথাটির অনুবাদ হিসেবে। এই শব্দটির পিছনে একটি ইতিহাস আছে।

যখন থেকে ইয়োরোপে বিজ্ঞান বা যন্ত্র-যুগের প্রবল প্রভাবে মানুষের মন, চিন্তা ও সমাজ-জীবনে পরিবর্তন দেখা দিল, তখন থেকেই শুরু হল গ্রামিক যন্ত্রযুগের সভ্যতার সঙ্গে যন্ত্রযুগের সভ্যতার পার্থক্য। আগেকার সভ্যতা বা সংস্কৃতি ছিল গ্রামনির্ভর আর যন্ত্রযুগের সভ্যতা নির্ভর করল সম্পূর্ণ রূপে নগরের উপরে। ক্রমে ইয়োরোপের এতদিনকার গ্রামনির্ভর সভ্যতাকে নতুন নগর-সভ্যতা সম্পূর্ণ গ্রাস করল। নগরগুলি হয়ে উঠল এই যুগের সংস্কৃতির একমাত্র কেন্দ্র। এই পরিবর্তনের ছাপ সংগীতেও প্রকাশ পায়।

সংগীতেও যুগান্তরকারী পরিবর্তন দেখা দেয়। নগরজাত সংগীত ইয়োরোপের গ্রাম ও নগরে একই সঙ্গে ব্যাপকভাবে আপনাকে প্রতিষ্ঠিত করায়, গ্রামের প্রাচীনধারার সব উৎসব বন্ধ হয়ে গেল। এই রকমের এক অবস্থার মধ্যে হঠাৎ গ্রামের সংগীতের প্রতি ইয়োরোপের নগরবাসীদের প্রথম নজর পড়ে অষ্টাদশ শতকের মধ্যভাগে। তখনই প্রথম তারা বুঝতে শিখল যে সংগীতে একটা নতুন পথকে তারা অহুসরণ করে চলেছে, পুরনো পথ ত্যাগ করে। সেই চেতনাতেই দেখা দিল প্রাচীনধারার গ্রামনির্ভর সভ্যতা বা সংস্কৃতির অঙ্গ সংগীতের সংগ্রহ ও আলোচনার প্রতি ঘোঁক। কিন্তু ব্যাপকভাবে একাজে উৎসাহ দেখা দেয় উনবিংশ শতকের মধ্যভাগে। এরও কারণ হল ইয়োরোপের তখনকার রোমান্টিক আন্দোলনে নতুন স্বাদেশিকতা বোধের আবির্ভাব। সাহিত্য ও শিল্পের মত সংগীতেও নিজের জাতির বৈশিষ্ট্যকে জানবার ও তাকে প্রকাশ করবার একটা আন্দোলন সে-দেশে তখন দেখা দেয়। সেই আন্দোলনের অংশস্বরূপ নিজদেশের প্রাচীন সংগীতের বিষয় প্রত্যেক দেশই সতর্ক হয়ে ওঠে। বড় বড় সংগীতশ্রষ্টারা নিজের দেশের প্রাচীন পদ্ধতির সংগীতের কাছ-থেকে নানাভাবে উপকরণ সংগ্রহ করতে থাকেন এবং নতুন সাজে তাকে সাজাতে চেষ্টা করেন। তখন থেকে শুরু করে বর্তমান শতাব্দীর প্রথম পঁচিশ বৎসরের মধ্যেই ইয়োরোপের বহু দেশ প্রাচীন পদ্ধতির গান সংগ্রহের কাজ সম্পূর্ণ করে ফেলল।

আজ সেখানকার কোনো কোনো দেশে সংগ্রহের উপযোগী প্রাচীন পদ্ধতির সংগীত আর একটিও পাওয়া যাবে না। এইরূপ সংগ্রহের দ্বারা প্রাচীন পদ্ধতির সংগীতকে নতুন করে সমাজে স্থান করে দেওয়া তাদের উদ্দেশ্য ছিল না। তারা জানত, তা কোনদিনই সম্ভব নয়। তারা চেয়েছিল তাদের দেশের প্রাচীন সংগীতের পরিচয়টিকে জানতে ও তার সাহায্যে সেই কালের মাহুষের প্রকৃতি ও তার সমাজকে বুঝতে। আর সৃষ্টির পথে তার কাছ থেকে প্রেরণা পেতে। ইয়োরোপে এইভাবে সংগীতে দুইটি ধারার সৃষ্টি হওয়ার উনবিংশ

শতকের মধ্যভাগে তাদের আলাদা নামকরণ করতে হল। গ্রামের প্রাচীন গানকে বলা হল Folk Music, আর নগরসভ্যতার বার জন্ম সেই সংগীতকে তারা বললে Art Music।

এই দুই সংগীত-পদ্ধতির পার্থক্যে ধরা পড়ল যে, গ্রামসভ্যতাজাত সংগীত কথা ও সুরকে একই সঙ্কে সমান প্রাধান্য দিয়েছে। এমন সব সুর বা রাগিণী এই পথে আবিষ্কৃত হয়েছে যার বাইরের রূপ সহজ ও সরল হলেও, সেগুলির মধ্যে আছে শ্রোতার মন আকর্ষণ করার এক অসীম ক্ষমতা। আর নগরজাত সংগীত আনল 'কর্ড', 'কাউন্টার পয়েন্ট' ইত্যাদির যোগে হার্মনি নামে সম্পূর্ণ নতুন এক সংগীতপদ্ধতি। এ ছাড়া এমন সব বহু বিচিত্র শব্দকে এই সংগীতে স্থান দেওয়া হল, যাকে পূর্ব যুগের সংগীতে স্থান পাবার অযোগ্য বলে মনে করা হত। আগের যুগের সংগীত ছিল প্রধানতঃ একক সংগীত। নগরজাত সংগীত হয়ে দাঁড়াল বহুজন ও বহুযন্ত্রের বিচিত্র সুর সম্মিলনের সংগীত। এযুগের ইয়োরোপীয় সংগীতের যে-কোনো আসরে গেলেই তার পরিচয় মিলবে। এই হার্মনি-সংগীতপদ্ধতিতে ইয়োরোপ আজ এতখানি অভ্যস্ত যে, প্রাচীন আদর্শের Folk Music গাইতে গিয়েও তারা আজকাল তার সংগে 'কর্ড' ব্যবহার না করে পারে না। হার্মনির আদর্শে না সাজিয়ে কোনো গানই আজ তারা গুনতে চাইবে না।

আমাদের দেশে ইংরেজপূর্ব যুগ পর্যন্ত সংস্কৃতির যাবতীয় ধারা যুক্ত ছিল গ্রামের সঙ্গে। ইংরেজযুগে গ্রামকেন্দ্রিক এই সংস্কৃতি যখন গ্রামকে ত্যাগ করে শহরমুখী হল, তখন প্রাণবান্ গ্রাম-নির্ভর সংস্কৃতির সব উৎসগুলি শুকিয়ে আসতে লাগল। ইংরেজযুগের এইসব শহরগুলি বিদেশীর দ্বারা প্রতিষ্ঠিত হলেও বিলেতের নগরকেন্দ্রিক যন্ত্রসভ্যতার সঙ্গে একেবারেই সমানভাবে তাল রেখে চলতে পারেনি। তাই দেশেশের মত শহরকেন্দ্রিক কোনো প্রাণবান্ সভ্যতা এদেশে গড়ে উঠল না। এদেশের নগরগুলি বিশেষের ব্যর্থ অহুসরণের দ্বারা এমন একটা অবস্থার সৃষ্টি করল যার

কলে নগরবাসী আমরা গ্রামকে অবহেলা করতে শিখলাম। গ্রামের সঙ্গে শহরের বড় বকমের একটা ব্যবধান গড়ে উঠল। এরই একটি বড় নমুনা হল এযুগের শিক্ষাব্যবস্থা। শহরে ইয়োরোপের অহুকরণে যে শিক্ষাপদ্ধতি গড়ে উঠল তার সঙ্গে পূর্ব যুগের গ্রামকেন্দ্রিক শিক্ষাব্যবস্থার কোনো যোগ রইল না। অথচ ভারতের প্রত্যেক চিন্তাশীল মনীষী একবাক্যে স্বীকার করেছেন যে, ইংরেজযুগের এই শিক্ষাপদ্ধতি আমাদের দেশের পক্ষে ব্যর্থ হয়েছে। শিক্ষা ইত্যাদি আরো কতকগুলি ক্ষেত্রে ভারতীয় নগরবাসীরা অহুকরণের দ্বারা পরিবর্তনের চেষ্টা করে থাকলেও, সংগীতের ক্ষেত্রে তাদের মধ্যে, কেন জানি না, সে বকমের একটা চেষ্টা কোনোদিনই দেখা দেয়নি। একমাত্র সংগীতেই নগরবাসী আমরা প্রাচীন প্রথাকেই হুবহু বজায় রাখলাম। সেই প্রাচীন প্রথা নিয়েও একটু আলোচনা করা দরকার।

আমাদের দেশে প্রাচীনকালে সংগীতকে মূল দুটো ভাগে ভাগ করে তার একটির নাম দেওয়া হয়েছিল ‘মার্গ’ যার নমুনা আজকাল আমরা কিছুটা পাই উচ্চাঙ্গের হিন্দী গান ও কর্ণাটা সংগীতের মাধ্যমে। অল্পটির নাম ‘দেশী,’ যার অর্থ ব্যাখ্যা করে বলা হয়েছে যে, অহুরাগের সঙ্গে ও স্বেচ্ছায় স্ত্রীলোক, বালক, রাখাল ও রাজা সকলে যে-গান নিজ নিজ দেশে ও ভাষায় গায়, তাই।

রাগিণী, কথা ও ছন্দে মেলা যে কণ্ঠসংগীত আমরা শুনি, তাকে বলি গান। এভাবে দেখলে দেখা যাবে যে, উচ্চাঙ্গের হিন্দী গান থেকে শুরু করে, যাকে আমরা বলছি ‘লোকসংগীত’, তার সবই এক আদর্শে রচিত। কিন্তু এদের মধ্যে আসল পার্থক্য দেখা দেয় তাদের গায়কী নিয়ে। যে-গান স্বর বা রাগিণী, তাল বা ছন্দকে প্রাধান্য দিয়ে কথাকে তার নীচে স্থান দেয়, সেই দলের গানের মধ্যে পড়ে উচ্চাঙ্গের হিন্দী গান বা আমাদের দেশের ওস্তাদের মুখে আমরা সব সময়েই শুনতে পাই। এইসব গান রাগিণী ও তালের ঐশ্বর্ষে ও বৈচিত্র্যে ভরপুর। আলাপ তান বিস্তার ইত্যাদির

নানা প্রকার অলংকারপ্রাচুর্যই এর বৈশিষ্ট্য। এই গানের মূল উদ্দেশ্য হল সুর বা রাগিণীর সাহায্যে অহেতুক আনন্দের সাধনা।

‘দেশী’ পদ্ধতির সংগীত হল কথা সুর ও ছন্দ বা তালের জৈব মিলনের যে পূর্ণরূপ আমরা দেখি, তাই। উচ্চাঙ্গ হিন্দী গানের গীত-কীর্তিটিকে বাদ দিলে যা দাঁড়ায় এ হল গানের সেই আদিক্রম। আসলে এ গানের কথাই হল মূল, রাগিণী ও ছন্দ কথার সংগে মিশে কথার ভাবকে আরো প্রাণবান করে তোলে মাত্র। এর গীতপদ্ধতি প্রথম দলের চেয়ে অনেক সহজ ও সরল। মার্গ সংগীত বলল পাঁচ সুরের কমে গাইবার যোগ্য কোনো রাগিণী হতে পারে না। এদিকে দেশী সংগীতে দু-সুর, তিন-সুর ও চার-সুরের গানও আমরা পাই। ভাবের দিক থেকে মার্গ সংগীত ভক্তি ও প্রেমকেই প্রাধান্য দিল বিশেষ করে, কিন্তু দেশী সংগীতে ভক্তি ও প্রেম ছাড়া আরো নানা প্রকার ভাবের আমদানি হয়েছে। বাংলার দেশী সংগীতে বিষয়বৈচিত্র্য আরো বেড়েছে গত ইংরেজযুগে।

এই দুই পদ্ধতির গানই আমাদের দেশে প্রাচীন কালে গ্রামকেন্দ্রিক সভ্যতা থেকে উদ্ভূত, এবং এখনো একই আদর্শে, নগরে ও গ্রামে সমান প্রাধান্যে বিরাজমান। এখনো আমাদের সংগীত প্রকৃতপক্ষে এই মার্গ ও দেশী সংগীতের আদর্শেই পরিচালিত। সুতরাং ইয়োরোপে যে কারণে Folk Music ও Art Music কথার উদ্ভব হয়েছে, আমাদের দেশের সংগীতে সেরকমের জোরালো কারণ আজও ঘটেনি। আজ আমরা ‘লোক-সংগীত’ বলতে বুঝি যে, যারা ইংরেজি শিক্ষায় অশিক্ষিত এবং শহরবাসী নয়, এমনসব গ্রামবাসীদের রচিত গান। অথচ গঠনপদ্ধতিতে উভয়ে আজ এক হলেও শহরবাসীদের গানকে লোকসংগীত বলতে সাহস করব না। তাকে বলতে হবে ‘আধুনিক গান’ ‘রাগপ্রধান সংগীত,’ ‘ভাবপ্রধান সংগীত’ বা ‘প্রগতিবাদী সংগীত’ ইত্যাদি। তাহলে দেখা যাচ্ছে যে ‘লোকসংগীত’ কথাটা ইয়োরোপের কাছ থেকে পেয়েও আমরা তাদের নির্দেশিত অর্থে তাকে

ব্যবহার করিনি। ইয়োরোপের লোকসংগীত ছিল একলার বা একই গান সকলে মিলে একভাবে গাইবার-গান। আমাদের দেশের সব সংগীত একলা গাইবার আদর্শ ধরেই চলেছে। ইয়োরোপের মত বিচিত্র স্বরজালে সাজানো এ গান নয়। আমাদের দেশে ইয়োরোপের Folk Music কথাটির বাংলা প্রতিশব্দ যদি কিছু রচনা করতেই হয় তবে 'দেশী' কথাটাই হল তার পক্ষে সবচেয়ে উপযুক্ত; আর Art Music শব্দের উপযুক্ত প্রতিশব্দ হল 'মার্গসংগীত'।

মোটকথা আমার বলবার বিষয় হল এই যে, সংগীতে আমরা এখনো গ্রাম-কেন্দ্রিক প্রাচীন সংস্কৃতির বাহক। 'লোকসংগীত' কথাটির পরিবর্তে 'দেশী সংগীত' কথাটাই আমাদের যাবতীয় প্রাদেশিক ভাষার সংগীতের পক্ষে উপযুক্ত বলে মনে করি, দু-একটি পদ্ধতি ছাড়া। উচ্চাঙ্গের কীর্তনসংগীত ছাড়া বাঙলা গানমাত্রই এই দেশী সংগীতের আদর্শে আজও রচিত হচ্ছে। তবে ইংরেজযুগের নগরশিক্ষায় শিক্ষিত কবি ও রচয়িতাদের দৃষ্টিভঙ্গীর প্রসার হয়েছে বলে তাদের রচিত গানে ভাষা ও ভাবের প্রসার দেখা গেছে অনেক সময়। কিন্তু গানরচনার পদ্ধতিতে সকলেই এক পথের পথিক।

সব শেষে আমি গ্রামের শিক্ষায় শিক্ষিত একভাবের কবিদের রচিত কয়েকটি গান শোনাব যার প্রত্যেকটিরই স্বর বা রাগিণী স্বতন্ত্র। ভাবের দিক থেকে গানক'টি এক ধরনের হলেও এর মূল্য আছে। এই সঙ্গে রবীন্দ্রনাথের একটি গানও গেয়ে শোনাচ্ছি। তাতে বোঝা যাবে উভয়ের মধ্যে একতা কোথায়। সব ক'টিই সাত সুরের গান। উচ্চাঙ্গ সংগীতের রাগরাগিণীর মত স্বরগুলির নিজস্ব একটি রস আছে। তবে এক আদর্শে রচিত হলেও কবিতার তারতম্যে রবীন্দ্রনাথের রচনা একটি বিশেষ স্থান গ্রহণ করেছে।

গুমানী দেওয়ান কবিগান

লোকসাহিত্যে কবিগানের বিশিষ্ট স্থান অবিসংবাদিত। আমার বিশ্বাস উচ্চাঙ্গের কবিত্ব ও কবিগান একই-জাতীয় সম্পদ। অবশ্য এক দুগ্ধ হতেই সৃষ্ট মাখন ও ঘোল। আবার একই আকাশ থেকে ঝরে গন্ধা ও ভোবার জল। কোনো কোনো ভোবা অবশ্য সুযোগসুবিধা পেয়ে যে গন্ধার জলেও পরিণত হতে পারে তারও দৃষ্টান্ত দেখা গেছে। দুধের সারাংশ মাখন নাম পায়,—পড়ে থাকে ঘোল। তেমনি দেশের শীর্ষস্থানীয় কবিকুল মহৎ ভাষা ভাব ও মিল কুড়িয়ে নিয়ে উচ্চাঙ্গের কাব্য দান করেন; আর অবশিষ্ট অসার পদার্থ থাকে কবিয়ালদের জন্ত। এই পরিত্যক্ত অনাদরের বস্তুগুলিই তাঁরা খুঁজে নিয়ে বিলিয়ে দেন অখ্যাত অজ্ঞাত পল্লীতে পল্লীতে।

পৃথিবীর আদিকাল থেকেই কবি-জাতির সৃষ্টি হয়েছে। বিশ্বস্রষ্টার সৃষ্টির ধারা অব্যাহত রাখার জন্তই যুগ যুগ ধরে তাঁর বাণীর বাহক নবী বা অবতারেরা এসেছেন বিশ্বের জ্ঞানভাণ্ডারকে সমৃদ্ধতর করতে। এই অবতারেরা সমাজকে দিয়েছেন নূতন বিধান, নূতন প্রেরণা। এই সব তত্ত্ববস্তু সৌন্দর্যের রসে অভিষিক্ত করে ধারা দেশ, সমাজ ও রাষ্ট্রকে নিঃস্বার্থভাবে দান করেছেন তাঁরাই কবি, লেখক বা সাহিত্যিক। পৃথিবীর সব দেশেই কবিজাতি চিরকালই ছিল। ক্রমে এদের পরম্পরের মধ্যে মানব-মুক্তির বিভিন্ন মত গড়ে উঠতে লাগল। মতের পার্থক্যের ফলে কবিদের মধ্যে সহযোগিতার

পরিবর্তে প্রতিযোগিতার সৃষ্টি হল। প্রতিযোগিতার ভাব প্রাচীন ভারতবর্ষে যথেষ্টই দেখা যায়। চার্বাক, কপিল, মহু প্রভৃতি দার্শনিক কবিরা তার প্রকৃষ্ট উদাহরণ। কালে কবিরা রাজা-রাজড়ার দরবারে অবতীর্ণ হলেন মুক্তির পথে সমাজ, রাষ্ট্র ও মানবকে এগিয়ে নিয়ে যেতে। কিন্তু এঁদের মধ্যে আত্মপ্রতিষ্ঠান আকাঙ্ক্ষা তীব্রভাবেই দেখা যেত, তাই প্রতিযোগিতার সৃষ্টি হল কবিতার ক্ষেত্রেও। তখন এই সব কবিতা রচিত হত সংস্কৃত ভাষায়। সেকালে রাজা বিক্রমাদিত্যের সভায় ও একালে বর্ধমানের রাণবাড়িতে সে-সব সংস্কৃত কাব্য-প্রতিযোগিতা বিশেষ সমাদর লাভ করে। এর মধ্যে যে আনন্দ দেবার শক্তি ছিল সেটির বিস্তার হতে লাগল। ক্রমে সাধারণ লোকের মধ্যেও কথায় কথায় যে কোনো ভাষায় এই প্রতিযোগিতা চলল। এমন কি মেয়ে-মহলেও এই ধরনের কবিতা বলার চল হল, যেমন—‘মেয়ের মা কাঁদে, আর টাকার পুঁটলি বাঁধে’।

ইসলামী সংস্কৃতির প্রথম আবির্ভাবের তীব্র আঘাতে প্রথমতঃ সনাতন হিন্দু সংস্কৃতি মুহমান হয়ে পড়ল এবং দুর্বল স্বাভিমান-বোধকে বাঁচিয়ে রাখার জন্ত হিন্দুসমাজ প্রগতিবিরোধী হয়ে ক্রমে কচ্ছপাকৃতি ধারণ করল। কিন্তু এর ফলে সমাজের যে ক্ষয়ক্ষতি অবশ্যস্বাভাবী, তাকে রোধ করার জন্ত ও সনাতন সংস্কৃতিকে উজ্জীবিত রাখার উদ্দেশ্যে দেখা দিলেন একদল প্রচারক। এঁরা ভারতের প্রাচীন ইতিহাস, সাহিত্য, ধর্মতত্ত্ব খেঁটে নানা উৎসাহোদ্দীপক তত্ত্বের সন্ধান করলেন। সেই সব তত্ত্ব তাঁরা প্রচার করতে লাগলেন ভাগবত-পাঠ, কথকতা, রামলীলার গান ইত্যাদির মাধ্যমে। গ্রাম্য কবিরা রামচরিত, কৃষ্ণচরিত, কুরু-পাণ্ডবের যুদ্ধ ও তার উদ্দেশ্য, বৃন্দাবন-লীলায়ুত ইত্যাদি বাংলার হিন্দু সমাজের ঘারে ঘারে গেয়ে ফিরতে লাগলেন। বাংলা জয়োদম্প শতাব্দীর শেষ ভাগ থেকে এঁরাই কবিগান গায়ক বা কবিদ্যাল আখ্যা পেয়ে আসছেন। তখনও এঁদের কাব্যে স্বাধীন মনের ক্ষুঁর্তি দেখেছি। এবং দেশে তার সমাদর করার মতো জনমতেরও অভাব হয় নি। সেকালেরই সৃষ্টি

প্রথম মহাজন দাশরথি রায়ের পাঁচালি। কিন্তু মানসিক পরাধীনতা স্বীকারের সঙ্গে সঙ্গে বাংলার এই নিজস্ব অমূল্য সম্পদ ক্রমে অনাদৃত হয়ে লোপ পেতে লাগল কিংবা অপভ্রষ্ট ও বিকৃত হতে লাগল। কবিগানের মধ্যে অস্বীকৃতি প্রকাশ পেল। এটুর্নী ফিরিকী ও ভোলা ময়রা পর্যন্ত কবিগান যে আকর্ষণ ক্ষমতা রক্ষা করেছিল তাদের অব্যবহিত পরেই তা লোপ পায়।

আমি যখন ১৩২২ সালে এই কবিগান আরম্ভ করি তখন কবিগানের মান অত্যন্ত নীচে নেমে গেছে। তখন কতকগুলি নিরক্ষর হাড়ী মুচি প্রভৃতির হাতে পড়ে মানকত্বের সংমিশ্রণে, গ্রামের বাহিরে শিমুলতলার মাঠে এর আশ্রয়স্থান নিরূপিত হয়েছে। আমি বাল্যকাল থেকেই গানের খুব ভাল ছিলাম। পরিবেশে উচ্চতর রুচির সংগীত থাকলে হয়তো আমি তাই গ্রহণ করতাম। কিন্তু তখন আমাদের পাড়ায় পাড়ায় ছিল কবিগানের মল। আমি সেখানেই ভিড়ে গেলাম। এই সব গানের বিষয়বস্তু অধিকাংশই হিন্দুধর্মগ্রন্থ থেকে আহরণ করা তাই আমি রামায়ণ, মহাভারত, হরিবংশ ইত্যাদি মূল্যবান গ্রন্থ পাঠ করতে লাগলাম। তারপর সেগুলিই নিজের রচনায় এনে নিজেই কবিগান গাওয়া আরম্ভ করলাম। সেই অবধি কবিগানকে পরিচ্ছন্নতর করবার এবং তাতে নূতনত্ব আনয়ন করবার আমার তীব্র সাধ ছিল। সমাজের বর্তমান প্রয়োজনের দ্বারা কবিগানের গতিকে নিয়ন্ত্রিত করার ইচ্ছা হল। কিন্তু দুর্ভাগ্যবশতঃ অল্প কিছুদিনের মধ্যেই এই অঞ্চলের কবিগানের দলগুলি একে একে ভেঙে পড়তে লাগল। কয়েকটা নামেমাত্র দাঁড়িয়ে রইল।

তখন ধর্মভঙ্গ আলোচনার গণ্ডী থেকে কবিগানকে আমি বৃহত্তর জীবনের মাঝখানে এনে দাঁড় করবার চেষ্টা করতে লাগলাম। ফলে ইংরাজ শাসনের সর্বব্যাপী দমনক্রিয়া ও স্বাধীনতা-সংগ্রামের উদ্দীপনা আমার কবিগানকেও উৎসাহ দিল। আমি জীবনের সঙ্গে সংগতি স্থাপনের চেষ্টা করলাম বধাসাধ্য। পল্লীসাহিত্যের এই অমূল্য সম্পদটিকে রক্ষা করার

জন্ম ১৩৫৭ সালে আমি একটি 'পশ্চিমবঙ্গ চারণ-কবি সমিতি' গঠন করেছি। নানা অভাব অসুবিধার দরুন এটি এখনও যথেষ্ট প্রসারলাভ করেনি। এই সমিতির উদ্দেশ্য হল যাতে দেশ, সমাজ ও রাষ্ট্রের কাজে গ্রাম্য কবিরা লাগতে পারেন এবং গ্রামসমাজে উপযুক্ত দৃষ্টিভঙ্গীর সঞ্চার করতে পারেন।

আমার শেষ প্রার্থনা এই যে এখানে সমাগত সাহিত্যরথীগণ যেন বাউল গান, জারীগান, মনসা গান, সত্যপীরের পালা প্রভৃতির পুনরুজ্জীবনকল্পে আমার নবমুঠে পশ্চিমবঙ্গ চারণ-কবি সমিতিকে স্ফুটতে দেখেন।

ভাছ ও পটের গান

বীণা দে

বাঁকুড়া, বর্ধমান, মেদিনীপুর, সিংভূম, এবং বিশেষ করে বীরভূম জেলায় ভাছর গান ও পটের গান লোকসাহিত্যে একটি বিশেষ ধারা বজায় রেখেছে।

ভাছর মূর্তি ও গানে পাই আমরা সমসাময়িক সমাজের, দেশের ও পন্ডিতবিশেষের একটা ছবি। পটের চিত্র ও গান রচিত হয় মাতৃষের মনকে পাশের ভয় ও ধর্মের জয় দেখিয়ে অসং কাঙ্ক্ষ থেকে বিরত করে সং কাঙ্ক্ষে নিরত করার জন্ত।

ভাছ পূজো হয় ভাত্রমাসে। পয়লা ভাত্র থেকে শুরু, তিরিশে ভাত্র শেষ। মাটির কুমারীমূর্তি। গ্রামের ডোম, বাউরী, অস্বাভাবিকতারি বারা—তারাই গড়ে। সারাদিনের কাজের শেষে কলাই মূড়ীর শীতল সাজিয়ে পূজো করে—মৃত্যু সহযোগে কালি বাজিয়ে গান গায়।

তারপর ভাছ মাধায় করে দল বেঁধে বাড়ী বাড়ী যায় ও নাচ গান করে পূজো তুলতে। ভাছর জন্তে প্রতিবছর নতুন গান বাঁধা হয়। গানের রচয়িতা ঐ নিঃস্বয় হরিজনরাই। যা দেখে, যা শোনে, সুখ দুঃখ বা ভোগ করে, মনের বা কামনা, তাই ভাছর গানের বিষয়বস্তু। তাই দিয়েই তাদের ভাছর পূজো হয়।

আগে ভাছর গান রচনা করত মেয়েরা। মেয়েরাই নেচে গেয়ে পূজো করত। এখন দেখছি পুরুষে গান রচনা করে, একটি ছেলে মেয়ের মত সাজপোশাক করে নাচে, আর পুরুষেই গান করে।

বছরের পর বছর, ঘটনাধারার সঙ্গে সঙ্গে ভাছর গানের ধরনও কেমন

বদল হয়েছে, ছ'চারটি ভারই নমুনা দিচ্ছি। বেশী দূরের নয়। এই শাস্তি-
নিকেতনের পাশের গ্রাম ভুবনভাঙ্গার ভাছগানেরই পরিচয়।

প্রায় কুড়িবছর আগের গান হচ্ছে—

ভাছ লো কল্কলানি মাটির লো সরি

ভাছুর গলায় দেব আমরা

পঞ্চফুলের মালা।

বন্নচাপার ফুলে

মালা গেঁথে দাও গো ভাছুর গলে।

কানীপুরের মহারাজা

ও ভাই মন্জেবেলা

শীতল দিত ফেশীবাতাস।

...

কানীপুরের রাজার বিটা গো।

তুমি বাগদৌঘরে কী করো ?

কলাই মূড়ী ত্যাল সাঁপুরে

ওগো, তাই দিয়ে ভাছ শীতল করে

ও ভাছ কুঁড়োঝালি কাঁখে লয়ে

স্বখ-সায়রে মাছ ধরো ?

আমার ভাছুর বিয়ে দেব গো।

ইষ্টশানের বাবুকে

বেতে আনতে ভাল হবে

চাপ্ ব কলের গাড়াতে

আমার ভাছ শিকছেল্যে গো

লালবাজারে ষণ্ডরঘর

হাতে দিব ত্যালের বাটা
মুখে দিব ছুধের সর ।

...

আমার ভাছু দগিন্ যাবে গো
কয়লা পাথর কাটাতে
আরে অত ক্যানে দেৱী হ'ল
অজ্ঞয়ে বান পড়েছে ।

আমার ভাছু দখিন যাবে গো
খুঁটে বাঁধা পানসিকে

আমার লেগে এনো ভাছু
নতুন চাদর নাল দেকে ।

আমার ভাছু দখিন যাবে গো
খুঁটে বাঁধা তিন টাকা

আমার লেগে এনো ভাছু
নতুন কালো পিনকাঁটা ।

আমার ভাছু দখিন যাবে গো
খুঁটে বাঁধা চারটাকা

আমার লেগে এনো ভাছু
নতুন চাঁদির কানপাশা ।

...

আমার বাড়ীর নামোয় নারকেল গাছটি-গো
ঝারি ঝারি জল দিব
একটি নারকেল খুইলে পরে
চৌকিদারে ডাক দিব ।

এর বারোবছর পরের গান, অর্থাৎ ১৯৪৫ সালের গান একেবারে
অলাদা ধরনের। কীসর বাজনার সঙ্গে প্রথমেই কানে এল ধূয়ে ধরেছে—

চিনি আর কেঁরাচিনি

কণ্টোলে হুনের আমদানী! ...

বাড়ীর রোয়াকে মাথা ঠেকিয়ে ভাঙ্গুকে নামিয়ে রেখেই হাত নেড়ে গান
ধরে দিল—

পোরো না পোরো না ভাঙ্গু কাপড় পোরো না—

কণ্টোলে ভাঙ্গু রে কাপড় মেলে না।

বড়নোকের হুকুম কড়া

ও ভাঙ্গু কাপড় দেয় জোড়া জোড়া

আমরা গরীবনোকে কেঁদে মলোম

কী করব বল আমরা।

বলি কংগেসে ঐ বাবুভয়ে গো

চব্ব্বকাত্তে হাত দি'য়েচে

আর ইংরেজের ঐ বুদ্ধি ভারী

রেশনকাডও করোহে।

ফাস্কেলাসের বাবু তিনি গো

আমরা বড় নাম শুনি

আরে জাশে জাশে ছুঁড়ে দিলে

ছিটের কাপড় আমদানী।

বলি ইংরেজে আর জাপানীতে গো

নেগেছে টানাটানি

আর উড়োন্কাহাজ উড়ে বেড়ায়

বোমা পড়ে আগুনি।

সাহিত্যমেলা

আহা কিছুদিন আগে ভাহু গো
 শুন্তেছিলাম আসামে
 আবে বোমা পড়ে নোক মরোছে
 নোক মরোছে বর্মাতে ।
 ওগে। হিটিং পিটিং কত মিটিং গো
 দেখল্যাম ভাহুর চালাতে
 রেজুনে নোক কেঁদ্যে বলে
 মল্যাম গায়ের জালাতে ।
 বলি ডাক্তার মাঝে পেভাত বাবুগো
 ইলিফে চাল দিয়েছে
 কাপড়ের নাম শুনে বাবু
 চ্যেবের উপর বসেছে ।
 বলি ভুবনডাক্তার ভুবন হাজরা গো
 বেড়াইছে ঘারে ঘারে
 আবে ভাহু যদি করে রূপা
 রাখব সোনার মন্দিরে ।
 বলি বাবুমাশায় বাবুমাশায় গো
 আপনার বড় নাম শুনি
 খুশীমনে করবেন বিদায় গো
 দুধ থাকবে ভাহুমনি ।

এর পরের বছর, ১৯৪৬ সালের ৩১শে আগস্ট ভাহুর গান-
 কংগেসের আইন এলো না
 আমার ভাহু রয় দাঁড়িয়ে ।

অয় মহাত্মা গান্ধী বলে
 দুনিয়াকে দেয় কাঁপিয়ে ।
 দুনিয়াকে দেয় কাঁপিয়ে
 কাঁপিয়ে দিয়ে খাটে জেল ।

...

ভাছ ইতর শুদ্র বত ছিলো
 ভোট দিতে সব চলে গেল
 ভোট দিতে সব চলে গেল
 হেরিকেনের ভিতরে ।
 দাস মুর্দারামদাসে বলে
 ভোট লেব গো দাঁড়িয়ে পাশে
 মেটোকলসীর ভিতরে ।
 ইংরেজেরো আইন কড়া
 জিনিষ দিচ্ছে নিক্তির ধরা
 কন্ট্রোলের দোকানে ।

ইংরেজে আর এমেরিকা
 তাদেরই তো আছে একা
 জোর করে ও ভাই জোর করে লোক চালান দিল আসামে ।

কলকাতাতে বন্ধু হচ্ছে
 শান্তিকৈতন কেঁপে যেছো
 ধোয় খরে না প্রাণে ।

ও ভাছ কারো গেল হাত পা কাটা
 শায়ের গেল জনের বোটা
 ছুঁ পেলার না ।

মায়ের ছেলে কাটা গেলে
 মায়ের প্রাণ কী ধোষ্য ধরে
 দু'নয়নে বয় বারি ।
 ভাহু কেউ কাটিছে লাঠি ছড়ি
 কেউ ভাবিছে গর্ত খুঁড়ি
 মাটির ভিতর লুকাব ।
 সুনল্যাম পুষ্কপল্লীর নোকের মুখে
 আছি আমরা মনের দুখে
 স্মৃতেতে যুম হচ্ছে না ।
 চেরো ভাদ্র বৃষবার রেতো
 খিল কপাট সব দিল এঁটো
 ডাকলে সাড়া দিচ্ছে না ।
 পেভাত বাবু ভাবছে মনে
 বলে শাস্ত হওরে ভাই ক'জনে
 লোক তো প্রাণে বাঁচে না ।
 সাধুরাম সদাই বলে
 পড়ে ভাহুর পদতলে
 আমরা ভেবে হই সারা
 ভাহু কর করুণা ॥

এর পরে ১৯৪৯ সালের ভাহুগানের নমুনা এইরকম—

ও ভাহু বোলপুর এক ছোটো সহর জানে সকলে
 কুড়িটা ধানের মিল চলছে বাজারে ।
 বোলপুরের কাছাকাছি ভুবনভাঙ্গা গ্রাম আছে,
 ঐ গায়েতে পাণ্ডর হাউসে ইলেকট্রী বল আছে ।

ঐ কলেতে বিশ্বভারতী আলা দেবে বোলপুরে
 বীরেনবাবুর টকীহাউস তাও চলবে আলাতে
 ভুবনভাঙা বিশ্বভারতী মধ্যখানে বাঁধ আছে
 ঐ বাঁধেতে কল বসিয়ে জল দেবে ভাছ বাজারে ।
 বিশ্বভারতীর চিনিক্তেন ঐখানে তাঁতকল আছে
 ছাত্ত ছাত্তীকে কাপড়বোনা ঐখানেতে শিখাইছে ।
 বোলপুরেতে মিউসিংপালিটির আইনজারী হয়ে'য়েছে
 রাস্তাঘাট সব তোয়ের হ'ল, টেরামগাড়ী চলবে রে ।
 বিশ্বভারতীর বিশ্বকবি গুরুদেব তাঁর নাম হে
 উপাসনার ঘরখানি কাঁচ দিয়ে ভাছ তৈরী যে । ইত্যাদি—

এর পরেই গত বছরের (১৯৫২ সালের) গান শুহুন । মনে রাখা প্রয়োজন
 এই গান রচনার অব্যবহিত পূর্বেই বিশ্বভারতী কেন্দ্রীয় বিশ্ববিদ্যালয়রূপে স্বীকৃত
 হয় ।

ভাছ শাস্তিনিকেতন
 বেড়াতে যাবা তো চল শাস্তিনিকেতন ।
 ইনিভারসিটি হল ভাছ মনের মতন ।

ভাছ ইনিভারসিটি তারে ঘেরা
 দরোয়ানেরা দেয় পোহরা
 পুলিস যত আছে খাড়া
 কে কোন ধারে পেরিং যায় ।
 বিশ্বভারতীর বিশ্বকবি
 নানারঙের আঁকেন ছবি
 গুরুদেবের মোহর ছবি
 দেশে দেশে ছাপা হয় ।

এই দেখ ভাই বিনয়ভবন
 ইয়েছে ভাই জীবের জীবন
 আবার বন্ধ হ'ল কিসের কারণ

সন্দ ছিল মিটিংএ।

গবরমেণ্টে মিটিং করো
 তিনশো সোত্র দিলে ছেড়ে
 এই বায়েতে লিল্যে ঘিরে
 ঐ বিনয়ের ভবন।

ঐ দেখ ভাই জলের ট্রেক
 মাটির তলায় পাইপ খানটো
 আহা মাটির তলায় পাইপ খানটো
 বাঙ্কেতে কল বসাইছে।

ভুবনডাকায় মিশিন বসে
 শাস্তিকেন্তন বেড়ায় হেসে
 তারে তারে পাওয়ার এনে
 ঘরে ঘরে হয় আলা।

রাজহুয়ো রাজার যজ্ঞ
 দাদাবাবু তারই পক্ষ
 ও ভাদ্ দাদাবাবু তারই পক্ষ
 মেলায় যজ্ঞ করেছিলো।

ইত্যাদি।

সময়ের স্বল্পতা হেতু আর বাড়ালাম না।

লোকসাহিত্যের ত্রিধারা

পঞ্চানন মণ্ডল

পল্লীকবির সম্পূর্ণ স্বতঃস্ফূর্ত রচনাকেই আমরা লোকসাহিত্য বলিয়া বুঝি। তবে গ্রাম্য সব রচনাই যে ষাটী সোনা একথা মনে করিবার কোনও হেতু নাই। ছাই উড়াইয়া যে সকল শাস্ত্র অমূল্য রত্ন আমাদের হাতে আসিয়াছে তাহারই কয়েকটির কথা লইয়া আঙ্গিকার কথনের কলেবর। লোকসাহিত্যের পঞ্চাংশকে মোটামুটি তিন ভাগে ভাগ করা যাইতে পারে। প্রথম—ঐতিহাসিক গাথা, দ্বিতীয়—গান ও কবিতা, তৃতীয়—মেয়েলী ছড়া প্রবাদ প্রবচন হেঁয়ালী রূপকথা ও বাংলা মজাদি।

ঐতিহাসিক গাথা ॥ এই পর্ধ্যয়ে নাম করিতে হয় পৌরাণিক অল্পকরণে গঙ্গারামের 'মহারাত্র-পুরাণ', রাইকৃষ্ণ দাসের লেখা বীরভূমের সাঁওতাল হাক্কার ছড়া, অল্পপচন্দ্র দত্তের লেখা বর্ধমানের জাল প্রতাপচাঁদের কাহিনী-মূলক 'প্রতাপচন্দ্র-লোলাবস-সঙ্গীত', দিনাজপুর অঞ্চলের পুঁথি অবলম্বনে নলিনীকান্ত ভট্টশালী-সম্পাদিত দেওয়ান মাহুলা মণ্ডলের 'কান্তনামা', কোচবিহারের মহারাজী বৃন্দেবরী-বিরচিত 'বেহারোদন্ত', ত্রিপুরার মহারাজ কৃষ্ণকিশোর মাণিক্যের কর্মচারী উজীর চুর্গামণি ঠাকুরের 'বাংলা রাজমালা', হরিশোহন চট্টোপাধ্যায় রচিত 'জীবনচরিত্র' ইত্যাদি।

বিবিধ ঐতিহাসিক ঘটনা পল্লীকবিদের হাতে ছোটখাট গাথা কবিতায় ও ছড়ায় রূপ পাইয়াছিল। যেমন, রত্নপুরের বর্ধনকুটার নয়দানির জমিদার-

প্রথম খণ্ডে' সন ১৩৫৮ সালের আষাঢ় মাসে প্রকাশিত হইয়াছে। বর্তমান প্রবন্ধে আমাদের উদ্ধৃত বেনীর ভাগ উদাহরণই 'পুঁথি-পারচয়' হইতে সংগৃহীত। ইহাতে গঙ্গান্নান-যাত্রার একটি ছড়া এষ্টরূপ :

শোন সবে এক ভাবে করি নিবেদন পুঁর্ণিমাতে গঙ্গান্নানে করিলাম গমন।
আদিত্যপূরেতে জলপান তিলুটেতে স্নান, বরাগ্রামে দুলাল মুখুজ্যা বড় ভাগ্যবান।
তার ঘরে সনলয় মহাভারতের গান
গান শুনে দুই জনে থাকিল সেই রাতি প্রভাতে উঠিঞা মোরা করিলাম গমন।
সাগতাকে পিছু করি ভাবি মনে মনে কে দিবে কতে জলপান জাব কোন
গণে। ইত্যাদি...।

এইরূপ ছোটখাট রচনার মধ্যে বিশেষ লোকপ্রিয় ছিল দামোদর বা অজয় ময়ূরাক্ষীর বানের কবিতা। বান লইয়া ছড়া অনেকেই লিখিয়াছিলেন। রাঢ়ী আমরা, বান কি হড়্কা, কাহাকে বলে, তাহা ভালোভাবেই জানি ; কিন্তু এখন ধংসপ্রায় গ্রামের উপর দিয়া বজ্রার বে তাণ্ডব বহিয়া যায় তাহা আমাদের সহিয়া গিয়াছে। আমাদের জড় দেহ ও মনে তাহার বিশেষ কোনও ছাপ রাখে না। যখন আমাদের এইরূপ হস্তে দশা ছিল না তখনও অগভীর পাহাড়ী নদীতে বান হইত, কুল ছাপাইয়া সহসা হড়্কা পড়িত ; দুই ভাই 'ডাক' 'ডেউর' প্রচণ্ড বিক্রমে মাতিয়া উঠিত প্রলয়লীলায় ; অনেক কতি করিত। অভাবিত দুর্দৈবের আকারে তখন তাহা স্বয়ংসম্পূর্ণ গ্রামের স্বাভাবিক জীবনযাত্রা অন্তর্কিতে বিপর্যস্ত করিয়া দিত। সাত-আট পুঙ্খ আগেকার কালের ময়ূরাক্ষী ও অজয়ের মর্যাস্তিক একটি আশ্বিনে অকাল বানের কাহিনী, ব্যক্তিগত অভিজ্ঞতার বড় রূপায়িত হইয়া একটি কবিতাতে পরিবেশিত হইয়াছে। কবির নাম দ্বিজ ধারকানাথ, নিবাস কুচুটাগ্রাম। লিপিকর স্ত্রীনাথ বন্দ্যোপাধ্যায়। ইহার নিবাস ছিল শাস্তিনিকেতনের সন্নিক্ত গোয়ালপাড়া গ্রামে। পুঁথির লিপিকাল ১২০৮ বঙ্গাব্দ। দেশের সমস্ত জীবজন্তু, সমস্ত শস্ত, হিন্দু মুসলমান আর গ্রামের সমস্ত

জাতি—কায়স্থ রাজপুত্র কলু মালি তাঁতি গোয়াল বেনে কুস্তকার কর্মকার
 তাঁড়ি,—তাহাদের কলমশুজা দপ্তর, খড়া-ঢাল, হরগিনিশান, মাকু, চরকা,
 ঘানি পৈ, চক্র, জাড়, তাড়, মদের গোলা,—সমস্ত লইয়া ভাসিয়া গিয়াছিল সেই
 মহাপ্রাণে। বান স্বখন নামিয়া গেল শ্মশানতুল্য উভয় তীরের যে বর্ণনা
 তাহা ভয়াবহ। জীবিতাবশেষদের জন্ত শেষে কবির কথা :

রাজকর কিসে দিব রাজকর কিসে দিব কি খাইব অন্তরে ভাবিয়া

স্থানান্তরে কেহ গেল দুগিত হইয়া ।

কহে দ্বিজ দ্বারকানাথে কহে দ্বিজ দ্বারকানাথে কুকুটাতে নিবাস থাকিয়া

জ্যেষ্ঠ ভাই কমলা তার আজ্ঞা পায়।

গান ও কবিতা : পাচালী, ঢপকীর্তন, ধাত্রা, আর্ষা তর্জী, বোলান, শারি
 ও জারি গান, দেবীন্দনা গান, কবিগান, খেউর, আখড়াই গান, যোগ-সংগীত,
 বাউল গান, কোতুক রসের গান এবং নানা পেশা-সংক্রান্ত গান ইত্যাদি।
 পুঁথি-পরিচয়ে একটি জারি গান ছাপা হইয়াছে। কারবালার করুণ কাহিনী
 এই পালা গানের বিষয়। পশ্চিমবঙ্গে প্রাপ্ত জারি গানের এটি একটি পুরাতন
 নমুনা। তবে দুঃখের বিষয় পুঁথিটি খণ্ডিত। আরম্ভ এইরূপ :

তারে নারে নারে নারে নারে নারে নারে না

কারবালাতে স্বখন হোছেন খলথয়ে শহিদ হল

হোছেনের শির নিএ কাফের দমেশকাবানে ইলো।

ছের নিঞে ত কাফের গেল নেজায় চড়েঞা

কারবালাতে হোছেনের খড় থাকে...নো পড়িঞা।

ইত্যাদি...

বোলপুরের সন্নিহিত গোয়ালপাড়া গ্রামের দেবতা বক্রনাথের বন্দনা
 লিখিয়াছিলেন সম্যাসী কৃষ্ণগিরি। অন্তান্ত বন্দনা কবিতার মধ্যে বদন মিশ্রের
 ‘গণেশবন্দনা’, কানাইদাসের ‘ব্রাহ্মণ বন্দনা’—এই সব পুঁথি বিষভারতী-সংগ্রহে
 আছে।

পূর্ব সবভাব পাসরিল দেখ্যা শুনে রসিক হৈল
তারে বলি ডগু ডপনী ।

পরিশেষে কবির উপদেশ :

সত্তর হইয় মনে না থাক তাঁড়ের মনে
এই কথা দিগম্বরে কয় ॥

পুঁথি-পরিচয়ের ১২০ পৃষ্ঠায় আইবড় হটুরাম চক্রবর্তীর পদ আছে। চক্রবর্তী মহাশয় বোধ হয় ছিলেন অকুলীন। রচনাটি নিতান্ত হালকা। ভাষাও সর্বত্র শ্লীল নহে। তবে এই ধরনের রচনা চুল্লভ বলিয়া আমরা কবিতাটিকে অবহেলা করিতে পারি নাই। কবিতাটি মোটামুটি এইরূপ :

হটুরাম চক্রবর্তী গেঞেতে পলসাগ্রী,
সাতী বংসর বএক্রম বিয়া হল্য নাগ্রী ।

কানা খোড়া জদি একটা মিলিত দয়া করি,
আমার সেই হতা সাত রাজার ধন ইন্দ্রের অপছরি ।

কার বা বিশ পচিস বিয়া মলই গেল দুটো,
অতেব বলি সে বেটা বিধাতা অজ আজ নেটে ।

পাট পড়শী বৌরি হয় ভ্রাতৃবধু জায়া,
ছি ছি আইবড় বঠঠাকুর বল্যে নাম রেখেছে তারা ।
ডেক বলে কাছ ঘেসে না কেহ না চায় ফিরে,
মড়ার মত পড়ে থাকি অনাথ মন্দিরে ।

আমি দক্ষা দক্ষা সন্ত্যাপিরে সিন্নি দিলাম মেনে
বাকী নাই তার জত কারদানী নিলাম জিনে ।
তার পুঞ্জিমাত্র আছে কেবল মুখে চাপ দাড়ী
তার কুদরতি নাঞী সিন্নি খাবার দাড়ি ।

রমানাথ রায়ের 'দেশের মাহাত্ম্য', সুখভূষণদাসের 'শান্তুড়ী-বউয়ের কোমল', অজ্ঞাতনামা কবির 'টিচা-টিচিনী কাহিনী' ইত্যাদি এই প্রকরণের কবিতা। এইখানে প্রকাশ থাকে যে, বিশ্বভারতী যোগসংগীত ও বাউল গান সম্প্রতি তিন শতাধিক সংগ্রহ করিয়াছেন।

মেয়েলী ছড়া প্রবাদ-প্রবচন হৈয়ালী রূপকথা বাংলা মস্তাধি

গ্রামিক সংস্কৃতির এই মণিমুক্তারাজির মূল খুঁজিতে গেলে মধ্যযুগের বাংলাসাহিত্য, প্রাচীন যুগের বাংলাসাহিত্য অপভ্রংশ পালি প্রাকৃত ও সংস্কৃত সাহিত্যের খনি অন্বেষণ করিতে হইবে; অগ্রান্ত প্রাদেশিক সাহিত্যও খুঁজিতে হইবে। আরবী ফারসী ভাষায় কোরাণ কালাম কেছা বয়েতের পুঁথি, সমসাময়িক ঘটনা, ইতিহাসের ক্ষীণ স্মৃতি সমস্তই ঝাড়িয়া দেখিতে হইবে। লোকসাহিত্যের এই পর্যায়ের সংগ্রহক্ষেত্রেও বিশ্বভারতী পিছাইয়া নাই। তবে এই দিকে উপযুক্ত কাজ করিতে গেলে, গ্রামের সহিত যোগযুক্ত ছাত্রছাত্রীর অবিরাম অহুসঙ্কিৎসা অবশ্যপ্রয়োজনীয়। যাহাই হউক, এখানে আমরা মাত্র কয়েকটি নমুনা উপস্থাপিত করিতেছি। গ্রাম অঞ্চলের পুরুষ ও মহিলাদের নিকট হইতে সহস্রাধিক ছড়া-গান যথেষ্ট সংগৃহীত হইয়াছে।

বেউল বাঁশের বাঁকখানি নীল পাটের শিকে

কিষ্টের কাঁধেতে দিয়ে চলিল বাধিকে।

বাধাকুকের প্রেমবিলাসের এই চিত্রটি পাইতে গেলে পঞ্চদশ শতাব্দীর শ্রীকৃষ্ণকীর্তনের 'ভারথণ্ড' খুঁজিতে হইবে।

একটি প্রবাদ : বাঁধুনী এলো হুঁসুরে। হাত চেটে খায় কুঁসুরে। স্থানীর প্রসিদ্ধির সহিত পরিচয় না থাকিলে এই প্রবাদটির ঠিক অর্থবোধ হইবে না।

একটি প্রসিদ্ধ প্রবচন : জামাইয়ের জন্তে মারে হাঁস। গুণ্ডি হুক খায় মাস ॥
মধ্য ভারতীয় আৰ্যভাষায় লিখিত 'লৌকিকশ্চায়াঞ্জলিতে' এই ছড়াটির আদি-
রূপের হৃদিশ মিলে, জামাত্রার্থে শ্রীপিতৃশ্চ নৃপাদেব অতিথ্যুপকারকত্বম্ ।

কবিকঙ্কণ-চণ্ডীতে সংগৃহীত প্রহেলিকা কবিতা বা একটি 'ভাক্যানি' এইরূপ;—

বেগে ধায় রথ নাহি চলে এক পা, নাচয়ে সারথি তথি পসারিয়া পা ।

হেয়ালি প্রবন্ধে পণ্ডিত দেহ মতি, অন্তরীক্ষে ধায় রথ ভূমিতে সারথি ।

আনন্দধরের সংস্কৃত-অপভ্রংশে লেখা 'মাধবানল কথায়'

পর্বতাগ্রে রথো যাতি ভূমৌ তিষ্ঠতি সারথিঃ ।

চলতে বায়ুবেগেন পদমেকং ন গচ্ছতি ॥

কুশললাভের গুজরাটী-হিন্দীতে লেখা 'মাধবানল কামকন্দলা চউপদ্বৈতে'

পর্বত সিংহরে এক রথ জাই, খাংডেএী বইসই ভূই ঠাই ।

অতি উচ্চুক চালই করি বাউ, এক পগ নাবি যাই আঘউ ॥

আসামের ধুবড়ী হইতে শ্রীযুক্ত অজয়কুমার চক্রবর্তী 'মাণিক্য মিত্রের
কথা' সম্ভ্রান্তি প্রকাশ করিয়াছেন। গ্রন্থটির রচনাকাল অষ্টাদশ শতকের প্রথম
ভাগ। পুরানো রূপকথার নমুনা বলিয়া রচনাটির স্থান্য হইয়াছে ।

এইবার বাংলা মন্ত্রের কথায় আসা যাউক। একটি মন্ত্রে মনসা মন্ডলের তন্ত্র;—

হাই গো মাই গো জঁটা ঝাড়িতে বিস নাঞি গো

নাঞি বিস যেই মা মনসার আঙ্কায় নাঞি ।

নিকিন ধবান কাপড় কাচে মন পবনের খারে

বনে নাগ ধরে এনে আপন পুতা মারে ।

চৌদিগে বুলিএ দিস

চিঅ পুতা ঘর জাব চাপড়ে উলয় বিস । ইত্যাদি ।

ধর্মমন্ডলের 'আলালি কলিমায়' চতুর্দশ শতাব্দীর মধ্যভাগে দিল্লীর বাঘশাহ
কীর্ত্তনশাহ তুঘলকের উড়িঙা অভিযানের শোচনীয় কাহিনী লুকাইয়া আছে,
এক্স আছে এই মন্ত্রটির কয়েকটি ছন্দেও ;—

অখন বেয়ান গাই জবই করিল দুনিয়া ভিতরে
আটখানি হেড়া দিল গর্ধবির শিরে ।
গর্ধবি সিনান করে মদের পথরে
মাজকার হেড়া দিল রক্তনের সালে । ইত্যাদি ।

উপসংহারে ভেলামুখী মনসার নামে একটি ভেঙ্কির মন্ত্র পড়ি :

দরবারে ভেঙ্কি ভেল ভেলোট ভেলামুখী লাগ ভেঙ্কী চতুমুখী
লাগবী তো ছাড়িব না ছাড়িব তো পাসরবি না
লাগ লাগ লাগ সভা যুড়ে লাগ । ইত্যাদি ।

সর্বশেষে 'নির্দিটি' ছাড়ি :

সর্গের খন মর্ডের মাটি নিদ পড়েছে গাছের পাতায়
সাপিনিকে লাগিল দাঁৎ কপাটি । নিদ পড়েছে হেঁগল মাথায় ।
ইন্দ্র মাটি সিনের চোর স্বয় থাকে বলে জাগে
নিদ পড়েছে আঘোর ঘোর । মোর নির্দিটি তাকে লাগে ।

য় গাইনে না কারে রা

মো পো জমরারের কালিকা মা ।

হাড়িরিয়ের আঙ্গা চণ্ডির পা

কুঙ্কর্ণের স্বরনে নিত্রা মায় নির্দিটি দেয়া ॥

এই মন্ত্রগুলির জের অর্থর্ববেদে খুঁজিলে পাওয়া যাইবে; কিন্তু আজ আর
আমরা সে চেষ্টা করিব না । রাত হইল । দরবারে ভেঙ্কি লাগাইয়া সুমের মন্ত্র
পড়া গেল । এখন বেলায় এই হট্টগোলের মধ্যে একটি গ্রামিক আশ্রবাক্য স্মরণ
করিতে করিতে পালা শেষ করি :

কি কথা জানি কি কথা কব কথা কয়ে কথার মান খোয়াব ।

বখন কথার বোধ্য হব এক কথাতেই বশ করিব ।

বাংলা ও ওড়িয়া পল্লীসাহিত্যের ঐক্য

কুঞ্জবিহারী দাশ

সংস্কৃতি পুষ্করিণীর জলের মতো এক স্থানে আবদ্ধ হয়ে থাকে না। এর ধারা সাগরের স্রোতের মতো দেশ থেকে দেশান্তরে প্রবাহিত হয়। বাংলা ও ওড়িশার বেলাতেও এর ব্যতিক্রম হয়নি। এই দুটি প্রতিবেশী প্রদেশের মধ্যে সাংস্কৃতিক আদানপ্রদান যুগ যুগ ধরে চলে এসেছে। লোকসাহিত্য-বিশেষতঃ লোকসংগীতে ও কবিতায় এই আদানপ্রদানের চিহ্ন সব চেয়ে স্পষ্ট। ওড়িশার পালা বাংলাদেশের কবিগানের মতো এক পুরানো লোকপ্রিয় সাহিত্যিক অস্থান। গায়ক ও বাদক ছাড়া এতে আরও তিন চার জন যোগ দেয়। পালার গায়ক প্রাচীন ওড়িয়া সাহিত্যে ধুরন্ধর ও পুরাণো রাগরাগিণীতে ওস্তাদ। তার ডান হাতে গিনি বাম হাতে চামর। পরনে ঘের, চাপকান, টুপি। গ্রাম্য কবিদের রচিত গানই সাধারণতঃ সে গায়। সেই সঙ্গে প্রাচীন কবিদের ছন্দ, চৌপদী ও শ্লোকও গাওয়া হয়। উপেন্দ্র ভঞ্জ, দীনকৃষ্ণ, অভিন্ন্য সামন্তসিংহার, কবিশূর গোপালকৃষ্ণ প্রভৃতি ওড়িয়া সাহিত্যরথীদের সঙ্গেও এদের যোগাযোগ কম নয়। কবিদলের মধ্যে প্রতিযোগিতার মতন বাদী পালাও বিশেষ উপভোগ্য; দুইদল গায়কের মধ্যে প্রলোভন-হলে সমগ্র সাহিত্য-ভাণ্ডার উজাড় করা হয়। অনেক সময় সাতদিন থেকে একমাস অবধিও একাদিক্রমে এই প্রতিযোগিতা চলে। জ্ঞানের গভীরতা, প্রত্নতত্ত্বমতিত্ব, বাগ্মিতা, স্বতিশক্তি ও গান গাইবার

ভঙ্গী প্রভৃতি নানাদিক বিচার করে বিদগ্ধ বিচারকেরা শ্রেষ্ঠ গায়কের নাম ঘোষণা করেন।

কবিদল ও পালাওয়ালাদের অহুষ্ঠান ছুটি মোটামুটি একই ধরনের। বাংলাদেশের পটুয়া গীতের সঙ্গে ওড়িশার পাটুয়া যাত্রার গভীর সাম্য আছে। পাটুয়ারা হিন্দুও নয় মুসলমানও নয়। তারা মুসলমানদের মতো নেমাজ করে আবার হিন্দু দেবদেবীদের চিত্রও অঙ্কন করে থাকে। কুড়ি পঁচিশ হাত লম্বা পটের উপর তারা কোনো কাহিনীকে ধারাবাহিকভাবে চিত্ররূপ দেয় এবং সেই কাহিনীকে ভিত্তি করেই গাথিকাব্য রচনা করে। এই চিত্র দেখিয়ে, এবং গান গেয়ে তারা জীবিকা অর্জন করে। তারা একাধারে কবি ও শিল্পী। ওড়িশার পাটুয়ারা নিজেদের হিন্দু বলে অভিহিত করলেও তাদের হিন্দু মন্দিরে প্রবেশাধিকার নেই। তারা মুসলমানদের সবারিকে (পাক্ষি জাতীয় একটি যান) মাথায় করে বহন করতও সংকোচ প্রকাশ করে না। তাদের মধ্যে মুখে মুখে রচনা করে গান কেউ কেউ গেয়ে থাকে বটে, কিন্তু অধিকাংশ ক্ষেত্রেই পালার আদর্শে কবিদের রচিত গীতই গাওয়া হয়। বাদী পালার মতো বাদী পাটুয়ার গীতও উপভোগ্য।

বাংলাদেশের শিবের গাজনের মতো ওড়িয়া দশনাট প্রসিদ্ধ। উভয় অহুষ্ঠানেরই আরাধ্য দেবতা শিব। বাংলায় যেমন পুকুর থেকে ‘বেত তোলা’ ‘ঘট ভরা’ ইত্যাদি উৎসব অহুষ্ঠিত হয় ওড়িশায়ও তেমনি হয়। গাজনের ‘চামুণ্ডা’, কালীর মতো। চঢ়েয়া, চঢ়েয়াণী, পত্রসউরানী, ফকীর, ফকীরানী বাই ধন প্রভৃতি উল্লেখযোগ্য। গাজনের গানের মতো বহু রচিত গীত দশনাটেও গাওয়া হয়। এ ছুটি যাত্রা-অহুষ্ঠান সাধারণতঃ নিম্ন শ্রেণীর মধ্যে আবদ্ধ থাকলেও এতে বহু শাস্ত্র পুরাণের আলোচনা হয়ে থাকে। জাতিভেদের স্থান নেই এ অহুষ্ঠানে। উচ্চ শ্রেণীর লোকও অবাধে বোগ দিতে পারে! আবার চড়ক পূজার প্রচলনও উভয় প্রদেশেই আছে। আগুনের উপর চলা, কাঁটার শোওয়া, গরম বালির উপর গড়ানো, ক্রিতে কাঁটা ফোটানো, তীক্ষ্ণধার খড়্গের

উপর চলা, গাছের শাখায় পা দুটি বেঁধে অল্প অল্প মাথা ঝোলানো ইত্যাদি যাবতীয় কায়ক্লেশপ্রদ ক্রিয়াগুলি প্রদর্শিত হয়। উদ্দেশ্য শিবের সন্তোষ বিধান। এই আত্মষ্ঠানিক পদ্ধতিতে উভয় প্রদেশের মধ্যে অল্প মিল।

আবার সত্যপীরের মানসিক পূজাও দুই প্রদেশেই আছে। আয়ুর্ভুক্তি সন্তান প্রাপ্তি, বিত্ত লাভ, বশ লাভের জন্যে এই পূজা। উভয় প্রদেশে প্রচলিত পাঁচালী গল্পের মধ্যেও বিশেষ সাদৃশ্য লক্ষ্য করা যায়। ওড়িশায় প্রচলিত কবি কর্ণের পালার ভাষা বাংলা ও পারসিক শব্দ মেশানো। সম্ভবতঃ সত্যপীরের পূজা বাংলাদেশ থেকে ওড়িশায় এসেছে। ওড়িশায় কোনোদিন হিন্দু মুসলমান সাম্প্রদায়িক সমস্যা জটিল হয়ে দাঁড়ায় নি। বতদূর মনে হয় উভয় সাম্প্রদায়িক মিলন প্রচেষ্টা বাংলাদেশেই আরম্ভ হয়, পরে ব্যাপ্ত হয় ওড়িশায়। বাংলা মেশানো ওড়িয়া সংকীর্তন এখনও ওড়িশায় পল্লীগ্রামে প্রচলিত আছে। হাড়িপার শিশু বঙ্গদেশের রাজা গোবিন্দচন্দ্রের রাজ্যত্যাগকাহিনী এখনও ওড়িয়া পল্লী সীমস্তিনীদের নয়ন অঙ্গসিক্ত করে। তেমনি জলেশ্বরের লাক্ষেশ্বর শিবের বিষয়ে কিংবদন্তী, মেদিনীপুরের কবি রামেশ্বরের 'শিবায়ন' কাব্যে রূপায়িত হয়েছে। উভয় প্রদেশের বারমাসী, চড়া, ডাকবচন, কাহিনী কিংবদন্তী, পালা, পার্বণ, যাত্রা, উৎসব লোকবিশ্বাস ইত্যাদির মধ্যে বিশেষ সাম্য আছে। সবগুলির উদাহরণ দেবার অবকাশ নেই। প্রসঙ্গটুকুর অবতারণা করলাম মাত্র।

বাংলার বাউল সংগীতের মতো ওড়িশায় গিণ্ডরম্বাও দর্শনের প্রতীক বহু শরীরভেদ ভঙ্গন, শূন্যবাদী বৈরাগ্যমূলক ভঙ্গন প্রচলিত আছে। পঞ্চমধ্য যুগ থেকে এখন পর্যন্ত ওড়িয়া লোকসংস্কৃতির উপর তার প্রভাব বিশেষভাবে বিস্তৃত। মহিমাধর্মের প্রচারকদের উদ্ভবে এখন আশঙ্কিত নিম্নশ্রেণীর মধ্যে এই ভাবের জোয়ার এসেছে। বাংলা বাউল সংগীত ও ওড়িয়া ভঙ্গনের মধ্যে কি পরিমাণ সাদৃশ্য আছে তা নির্যুক্ত উদাহরণ থেকে বোঝা যাবে :

বাংলা

মনের অহুরাগী আমার পোষা পাখি গিয়াছে উড়ে
যখন পাখির মন ছিল সরল,
ফাঁকি দিয়া কাট্যা গেল তিন পৈচের শিকল ।
ওগো মা তোর পয়ে ধরি, আমার পাখি দাও ধরে
মনের অহুরাগী পোষাপাখি আমার গিয়াছে উড়ে ।
পাখির মাথে ময়ূরের পাখা,
গৌর বরন সেই না পাখা, চোখ দুইটি রাঙা ।
হিঙ্গুল বরন সেই না পাখি দেখলে মুনির মন বুঝে
মনের অহুরাগী পোষাপাখি আমার গিয়াছে উড়ে ।

(হারামণি ৬৭ পৃঃ)

ওড়িয়া

উজান বৃক্ষে খেলুছি লোটণি পারা
অঠা কাটি পঞ্জরীরে ন পড়ে ধরা
পারাটি যে পঙ্কবর্ণি
নাহি ইন্দ্রি নাহি ঘোনি
পাঞ্চগোটি পুত্র ঘেনি খেলুছি পরা । ১ ।
সে পারার ভেগা নাহি
লক্ষে যোজনে উড়ই
জল ফল ন ভুঞ্জই অটে অমরা । ২ ।
পারা অছি ষেউ ঠারে
কেহি তা দেখি ন পারে
শীতল ছায়া কোটরে ন পড়ে ধরা । ৩ ।
পারা আজি বিব উড়ি
বৃক্ষ পড়িব উপুড়ি
দ্বন্দ্ব রাধু কোলে ভঙ্গ হুংখ পানোরা । ৪ ।

উভয় প্রদেশের পল্লীগীতের মধ্যে কতদূর সামঞ্জস্য রয়েছে, নিম্নোক্ত কয়েকটি উদাহরণ থেকে বোঝা যাবে। বাংলা ও ওড়িশার দিদিমা ঠাকুরমারা প্রায় একভাবেই রূপকথা বলা আরম্ভ ও শেষ করেন। এই ধারা কোন প্রদেশ থেকে কোন প্রদেশে প্রবাহিত হয়েছে বলা কঠিন। গল্পের আরম্ভে :

ওড়িশা

কথাটিএ কহ', কথাটিএ কহ'
কিস কথা, বেঙ্গ মথা
কি বেঙ্গ, ঠুঁরা বেঙ্গ
কি ঠুঁরা, ব্রাহ্মণ মরা
কি ব্রাহ্মণ, কুজি ব্রাহ্মণ
কি কুজি, কিয়া বুজি
কি কিয়া, রজা ভিয়া
কি রজা, খণ্ডি খজা
কি খণ্ডি, মিরিগ লণ্ডি
কি মিরিগ, ঝাড় মিরিগ
কি ঝাড়, কণ্টা ঝাড়
কি কণ্টা, কান কোলি কণ্টা
যহি' লাগি যাএ ঝটাপটা

(উৎকল কাহানী)

বাংলা

দিদি লো দিদি একটা কণা
কি কথা—ব্যাঙের মাথা
কি ব্যাঙ, সরু ব্যাঙ
কি সরু, বামুন গোক
কি বামুন, ভাট বামুন
কি ভাট, গুয়া কাট
কি গুয়া, চিকি গুয়া
কি চিকি, সোনার চিকি
কি সোনা, ছাই খা না
তার অর্ধেক ভাগ নে না
ভাগ নিয়ে করব কি
তোর ভাগ তোরে দি।

(ছেলেভুলানো ছড়া)

গল্পের শেষে :

ওড়িশা

মো কথাটি মরিল
ফুল গছটি মরিল
হই রে ফুল গছ তু কাহি' কি মলু ?
মোতে কালী গাই খাই গলা

বাংলা

আমার কথাটি ফুরোল
নটে গাছটি মুড়োল।
কেন রে নটে মুড়ুলি ?
গোকতে কেন খায় ?

হই লো কালী গাই তু কাহিঁকী কেন রে গোরু খাস ?
 খাই গলু ? রাখাল কেন চরায় না ?
 মোতে গউড় জগিলা নাহিঁ । কেন রে রাখাল চরাস না ?
 হই রে গউড় তু কাহিঁকি জগিলু নাহিঁ ? বউ কেন ভাত দেয় না ?
 মোতে বড় বোহু ভাত দেলা নাহিঁ । কেন রে বউ ভাত দিস নে ?
 হই লো বড় বোহু তু কাহিঁকি ভাত কলাগাছ কেন পাত ফেলো না ?
 দেলু নাহিঁ ? কেন রে কলাগাছ পাত ফেলিস না ?
 পিলা কান্দিলো জল কেন হয় না ?
 হই রে পিলা তু কাহিঁকি কান্দিলু ? কেন রে জল হোস না ?
 মোতে ধুলিয়া জন্না কামুড়ি দেলা ব্যাঙ কেন ডাকে না ?
 হই রে ধুলিয়া জন্না কেন রে ব্যাঙ ডাকিস না ?
 তু কাহিঁকি কামুড়ি দেলু ? সাপে কেন খায় ?
 মূঁ ভূঁই তলে তলে যাএ কেন রে সাপ খাস ?
 কজল মাউস পাইলে রট করি খাবার ধন খাবো
 কামুড়ি দিএ ॥ গুড় গুড়োতে যাবো ॥

অর্থ ও কুল মানের জন্ত বুড়ো বরের সঙ্গে বালিকা কস্তুর বিবাহ দেওয়া-
 ওড়িশার পল্লী অঞ্চলেও ছলভ নয়। এই নৃশংস বর্বরতার কবিগুরু নিন্দা:
 করেছেন। মরমী পল্লীকবিদের গাঁতেও নিরাশ্রয়া বালিকা বধুর করুণ বেদনা-
 রূপ পেয়েছে।

ওড়িয়া

দাস্ত নাহিঁ বুঢ়া পাকুয়া পাটি বোউ কি লো
 বেদীয়ে বসিছি আধি তরাটি বোউ কি লো
 পর্বত শিখরে পাচিছি বেল বোউ কি লো
 তোতে লাজ নাহিঁ

বুঢ়া মুণ্ডে নেই খংজিলু ফুল বোউ কি লো
 বাপা বসিথিলে গস্তিরী ঘরে বোউ কি লো
 টংকা পহফিলা দিপহরে বোউ কি লো
 মোহর যেমস্ত নিখাস থিব বোউ কি লো
 টংকা বার বোড়ি অংগার হেব বোউ কি লো ॥
 (বোহর স্বংহঃখ গীতিকা, পৃঃ ৫)

বাংলা

তাল গাছ কাটম বোসের বাটম গৌরী এল বি
 তোর কপালে বুড়ো বর আমি করব কী
 টকা ভেঙে শঙ্খা দিলাম কানে মদন কড়ি
 বিয়ের বেলা দেখে এলুম বুড়ো চাপদাড়ি
 চোখ খাও গো বাপ মা চোখ খাও গো বুড়ো
 এমন বরকে বিয়ে দিলে তামাকথেগো বুড়ো
 বুড়োর হুকো গেল ভেসে বুড়ো মরে কেশে
 নেড়ে চেড়ে দেখি বুড়ো মরে রয়েছে
 ফেন গালবার সময় বুড়ো নেচে উঠেছে ।

(লোকসাহিত্য, পৃঃ ৩৬)

বাংলার একটি ছেলেভুলানো ছড়ার সঙ্গে আশ্চর্য মিল পাওয়া যাবে
 আমাদের দণ্ডনাটের চচেইয়া গীতির— শুধু ভাবের নয়, ভাবার মিলও
 কৌতূহলোদ্দীপক ।

ওড়িয়া

ধোব চারি ছান্দ কহিলু নাগর তু মোর জীবর ধন
 কলা চারি ছান্দ য়েবে কহিবু রে যাচি দেবি বউবন ।
 কঅলা কঅলা এ ছুই কলা লো কলা ত বিল মইবি
 আউরি য়েবে তু কলা পচারিলু তোহরি সুগর কেশি ।

রক্ত চারি ছান্দ কহিলু নাগর তু যোর জীবর খন
 খলা চারি ছান্দ বেবে কহিবুরে ষাচি দেবী ষড়বন ।
 ধোওব ধোবলী এ ছুই ধোব লো ধোব তো রজাক হংস
 আহরি বেবে তু ধোব পচারিলু চঢ়েয়াণী লো
 তোহরি পিক্কা বাস...

রঅক রকণি এ ছুই রক লো রক ত ফুল মন্দার
 আহরি বেবে তু রক পচারিলু চঢ়েয়াণী লো
 তোহরি মথা সিন্দুর ।

বাংলা

জাহ এ তো বড় রক্ত জাহ এ তো বড় রক্ত
 চার কালো দেখাতে পার ষাব তোমার সক্ত
 কাক কালো, কোকিল কালো কালো ফিঙের বেশ
 তাহার অধিক কালো কল্পে তোমার মাথার কেশ ।
 জাহ এ তো বড় রক্ত জাহ এ তো বড় রক্ত
 চার খলো দেখাতে পার ষাব তোমার সক্ত
 বক খলো, বঙ্গ খলো খলো রাজহংস
 তাহার অধিক খলো কল্পে তোমার হাতের শঙ্খ ।
 জবা রাজা, করবী রাজা রাজা কুম্ব ফুল
 তাহার অধিক রাজা তোমার মাথার সিন্দুর ॥

(লোকসাহিত্য, পৃ: ২৭)

ছেলেভুলানো ছড়ায় আরও কত সাদৃশ্য । ছুই প্রদেশের শিশুরা চাঁদমামাকে
 একইভাবে ডাকে :

ওড়িয়া

আ জহুমামু শরদ শশী
 মো কাঙ্কু হাতেরে পড় রে খসি

বাংলা

আয় আয় চাঁদ মামা
 টি দিবে ষা

আ আ জুহামা'য়ু আ আ
পাট কাছটিএ দেই য়াআ
গোটিএ দেলে কা'রু মোর হসিব
ষোড়িএ দেলে পিটা মাড়ি বসিব।

মাছ কুটলে মুড়ো দেব
ধান ভানলে কুঁড়ো দেব
কালো গোরুর দুধ দেব
চাদের কপালে চাঁদ টি দিয়ে ঝা।

(লোকসাহিত্য, পৃ: ২৭)

পল্লীগ্রামের বারোমাসের স্বচ্ছদুঃখ নিয়ে রচিত বারমাসী। বারোটি পদের ক্ষুদ্র পরিসরে নিরাড়ম্বর, নিরুপট পল্লীজীবনের প্রত্যক্ষ স্পর্শ পাওয়া যায়। বারমাসী নারীসমাজের একান্ত নিজস্ব। বারমাসীর গভীর অহুত্ব ও সাবলীল ছন্দে যেন পল্লীপ্রাণেরই স্পন্দন শোনা যায়। বর্ষাপনের এই সংক্ষিপ্ত বর্ণনা কোথাও অতীত স্মৃতির করুণ রসে ঝংকৃত, কোথাও বা দুঃখময় জীবনের আশঙ্কায় উদ্বেল। হিন্দী, ভোজপুরী, ওড়িয়া ও বাংলা ভাষায়, বহুবিধ বারমাসী প্রচলিত আছে। অধিকাংশের মধ্যে প্রায় একই ভাবধারা প্রচলিত। দুই প্রদেশের রুচির সাদৃশ্য ধরা পড়বে নিম্নোক্ত ঋতু বারমাসী থেকে :

বাংলা

জ্যৈষ্ঠ মাসে মিষ্ট ফল
আষাঢ়ে বরিষার জল।
শ্রাব্দ মাসে তালের পিঠা
আশ্বিন মাসে শশা মিঠা।
অজ্ঞানেতে নবান্ন নতুন ধান কেটে
পৌষ মাসে পিঠে পার্বণ ঘরে ঘরে পিঠে।
শ্রাবণে ঝুলনঝাজা ঘি আর মুড়ি
ভাদ্র মাসে পাস্তা ভাত খান মনসাবুড়ি।

ওড়িয়া

মণ্ডশিরে নুআ ভাত চুড়ুড়ি মাছর রস
অশিণরে ঘিঅ পিঠা, কার্তিকে হবিষ
পৌষ মাসে মুলা-মুড়ি খাইবাকু মিঠা
ঘন আউটা পাটকপুরা কলনী চকটা।
বারমাসরে বার খাইলু
আউ খাইবু কী
পখাল ভাতরে বাইগণ পোড়া
খেচেড়ি ভাতরে ঘি।

ভাষণ : লোকসাহিত্য প্রবোধচন্দ্র বাগচী

লোকসাহিত্য সাধুসাহিত্যের বিরোধী নয়, যদিও তা মূলতঃ পল্লীগ্রামের সাহিত্য। প্রাচীন কালেও নাগরিক সাহিত্য ছিল। তখন কিন্তু নাগরিক ও গ্রাম্য সাহিত্যে এত প্রভেদ ছিল না। নাগরিক সংগীত ও গ্রাম্য সংগীতে তফাৎ হয়েছে ইংরেজ আমলে— শাস্তিদেব যা বললেন— বৈদেশিক প্রভাবে। লোকসাহিত্য অসাধু বা তথাকথিত অর্থে 'গ্রাম্য' অবশ্যই নয়। বৈদেশিক সাহিত্য অধ্যয়ন না করলে হয়তো বর্তমান নাগরিক সাহিত্য সর্বতোভাবে বোধগম্য হতে পারবেনা। কিন্তু লোকসাহিত্য বিচারের সময় বিদেশীর চোখে দেখলে চলবেনা। তার মধ্যেও সংস্কৃতি আছে, যদিচ তা দেশজ। লোকসাহিত্যের রচয়িতারা সংস্কারবর্জিত ছিলেন, এমন নয়। শিবঠাকুরের বিয়ের সম্পর্কে প্রচলিত গ্রাম্য ছড়ার—বিষ্টি পড়ে টাপুর টপূর নদেয় এল বান ইত্যাদি—সাধারণ পৌরাণিক ব্যাখ্যা ছাড়াও ষ্ণে-গভীর আধ্যাত্মিক ব্যাখ্যা হয় শৈবদর্শনের মূল হল তাই। বাংলা লোকসাহিত্যে বিভিন্ন রকমের সংস্কার ও শিক্ষার বিভিন্ন ধারা এসে মিশেছে। মনসুরউদ্দীন সাহেব লোকসাহিত্যে হিন্দু মুসলমান ভাবধারার কথা বলেছেন। শ্রীযুক্ত আশুতোষ ভট্টাচার্য লোকসাহিত্যে উপজাতীয় ধারার কথা বললেন। বিভিন্ন প্রদেশের লৌকিক ধারার মধ্যেও যে কতখানি ঐক্য বিদ্যমান, তারও পরিচয় পাওয়া গেল শ্রীযুক্ত কৃষ্ণবিহারী দাশের কাছে।

এমনি সাদৃশ্য ওড়িশা ছাড়া অত্র প্রদেশের লোকসাহিত্যের সঙ্গেও থাকা সম্ভব।

আমাদের লোকসাহিত্যের ধারাই দেশের আদর্শ সাংস্কৃতিক ধারা, না ইংরেজি শিক্ষার ফলে প্রসারিত সাহিত্যের ধারাই আদর্শ ধারা—এটা বিচারের বিষয়। কোন্‌ ধারায় নতুন যুগের সাহিত্য গড়ে উঠলে দেশের লোক তা মনেপ্রাণে গ্রহণ করবে সেটাও জানতে হবে। বলাই বাহুল্য, দেশের সঙ্গে যে-সাহিত্যের প্রাণের যোগ সবচেয়ে বেশী, তার দাবিই সর্বাগ্রে। বর্তমান সাহিত্যের ক্ষেত্রে দেখা যায় যে মুদ্রিত পুস্তক বিক্রয়ের সংখ্যা খুব বেশি নয়। কারণ এক্ষেত্রে পাঠকগোষ্ঠী একটি ছোট গণ্ডির মধ্যে আবদ্ধ। সেই গণ্ডি পেরিয়ে দেশের লোকের মর্মস্থলে পৌঁছতে হলে লোকসাহিত্য এবং বর্তমান নাগরিক সাহিত্য এই দুই ধারার মিলন ঘটাতে হবে। তবেই আমরা দৃষ্টি ও বুদ্ধির সংকীর্ণতা অতিক্রম করে বৃহত্তর জগতে প্রবেশ করতে পারব এবং সাহিত্যের স্বার্থ প্রসার ও ব্যাপ্তি সম্ভব হবে।

শিশুসাহিত্য



শিশুসাহিত্যের সূচনা

প্রভাতমোহন বন্দ্যোপাধ্যায়

প্রথম কথা, শিশুসাহিত্য কাকে বলব? শিশুর বোধশক্তি এবং ভাষাজ্ঞানের বিকাশের সঙ্গে সঙ্গে তার জন্ম যে-সাহিত্যের প্রয়োজন হয়, যে-সাহিত্য তাকে একাধারে আনন্দ এবং শিক্ষা দেয়, তার কল্পনাকে প্রসারিত, বুদ্ধিকে মার্জিত এবং জ্ঞানভাণ্ডারকে পুষ্ট করে তাকেই আমরা শিশুসাহিত্য বলতে পারি। গল্প, কবিতা, নাটক থেকে আরম্ভ করে দর্শন, বিজ্ঞানের বই—সবেরই এর মধ্যে স্থান হতে পারে, যদি ছেলেমেয়েদের উপযোগী সরস এবং সহজ ভাষায় লেখা হয়। কাজের সুবিধার জন্ম দু'বছর বয়স থেকে ষোল বছর বয়সের ছেলে-মেয়েদের প্রয়োজনের দাবী মেটানো এর কর্মক্ষেত্রের পরিধি ধরা যেতে পারে।

এরপর শিশুসাহিত্যের বিভিন্ন স্তরের কথা আসে। শিশুর বয়স অনুযায়ী শিশুসাহিত্যের বিভিন্ন ধাপে বিভিন্ন রকমের আকৃতির দরকার হয়। প্রথম স্তরে আসে ঘুমপাড়ানি গান ও ছড়াগুলি, ধ্বনি এবং ছন্দের মাধুর্যের সঙ্গে আবোল-ভাবোল বহুনি এ-স্তরের সাহিত্যে বেশ চালানো যায়। এর পরের স্তরে প্রয়োজন হয় ধ্বনিমাধুর্যের সঙ্গে সুসংগত কথার মানের। শিশু মহারাষ্ট্রের স্তব্ধতা, বড়োদের বহু উদ্ভট কল্পনা, আশাআকাঙ্ক্ষা, হাসিকান্না রূপ গ্রহণ করে এই স্তরের ছড়া এবং গল্পগুলির মধ্যে। অল্পপ্রাসের ছড়াছড়ি চলে। মাতৃহৃদয়ের স্নেহবসে কবিত্বের মায়াম্পর্শে উজ্জল এই স্তরের বহু অখ্যাত অমর কবির রচনা। শিশুর অজান্তসারে এই সময়ে মায়ের কোলে তার ছন্দের সাহিত্যবেলা—৬

মিলের এবং অল্পপ্রাসের কান তৈরি হয়, জগতের স্বত মহাকাবিদের মহাকাব্যের জন্মভূমি এইখানেই। এই স্তরের শিশুসাহিত্যে অর্থাৎ ছড়ার রাজ্যে শিশুরা সর্বত্রই শ্রোতা নয়, কোথাও কোথাও রচয়িতাও বটে। তার ছন্দের কান তৈরি হওয়ার সঙ্গে সঙ্গে সে রহস্য করে, খেলার ছলে বা অন্ধকে আঘাত করবার জ্ঞান ছড়া রচনা করে, শহরে গ্রামে এর অনেক উদাহরণ মিলবে। এরপর আসে পুরোপুরি গল্পের যুগ। বোধশক্তির বিকাশের সঙ্গে সঙ্গে শিশুদের কল্পনা চোখে-দেখা-জগতের বাইরে ঘুরে বেড়াবার ক্ষেত্র চায়। এ-স্তরের প্রথমে আসে জীবজন্তুর গল্প। তার পর ক্রমে রাখালের পিঠে-গাছ, নাপিতের ভূতধরা, তাঁতির বোকামি প্রভৃতির গণ্ডি পেরিয়ে শিশু আরও অজানার রাজ্যে যাত্রা করে, তালপত্রর খাঁড়া, ঘুমন্ত পুরী, সাতভাই চম্পা, সাতশ রাক্ষসীর রাজ্যে পাড়ি দেয়। এই সময়ে সে মায়ের ঠাকুরমার কোল ছেড়ে বাপের ঠাকুরদাদার গল্পের আসরেও বসতে শিখেছে, নিছক কল্পনার উপর নির্ভর করে আর চলে না এখন, এটা কি, ওটা কোথায়, এটা কেন, ওটা কবে হ'ল—এ-সব প্রশ্নের জবাব দিতে হয় তাকে সহজবোধ্য ভাষায়। অতীতের উদ্ধৃত গ্রীক পণ্ডিত রাজাকে বলেছিলেন “জ্যামিতি শেখবার কোনো রাজকীয় সহজ পথ নেই।” কিন্তু সেকালের এবং একালের অনেক পণ্ডিতই এতে সায় দেননি। শিশু-মহারাজের জ্ঞান সেকালের পণ্ডিতেরাও রাজনীতি ধর্মনীতির সহজবোধ্য বই লিখেছেন আজও পদার্থ-বিজ্ঞা, জীববিজ্ঞা, শিল্প, ইতিহাস, ভূগোল ও জ্যোতিষের এমন কি বড়োদের জ্ঞান রচিত সাহিত্যের শিশুপাঠ্য সংস্করণ বেরোচ্ছে। ছেলেবেলায় এই ভাবে নানা বিষয়ের সঙ্গে সহজে পরিচিত হওয়ার সুযোগ পেলে শিশু তার নিজের পছন্দ অল্পযায়ী নিজের ভবিষ্যতের পথ স্থির করে নিতে পারে, তার অনেক শক্তির অপব্যয় বেঁচে যায়। এ একটা মস্ত লাভ।

এই গেল শিশুসাহিত্যের মোটামুটি ক'টি স্তর,—ছড়া, গল্প ও প্রবন্ধের স্তর। এর মধ্যে দ্বিতীয়টিরই প্রচার এবং জনপ্রিয়তা বেশী। এ প্রসঙ্গে বলা প্রয়োজন;

প্রাচীনকাল থেকে কথাসাহিত্যের দুটি ধারা স্পষ্ট চোখে পড়ে, একটি পুঙ্খ-প্রভাবিত সত্যঘটনামূলক আখ্যায়িকার ধারা, আর একটি নারী-প্রভাবিত কল্পনামূলক গল্পের ধারা। এই দুই ধারার মিশ্রণে গড়ে উঠেছে অতীতের মহাকাব্য এবং পুরাণগুলি, হীনযানী বৌদ্ধদের 'জাতক' এবং মহাযানী বৌদ্ধদের 'অবদান' গ্রন্থগুলি, গুণাচ্যের 'বৃহৎকথা', দণ্ডীর 'দশকুমার চরিত', বাণভট্টের 'কাদম্বরী' প্রভৃতি শত শত গ্রন্থ, যা আজ দু'হাজার বছর ধরে বহু লোককে আনন্দ দিয়েছে এবং ভবিষ্যতেও দেবার ক্ষমতা রাখে।

ইংরেজি উনিশ শতকের মাঝামাঝি পর্যন্ত বাংলাদেশের ছেলেমেয়েদের সাহিত্য ছিল মা-ঠাকুরমার মুখের ভাষায় ছড়া এবং রূপকথার গণ্ডীর মধ্যে। এর সঙ্গে যাত্রার কথকতার আসরে বড়োদের আনন্দের ছিটেকোটা পড়ত বটে তাদের ভাগে, তবে সেজন্ত দাবী চলত না। প্রধানত পাশ্চাত্য প্রভাবের ফলে এই সময় পণ্ডিতদের নজর পড়ল শিশুদের উপর। পুঁথিপত্রে শিশুসাহিত্য সৃষ্টি আরম্ভ হল। প্রথমদিকে যে-বইগুলি লেখা হল তার অধিকাংশ বিদ্যালয় পাঠ্য বই, ছেলেদের রাতারাতি পণ্ডিত এবং স্ববোধ স্থূলীল করে তোলবার জন্ত লেখা। এ সব বই-এ মনোরঞ্জনের চেষ্ঠা যে একেবারে ছিল না তা নয়, অল্প ছিল। বেত্রদণ্ডবিড়ম্বিত বাংলার শৈশবকে সাহিত্য ক্ষেত্রে প্রথম তার প্রাপ্য সম্মান দিলেন রবীন্দ্রনাথ। শুধু নীতিশিক্ষা, জ্ঞানশিক্ষা দিয়ে নয়, আনন্দ দিয়ে, ভালবাসা দিয়ে। প্রধানত তাঁর আদর্শ ও অহুপ্রেরণায় বিগত পঞ্চাশ বছরের শিশুসাহিত্য লালিত পালিত ও বর্ধিত হয়ে এমন একটি পরিণতি লাভ করেছে যা নিয়ে বাঙালী গর্ব বোধ করতে পারে। গত পাঁচবছরের শিশুসাহিত্যে এই পরিণতির চিহ্ন পরিস্ফুট। আজকের অধিবেশনে উপস্থিত যে-সব স্থানীয় সাহিত্যিক ছেলেমেয়েদের জন্ত সাহিত্যরচনায় নেমেছেন তাঁদের ভাষণ ও আলোচনা থেকে আমরা বাংলাদেশের শিশুসাহিত্যের বর্তমান রূপ ও প্রগতি সন্দেহ অনেক কিছু জানতে পারব।

শিশু-সাহিত্যের বিষয়বস্তু

লীলা মজুমদার

শিশু সাহিত্যের বিষয় নিয়ে আলোচনা করতে গেলে গত পাঁচ বছরের বিষয় বলাও যা, গত চল্লিশ বছরের বিষয় বলাও তাই। কারণ, যদিও দেখতে দেখতে আমাদের চারিদিকে ছোটদের বইএর এক বিশাল গন্ধমানন জমে গেছে, উনচল্লিশ বছর আগে “সন্দেশ” পত্রিকার প্রথম সংখ্যা যখন প্রকাশিত হয়েছিল, তখনও যে-সকল বিষয় নিয়ে আলোচনা হত এখনও তাই হয়। ছোটদের নাম-ধাম, চুলের ছাঁটের অদল-বদল হয়েছে মাত্র। তার বেশী হবেই বা কেন? সমর্সেট ম’ম তাঁর সম্প্রতি-প্রকাশিত একখানি বইএ বলেছেন যে কাব্যের আদর চিরকালের জন্ত, কিন্তু গল্প-সাহিত্যের আদর দু-তিন পুরুষ বড়জোর টিকে থাকে, তারপর সে সেকেলে হয়ে যায়। তখন তাকে ছাত্ররা আর পত্রিতরা ছাড়া কেউ নাকি বড় একটা পড়েও না। কথাটার সত্যমিথ্যা বিচার করার সময় এখন নেই, কিন্তু আমার মনে হয় শ্রেষ্ঠ শিশু-সাহিত্য হল ঐ কাব্যশ্রেণীর রচনা, এবং তার আদর চিরকালের নিমিত্ত। উক্ত উনচল্লিশ বছরের পুরানো “সন্দেশ” খানা যদি কেউ খুলে দেখেন, তিনি একথা স্বীকার করবেন। Alice in Wonderland হল আরেকটি দৃষ্টান্ত।

আবার অনেকে বলেন যে শিশু-সাহিত্য বলে আলাদা একটা সাহিত্য থাকতে পারে না। আমাদের মতে সহজ ভাষায় লেখা ছোটদের উপযুক্ত সাহিত্যকেই শিশুসাহিত্য বলা যায়। ছোটদের নিজেদের রচনা কিংবা

তাদের বিষয়ে রচনা হলেই কিন্তু শিশু-সাহিত্য হয় না। এমন কি ছোট ছেলেদের এঁচড়ে-পাকা রচনাও শ্রায়-কখনই শিশু-সাহিত্য হয় না। আসল কথা হল কেবলমাত্র তারাই ছোটদের জন্য লিখতে পারে, যাদের নিজেদের ছোটবেলাকার চোখ দিয়ে দেখা ছেলেবেলাকার কথা মনে আছে। আবার শুধু ঘটনাগুলিকেই মনে রাখলে যথেষ্ট হবে না, ছোটবেলার দৃষ্টিখানিও চাই। তাহলে বিষয়বস্তু বাহ্যবাহির আর কোনো ল্যাঠা থাকে না।

হুনিয়ার সমস্ত বিষয় নিয়ে শিশু-সাহিত্য হতে পারে। সৃষ্টি, ধ্বংস, রাগ, হিংসা, ঘেব, ভালবাসা, কিছুই বাদ দেবার প্রয়োজন নেই; প্রয়োজন শুধু একাধারে পরিণত বুদ্ধি আর শৈশবের দৃষ্টি। অনেকে ভাবেন শিশু-সাহিত্য হল বড়দের জন্য বই লেখার ট্রেনিং গ্রাউণ্ড। বেশ খামা একটি কুস্তীর আখড়া পাওয়া গেল, এখানে সহজেই বাহবা পাওয়া যাবে, আবার সেইসঙ্গে দিব্যি হাতটাকেও পাকিয়ে নিয়ে, পরে বড়দের লেখার ক্ষেত্রে নির্ভয়ে নেমে পড়া যাবে। কিন্তু ছোটরা ত অসম্পূর্ণ বড় মানুষ নয়, তারা হল গিয়ে সম্পূর্ণ ছোট মানুষ। তাদের হুনিয়াকে দেখবার ধরনটাই আলাদা। সে-চোখ যার নেই, সে হাজারবার শিশু-সাহিত্যের বিষয়বস্তু নির্বাচন করতে পারে, কিন্তু শিশু-সাহিত্য রচনা করতে পারবে না।

শিশুসাহিত্যের বিষয়-তালিকাতে বাস্তব-অবাস্তব ভেদ নেই। অবাস্তব নইলে কেমন করে চলে? বাস্তবের তো মাত্র দশ দিকে বিস্তার, তায় আবার এটা নয়, ওটা নয়, এখন নয়, এখানে নয়, অন্তখানি নয়, পদে পদে বাধা। শিশু-সাহিত্যে অসম্ভবের চাহিদা আছে। পরী আছে, রাক্ষস আছে, দুইই একটু বোকামতো; আর কথা বলতে পারে এমন হাজার হাজার জন্তুজানোয়াররা আছে, হুঁটারজন ছাড়া তাদের সকলের কি বুদ্ধি! ছোটদের গল্পে অসম্ভব স্বচ্ছন্দে চলে যাবে, তাই বলে কিন্তু অসংগতি চলবে না। কুকুরদের কুকুর-কুকুর স্বভাব থাকতে হবে। পরীরা উড়বে আর ভূতদের হাঁটু থাকবে

উলটো দিকে। এনব নিয়মকে কি পাঁচ বছরের মেয়াদ দিয়ে বেঁধে দেওয়া যায় ? এ হল চিরদিনকার।

ছুনিয়ার সব বিষয়ে শিশু-সাহিত্য রচনা হতে পারে। কিন্তু ছোটদের জ্ঞান বই লিখলেই সে শিশু-সাহিত্য হয়ে যায় না। প্রথমতঃ পাঠ্যপুস্তকগুলির অধিকাংশকেই বাদ দিতে হবে। যার প্রকাশ উদ্দেশ্য শুধু জ্ঞান বাড়ানো, গুণীর হাতে পড়লে সেও যে জাতে উঠে সাহিত্যের সমগোষ্ঠি হয়ে যেতে পারে না, এমন কথা বলছি না। তবে কিনা সাহিত্য কারো অপেক্ষায় বসে থাকে না, তার কাছ থেকে কে কোন্ শিক্ষা গ্রহণ করল কি করল না, তাতে তার কিছু আসে যায় না। সে ফুলের মতো বিকশিত হয়ে ওঠে, তাকে কে দেখল আর কে দেখল না, কে তার সৌরভ পেল আর কে পেল না, সে তার হিসাব রাখে না। কেউ কিছু না শিখলেও তার সাহিত্য-মর্যাদা ম্লান হয় না। শিশু-সাহিত্যের বেলাতেও তাই। “ছোট ছেলেদের এইসব শেখাতে হবে”—এই কথা মনে করে শ্রেষ্ঠ রচনা তৈরি হয় না। “আমি নইলে গাছের পাতায় সবুজ রং ধরবে না”—এই মনে করে কি আর পৃথিবীর উপর সূর্যের সোনালী রোদ বলমল করে ওঠে ? কিন্তু তবুও ঐ রোদ লেগেই ধরণী শ্রামল হয়ে যায়। সূন্দর হয়ে বিকশিত হওয়াই সাহিত্যের স্বভাব, শেখানো তার আসল উদ্দেশ্য নয়।

তবে অপরপক্ষে, কয়েকটি জিনিসকে শিশু-সাহিত্যের বিষয়তালিকা থেকে ছেঁটে ফেলতে হবে, যেমন ছিঁচ্কাঁতুনে কবিতা, ছিঁচ্কাঁতুনে গল্প। কোথায় কার কে মরে গেল, কে কত রকমে কষ্ট পেল, কার ভাগ্যদোষে কি রকম করে কার জীবন ব্যর্থ হয়ে গেল; এই ধরনের সব খুঁচিয়ে চোপের জল-বের-করা, মন-ছোট-করে-দেওয়া, হতাশামূলক গল্প আর কবিতা দূর করে দিতে হবে। দুঃখের কথার শুধু তখনই কোনও মূল্য থাকে, যখন তার মধ্যে দিয়ে স্নানঘের চরিত্র দৃঢ় হয়ে ওঠে, চিন্তা কমা করতে শেখে। এ-কথা বড়দের সাহিত্যেও যেমন খাটে, ছোটদের বেলাতেও তেমনই। ছিঁচ্কাঁতুনেদের আমরা কোনোমতেই প্রসন্ন দেব না।

কিন্তু চোরডাকাতের গল্প চলবে। শোনা যায় বিলেতে নাকি ছোট-ছেলোদের ডিটেকটিভ বই পড়ে চুরি-ডাকাতি করবার ইচ্ছা হয়; সেইজন্য অনেক অভিভাবক চিন্তিত হয়ে পড়েছেন। এখানে পুনরায় দৃষ্টিভঙ্গীর কথা ওঠে। আমাদের ছেলেরা জানে চোররা হল তাদের বাবা-মাদের দুশ্চিন্তার কারণ, অতএব গোড়া থেকে চোরদের প্রতি সহানুভূতি হওয়াটা তাদের পক্ষে স্বাভাবিক। তবে আর কেন নিশ্চিন্তে বাস করার আনন্দের মধ্যে, একটা মুহূর্ত শিহরণের আনন্দ থেকে তা'দের বঞ্চিত করা? এখনো মনে আছে ছোটবেলায় নসু ডাকাতের গল্প শুনেছিলাম। সে নোকো করে চুরি ডাকাতি করত আর তাল তাল সোনাদানা বাড়িতে এনে জমা করত। একদিন গভীর রাতে নসুর দলের লোকরা একটা নোকোকে আটকেছে। এমন সময় নোকোর ভিতর থেকে নসুর মা বাঘের মতো চোখ করে বেরিয়ে এসে হাঁক দিলেন, “নম্যা!” নসু ঠকঠক করে কাঁপতে কাঁপতে এগিয়ে এল। মা বললেন, “লক্ষীছাড়া ব্যাটা! আমার পা ছুঁয়ে শপথ কর যে—এমন কাজ আর কখনো করবি না।” নসু গুটিসুটি এসে পা ছুঁয়ে শপথ করল। সেই নসু ডাকাতি ছেড়ে দিয়ে গ্রামে গিয়ে সুখে বসবাস করতে লাগল। এমন ধারা গল্প শুনেলে কারো কি কোনো অনিষ্ট হ'তে পারে? ভাগ্যিস চোররা আছে, তাই না মাঝখান থেকে ছোটছেলেরা একটু আনন্দ পেয়ে নিতে পারে।

চোরডাকাতরা না হয় পাশ করে গেল, ভূতপ্রেত বিকট দানবদের বিষয়ে গল্প লেখা কি উচিত? শেষটা ছেলেমেয়েরা ভীত হয়ে যাবে না তো? আমার মনে আছে বাইশ বছর আগে এইখানে, লাইব্রেরির সামনে মছরাগাছের তলার আমি অঙ্কের ক্লাশ নিছি। হঠাৎ দেখি একটি ছেলে দিবিয় আমার দিকে পাশ ফিরে বসে, গাছে ঠেস দিয়ে কি-একটা গাড়া আছে, আর তার চোখ ঠিকরে বেরিয়ে আসছে, ভুরু কপালে উঠে যাচ্ছে, চুল খাড়া হয়ে উঠছে। আমি এমনি অবাক হয়ে গেলাম, যে রাগ করতে ভুলে গেলাম। বাঁদরের তেলচিটে বাঁশ বেয়ে ওঠার কথা বন্ধ করে, ছেলেটাকে বললাম, “এদিকে আস।” দেখি

তার হাতের বইটার উপর একটা কালো অঙ্ককার গল্পের ছবি আঁকা, তার মধ্যে থেকে মাথা বের করে রেখেছে একটা বিকট জানোয়ার না কি যেন। বইএর নাম—“তিক্তা গুহার ভয়ঙ্কর, রোমাঞ্চ সিরিজ ২২ নং।” ছেলেটার ঐ গভীর রোমাঞ্চময় আনন্দের কথা এখনো মনে আছে। আমরা রোমাঞ্চ সিরিজের নাম পরিবর্তন করতে পারি, ভাব মার্জিত করতে পারি, ভাষা বিশুদ্ধ করতে পারি, কিন্তু রোমাঞ্চকর কাহিনী থেকে ছেলেমেয়েদের বঞ্চিত করব কোন অধিকারে? মনগড়া গল্প শুনে, কাল্পনিক ভয় পেলেই তারা যদি ভীত হয়ে যায়, তবে তারা পৃথিবীর সত্যিকার বিপদের সম্মুখে দাঁড়াবে কি করে?

কেউ কেউ ছোটদের প্রেমের গল্প পড়তে দেন না। কিন্তু যাদের জীবন প্রেম দিয়ে ঘেরা থাকে, ছোটবেলা থেকে সেই প্রেমের কথা শুনলে তাদেরই স্মৃতি হয়ে যাবার সবচেয়ে আশঙ্কা আছে, এ তো খুব যুক্তিসংগত কথা হল না। স্মৃতির প্রকৃত প্রেমকে স্মৃতি করে না, কৃত্রিম ভাবাবেগ নিয়ে উচ্ছ্বাস করে। যে-প্রেম মানুষকে স্বার্থশূন্য করে দেয় তার কথা পড়লে ছেলেরা স্মৃতি হয়ে যাবে, এ কেমনধারা কথা? তাই বলে শুধু কল্পনা আর কাব্য-কাহিনী দিয়ে সাহিত্য সৃষ্টি হয় না। শিশু-সাহিত্যে জীবনকাহিনী, ভ্রমণকাহিনী, জ্ঞানবিজ্ঞানেরও স্থান আছে। কিন্তু এ-সকল যেন সাহিত্যের মন্দিরে আসন পায় শুধু সত্যের সৌন্দর্যে, ভাবের গভীরতায়, ভাষার লালিত্যে। বই মাত্রেরই সাহিত্য নয়। ছেলেরা অ্যাডভেঞ্চারের গল্প পেলে, দিক্‌বিদিক্‌ ও ব্যাকরণ-জ্ঞানশূন্য হয়ে আশানে-মশানে, ভূতের বাড়িতে, বর্মার জঙ্গলে, দামী সূঁচ পরা ও ভুল বৈজ্ঞানিক তত্ত্ব-ওয়লা গোয়েন্দাদের পিছু পিছু ভক্তিশ্রদ্ধায় গদগদ হয়ে কেন ঘুরে বেড়ায়, সে বিষয় কিঞ্চিৎ গবেষণার প্রয়োজন। আসল কথা হল যে-কারণে আরেকটু কম বয়সে পরীদের অদ্ভুত কীর্তিসমূহের মধ্যে মোহিত হয়ে যেত, এখন দশবারো বছর বয়সে সেই কারণেই দুঃশোণ্য কাহিনীতে আর মন ওঠে না। তার চেয়ে আরও কঠিন পদার্থে এখন দস্তফুট করবার ইচ্ছা হওয়াটা স্বাভাবিক বইকি। সেইজন্য হাজার হাজার নীলকান্তমণির খোঁজে জীবন্ত ম্যামিরা, একচোখে

ভিথিরীরা, গভীর রাতে না খেয়ে না ঘুমিয়ে, যেখানে-সেখানে বিচরণ করে। অবশ্য তাদের যতই সন্দেহের চোখে নিরীক্ষণ করা যাক না কেন, আসল পাপিষ্ঠ হল গিয়ে মোটাসোটা অমায়িক পিসেমশাই, যাকে সকলে ছোটবেলা থেকে চেনে বলে আর্দে সন্দেহ করে না। গত পাঁচ বছরের শিশু-সাহিত্যের মধ্যে এই ধরনের গল্পের নিদারুণ প্রাধান্য। এরাই হল সর্বাপেক্ষা জনপ্রিয়। কারণ এরা বালকের মনের কাছে চেনাশোনা, আইনমানা, পোষমানা, একঘেয়ে-কথা-শোনা, নিরাপদ জীবনযাত্রার মধ্যেও এমন রসের আত্মদ এনে দেয় যা আর কোনো কিছুর মধ্যে পাওয়া যায় না। জোর করে এ ধরনের বই পড়া বন্ধ করে দেওয়া যায় না। তিক্ত অভিজ্ঞতা বলে, প্রকাশ্যে না পারলে গোপনে এ বিষয়ে চর্চা চলবে। একমাত্র উপায় এই তৃষ্ণা নিবারণের অন্য ব্যবস্থা করা। সস্তা খেলো গল্প, ভুল বৈজ্ঞানিক তথ্য, অশুদ্ধ ভাষা পরিহার করেও রোমাঞ্চ-রহস্যের কাহিনী হয়। গত পাঁচ বছরের মধ্যে এমন একটিও বই প্রকাশিত হয়নি যা Treasure Island এর পাশে দাঁড়াতে পারে। অথচ এই বিষয় নিয়েই সেরা শিশু-সাহিত্য রচনা করা যেতে পারে।

জীবনকাহিনী, ভ্রমণকাহিনী, জ্ঞান-বিজ্ঞানের কথা দিয়েও এ-প্রয়োজন অনেকাংশে মেটানো যায়। তবে রসগ্রাহী রসিকগণ না হলে এ-কাজে হস্তক্ষেপ করা বিপজ্জনক। কিন্তু এ-ধরনের রচনা পরোক্ষভাবে মাষ্টারমশাইদের বিন্যাসের অ্যাসিস্ট্যান্ট বলে, এদের দ্বিগুণ আদর হওয়া উচিত, এবং রচনার ভাষা চলিত ও বিষয় সহজ হলেও উভয়েরই নিখুঁত ও নিভুল হওয়ার আরও বেশী প্রয়োজন।

অনেক কিছু বলা হল, কিন্তু হাসির গল্পের ও কবিতার বিষয় বলা হল না। বিষয়টা শুনতে যত সহজ, কাজের বেলায় ততটা নয়। ছোটদের হাসানো বড়দের হাসানোর থেকে অনেক বেশী কঠিন ব্যাপার, কারণ ছোটদের রসবোধে বিভ্রুতি আছে কিন্তু গভীরতা নেই। হাসির কারণটাতে অনভ্যন্তের মোহ থাকে। চাই, অপরিচয়ের মধু থাকে চাই, কিন্তু অতিশয় চাক্ষুষ ও প্রত্যক্ষ হওয়া চাই।

স্বাভাবিক না হয়, দেখলে সুনলেই হাসি পায়। অর্থাৎ কাহিনীর মধ্যেই রস চাই, চ্যাটাং চ্যাটাং ভাষা চাই; অদ্ভুত হওয়া চাই, কিন্তু চালাক হওয়া চাই না। গল্পের চরিত্ররা চালাক হলে ক্ষতি নেই। কিন্তু লেখকের নিজের বেশী চালাকী করতে যাওয়াটা অমার্জনীয় অপরাধ। তাতে পাঠকদের আত্মসম্মানে আঘাত লাগে, সন্দেহ হয় বুঝি-বা তাদের নিয়েই মস্করা হচ্ছে। তাদের সঙ্গে মস্করা করা এক কথা, কিন্তু তাদের নিয়ে মস্করা অগ্র ব্যাপায়। ছোটদের সাহিত্যে আগাগোড়া এই নৈর্ব্যক্তিক ভাবটা রক্ষা করা হয় বলেই সে সহজে সেকেলে হয়ে যায় না। শিশু-সাহিত্যের জগতে বুদ্ধিমান পাঠক আর বুদ্ধিমান লেখক সমান মাপের জায়গা জুড়ে মনের আনন্দে বিচরণ করে। আর তাদের চারপাশ ঘিরে যতসব লোকজন, সম্ভব অসম্ভব প্রাণীরা আর জন্তু-জানোয়াররা—বিশেষ করে জন্তুজানোয়াররা—সে যে কি কাণ্ড শুরু করে তা নিজের চোখে না দেখলে বিশ্বাস নেই। যাদের চোখ খারাপ হয়ে গিয়েছে, তাদের একজোড়া করে রঙিন চশমা জোগাড় করতে হবে। নইলে তারা বছর দুই আগে প্রকাশিত, আমাদের অধ্যাপক শ্রীহীনীলচন্দ্র সরকার মহাশয়ের ‘কালোর বই’-এর মানেই বুঝতে পারবে না, অর্থাৎ এ-দুটো বছর তাদের একেবারে ব্যর্থ হয়ে যাবে। কুকুরটা কেনই বা অমন ঞ্চাকা সেজে কালোর সঙ্গে সঙ্গে এল, আবার দুদিন বাদে কেনই বা জল্লের দিকে টানল, আর টানলই যদি তবে ব্যাটা গেল নাই বা কেন, এমব তারা কেউ বুঝবে না।

এককথায়, শিশু-সাহিত্য বলে আলাদা কিছু থাক বা না থাক, শিশু-সাহিত্যের বিষয় বলে আলাদা করে রাখা কোনো কিছু নেই। সব বিষয়ই শিশু-সাহিত্যের বিষয়; অর্থাৎ শিশুদের চোখ দিয়ে যা কিছু দেখা যায় সেই হল শিশু-সাহিত্যের বিষয়। বুড়োদের জগতের সব বিষয় হল শিশু-সাহিত্যের বিষয়; তা ছাড়া আরও এমন অনেক জিনিসও শিশু-সাহিত্যের বিষয়—যাদের বুড়োদের জগতে হাজার খুঁজলেও পাওয়া যায় না, ঐ রঙিন চশমা নাকে না লাগাতে পারলে।

চলতি পাঁচ বছরের শিশু-সাহিত্য

নরেন্দ্র দেব

গত পাঁচ বছরের মধ্যে শিশু-সাহিত্য বিভাগে আমাদের বাংলার সারস্বত ভাণ্ডার কতটা পুষ্ট হয়েছে তার খবর বলতে পারবো না। কিন্তু কতটা দুষ্ট হয়েছে সে হিসাব দিতে পারবো।

আমার প্রথম অভিযোগই হচ্ছে, গত পাঁচ বছরের মধ্যে আমাদের দেশে রবীন্দ্রনাথ, অবনীন্দ্রনাথ, ত্রৈলোক্যনাথ, যোগীন্দ্রনাথ সরকার, উপেন্দ্রকিশোর বা স্বকুমার রায়ের মতো শিশু-সাহিত্যের ষাটুকর কেউ আসেন নি। একমাত্র শ্রদ্ধেয় শ্রীদক্ষিণারঞ্জন মিত্র মজুমদার মহাশয় একা শিববাত্রির মলতের মতো এখনও টিম টিম করছেন বটে, কিন্তু তাঁরও ঠাকুরমার ঝুলি, ঠাকুরদাদার ঝোলা, কিম্বা ঠানদির থলে ঝেড়ে বুড়ে গুঁড়োগাঁড়া আর কিছুই পাওয়া যাচ্ছে না। শিশু-সাহিত্যের ওস্তাদ ছান্দসিক বঙ্গবর স্ননির্গল বঙ্গরও আর নূতন কিছু ছন্দের টুং টাং শোনা যাচ্ছে না। শিশু-সাহিত্যের অধিতীয় Thriller শ্রীযুক্ত হেমেন্দ্রকুমার রায় মহাশয়ের প্রতিভার অহুকরণে এখন অনেকেই শিশু-সাহিত্যের বাগবাজারে ভীড় লাগিয়ে দিয়েছেন। ‘ষথের খন’ নিয়ে আজও কাড়াকাড়ি চলেছে। শুধু বাংলাদেশের ছু’খানি বড় বড় দৈনিকপত্র তার বিশেষ পৃষ্ঠায় ভর করে ছেলেমেয়েদের সাহিত্যের আসর—খেলাধুলা, শিক্ষা, সেবা ও আমোদ-প্রমোদের সাড়ে-বত্রিশ-ভাজায় জমিয়ে রেখেছেন।

হালের পাঁচ বছরের মধ্যে শিশু-সাহিত্যে যে পরিমাণ ছুরি ছুরি গোয়েন্দা

কাহিনী, এ্যাডভেঞ্চারের গল্প, রোমান্স, থ্রিল, রান্স খোকস, ভূত পেঙ্গী প্রভৃতির প্রাহুর্ভাব দেখা যায় আগে তা ছিল না। এখন, ডজনখানেকেরও বেশি শিশুদের জন্ম মাসিকপত্র, অর্ধডজন ‘পূজাবার্ষিকী’ ইত্যাদি বেরুচ্ছে। এ ছাড়া আবার বড়দের মাসিকপত্রেও ছোটদের জন্ম কয়েকটা করে পৃষ্ঠা আর দৈনিক সংবাদপত্রগুলিতেও সাপ্তাহিক একটি করে ছেলেমেয়েদের পাতা থাকছে। দুঃখের বিষয় এর মধ্যে কোনটাই কিন্তু শিশু-সাহিত্যের সম্পদ বৃদ্ধির প্রয়োজনে, অথবা শিশু-শিক্ষার মূল উদ্দেশ্য নিয়ে, কিম্বা ভবিষ্যৎ জাতিগঠনের সাধু সংকল্প নিয়ে আবির্ভূত হয়নি। এই সবগুলির মূলেই ছিল বা আছে কোনও বড় আদর্শ নয়, নিছক ব্যবসাদারী মনোবৃত্তি। অর্থাৎ শিশু-সাহিত্যের বাজারে কেতাবীয় বেসামতি ক’রে কিছু উপার্জন করা। সেই চিরন্তন demand আর supply এর প্রসন্ন। প্রকাশকেরা দেখলেন, বাজারে ছেলেদের বইয়ের চাহিদা খুব, কিন্তু মালের অভাব। শুরু হয়ে গেল ষা’কে তা’কে ধ’রে ছেলেদের বই লিখিয়ে নিয়ে বার করা। প্রবন্ধ রচয়িতা স্বয়ং সেইদলেরই একজন। কথাটা খুবই অপ্রিয় বটে, কিন্তু নির্মম সত্য! এবং এইজন্মই আমাদের সাহিত্যক্ষেত্রে ‘ছেলেমেদের জন্ম’ লেবেল এ’টে যে-সব বুড়ি বুড়ি বই ঠালাগাড়ী বোঝাই হয়ে এসে জড়ো হ’চ্ছে তার মধ্যে অধিকাংশই শিশু-সাহিত্য পদবাচ্য নয়, এমনকি সুকুমারমতি ছেলেমেয়েদের তা অপার্থ্যই বলা যেতে পারে। দুঃখের বিষয় যে প্রকৃত শিশু-সাহিত্যিক বলা যেতে পারে এমন একজনও বিষ্ণুশর্মা বা হানস এ্যাণ্ডার্সেন আমাদের দেশে গত পাঁচ বছরের মধ্যে উদয় হন নি।

একটা কথা আমি এখানে জানতে চাই। ছেলেমেয়েদের জন্ম বিশেষভাবে সম্পাদিত ও মুদ্রিত ডজনখানেক মাসিকপত্র এবং আড়াই শো আন্দাজ হাতে লেখা পত্রিকা এদেশে থাকতেও আবার বড়দের মাসিকপত্রে গোটাকয়েক ক’রে ছোটদের পৃষ্ঠা জুড়ে দেওয়া হয় কেন? ছেলেমেয় কি তাদের জন্ম নির্দিষ্ট পাতাগুলি গড়া শেষ করে মাসিক পত্রখানির জন্ম পৃষ্ঠাগুলি আর

ওলাটাবে না? যেহতু, ওগুলো পড়া তাদের পক্ষে নিষিদ্ধ? এটা কিন্তু আমাদের মস্ত বড় ভুল ধারণা।

শিশুদের মনস্তত্ত্ব আলোচনা করলে দেখা যায় যেখানে রাজপুত্রীর দক্ষিণের দ্বার খুলে দেখা নিষেধ থাকে, তাদের সেই নিষিদ্ধ কাজটাই করবার ঝোঁক হয় সবচেয়ে বেশি! সুতরাং যে-সব লেখা তাদের জন্ত নয়, বা যেগুলো পড়া তাদের পক্ষে অসুচিত, সেই নিষিদ্ধ 'এরোটিক' ও অবৈধ প্রেমের গল্পগুলোও তারা বেশ নিয়মিত পড়ে এবং বারো তেরো বছরেই এঁচড়ে পেকে ওঠে।

অনেকে হয়ত বলবেন : ওসব যারা পড়বে মশাই, তারা গোপনে অভিজ্ঞাবকদের লুকিয়ে "চুষনে খুন" জাতীয় বটতলার উপন্যাসও সংগ্রহ করে পড়বে! স্বীকার করি তা 'হয়তো' কেউ কেউ পড়বে, তা'বলে, নির্বিচারে সকলের হাতের মুঠোর মধ্যে নিষিদ্ধ পাঠ্য পরিবেশন করা কিছুতেই বাঞ্ছনীয় বলা চলে না। সংগ্রহ করা ও লুকিয়ে পড়ার সুযোগ তো আর সব ছেলেরাই পায় না! দৈনিক সংবাদপত্রগুলির সাপ্তাহিক শিশু মনোরঞ্জনের সাধু প্রচেষ্টাও তরলমতি ছেলেমেয়েদের পক্ষে সমান ক্ষতিকর বলে মনে করি। কারণ, তারা সবাই ছোটদের পাতাটি পড়া শেষ করেই 'খেলাধুলার' পাতাটি ধরে তারপরেই আইন আদালতে গিয়ে উঠে। চুরি, ডাকাতি, রাহাজানি, প্রভারণা, জ্বীলোককে ফুসলাইয়া লইয়া যাওয়া, মেয়েদের স্ত্রীলতা হানি, বলপূর্বক নারীহরণ, এমন কি শেষ পর্যন্ত বলপূর্বক ও পাশবিক অভ্যাসের মধ্যেও গিয়ে পড়ে!

সুতরাং, বড়দের মাসিক পত্রে ছোটদের পাতা আর এই খবরের কাগজ-ওলালাদের শিশু-চরানো ব্যবসাটি দেশের শাসকবর্গের উচিত আইন করে বন্ধ করে দেওয়া। আর সেই সঙ্গে 'মোহন সিরিজ' জাতীয় ছেলেদের গোয়েন্দা কাহিনীগুলোও। তাতে আশা করা যায় 'জুডেনাইল ক্রাইম' অনেকটা কমবে এবং রিকর্মেটরি স্কুলের কাজও অনেকটা হালকা হ'য়ে যাবে। বড় বড় ডিপার্টমেন্টাল ষ্টোরে বা দোকানে একটা করে 'শিশুবিভাগ' থাকে। তার একটা সার্থকতা আছে বুঝতে পারি। মায়েরা দোকান ক'রতে বেরিয়ে

ছেলেদের জন্ম প্রয়োজনীয় জিনিসপত্র কিনে আনবার স্বযোগ পান। কিন্তু কাগজওয়ালারা ছেলেমেয়েদের নাম ক'রে এ-দোকানদারী করেন কেন, এ-প্রশ্নের উত্তর দিতে হলে আমরা বলতে বাধ্য হব, তাঁরা এর কুফল সম্বন্ধে ভেবে দেখেন নি ব'লে। ব্যবসায়ী মনোবৃত্তি অনেক স্থলে মানুষের সংবুদ্ধিকে আচ্ছন্ন ক'রে ফেলে। নইলে, এ-কাজে দেশের ছেলেমেয়েদের মঙ্গলের চেয়ে অকল্যাণের দিকটাই যে ভারি হ'য়ে উঠছে এটা তাঁরা বুঝতে পারতেন। দেশের ছেলেমেয়েদের মঙ্গলই যদি এই সব কাগজওয়ালাদের নিঃস্বার্থ শুভেচ্ছা হ'ত, তাহ'লে তাঁরা প্রতি সপ্তাহে একখানি ক'রে ছোট আকারের আট পৃষ্ঠা বা ষোলো পৃষ্ঠার 'শিশু-সাপ্তাহিক' দেশের ছেলেমেয়েদের জন্ম অনায়াসে পৃথকভাবে প্রকাশ করতে পারতেন। তাতে ব্যবসায়ের দিক দিয়েও তাঁরা অধিকতর লাভবান হতেন বলেই মনে করি। সংবাদপত্রের নানা আপত্তিজনক অংশের সন্ধে ছেলেমেয়েদের পাঠ্যাংশ জড়িয়ে না-রাখলে তাঁদের এই অনিচ্ছাকৃত 'শিশুপালবধ'ও বন্ধ হ'তে পারতো।

এইবার আমি আপত্তি জানাতে চাই ছেলেমেয়েদের কাছে ভূত-পেত্নীর ভয়বহ গল্প পরিবেশনে। ওসব গল্প দিনের বেলা পড়তে বেশ ভাল লাগে স্বীকার করি, যদি না রাত্রে ঘুমিয়ে ঘুমিয়ে তার স্বপ্ন দেখে আঁতকে উঠতে হয়। আর, রাত্রে ঘরের ভিতর আলো জ্বলে বসে পড়লেও সন্ধ্যার একটু গা ছম্ ছম্ করে, এবং তারপর ঘর থেকে আর বাইরের অন্ধকারে বেরুনো অসম্ভব হ'য়ে পড়ে। এর শোচনীয় কুফল দেখতে পাওয়া যায় অনেক ছেলেমেয়ের উত্তর-জীবনেও। বিবাহিত যুবকেরাও রাত্রে বাথরুমে যাবার প্রয়োজন হ'লে নিজিতা পত্নীকে ঘুম থেকে ডেকে তুলে আলো ধরে দাঁড়াতে বলেন! একলা বাইরে যেতে নাকি ভদ্রলোকের ভয় করে! স্বাধীন ভারতের ভাবীকালের যুবকদের এ লজ্জা থেকে পরিজ্ঞাণ করা দেশবাসীর উচিত বলে মনে করি। ছেলেদের মনোরঞ্জনের আরও তো নামা বিষয় আছে। ভূত-পেত্নীগুলোকে শিশু-সাহিত্যের আসরে নাই তাঁরা ছাড়লেন! দুর্দান্ত চোর ডাকাতি খুনের

নৃশংসতার গল্পও ছেলেদের হাতে দেওয়া উচিত বলে মনে করি না। একটি সত্যঘটনা বলি শুনুন। একজন সন্ন্যাস্ত ব্যক্তি সপরিবারে দেওঘরে বেড়াতে এসেছিলেন। তাঁদের বাংলোখানি শহরের একটেরে বেশ ফাঁকা জায়গায়। দুর্ভাগ্যক্রমে তাঁদের বাড়ীতে, একরাত্রে চোর এসে ঢুকেছিল। তাঁদের উপযুক্ত পুত্র সেই অবস্থিত অতিথির আগমন জানতে পেয়ে ঘরের দোরজানালা বন্ধ ক'রে পরিত্রাহি চিৎকার শুরু করেন—‘চোর’! ‘চোর’! বলে। কিন্তু, সে মাঠের মাঝখানে ফাঁকা বাড়ী, কে শুনবে সে আওয়াজ? পাশের ঘরে নিশ্চিত বাপের কানে সেই আর্তস্বর পৌছোতেই ভদ্রলোকে সস্ত্রীক খাটের নিচে গিয়ে প্রবেশ করেন এবং লেপ মুড়ি দিয়ে নিঃশব্দে পড়ে থাকেন। চোর জানালা ভেঙে তাঁরই ঘরে এসে ঢুকলো। টর্চের আলোয় শয্যায় কেউ নেই দেখে নিশ্চিন্ত মনে তাঁর যথাসর্বস্ব চুরি ক'রে নিয়ে গেল। তিনি খাটের নিচে থেকে নিরুপায়ের মতো শুধু মিট মিট করে চেয়ে দেখলেন। পাশের ঘরে চিৎকার-রত ছেলের কাছে বন্দুক ছিল। কিন্তু ব্যবহার করবে কে? চোরের ভয়ে ছেলের তখন ধরহরি হৃৎকম্প!

তাই বলছিলুম, দুঃসাহসী যত চোর ডাকাতের নৃশংস অত্যাচারের গল্প,— যেমন, গৃহস্থের বাড়ী ঢুকে কর্তাকে জলন্ত মশালের ছাঁকা দিয়ে পুড়িয়ে সিন্দূকের চাবি বার করে নেওয়া, বাড়ীর গিন্নী ও বৌ-ঝিয়ে গা থেকে জোর করে গয়না-গাঁটি ছিনিয়ে কেড়ে নেওয়া, এমন কি মাকড়ি বা কানবালায় লোভে কান দু'টোকে ছিঁড়ে নেওয়া, নাকছাবির জন্ত নাক কেটে ফেলা—এসব শিশু-সাহিত্যের ভোজে ছেলেমেয়েদের পাতে পরিবেশন না করাই বোধ হয় ভাল। কিন্তু এসব কথা শুনবেন কারা? অপরাধীরা বলেন, এসব বই বাজারে বিক্রী হয় বেশী। ছেলেমেয়েরা চায় এই সব রোমাঞ্চকর ও হৃদম্পন্দন ক্রম ক'রে তোলা গল্পই পড়তে। আমি তা অবিশ্বাস করি না। আমাদের দেশের লোক পয়সা খরচ করে থিয়েটারে বায়োস্কোপে যান—‘সীতার পাতালপ্রবেশ’ আর ‘অভিমুখ্য বধ’ অভিনয় দেখে কেঁদে ভাসিয়ে দিতে। তাঁদের ছেলেমেয়েরা কে

একটু উয়াল ভীষণতার thrill enjoy করবার জন্ম এহেন সাংঘাতিক বইগুলিই পড়তে চাইবে এতে আশ্চর্য হবার কিছু নেই। কিন্তু ব্যবসার খাতিরে ছেলেমেয়েদের কাঁচা মনে কচি বয়স থেকেই একটা ভয়ের ছাপ এঁকে দিয়ে জাতটিকে ভীৰু করে তোলা কি ভাল? অথচ হালের পাঁচ বছরের মধ্যে শিশু-সাহিত্যে সবচেয়ে সংখ্যায় বেশি বেরিয়েছে যে বইগুলি তা সমস্তই হচ্ছে এই জাতীয়। শিশু সাহিত্যের কেউ কেউ পিসিমাগোছের অভিভাবিকা আছেন, যারা ছেলেমেয়েদের চিবুক ধরে আদর করে বলেন—আহা ষাট! ষাট! তা হোক। তা বলে, বাছারা একটু thrill enjoy করবে না? একেই তো দুধ ঘি মাছ মাংস খেতে পায় না, একটু মূখরোচক Sensational Story পড়ার উত্তেজনা ও আনন্দ থেকেও তাদের বঞ্চিত রাখবো? আরে না না, তাকি হয়?

সেই সব 'ভুবনের মাসি পিসিদের' কল্যাণে শিশু-সাহিত্যে এই ধরনের জঞ্জাল বেড়েই চলেছে। তাঁরা বোঝেন না যে এগুলো মূখরোচক হ'লেও ভেজাল জিনিস। ছেলেমেয়েদের পক্ষে অত্যন্ত অস্বাস্থ্যকর। যাইহোক, অন্ধকারে আশার আলোর মতো এই পাঁচ বছরের মধ্যে আমরা শিশু-সাহিত্যে কয়েকটি শ্রেষ্ঠ 'জীবনী' পেয়েছি, ভ্রমণকাহিনী পেয়েছি, রূপকথা, ইতিহাস ও পুরাণের গল্প, আবিষ্কারের কথা, সাধারণ জ্ঞান, এবং বিদেশী শিশু-সাহিত্যের কয়েকখানি উৎকৃষ্ট বইয়ের বাংলা অম্ববাদও বেরিয়ে শিশু-সাহিত্যকে সমৃদ্ধ করে তুলেছে। এটা নিঃসন্দেহ আমাদের গৌরবের কথা। শিশুদের জন্ম ভাল ভাল বইও পাওয়া গেছে এই পাঁচ বছরে নিতান্ত কম নয়। স্ততরাং হতাশ হবার কিছুই নেই।

আমি একজন আশাবাদী। আমি বিশ্বাস করি, আগামী দিনের শিশু-সাহিত্যে বাংলার মান ভারতের আদর্শ হয়ে উঠবে। দেশের ছেলেমেয়েদের স্বাস্থ্য করে গড়ে তুলতে হ'লে সাহিত্য, শিল্প ও ছায়া-ছবির দ্বারা যে বিশেষ কাজ পাওয়া যায় একথা বলাই বাহুল্য। সাহিত্যের শক্তি আশ্চর্য। সাহিত্য

অনেক দেশে রাষ্ট্রবিপ্লব ঘটিয়াছে, অনেক জাতকে ভেঙে গড়েছে। জাতির মানসিকতার পরিবর্তন ঘটাতো, তার দৃষ্টিভঙ্গীর দিক ফেরাতে, সাহিত্যের মতো প্রভাবশালী প্রহরণ আর কিছু নেই বলা যায়। আমাদের জাতকে তৈরি করতে হলে দেশের ছেলেমেয়েদের নিয়েই কাজ করতে হবে। ছেলের বাপ-খুড়োদের উপর আর কোনও আশা-ভরসা নেই। তাঁরা যুদ্ধের ফাঁপা বাজারে এবং তার অবশুষ্ঠাবী প্রতিক্রিয়ায় একেবারে উচ্ছন্ন হয়েছেন। ধর্ম, শ্রায়, সত্য এবং বিশ্বাস থেকে তাঁরা আজ বিচ্যুত। আমার অনেক সময় মনে হয়, আমাদের দেশে আজ children's magazine-এর চেয়ে parents' magazine-এর প্রয়োজনই বেশী। অর্থাৎ, যে পত্রিকা য থাকবে—কেমন ক'রে বাড়ীর ছেলে-মেয়েদের মানুষ করতে হবে। অবাধা ছেলেদের কিভাবে শাসন ও সংযত করতে হবে। তাদের চরিত্র গঠন করতে হলে সর্বাগ্রে নিজেদের সচ্চরিত্র হতে হবে। কোন বয়সে তাদের কী খাওয়া, কী খেলা এবং কী শেখা দরকার। লেখাপড়ায় কি ভাবে তাদের মন বসাতে হবে, এগুলো তাতে থাকা চাই; কারণ, আমাদের দেশের বাপ-মায়েরা অধিকাংশই এ বিষয়ে অনভিজ্ঞ। বাপ মায়েরা আমাকে মাপ করবেন। আমিও তাঁদেরই দলের একজন।

‘শিশুসাহিত্য পরিষদ’ নামে একটি মৃতপ্রায় প্রতিষ্ঠান আছে কলকাতায়। কিছুদিন আগে তাঁরা এ বিষয়ে অগ্রণী হয়েছিলেন। “আমাদের ছেলে মেয়ে” নাম দিয়ে তাঁরা একখানি পত্রিকা প্রকাশ করেছিলেন অভিভাবকদের চক্ষুঃস্মীলনের জন্ত। কিন্তু, বাংলাদেশের অধিকাংশ প্রতিষ্ঠানেরই চিরন্তন অর্থান্ধতার যে কারণ কাহিনী, এঁরাও সে-রোগে মুমূর্ষুপ্রায়। গত পাঁচ বছরের মধ্যে তাঁরা মাত্র দু’টি সংখ্যা এই পত্রিকা প্রকাশ করতে পেরেছিলেন। ‘শিশুরাই দেশের ভবিষ্যৎ’ এ কথাটা আমরা ভুলে গেছি, কাজেই আমাদের কংগ্রেস সরকারও এটা বেমালুম ভুলে বসে আছেন। শিশুদের অকালমৃত্যুর আক্রমণ থেকে রক্ষা করা, তাদের স্বাস্থ্য ও শিক্ষার দিকে লক্ষ্য রেখে তাদের মানুষ ক’রে গড়ে তোলবার চেষ্টা কোনো পক্ষেরই নেই। ভারতবর্ষের শিশুরা

যেন অন্যথের মতো অদৃষ্টের মুখাপেক্ষী হ'য়ে বেড়ে উঠছে। স্বস্থ সবল দেহ নিয়ে বেঁচে থাকে ক'জন? মানুষ হচ্ছে খুবই কম। অমানুষই হচ্ছে বেশী।

আমাদের শিক্ষক ও অভিভাবকেরাও এ জগৎ অনেকখানি দায়ী। জীবনে নিজেকে অল্প কোনও কঠিন কাজের অযোগ্য জেনে ধারা শিক্ষকতাত্ত্বিকেই সহজসাধ্য বুঝে প্রাণধারণের পেশারূপে গ্রহণ করেছেন তাঁদের এই শিক্ষার ব্যাপারে অশিক্ষিতপটুত্ব এবং উপার্জনের দিক থেকেও যৎসামান্য আয়ের ফলে আয় বৃদ্ধির জগৎ বিষয়াস্তুরে মনোনিবেশের জগৎ মারা পড়ছে মাঝখান থেকে ছেলেরাই। অভিভাবকেরা মনে করেন, ছেলেকে স্কুলে ভর্তি ক'রে দেওয়াতেই তাঁদের কর্তব্য শেষ হয়েছে। কিন্তু স্কুলে থাকে ছেলেরা কতক্ষণ? পাঁচ ছ' ঘণ্টার বেশী নয়। বাকি সময়টা সে থাকে হয় বাড়ীতে, নয় পাড়াপড়শীর সমবয়সী ছেলেদের সঙ্গে। স্নতরাং বাড়ীর আবহাওয়া যদি ভাল না হয়, অভিভাবকেরা যদি সং ও ভঙ্গ না হন, শিক্ষকেরা যদি কর্তব্যনিষ্ঠ না হন, স্কুলে তাদের সং ও ভঙ্গ ক'রে তুলতে পারবে না। শিক্ষিত হয়ে ওঠা নির্ভর করে এই উভয় পক্ষের পরস্পর সহযোগিতার উপর। কিন্তু, দুঃখের বিষয়, এদেশের অভিভাবকেরা অধিকাংশই এ বিষয়ে উদাসীন।

বয়স অনুসারে ছেলেমেয়েদের মনস্তত্ত্ব অনুশীলন ক'রে তাদের বিভিন্ন বয়সে পাঠের উপযোগী বিষয়বস্তুর একটা নির্দিষ্ট 'সিলেবাস' ঠিক করেছেন ওদেশের শিক্ষাব্রতী পণ্ডিতেরা। পাঠশালা ও স্কুলের কর্তৃপক্ষ এবং ছেলেমেয়েদের অভিভাবকেরা সেই ক্যারিকুলাম মেনে চললে এবং শিশু-সাহিত্যিকেরা তদনুসারে ছোটদের জগৎ গ্রন্থরচনায় মনোযোগী হলে তবেই আমাদের শিশুসাহিত্য সার্থক ও স্বন্দর হয়ে উঠতে পারবে। ছেলেমেয়েদের জন্মদিনে, উপনয়নে, পরীক্ষায় বা খেলাধুলার প্রতিযোগিতায় সফল অর্জনের জগৎ পুরস্কার হিসাবে, এমন কি পূজাপার্বণে উপহার দেবার সময়—কি বই তাদের দেওয়া যেতে পারে আমরা ভেবে পাই না। চক্চকে ঝক্‌ঝকে ছবিওয়ালার 'অলাট দেখে হয়ত' এমন বই কিনে এনে দিলাম যা আবর্জনার ভরা। এ

কারণ, আমাদের শিশুসাহিত্য কোনও বৈজ্ঞানিক ধারা অনুসরণে প্রসারলাভ করেনি। লেখকের খেয়ালখুশি, প্রকাশকের ফরমাশ এবং বেশী কাটতি হবার সম্ভাবনা—বইয়ের বাজারের এই তিনটি সূত্র ধরেই গত পাঁচ বছরের শিশুসাহিত্য বেড়ে উঠেছে অবাধে আগাছার মতো। আজকাল আবার বয়ঃপ্রাপ্তদের জ্ঞান লেখা জনপ্রিয় উপন্যাসগুলির সংক্ষিপ্ত সংস্করণ বাজারে ছেয়ে গেছে। গত পাঁচ বছরে বোধকরি একমাত্র ভারতচন্দ্রের বিদ্যাসুন্দর আর বটতলার “উদাসিনী রাজকন্যার গুপ্তকথা” ছাড়া আর কোনও বই-ই ছেলে-মেয়েদের জ্ঞান সংক্ষেপিত হ’তে বাকি নেই! আর বাকি আছে শুধু ‘বহুমতী সাহিত্যমন্দির’ থেকে শিশুসাহিত্যিকদের গ্রন্থাবলীর ঝাঁকে ঝাঁকে প্রকাশ।

সাহিত্যে শিশুর সৃষ্টি

চিত্তরঞ্জন দেব

রবীন্দ্রনাথ বলতেন, মাসুখের যেমন শিশু, সাহিত্যের তেমনি ছড়া। সাহিত্য-সৃষ্টির আদিতে এই ছড়া। বাংলাদেশের ছেলেভুলনো ছড়া নিয়ে রবীন্দ্রনাথ আলোচনা করেছেন নানাখানে। পুরনো দিন ফিরে আসে না; নূতন ছড়া তৈরি করবার চেষ্টা নূতন লোক করেন কিন্তু তাতে পুরনো সে-ভাব থাকে না। এর কারণও আছে। এখনকার ছড়া বেরয় কলমের মুখে। মন থেকেই খাতার পাতায় তার ঠাঁই। তারপর ছাপাখানায়। তারপর বইএর ভিতরে হয়ে দেশ ছেড়ে দেশান্তরে। সৃষ্টির ধারা চলছে—কিন্তু ধরন বদলাচ্ছে। একদিন কে বলেছিল—

“তাই তাই তাই

মামার বাড়ি যাই

মামার বাড়ি ভারি মজা

কিল চড় নাই।”

কেন বলেছিল তা শুনেই আন্দাজ করা চলে। এটি বিশেষ করে সে-কালের শিশুর মনের কথা। তার সঙ্গে এ-কালের শিশুর তুলনা করি একটি চিঠির ভাষা দিয়ে :

“বাবা, কলকাতায় আমি থাকব না

এখানে ঝমঝমে বৃষ্টি

ধমধমে বাড়ি

ভিজ্জে ভিজ্জে জামা আর

ভিজ্জে ভিজ্জে শাড়ি...

আমাকে এখান থেকে নিয়ে যাও।”

শান্তিনিকেতনে বেড়ে-ওঠা সাত বছরের মেয়ে বেড়াতে গিয়েছিল কলকাতায়। সেখান থেকে এই চিঠি। কলকাতার একটা মোটামুটি ছবি ধরা পড়লো তার মনের পর্দায়। একখানি চিঠি লিখতে গিয়ে কত যত্ন তার ভাবনার। সাহিত্যে স্নন্দরেরই আমন্ত্রণ। শিশুও সে-আমন্ত্রণে যোগ দিতে আসে। শান্তিনিকেতনের ‘সাহিত্যসভা’ এ-বিষয়ে সহায়তা করে।

ব্যাকরণ জানে না শিশু ছন্দের, তবু ছন্দে কথা তৈরির চেষ্টা করে। কবিতা রচনা করতে শেখে :

“এক বনে ছিল এক শালিখ

সে ছিল বনের মালিক

শালিখ গাছে উঠে পাড়ত অনেক ফল

তার পায়ে ছিল ছুটো মল

বনের পাশে ছিল নদীভরা জল

জলগুলো সব করত টলমল।”

ছন্দের পথে পা বাড়িয়ে তার ঘেন সাক্ষাৎ হয় মিলের সঙ্গেই প্রথমে। ছন্দপতন বুঝতে পারে না, কিন্তু মিল অমিল ধরার শক্তি আছে শিশুরও।

‘জল পড়ে পাতা নড়ে’ পড়তে পড়তে রবীন্দ্রনাথ হঠাৎ ঘেন কী পেয়েছিলেন মনের মধ্যে। এমনি একটু হোঁয়া সকল শিশুই পায় জীবনের কোনো এক ক্ষণে। সেই ক্ষণটি যার জীবনে যত বেশি বাঁচে—সাহিত্যে তার রুচি ও রচনা তত বাড়ে।

বইয়ে শিশু যা পড়তে পায়, তা মিলিয়ে নিতে চায় চোখের দেখায়।
চারপাশের প্রকৃতি থেকে আহরণ করে কত কিছু। মনেপ্রাণে চেতনায়
যখন কোনো বিশেষ স্পর্শ লাভ করে—তা ধরে রাখে নিজের রচনায়। কিন্তু
ছন্দেই ধরা চাই :

“বসন্তকাল এলে পরে আমার মুকুল ফোটে
ছ হ করে গন্ধ তাহার চারদিকেতে ছোটে...”

মুকুল থেকে আম। তারপর ঝড়ে আম পড়ে। শিশু কুড়িয়ে আনে।
মাকে তখন ভোলে না। নিজের উপার্জন মার হাতে এনে দেয়। দিয়ে বলে,
“...আজ রাঁধ মা, আম-দেওয়া টক ডাল
মা বলেন, আজ নয়রে, রাঁধব না হয় কাল।”

আরেকটি শিশু ভাবে :

“আমি যখন বড় হব
থাকব না আর বালক
তখন আমি হবই হব
এরোপ্তনের চালক।
আমি অনেক দূরে
যাব পাখীর মত উড়ে
নাই যদিও ডানা আমার
নাই যদিও পালক।”

একেবারে অলীক কল্পনা নয়। রূপকথার রাজপুত্রের মতো কল্পলোকে
বিচরণের অপেক্ষা এ-শিশু করে না।

একটি শিশুর ধারণা—রসগোল্লা গাছেরই ফল। তার দাদার (সে-ও
শিশু) কাছে এটা খুব আশ্চর্যের। তাই নিয়ে সে রচনা করে ‘রসগোল্লার
গাছ’ :

“মার তখন রসগোল্লা তৈরি করা হয়ে গেছে। মা আমাদের সবাইকে একটা করে রসগোল্লা দিলেন আর গৌতমকে দিলেন দুটো। ও একটা রসগোল্লা ঘরের কোণে পুঁতে ফেলল।”

ছেলের কাণ্ড দেখে বাবা বললেন,

“গাছটা বড় হলে কেমন করে রসগোল্লা পাড়বে?”

গৌতম উত্তর করল,

“লাঠি দিয়ে পাড়ব আর নিচে একটা বাটি রেখে দেব। বিকেলে খেলতে যাবার সময় একটা করে রসগোল্লা তুলে নিয়ে যাব।”

এই রসগোল্লা নিয়ে গৌতমের ভাবনার অন্ত নেই। কত কথাই সে ভাবে, মাঝে মাঝে হুঁ একটা কথা তার বাবাকে জিজ্ঞেসও করে :

“রসগোল্লার কুঁড়ি কেমন হয়, ফুল কেমন হয়?”

বাবা বলেন,

“রসগোল্লার কুঁড়িও হয় না ফুলও হয় না, গোটা গোটা রসগোল্লাই হয়।”

ছোটো ভাই-এর খেলাকৌতুক চুপি চুপি লক্ষ্য করে তার দাদা। সে যেমন দেখে খুশি হয়, অবাক হয়, তেমনি খুশি করতে চায়, অবাক করতে চায় অন্তকেও—তার ভাই-এর কথা জানিয়ে। নিজের আনন্দ সে পরিবেশন করল সাহিত্যে—সেখান থেকেই আমরাও তার ভাগ পেলাম। কত ছোটো ঘটনা ভর করে কত বড় আনন্দের সৃষ্টি হয় সংসারে—একথা ভাবলেও মনের বোঝা মাহুষের হালকা হতে পারে।

বাইরের অভিজ্ঞতাও বর্ণনা করে শিশু নিজের ভাষায় :

“পঞ্চ পাণ্ডব, রামচন্দ্র, লক্ষ্মণ প্রভৃতি নাকি এখানে মন্দির তৈরি করে গেছেন।...আমরা মন্দিরে এসে পৌঁছলাম। মন্দিরের সামনে একটা বিরাট পুকুর। সেটার নাম হুধ-দিঘি। তাকিয়ে দেখলাম হুধের ছিটেফোটাও নেই।”

ভুবনেশ্বর থেকে বেড়িয়ে এসে লিখছে সে এ-সব কথা। দুধ দুধদিঘিতে হতে পারে না—তা এ-কালের শিশুর অজানা নয়। তবু দিঘিটা এতদিন চোখের আড়ালে ছিল। মনে সেটা স্বপ্নের মতো। সে স্বপ্ন তার ভাঙলো। কথা-কিবদস্তীর উপর একটা অনাস্থা এসে দখল করল তার মন। এখন থেকে কিছুই সে আর না-দেখলে বিশ্বাস করবে না। বিজ্ঞানের যুগে এটা যে শিশুর সত্যাত্মসন্ধানেরই চেষ্টা। সত্যে এর সঙ্গে পরিচয় অনেকের হল শিশুর এই রচনাটুকুর দৌলতে।

ঝড়ের ছবি শিশুর কলমে :

“গুরু গুরু ডাকছে মেঘ
হচ্ছে ভীষণ বাড়
ভয়েতে গাছগুলি সব
কাঁপছে থর থর।”...

ভয় শুধু কি গাছের পেয়েছে? তার নিজের মনেও কাঁপুনি ধরেছে। সেই কম্পনের দোলায় দেখছে সে :

“আকাশেতে মেঘ চলেছে ভেসে
এমন সময় রুষ্টি এলো
ঝমঝমিয়ে ঝেঁপে”...

এখানেই শেষ হল না। বলবার কথা আরও আছে :

“সারা বাগান ছেয়ে গেল
আম যে শত শত
ছেলের দল জুটল এসে
যেখানে ছিল ষত”...

দূর থেকে সে দেখছে। সামনে অনেক সমবয়সীর ভিড়। তার ইচ্ছে সেও গিয়ে দলে জোটে। তাই গেলও :

“আমিও ছুটে গেলাম

তাদের কাছে”...

কিন্তু গিয়েও সুখ হল না। মনে রয়ে গেছে আরেক দুর্ভাবনা—মা-বাবার
রাঙা চোখ ভেসে উঠলো তার চোখে। তাই :

“তাড়াতাড়ি বাড়ি ফিরলাম

বকুনি খাই পাছে।”

যে কথাটা না বললেও চলত, সেটাও সে বলে ফেলল। গাছের ভয় বাড়কে
আর শিশুর ভয় ঘরকে।

বর্ষার কবিতায় শিশুর ছন্দ :

মেঘলা দিন

চাষার আজ

তা ধিন্ ধিন্

অনেক কাজ

বৃষ্টি পড়ছে জোরে

জোরসে মাটি খোঁড়ে...

ঘটনা কিছুই নয়। সকলেই এ-কথা জানে, এ দৃশ্য দেখে। কিন্তু এর
থেকে ছন্দ খুঁজে নেবার কৌশল সকলের জানা নেই। কথা আর খবর মাহুঘ
সহজে ভোলে। ভুলতে পারেনা কবিতা। কবিতায় যে জাহ্নু বড় বড়
কবিরা দিয়ে গিয়েছেন, ছোটরাও তা দেবার চেষ্টা করে :

“ডাকছে মেঘ

সঙ্গে ভেক

হুয়েই ধরে তান...”

ছোট্ট কথাগুলি। কিন্তু বড় ভাবনায় ধরা। আকাশ আর যুক্তিকার
একটি অখণ্ড গানের ধ্বনি। সে ধ্বনি শিশুর কানেও পৌঁছয়। এমন সময়ে
তার নিজের অবস্থাটা কি তারও আভাস পাওয়া যায় :

“লেপের তলে

কেউ-বা বলে

মোরাও জানি গান।”

প্রকৃতি প্রভাব বিস্তার করে শিশুর জীবনে। বিশেষতঃ এই বর্ষার এমন ছেলেভুলনো গুণ আছে যাতে শিশুর দৃষ্টিতে বর্ষা হয়ে ওঠে রমণীয়। শুধু পশ্চিম নয়, গণ্ডেও বর্ষার বর্ণনা পাই শিশুর লেখায় :

“...যখন মেঘটা পশ্চিম থেকে উঠে সমস্ত আকাশময় ছড়িয়ে পড়ে, তখন পৃথিবীর উপর একটা ছায়া নামে। ঘাসপাতাগুলো-ত সবুজই থাকে। তার উপরে মেঘের রঙ পড়ে আরও সবুজ দেখায়। আর ঠাণ্ডা বাতাসে সেগুলো ঢুলতে থাকে। তারপর বৃষ্টি ক্রমশ টপটপ থেকে বরষার করে আরম্ভ হবার খানিক পরেই খোয়াই দিয়ে লালজল ছুটে যায়। আমরা দাঁড়িয়ে দাঁড়িয়ে ভিজতে থাকি।”

নিজেকে সে কি করলো—সে কথাটা বেরবার জগ্ন পথ খুঁজে বেড়ায় সব সময় তার রচনায়। বলবার যা ইচ্ছে—সেটি বলতে পারলেই তার আনন্দ। এই আনন্দেই থাকে তার সৃষ্টির ইশারা। যে দিন পড়ে থাকে পিছনে, শিশু তাকে সামনে এনে দেখে কখনও :

“বর্ষার সময় যখন তেজেশদার বাড়ির পাশের পুকুরের জল কানায় কানায় ভরে উঠত তখন প্রায়ই তেজেশদা পুকুরধারে তালগাছের নিচে ক্লাশ নিতেন। তখন দেখতাম দুটি ছোট্ট পাখি পুকুরে সঁতার কেটে বেড়াচ্ছে কিছা ঐ পারের ঐ তিন-পাহাড়ের উপর বুড়ো বটের ডালে বসে দোল খাচ্ছে।”

তারপর যখন এই পাখিরা উড়ে চলে গেল, শিশু তখন বলছে,

“একদিন আমরাও ঐ পাখিদের মতনই, তেজেশদার ক্লাশ ছেড়ে উঁচু ক্লাশে উঠলাম।...এখনও তেজেশদা তাঁর সেই তালগাছের বাড়িতেই আছেন। কিন্তু আমাদের সঙ্গে তাঁর আর তেমন যোগ নেই।”

‘বনমালীর মেয়ে’র সঙ্গে আমাদের পরিচয় করিয়ে দেয় একটি শিশু :

“হলুদ রঙের ঘাসের ফুলে

মাঠ গিয়েছে ছেয়ে

যাচ্ছে গাঁয়ের পথটি ধরে
 বনমালীর মেয়ে।
 কালো কালো ঘন চুলে
 সাজ করেছে আজব ফুলে
 হাওয়ায় শাড়ির আঁচল দোলে
 চলতে এ-পথ বেয়ে।
 প্রজাপতি উড়ে বেড়ায়
 রঙীন ফুলে ফুলে
 কাশের বনে নাচন লাগে
 হাওয়ায় ছলে ছলে
 বনমালীর ছোট্ট মেয়ে
 অবাক চোখে দেখছে চেয়ে
 মাঠের মাঝে দাঁড়িয়ে থাকে
 বাড়ির কথা ভুলে।”

বনমালীকে চিনিনে। কিন্তু তার মেয়ে আর অচেনা নয়। সূর্য চন্দ্রকে ধরতে পাইনে—কিন্তু তাপ আর আলোতে তাদের চিনতে পারি। বিশ্বস্ততার এমনি একটি ঘোষণা চুপি চুপি সকলের কানেই পৌঁছয় আড়ালে আড়ালে।

প্রতিবেশীর বিষয়েও শিশুর কৌতূহল আছে। নিজে যা জেনেছে, অপরকেও জানিয়ে দিয়েছে :

“...এককালে সীওতালরা বিশেষ শক্তিশালী জাত ছিল। পণ্ডিতেরা বলেন “সামন্তপাল” কথাটি থেকে “সীওতাল” কথাটি এসেছে। কিন্তু আজ আর তাদের সেই গৌরবের দিন নেই। এখন এরা গরীব দুর্বল জাত। আমাদের প্রতিবেশী এই প্রাচীন জাতটি কবে আবার শক্তিশালী ও উন্নত হবে কে জানে ?”

ব্যক্তিবিশেষকে নিয়েও শিশু ছন্দের ঝংকার তোলে :

“থাকেন তিনি পুনশ্চতে

ছাতা মাথায় বেরন পথে...

“স্বামী তাঁহার পি, চৌধুরী

লেখক নেইক তাঁহার জুড়ি...”

তবু ধীর কথা বলছে তাঁকে জানতে অসুবিধে হবে এ-দ্বিধা নিয়ে সে
আবার লেখে :

“সকাল থেকে সন্ধ্যাবেলা

ঘরেতে তার গানের মেলা।”

সংগীতের রাজ্যে এই সম্রাজ্ঞী হচ্ছেন ইন্দিরা দেবী চৌধুরানী।

পুরনো কথায় গল্প খুঁজে বেড়ায় শিশু। নিজে যেমন বিস্মিত হয়,
অপরকেও বিস্ময়ান্বিত দেখতে চায়। একটি শিশু লিখছে :

“...গাধাদের স্বভাবই শুধু বারবার ডেকে ওঠা। কাজেই গাধাটা
খানিকক্ষণ পরে পরেই ডেকে উঠছিল। তিনি মনে করলেন গাধাটার খিদে
পেয়েছে—তাই ডাকছে। মুনীশ্বরকে ডেকে বললেন,

‘মুনীশ্বর, গাধাটার বোধ হয় খিদে পেয়েছে—ওকে খেতে দে !’

মুনীশ্বর বলল, ‘এখন আমি খাবার কোথেকে দেব ?’

তিনি বললেন,

‘আমার জন্তে যে পাউরুট আছে তাই খানিকটা দে।’

গাধা পাউরুট খেল। খবরটা আশ্চর্য হলেও সত্যি। কারণ মুনীশ্বরের
প্রভু ষিজেঞ্জনাথ ঠাকুর মশায় ছিলেন আশ্চর্য মানুষ। দুঃখীর প্রতি তাঁর
দরদের অস্ত ছিল না। মানুষ পশু সকলকেই তিনি মমতায় সিক্ত করে
রাখতেন। পাখিরা করত তাঁর সঙ্গে মান অভিমান। গল্পের মতো সে-সব
কাহিনী শুনে শিশুর আনন্দ। নিজের উপভোগই সে বিলিয়ে দেয় এমনি করে
রচনায়—নিজের সৃষ্টির মধ্য দিয়ে।

শুধু আনন্দ-সন্ধানে নয়, বেদনাতেও তার শক্তি নিহিত। দেশবিভাগের পর পরিবর্তনের শ্রোত বইছে বাইরে ভিতরে। হৃৎ-হৃদশা ভুগছে অসংখ্য মাহুষ। কিন্তু যে শিশু ভুক্তভোগী নয়, সেও দেখছে এই ছবি সাহিত্যের জ্ঞানলায় দৃষ্টি গলিয়ে :

“মুক্ত বেণীর গঙ্গা যেথায় মুক্তি বিতরে রঙ্গে
আমরা বাঙালী বাস করি সেই দ্বিধাবিভক্ত বঙ্গে
ভাগাভাগি করি ঝাঁট নিল দৌড়ে ভারত পাকিস্তানে
যখন তখন স্বেচছগ লইয়া এ উল্লার বৃকে হানে।
... ..
চিত্ত-স্বভাস-বিবেক-শরৎ-রবীন্দ্রে করি দাঁড়া
কোনো প্রকারেতে বাঙালী জাতির মান রাখিয়াছি খাড়া।”

বিষমমস্তার দিকেও শিশুর দৃষ্টি সচেতন। লিখেছে : “জাতিপুঞ্জ প্রতিষ্ঠানের বাহিনীর পরাজয় প্রায় নিশ্চিত হয়ে এসেছে। কিন্তু এ-ব্যাপারে মীমাংসা হয়ত এত সহজেই হবে না। আমেরিকা এবার শেষ চেষ্টা করবে। জাতিপুঞ্জের হয়ে আরও হয়ত কয়েকটি দল এগিয়ে আসবে। তখন উত্তর কোরিয়ার হয়ে আসবে শক্তিশালী সোভিয়েট রাশিয়া ও গণতন্ত্রী চীন। তারপরে তৃতীয় মহাযুদ্ধ লাগা এমন কিছুই আশ্চর্য নয়। এখন এ-কথা বলা অপ্রাসঙ্গিক নয় যে কোরিয়াতেই রয়েছে পৃথিবীর জ্বয়নকাঠি মরণকাঠি...।

আপনি যদি ধৈর্যসহকারে আমার এই ক্ষুদ্র প্রবন্ধ পাঠ করেন তাহা হইলে দেখিতে পাইবেন যে প্রবন্ধে আমি যে ভবিষ্যদ্বাণী করিয়াছি, তাহা প্রায় সত্য হইতে চলিল।”

১৩৫৫ থেকে ১৩৫৯ এই পাঁচ বছরে শান্তিনিকেতনের শিশুরা সাহিত্যের আসরে বা বা দিয়েছে তার কিছু পরিচয় দেবার চেষ্টা করা গেল সংক্ষিপ্ত

আলোচনার সঙ্গে। উদ্ধৃতিগুলো যাদের রচনা থেকে নিয়েছি তাদের বয়স ৭ থেকে ১৪র মধ্যে। এই রচনাগুলোর বিষয়ে যাদের কৌতূহল তাঁরা দেখবেন শান্তিনিকেতন থেকে প্রকাশিত শিশুদের বার্ষিকী “আমাদের লেখা”র পাতা খুলে।

সমস্ত বাংলাদেশের সাহিত্য-সৃষ্টির পরিচয় এই নির্ঘণ্টে নেই। তবু এখন যারা শান্তিনিকেতনের, দু’দিন আগে এদের অনেকেই ছিল সারা বাংলায় ছড়িয়ে। এখানকার জীবনধারার প্রভাব এ-সব রচনায় থাকা স্বাভাবিক। তা সত্ত্বেও এদের মনেপ্রাণে অতীতের যে-ছবি আঁকা হয়ে আছে সে একেবারে মোছবার নয়। যে-জীবন দিয়ে সৃষ্টি, তার ছাপ সৃষ্টিতে থাকবেই। রয়েছেও।

জীবনের সঙ্গে শিশু আনন্দ নিয়ে আসে। শিল্পের সাধনায় আনন্দকে সে অনন্তের দিকে নিয়ে চলে। মালুমের মহাযাত্রার পথে এদেরও দায়িত্ব আছে। সে-দায়িত্বের দায় সম্পর্কে বড়দের অবহিত হওয়া চাই। এরা প্রত্যেকে ভিন্ন ক্রচর, তবু একটি আনন্দ-সংগীতে সুরের বিচিত্র তরঙ্গের মতো।

শিশু বাইরে শিশু। ভিতরে তার বিস্তৃতি কতখানি সে-কথাই নিজের সৃষ্টিতে সে ধরে রাখতে চায়।

ভাষণ : শিশু সাহিত্য ইন্দিরা দেবী চৌধুরানী


গত পাঁচ বছর আমার কাছে এক নিশ্বাসের মতো মনে হয়। এ সময়টুকুর সঙ্গে খুব ভালো করে পরিচয়ও ঘটেনি আমার। শিশু-সাহিত্যে বাংলাদেশ ইতিমধ্যে কতখানি অগ্রসর হয়েছে, নাতিনাতিদেবের গল্প শোনাতে গিয়েই তা' সামান্য জ্বেনেছি। শিশুসাহিত্যের ক্ষেত্রে যে-পরিমাণ উত্তম আজ চোখে পড়ছে তা সত্যিই উৎসাহজনক, একথা স্বীকার করতেই হবে।

অবশ্য আমাদের ছোটবেলায় আমরা স্কট, গ্রীম, এণ্ডার্সন প্রভৃতি বিদেশী লেখকদের রচনা পড়ে যে অতুলনীয় আনন্দ পেয়েছি, দেশ থেকে ইংরেজি উঠে গেলে, দুঃখের বিষয়, আজকালকার ছেলেমেয়েরা তার থেকে বঞ্চিত হবে। সত্যি কথা বলতে কি, ওঁদের রচনার সঙ্গে তুলনার যোগ্য বই আমাদের সাহিত্যে তো বিশেষ কিছু নেই। বিদেশী সংসাহিত্যের অহুবাদ ছোটদের জন্ম ইতিমধ্যে কিছু কিছু হয়েছে, এটা নিঃসন্দেহে স্বলক্ষণ। অহুবাদ আরো প্রয়োজন, আমাদের শিশুদের কাছে বিদেশী সাহিত্যের—বিশেষতঃ আশ্চর্য সেই সব রূপকথার—দরজা বন্ধ হয়ে গেলে সেটা বিশেষ আক্ষেপের কারণ হবে। যদিচ এক ভাবার রস যে আর-এক ভাষায় সঞ্চার করা কঠিন ব্যাপার, একথা অহুবাদকমাজ্জই স্বীকার করবেন।

ছোটদের বইয়ে মলাটের চাকচিক্যটুকু একেবারে উপেক্ষণীয় নয়, যদিও এবিষয়ে অনেকেই আপত্তি জানান। বইগুলি দেখতে সুন্দর হলে, রুচিসম্পন্ন প্রচ্ছদপত্র থাকলে, নেড়েচেড়ে দেখতে ভালো লাগলে, তবেই ছেলেমেয়েদের কাছে আকর্ষণীয় হতে পারে। তবে সেটাই সব হওয়া উচিত নয়। ছোটদের বইয়ের ভাষা যেন তাদের উপযোগী হয়, নইলে রসগ্রহণে বাধা ঘটায়। আজকালকার বইসম্বন্ধে দু'রকমই লক্ষ্য করেছি : অত্যন্ত সুদৃশ্য বইও অনেক সময় অন্তঃসারশূন্য, অপর পক্ষে অনেক সুখপাঠ্য গ্রন্থের অঙ্গসম্ভা চোখের পক্ষে পীড়াদায়ক। প্রকাশকদের এবিষয়ে অবহিত হতে হবে।

শিশু-সাহিত্য বলতে আমি বুঝি সেই সব রচনা, যা ছোটরা নিজেরাই পড়ে ও বুঝে উপভোগ করতে পারে, শিক্ষক বা গুরুজনকে যার ব্যাখ্যায় নামতে হয় না ॥

কব্-3 নাট্যসাহিত্য



সূত্রপাত : কাব্য ও নাটক

অশোকবিজয় রাহা

কাব্য ও নাট্যজগৎ একটি বৃহৎ ও বিচিত্র বাণীশিল্পের জগৎ। জীবনের সঙ্গে এই জগতের সম্পর্ক যেমন গভীর তেমনি দূরপ্রসারী। বহির্জীবন ও অন্তর্জীবনের নিত্যনূতন অভিজ্ঞতা মানুষের আন্তরসত্তায় প্রতিনিয়ত যে আলোড়ন সৃষ্টি করছে তার থেকে কবিচৈতন্যের মধ্যেও বিচিত্র রূপান্তর ঘটছে। আবার একথাও সত্য যে এই নানা রূপান্তরের মধ্য দিয়ে যেতে-যেতেও কবিচৈতন্য যুগযুগান্তরের ভাবসত্যকে একই কালে ধারণ করতে পারে। কবির এক জীবনে কী ক’রে জন্মজন্মান্তর ঘটতে পারে, আবার যুগযুগান্তরব্যাপী রসচেতনা বিধৃত হতে পারে, তার উজ্জ্বলতম দৃষ্টান্ত স্বয়ং রবীন্দ্রনাথ। সঙ্ক্যাসঙ্কীত থেকে শেষলেখ্য পর্যন্ত যে বিপুল সারস্বতলীলা আমরা সেদিন পর্যন্ত প্রত্যক্ষ করেছি তার চেয়ে বড়ো সত্য আর কী আছে।

রবীন্দ্রনাথের বাণীসাধনার ইতিহাসে যে-কোনো পাঁচটি বছর কল্পনা করুন। পাঁচ বছরে তিনি একা এত বিভিন্ন দিক থেকে এমন অজস্র ধারায় আমাদের সাহিত্যক্ষেত্রকে প্রাবিত করেছেন যে তাঁর লেখনী শুক্ক হবার পর থেকেই আমরা যেন আমাদের সাহিত্যের বৃহৎ নদীতে একটা দুর্ভাগা ভাঁটার ছবি দেখতে পাচ্ছি। কোথায় সেই অগাধ জলরাশি যা একটু আগেও দুই তীর ছাপিয়ে দুর্নিবার উচ্ছ্বাসে বিচিত্র আবর্তে ছুটে চলেছিল? রবীন্দ্রপ্রতিভার

এই বিশালতা, এই অজস্রতা, এই বৃহৎ বাণীবৈগ পরবর্তী সাহিত্যে কি একমুহূর্তেই অন্তর্হিত হয়ে গেল ?

আজকের অধিবেশনে আলোচনার দায়িত্ব আমার নয়, আমি আহ্বায়ক মাত্র। তবু এই প্রসঙ্গে দুয়েকটি কথা সংক্ষেপে বলা প্রয়োজন। রবীন্দ্রনাথের তিরোধানের পর আজ বারো বছর কাটতে চলেছে। এর প্রথম ক'বছর আমরা প্রায় বিমূঢ়ভাবেই কাটিয়েছি। এত বড়ো স্বর্ষ চোখের সামনে হঠাৎ নিভে যাবে এ যেন আমরা কল্পনাও করতে পারি নি। দ্বিতীয় মহাযুদ্ধের ক্লম্পটভূমিতে নেমেছে আমাদের রবিহারা দুদিন—সে-দুদিনে আমাদের জাতীয় জীবনে মূঢ়তাও ঘটেছে অনেক। বহু দুঃখ-হর্দশার মধ্য দিয়ে একদিন এল রাষ্ট্রিক স্বাধীনতা। একে অর্থনৈতিক স্বাধীনতা না বললেও জাতীয় জীবনের একটা নতুন পর্দায় বলা চলে। মহাশূন্তে পতনশীল অবস্থায় পায়ের তলায় যেভাবেই হোক একটা আশ্রয় পাওয়া গৈছে যেন। এই অবস্থায় আবার একটুখানি আশ্রয় হবার সুযোগ হয়েছে আমাদের। এই নতুন পরিবেশে আমাদের কবিতায় নাটকে কবিচৈতন্তের নতুনতর স্পন্দন কীভাবে এবং কতটুকু ধরা পড়েছে তা আজ আমরা সাম্প্রতিক লেখকদের কাছ থেকে শুনতে পাব।

কালের পরিবর্তনের সঙ্গে সঙ্গে জগৎ ও জীবনের পরিবেশ যেমন বদলায়, সাহিত্যে তেমনি নতুনতর বিষয়বস্তুর আবির্ভাব ঘটে। নতুনতর মূল্যবোধও জাগে। এর নজিরও আমরা রবীন্দ্রনাথেই পাব। তাঁর 'নবনব-উন্নয়নশালী' প্রতিভার শেষ জীবনের দান থেকেই আমাদের আলোচ্য সাম্প্রতিক সাহিত্য প্রধানত প্রেরণা পেয়েছে, কখনো প্রত্যক্ষভাবে, কখনো পরোক্ষে।

আজকের দিনের কাব্য ও নাটকে যে জীবন-জিজ্ঞাসা জেগেছে, তা আজকের যুগচৈতন্তেরই অঙ্গ। যুগকে স্বীকার না ক'রে, গ্রহণ না ক'রে, কোনো কবিই অগ্রসর হতে পারেন না,—এমন কি যুগোত্তীর্ণ কবিও না। কিন্তু সেই সঙ্গে একথাও সত্য যে এ-জন্ত যুগের রাশি রাশি তথ্যকে

গ্রহণ করলেই চলবে না, যুগের রসসংবেদনাহীন তত্ত্বকেও না,— যুগের জীবনরসঘন সত্যকে আশ্রয় করা চাই। এই জীবনরস একদিকে যেমন কোনো বিশেষ যুগেরই একান্ত, অল্পদিকে তেমনি যুগ-যুগবাহী জীবনরসধারার সঙ্গেও তার সংযোগ রয়েছে। তাই রামায়ণ মহাভারত বিগত যুগের ঘটনাসর্বস্ব ইতিহাসমাত্র না হয়ে ষথার্থ কাব্য হতে পেরেছে—আজকের মাহুষের রসচেতনার সঙ্গেও তার ভাবসংবেদনা ও শিল্পস্বভার একটি নিগূঢ় আত্মীয়তা আছে।

সাম্প্রতিক কালের বস্তুসত্য ও ভাবগত জীবনসত্যকে শিল্পীর রস-দৃষ্টিতে প্রত্যক্ষ করে তার থেকে এযুগের বিশেষ বাণীরূপের বিচিত্র ভঙ্গিগুলিকে উদ্ধার করতে চেষ্টা করছেন আজকের কবি ও নাট্যকার। বিভিন্ন লেখকের বিশিষ্ট মনোভঙ্গি তাঁদের নিজ নিজ ভাবে ভাষায় ও আঙ্গিকে তাকেই এক-একটি বিশিষ্ট রসরূপ দান করছে। এই রসরূপগুলি স্বতন্ত্র জীবনাদর্শের প্রেরণায় আপাতদৃষ্টিতে পরস্পর-বিরোধী হলেও আসলে এরা পরস্পরের পরিপূরক—যুগের অন্তর্নিহিত স্বন্দ তারই হৃদয়-বৃন্তে দ্বিধল পদ্মের মতোই ফুটে উঠেছে। এ-যুগের ষথার্থ ভ্রাণ এ-পদ্মের মর্মকোষে।

হয়তো জীবনসত্যের প্রকাশে, ভাব ভাষা ও আঙ্গিকের পরীক্ষা-নিরীক্ষায় সাম্প্রতিক কবিতায় যেটুকু কাজ হয়েছে, সাম্প্রতিক নাটকে ততটা সম্ভব হয়নি। অবশ্য তার কারণও আছে। নাটক harmonious art—বাণী, সংগীত, অভিনয়, মঞ্চসজ্জা—এতগুলি কলার সমন্বয়ের প্রস্তু তো আছেই, তা ছাড়া আছে অন্তর্নিহিত মূল রসচেতনার সঙ্গে এই বিচিত্রবহুল বহিরঙ্গ-প্রকাশের দেহাঙ্গসম্পর্কের প্রস্তু। আবার নাট্যাগ্রহের সঙ্গে যেমন মঞ্চের সঙ্ঘ, মঞ্চের সঙ্গে তেমনি দর্শকের সংখ্যার সঙ্ঘ, কেন-না তার সঙ্গে প্রযোজকের ও মঞ্চব্যবসায়ীর অর্ধাগম-সমস্তাও জড়িত। এসব অস্ববিধা সঙ্গেও সাম্প্রতিক নাট্যসাহিত্য আদর্শের পথে কতদূর অগ্রসর হতে পেরেছে আজকের সাহিত্যিকদের কাছ থেকে আমরা তা জানতে চাই।

অতি সাম্প্রতিক কাব্য-সাহিত্য

রাধারাণী দেবী

সাম্প্রতিক পাঁচ বৎসরের কাব্য-সাহিত্য নিয়ে আজ আমাদের আলোচনা। এই পাঁচ বৎসরে নূতন কবিতা রচিত হয়েছে যথেষ্ট, কাব্যগ্রন্থও প্রকাশিত হয়েছে অনেক। লক্ষ্য করা যায়, এই পঞ্চবার্ষিকী কবিতার মধ্যে স্বজনী প্রতিভাজাত কবিতার চেয়ে নির্মাণ-নৈপুণ্যজাত কবিতাই বেশি।

পাঁচ বৎসরের অন্তর্গত বাংলার কাব্যলোকে সংঘটিত একটি ঘটনা উল্লেখযোগ্য—যা অভিনব সন্দেশ রূপে সাগর-পরপারে বিদেশী বেতারেও প্রচারিত হয়েছিল।

এক দল নবীন কবি নগরের রাজপথে প্রাচীরপত্রের ধ্বজা বহন করে 'বেশি করে কবিতা পড়ুন' ধ্বনি তুলে দেশবাসীকে কাব্য রসাস্বাদনে মনোযোগী করে তুলতে সচেষ্ট হয়েছিলেন। কবিতা-নিষ্পৃহ জনগণকে কবিতাপ্রিয় করে তোলার জন্ত উঁচু আওয়াজ তুলে কাব্যের প্রচার এবং ফুটপাথে দাঁড়িয়ে উচ্চকণ্ঠে স্বরচিত কবিতা পাঠ—অভিনব সন্দেশ নেই। এইটুকু বোঝা গেছে, সমাজ-সচেতন কাব্য নামে যে কথাটি কিছুকাল থেকে শোনা গিয়েছে, যার অর্থ ব্যাখ্যা ও প্রয়োজনীয়তা নিয়ে বক্তৃতা এবং বিতণ্ডা শোনা যায়, ধ্বনি ও পোস্টারের মাধ্যমে এই কাব্য-আন্দোলন সমাজ-সচেতন কাব্যেরই প্রত্যক্ষ একটি রূপ সম্ভবতঃ। জনগণ সঘন্থে তীক্ষ্ণ সচেতন থেকে যে কাব্য নির্মিত হচ্ছে, জনগণই যদি সে কাব্য সঘন্থে নিষ্পৃহ থেকে যায়, সে

কাব্যে তারাই যদি রুচিশীল না হয়, তাহলে যে কোনও উপায়ে হোক তাদের কাব্যস্পৃহ করে তোলার জন্য প্রত্যক্ষ আন্দোলন করা ছাড়া উপায় কি ?

কিন্তু জিজ্ঞাসা, কাব্য কি আন্দোলন করে আত্মদান করাবার সামগ্রী ? কাব্য কি সমালোচনা দ্বারা নির্ণীত ও প্রমাণিত হওয়ার বস্তু ? তা যদি না হয়, তা হলে আজকের বৈঠকে আমরা কি করতে জড়ো হয়েছি ? উত্তর দিতে পারা যায়, সমালোচনা দ্বারা কবিতা আত্মদান করতে। এই আত্মদানের ব্যাপারে আমার যা বক্তব্য এবং জিজ্ঞাস্তা, বিনম্রভাবে নতুন কবিদের কাছে নিবেদন করছি।

বহু পুরুষানুক্রমে মানুষ পৃথিবীতে যা-কিছু সৃষ্টি এবং নির্মাণ করেছে, তার মধ্যে সবচেয়ে বড় সৃষ্টি কাব্য। কবিতা মানুষকে তার আপন সীমানা উত্তীর্ণ করিয়ে বহু দূরে অনেক উর্ধ্বে নিয়ে চলে যায়। মানুষের সীমিত শক্তি এখানে আপনাকে অনেকখানি অসীমের মধ্যে উন্নীত করতে এবং প্রসারিত করতে সমর্থ হয়েছে। পরম দুর্লভকে সহজে লাভ করতে পেরেছে—কামনাকে যথাঅভিরুচি সফল সার্থক করে তুলেছে—যা মানুষ জীবনে আর কোনও ক্ষেত্রে এমন করে পারে নি বা পায় নি। মানুষ কল্পনায় স্বর্গ রচনা করেছে। যুগে যুগে দেশে দেশে পুরাণে গল্পে কিংবদন্তীতে ধর্মের পুঁথিতে পুঁথিতে স্বর্গ তার আশ্চর্য উজ্জ্বল রূপ নিয়ে মানুষের সামনে উঁকি দিয়েছে মাত্র, কিন্তু স্বর্গকে করতলগত করে সম্পূর্ণ উপভোগ করেছে পৃথিবীতে একমাত্র কবিচিন্তা। কবিতার মধ্যে স্বর্গ সম্পূর্ণভাবে মানুষের হৃদয়ে ধরা দিয়েছে।

কালিদাস যেদিন রচনা করছিলেন—

তত্রাগারং ধনপতিগৃহাহুস্তরেশাস্বদীয়ং

দূরালক্ষ্যং স্বরপতিধনুশ্চারুণা তোরণেন

সেদিন তাঁর কুটারের পাশেই দুর্গন্ধ নর্দমা ছিল কি না, তাঁর ভাঙা দরজার সামনেই আবর্জনার স্তুপ পড়ে ছিল কি না, গৃহিণীর হাঁড়িতে চাল বা শিশুর গায়ে জামার অভাব ছিল কি না আমাদের কারুরই জানা নেই। কিন্তু

মহারাজা বিক্রমাদিত্যের রত্নসিংহাসনের বর্ণনা, রাজসভার আড়ম্বর, স্বর্ণপাঞ্চে রাজভোগ গ্রহণ আর রূপসী চামরধারিণীদের কাহিনী আমাদের যথেষ্ট জানা আছে। কিন্তু আমরা কেউ বোধ হয় অস্বীকার করব না, মেঘদূত কাব্য রচনাকালে কবি কালিদাস তাঁর কল্পলোকের যে সিংহাসনে বসে অমর্যার সুখ উপলব্ধি করেছিলেন, সে সুখভোগ সম্রাট বিক্রমাদিত্যের ভাগ্যে ঘটে নি। বিক্রমাদিত্যের তুলনায় কালিদাসের ঐশ্বর্য উপভোগ ও সুখানুভূতি তুচ্ছ নয়, বরং অনেক উচ্চই।

মানুষ জীবনের বাস্তবলোকে যেমন আপনার কর্মজগৎকে সৃষ্টি করেছে, তেমনি মানসলোকে সৃষ্টি করে নিয়েছে কল্পনাজগৎকে। কর্মজগৎ থেকে গড়ে উঠেছে তার বিরাট ও বিচিত্র সভ্যতা—কল্পজগৎ থেকে গড়ে তুলেছে মানুষ সাহিত্য, কাব্য। মনোময় জগতের এই কল্পলোক বস্তুময় জগতের কর্মলোক হতে তুচ্ছ নয় অথবা দূরে নয়। বরং অদৃশ্য অস্পর্শ হয়েও বস্তুজগতের অতি নিকটবর্তী বলা যেতে পারে। কর্মময় জগতের মূলে আছে মানুষের মন। মনেরই নিজস্ব লীলার রাজ্য কল্পনার অনির্বচনীয় লোক। বাস্তব থেকে রস আহরণ করে তার প্রাণ, কিন্তু তার আত্মা সকল বন্ধন, সকল দায়িত্বের উর্ধ্বে। মাটি আর সারের কাছে ঋণী বলে গোলাপ ফুলকে যদি মাটিরই পাপড়িতে গড়ে তুলতে চেষ্টা করা হয়, তার পেলবতা ও বর্ণ গন্ধের সমারোহকে বাস্তব-জীবনের প্রয়োজনশূন্য বিলাসিতামাত্র বলে উপহাস করা হয়, যুক্তিতর্কের দিক থেকে বিচার করলে সেটা গ্ৰাহ্য প্রমাণিত হতে পারে, কিন্তু ঠিক ঐ যুক্তি-তর্কের মাধ্যমে গোলাপ ফুলের বিচার করা হাস্যকর, রসিকজনেরা অবশ্যই বলবেন। সংসারে সকল বস্তুই গ্ৰাহ্যের দণ্ডে বা প্রয়োজনের দণ্ডে মাপা যেতে পারে না,—রসের দণ্ডে, আনন্দের দণ্ডে, শিল্পের দণ্ডেও মাপ আছে। অনেক কিছুই সাধারণ বস্তু এবং বিষয় আছে, যুক্তির সাহায্যেই যাদের প্রমাণিত করা হয়। কিন্তু সংসারে এমনও অল্প কিছু অসাধারণ বস্তু এবং বিষয় আছে, যাদের প্রমাণ—উপলব্ধি, আত্মদান আর আনন্দের মধ্যেই নিহিত।

অবশ্য বলা যেতে পারে, উপলব্ধি, আত্মদান এবং আনন্দেরও তো মোড় ফুরিয়ে দেওয়া যায়। অর্থাৎ মানুষের রুচি ও প্রবৃত্তির গতি বদল করার শক্তিও যখন মানুষের নিজেরই হাতে কতকটা,—তখন আজকের যুগের অর্থনৈতিক, সমাজনৈতিক ও রাজনৈতিক গুরুতর প্রয়োজনের জন্ত আমরা শিল্পের রূপ ও শিল্প-আত্মদানের রুচি বদল করে নেবনা কেন ?

এই রুচি ও শিল্প-আত্মদানের রং-বদল পৃথিবীতে চিরকাল নিজের স্বাভাবিক নিয়মেই হয়ে আসছে। প্রয়োজনের চাপে উদ্দেশ্যমূলকভাবে হয় নি। ফুলেরই প্রয়োজনে ফুল ফুটে উঠেছে, ঝরে পড়েছে,—গরজের তাগিদে নয়। সাহিত্যেরও সজীবতার প্রয়োজনে সাহিত্য যুগে যুগে বদল হয়েছে, বদল হবেও।

আজ আমাদের শাস্ত্র চিন্তে চিন্তা করে দেখা দরকার, যুগাহুগত আপাত-কালের কাছে আমরা সর্বকাল বা চিরকালকে বন্ধক দিয়ে রাখব কিনা। শিল্পী এবং তার সৃষ্টি আপাতকালে আশ্রয় গ্রহণ করে মাত্র, তার লক্ষ্য বা ইষ্ট সর্বকাল। এই সর্বকালিক আদর্শকে সর্বকালিক সত্যকে কোনও কিছুই জন্ত কুণ্ঠ করলে মহৎ শিল্পের অভ্যুত্থানে বাধা ঘটে।

আপন জীবনকালে যে-সকল জীবনসমস্যার মধ্যে, আশা-নিরাশা সুখ-দুঃখের মধ্যে কবিচিন্ত্ত আন্দোলিত হয়ে থাকে, যেখান থেকে তাপ সঞ্চয় করে তাঁর চিন্তের প্রদীপ জ্বলে ওঠে, তার প্রভাব এবং প্রতিচ্ছবি আপনিই তো সাহিত্যে কাব্যে ফুটে উঠবে। শিল্পী ও কবি তাঁদের জীবনের বর্তমান যুগের বাইরের মানুষ নন। স্বীয় কালের দুঃখ-সুখ, প্রয়োজন-অপ্রয়োজনের সঙ্গে স্বাভাবিক নিয়মেই তাঁরা জড়িত। প্রতি যুগের মানসিক ছবি তো আপন হতেই কবির কাব্যে, চিত্রীর চিত্রে সঞ্চারিত হয়। যেমন বহু পূর্বকালের ছবি আমরা প্রাচীন সাহিত্যে, কাব্যে, চিত্রে দেখতে পাই।

আজ পৃথিবীর কাব্য সাহিত্যে চিত্রের জন্ত অলিখিত অথচ দৃঢ় নির্দিষ্ট ক্যান্টিকুলাম তৈরি হয়েছে। আজ নবীন কবি লেখনী নিয়ে ভাবছেন তাঁর

কবিতার ভাব এবং বিষয়বস্তু কী হওয়া উচিত। চিত্রকর তুলি নামিয়ে চিন্তা করছেন,—কোন বিষয়কে অবলম্বন করে তাঁর হৃদয়ের আনন্দকে মুক্তি দিলে সার্থক চিত্র হবে। অর্থাৎ—আজ কবি ও শিল্পীর হৃদয়ের পূর্ণ স্বাধীনতা নেই যা খুশী তাই নিয়ে কাব্য রচনা করবার বা তুলি টানবার। মস্তিষ্ক সত্রাট হয়ে বসে বুদ্ধির শাণিত প্রভাবে হৃদয়ের গতি নিয়ন্ত্রিত করছে। এখন—‘হৃদয় আমার নাচেরে আজিকে ময়ূরের মতো নাচেরে—’লিখবার উপায় নেই। হৃদয় এখন বুদ্ধির শিকলে বাঁধা। নাচ সে হয়ত ভালরকম শিখেছে, তার শিক্ষার আশ্চর্য নৈপুণ্য যে বাহবা পাওয়ার যোগ্য এতে সন্দেহ নেই। তবে কল্পনাকাশের মেঘোদয়ে হৃদয়-ময়ূরের পেখমমেলা স্বাধীন নৃত্য, আর বিশেষ উদ্দেশ্য-সচেতন বুদ্ধির শিকলে বাঁধা হৃদয়ের সুশিক্ষিত স্তনিপুণ নৃত্য—এ দুয়ের মধ্যে প্রভেদ সকলেই মানবেন।

যুগের প্রয়োজন, যুগের চিন্তা, যুগের রুচি কেউই অস্বীকার করে না। কিন্তু কাব্যের উদার বিস্তৃতিকে গভীর মধ্যে খর্ব করার ব্যবস্থায় আপাত কল্যাণ থাকেও যদি, চিরন্তন কল্যাণ থাকতে পারে না। কল্পলোক মানুষের জীবনে যতই প্রধান হয়ে উঠুক না কেন, বস্তুলোককে অস্বীকার বা অতিক্রম করতে পারে না। কারণ, কবির চিত্ত কল্পলোকে সঞ্চারশীল হলেও কবি স্বয়ং বস্তুলোকেরই অধিবাসী, রক্তে-মাংসে ক্ষুধা-তৃষ্ণায় গঠিত। তাই এতকাল কল্পলোক ও বস্তুলোকের সম্মিলিত স্পর্শে অনেক মহৎশিল্পের উদ্ভব হয়েছে পৃথিবীতে। আজ বস্তুলোক তার সর্বগ্রাসী আত্মপ্রসারণে কল্পলোককে নিমূল করতে চায়। কল্পলোককে অবজ্ঞায় উপহাস এবং অস্বীকার করে বস্তুলোককেই এখন একমাত্র চরম ও পরম সত্য বলে মেনে নেওয়ার মতবাদ এসেছে। আমাদের মনে হয়, এতে হবে মানুষের সামনের দিকের বাজাকে পিছনের দিকে টেনে পিছিয়ে আনা।

ছোটকে বড় করে তোলার মধ্যে গৌরব আছে কিন্তু বড়কে ছোট করে আনায় কৃতিত্ব, থাকলেও গৌরব নেই।

লাভ-ক্ষতির হিসাব আর দায়িত্ব ও কর্তব্যের গুরুভার—এর থেকে বিশ্ব-
 দুনিয়ার কারুরই রেহাই নেই। কবিচিত্ত নামে যে বস্তুটা এতকাল ধরে
 কাজের দুনিয়ার দরকারী-জোয়াল টানা থেকে ফাঁকি দিয়ে আকাশে বাতাসে
 মাটিতে যদৃচ্ছ-বিচরণ করে ফিরছিল,—আজ তাকেও ধরে এনে প্রত্যক্ষ
 সংসারের সদ্দেহের জোয়ালে জুড়ে দেওয়া হচ্ছে দেখা যাচ্ছে। আজ
 পরাধীন মানবের আর অন্নহীন মানবের দুঃখে সকলেই আমরা ব্যথিত,
 আত্মমানিপরায়ণ, কিন্তু হুর্ভাগা কবিদের এই শৃঙ্খলিত বন্দীদশা কারুর অন্তর
 স্পর্শ করে না কেন? আমি তো দেখি, আজ পৃথিবীর মধ্যে সকলের চেয়ে
 দুঃখী এবং বঞ্চিত বর্তমানযুগের নবীন কবিরা। এদের উপরে আজ যে শাসন
 ও বন্ধন অদৃশ্য লিখনে দেশে দেশে বিস্তৃত হয়ে পড়েছে, তাদের চিন্তাশক্তি,
 দৃষ্টিভঙ্গী ও রুচিকে স্তূনির্দিষ্ট এবং নির্ণীত-লক্ষ্য করে দেওয়া হচ্ছে, তার কল্পনাতা
 কেন সকলের দৃষ্টিগোচর হচ্ছে না?

কবিতা যদি পরিপূর্ণ মুক্তির মধ্যে, দায়িত্বের ভারমুক্ত পাথায় অবাধ
 সঞ্চরণের উপযুক্ত উন্মুক্ত আকাশের দূরবিস্তৃতি না পায়, তবে তার প্রাণের
 লীলা, গানের লীলা, গতির লীলা খর্ব হবেই, হয়ে উঠবে আড়ষ্ট। আধুনিক
 নবতম কবিতার আন্বাদ গ্রহণ করতে গিয়ে আমরা বাধা ও বেদনা পাই তার
 সর্বাক্ষর কঠোর নিষেধশৃঙ্খলগুলিতে।

সমসাময়িক কবিতা

অজিত দত্ত

গত পাঁচ বছরের কবিতা সম্বন্ধে আলোচনা করতে অগ্রসর হতে বিশেষ সংকোচ এবং কিছুটা দ্বিধা বোধ না করে পারছি না। কারণ, সমসাময়িক কবিতা কতখানি সাবধানতার সঙ্গে পড়েছি এবং কতটা বিচার করতে পেরেছি, সে-বিষয়ে নিজের মনেই যথেষ্ট সংশয় রয়েছে। তা ছাড়া পাঁচ বছর মাত্র সময়ের কবিতা সম্বন্ধে কোনো গুরুতর মন্তব্য করার মতো দুঃসাহসিকতা আমার নেই। সমসাময়িক কবিতার একজন সাধারণ পাঠক হিসেবে কয়েকটি কথা যা মনে হয়েছে, তাই নিবেদন করবো।

সম্প্রতি কবিতার ক্ষেত্রে একটা বিশেষ স্নলক্ষণ লক্ষ্য করছি—সেটা হচ্ছে কাব্যোৎসাহী ও কাব্যপাঠকের সংখ্যাবৃদ্ধি। বাঙালী পাঠক কবিতার বই কিনে পড়ছে, কিংবা পড়বার জগ্নই কিনছে, এ আশ্চর্য ঘটনা আজকাল আর বিরল নয়। অতি সম্প্রতি তরুণ কবিযশঃপ্রার্থীদের ‘কবিতা-পড়ুন’ আন্দোলন বাঙালী পাঠককে আরো বেশি কাব্যসচেতন করে তুলতে চাইছে, সেটাও স্মরণ্য কথা।

গত পাঁচ বছরের বাংলা কবিতা আমার কাছে নানা কারণে উল্লেখযোগ্য ব’লে মনে হয়েছে। প্রথমত এ ক’বছরে কাব্যের ক্ষেত্রে ভালো রচনা যা প্রকাশিত হয়েছে, তার পরিমাণ প্রচুর। ত্রিশ-চল্লিশ দশকের খ্যাতনামা প্রায় প্রত্যেক কবির কবিতার বই এই সময়ের মধ্যে প্রকাশিত হয়েছে। কাব্যের

আঙ্গিকের ক্ষেত্রে অপেক্ষাকৃত পুরোনো ও নতুন কবিদের নানারূপ পরীক্ষা-নিরীক্ষা কবিতায় নতুন নতুন ব্যঙ্গনার পথ খুলে দিয়েছে। কোথাও কোথাও আশ্চর্য সফলতা চমক লাগিয়ে দেয়। যাদের প্রথম বই গত পাঁচ বছরের মধ্যেই প্রকাশিত হয়েছে, এরূপ উল্লেখযোগ্য নতুন কবির সংখ্যাও কম নয়। মোটের উপর কবিতার সাম্প্রতিক পরিমাণকে কোনোমতেই সামান্য বা অল্প বলা চলে না।

কেবল পরিমাণেই নয়, ভাষা ও আঙ্গিকেও বাংলা কবিতা এখন অনেক প্রসার ও সৌষ্ঠব লাভ করেছে—এটা সম্ভবত সকলেই লক্ষ্য করেছেন। কবিতা, যা হচ্ছে মনের ভাষা—তার বাহন আজ মুখের ভাষার সঙ্গে প্রায় অভিন্ন, সেটা বিশেষভাবে উল্লেখযোগ্য, কেননা, এ ভাষায় যদি কবিতা সত্য ও জীবন্ত হয়, তবে তার পক্ষে হৃদয়ে প্রবেশের পথ সহজ হবে, এ বিষয়ে সন্দেহ কি? সাম্প্রতিক কবিতায় আরো বিশেষভাবে লক্ষণীয় এর কারুকৌশল ও শিল্পচাতুর্যের বিস্ময়কর অভিনবত্ব। বস্তুত এটা না মনে হয়ে পারে না, যে আজকের কবি তাঁর শিল্প সম্বন্ধে বিশেষরূপে সচেতন ও সাবধান হয়েছেন। উচ্ছ্বাসের বশবর্তী হয়ে ঢিলে-ঢালা বাক্য বিস্তারে কোনো-রকমে মনের আবেগ প্রকাশ করতে আজকের নবীনতম কবিও লঙ্ঘিত হবেন বলে মনে হয়। সাম্প্রতিক বাংলা কবিতার শব্দসমৃদ্ধি, এর উপমা ও চিত্রের বিস্ময়কর অভিনবত্ব, দৃঢ়বদ্ধ বাক্যবিশ্লেষ এবং রচনা সৌষ্ঠব, এক কথায় অতি সমৃদ্ধ সাবধানী বিষয়, উপমা ও শব্দ নির্বাচন, সবই সাম্প্রতিক কবির সচেতন অধ্যবসায় ও নিজের শিল্প সম্বন্ধে দায়িত্ববোধের পরিচয় দেয়।

কবিমনের এ সচেতন গতিশীলতা, আঙ্গিকের ক্ষেত্রে যা নতুন নতুন পরীক্ষার মধ্য দিয়ে নিজের রচনাকে সমৃদ্ধ করতে চাইছে, তা বিষয়বস্তুর ক্ষেত্রেও নিষ্ফল নয়। ইদানিং কবিতার বিষয়বস্তুর উল্লেখযোগ্য সম্প্রসারণ ঘটেছে। গতানুগতিক কাব্যোপকরণগুলির সঙ্গে যুক্ত হয়েছে আধুনিক

বিজ্ঞান-বিজ্ঞান-রাজনীতি-সমাজনীতি-অর্থনীতিতে ওতপ্রোত বর্তমান পৃথিবীর বস্তু, চিন্তা ও তর্ক। কবিতার ভাষাই যে কেবল মুখের ভাষায় রূপান্তরিত হয়েছে তা নয়, কাব্যের শব্দসম্পদের সঙ্গে সংযোজিত হয়েছে জটিলতর জীবনের অনতিমুহূ ভাষা, সাংবাদিকের বিশিষ্ট ও এককালে অপাংক্তেয় শব্দ-শুদ্ধ এবং রুঢ় কথার ঝুড়ি। কারণ কাব্যের বর্তমান বিষয়ের সঙ্গে তাল রাখতে গেলে এ ভিন্ন গত্যন্তর নেই।

আধুনিক কবিতার ক্ষেত্রে বিষয়বস্তুর প্রশ্নটা একটা বড় সমস্যা রূপে দেখা দিয়েছে। একটা শক্তিশালী লেখকগোষ্ঠী মনে করেন যে কাব্যের আদ্বিকৈ সাংবাদিক বিষয় পরিবেশন করলে তা উচুদরের কবিতা হতে পারে। এঁদের মতে রাজনৈতিক তর্ক, বক্তৃতা, ভাষণ ও আক্রমণ কোনো কিছুই কবিতার বিষয়বহির্ভূত নয়। কিন্তু নিন্দা, অস্বা ও ক্রোধকে ভিত্তি করে ভালো পঞ্চ রচনা করলেও তা কাব্যপর্ধায়ে উঠতে পারে কিনা, এ-বিষয়ে বিশেষ সন্দেহ পোষণ না করে পারি না। কিন্তু এই সব সংবাদ ও মতপ্রধান কাব্যপ্রচেষ্টা ছেড়ে দিলেও বর্তমান কালের নবীন কবিমন বিষয়ের সন্ধানে কিছুটা বিব্রত বলেই মনে হয়। কী লিখবো? এ একটা বিরাট প্রশ্ন। প্রেম? সেটাকে বুদ্ধি ও বিশ্লেষণের দ্বারা কতখানি বর্তমান জটিল ও মোহমুক্ত জীবনের উপযোগী করে নেওয়া যায়, তার উপর নির্ভর করছে আধুনিক কবির কাছে ঐ বিষয়টির উপযোগিতা। আমাদের জীবনকে ঘিরে অসংখ্য জটিলতা, অ্যাটম্-বোমা, যুদ্ধ, বৃত্তান্ত। অসংখ্য ভয় স্বপ্ন, ভঙ্গ মোহ, চূর্ণ গতাহুগতিক মূল্যবোধের মান, এক্ষেত্রে কী নিয়ে কবিতা লিখবো এ-প্রশ্ন অবাস্তর নয়। অথচ কবি-প্রাণ আছে, বলিষ্ঠ, সৌষ্ঠবসম্পন্ন ভাষাও আয়ত্তে। একরূপ ক্ষেত্রে নবীন কবি-প্রাণের যে অতৃপ্তি, সেটাই যেন আজ তরুণ কবিদের কাব্যের বিষয় হয়ে দাঁড়িয়েছে। আগেই বলেছি নবীন কবিরাজ আজ অত্যন্ত আত্মসচেতন, এবং সে-কারণে, কালোপযোগী হবার প্রযত্নে মোহমুক্ত। তাই আজ নবীন কবির কাব্য বিশ্বকর রূপ-সৌষ্ঠবপূর্ণ, ঝড়, বলিষ্ঠ, চমক-লাগানো হয়েও যেন বিজ্ঞ ও

প্রবীণ—যৌবনের উত্তাপহীন। এঁদের কাব্যে যৌবন যেন এক ধাপ এড়িয়ে প্রথমেই প্রৌঢ়ত্বে পৌঁছেছে। প্রেম যেন আবেগকে প্রায় ত্যাগ করে বিলম্বী বুদ্ধির কণ্ঠলয়। বস্তুতঃ, সাম্প্রতিক কবিতার সর্বতোমুখী উৎকর্ষ এই বিষয়বস্তু সম্বন্ধে দ্বিধা ও সংশয়ের জন্মই পাঠককে সম্পূর্ণ তৃপ্তি দিতে পারছে না একরূপ মনে হওয়া অস্বাভাবিক নয়।

আমাদের পক্ষে, অর্থাৎ কবিতার পাঠকদের পক্ষে বিশেষ সৌভাগ্যের বিষয় এই যে গত পাঁচ বছরের মধ্যে কুড়ি-ত্রিশ-চল্লিশ দশকের প্রধান কবিদের প্রায় প্রত্যেকের একটি বা একাধিক কাব্যগ্রন্থ প্রকাশিত হয়েছে। পরবর্তী এবং নবীনতর অনেক কবির রচনার মতো এঁদের কবিতা রচনা-সৌষ্ঠবে, ধারালো বাগবিত্তাসে, চমক-লাগানো চিত্রে ও উপমায় এবং অভিনব প্রকাশ-ভঙ্গিতে বিস্ময়কর না হলেও, অনেকটা বেশি তৃপ্তিদায়ক। কেননা এঁদের রচনা বিষয়ের সন্ধানে এত বিভ্রান্ত নয়। আজ দেশ ও জগতের পরিবেশ ও আবহাওয়া হয়তো কাব্যরচনার অমূলক নয়, এবং বর্তমান ভাবনাভরা জীবনের পরিপ্রেক্ষিতে এঁদের কবিতা আজ একটা দার্শনিকতা ও চিন্তার জগতে ভ্রাম্যমাণ; এঁদের অনেকেরই কাব্যে একটা বিষম মধুর ক্লেভ ও আক্ষেপের স্বর। সে ক্লেভ ও আক্ষেপের সঙ্গে সুন্দর জীবন ও প্রেম উপভোগের আকাঙ্ক্ষা জড়িত।

সংক্ষেপত, এটা আমার মনে হয় যে, যদিও আজকের নবীন কবিদের রচনায় খুব একটা অগ্রসর সচেতন মনের পরিচয় পাওয়া যায়, এবং যদিও এঁদের রচনা-সৌষ্ঠব ও আঙ্গিকের উৎকর্ষ বিশেষ আনন্দ দেয়, তবু কাব্য-পাঠের আন্তরিক তৃপ্তি পাবার জন্ম এখনো ত্রিশ-চল্লিশ দশকের স্থির-প্রজ্ঞ কবিদেরই রচনার শরণ নিতে হয়। কেননা এঁরা কী লিখবো বা কী নিয়ে লিখবো এ-চিন্তায় দিশাহারা না হয়ে এই বিভ্রান্তিকর কলকোলাহলের মধ্যেও ঘোষণা করতে পারেন—

‘আমার আকাঙ্ক্ষা তাই কবিতার অদ্বিতীয় ব্রত।’

পূর্ব বাঙলার সাম্প্রতিক কবিতা

শামসুর রাহমান

পূর্ব বাঙলার সাম্প্রতিক কবিতার বিভিন্ন ধারা সম্বন্ধে কিছু বলতে অসুবিধা হয়েছিল। সমসাময়িক সাহিত্য বিষয়ে আলোচনা করতে যাওয়ার একটা বিপদ আছে। একথা প্রায়ই শোনা যায় যে সমসাময়িক সাহিত্যের প্রতি ষথাযথ স্রুবিচার করা কোনো লেখকের পক্ষেই সম্ভব নয়। কথাটাকে সহজেই উড়িয়ে দিতে পারতুম যদি না সমালোচক-ধুরন্ধর ডক্টর জনসনের মতো বিখ্যাত উদাহরণ আমাদের সামনে উপস্থিত থাকতো। স্বয়ং জনসনও তাঁর যুগের অগ্রতম সংকবি গ্রে-র কবিতার উপর বড়ো একটা স্রুবিচার করেন নি। বলাবাহুল্য তিনি মারাত্মক ভুল করেছিলেন এ বিষয়ে। তবুও যে সমসাময়িক কাব্য-সাহিত্য নিয়ে আলোচনা করতে ভরসা পাচ্ছি তার কারণ, সমালোচনার কোনো কথাই শেষ কথা নয়। তারপরও কথা থাকে।

বহুবর্ণিত কবিতার দেশ বাঙলা রাজনৈতিক কারণে আজ বিভক্ত। কিন্তু দেশের মানচিত্র বদলেছে বলেই দুই বাঙলার পারস্পরিক সম্পর্ক একেবারে বিচ্ছিন্ন হয়নি, সম্প্রীতি নষ্ট হয়ে যায়নি। দেশ ভাগ হয়ে গেছে বলে পূর্ব বাঙলার মানুষ বাঙলা ভাষা ভুলে যায়নি। আমাদের এ-বাঙলা ভাষা আমাদের যে কতো প্রিয় সে কথা আমরা এই সেদিনও প্রাণ দিয়ে প্রমাণ করেছি। রবীন্দ্রনাথ, মাইকেল মধুসূদন, আলাওল

এবং নজরুল ইসলামের ভাষাকে আমরা ভালবাসি, চিরদিন ভালবাসবো, জ্বীয়ে রাখবো আমাদের রক্তের প্রবহমান শ্রোতে। বাঙলা সাহিত্যে পূর্ব বাঙলার প্রাক্তন দান কিছু নগণ্য নয়। আধুনিক বাঙলা সাহিত্য যদিও প্রধানতঃ কলকাতাকে কেন্দ্র করেই গড়ে উঠেছে তবু পূর্ব বাঙলার সাহিত্য-কর্মের উজ্জল বিশিষ্টতায় বহুকাল সাহায্যপ্রাপ্ত হয়েছে বাঙালী জাতি, গঠিত হয়েছে সং সাহিত্যের বলিষ্ঠ শরীর। ভবিষ্যতেও যে পূর্ব বাঙলা সেই গৌরবময় ঐতিহ্যের ধারা রক্ষা করবে তার প্রতিশ্রুতি বহন করছে বর্তমান। ইং, বর্তমানে কিছু সংখ্যক প্রবীণ এবং তরুণ সাহিত্যিকের মিলিত উত্তমে পূর্ব বাঙলার সাহিত্যের চেহারা বেশ কিছুটা উজ্জলই মনে হচ্ছে অনেকের বিবেচনায়।

আমার এ আলোচনা প্রধানতঃ বিভাগোত্তর পাঁচ বছরের কবিতাকে কেন্দ্র করেই তৈরী হবে। প্রাকবিভাগ যুগে কবিতা লিখে আমাদের যে কয়জন কবি বিখ্যাত হয়েছেন কাব্যক্ষেত্রে তাঁদের প্রায় সবাই এখন পূর্ব বাঙলায় আর স্বপ্নের বিষয়, তাঁদের অনেকেই এখনও কবিতা লিখছেন। তাই তাঁদের কবি-কর্ম সম্বন্ধে বলতে গেলে অতীতের দিকে এক আধটু চোখ ফেরাতেই হবে। পূর্ব বাঙলার সাম্প্রতিক কবিতা কয়েকটি স্পষ্ট ধারায় এগিয়ে চলেছে, এই এগিয়ে চলার পথে মাঝে মাঝে যে ছন্দপতন ঘটছে না এমনও নয়। এই বিভিন্ন ধারাগুলোর পরিণতি শেষ পর্যন্ত কি দাঁড়াবে তাও আপাততঃ বোঝা যাচ্ছে না। তবু আমি পূর্ব বাঙলার সাম্প্রতিক কবিতার পরিচয় যদুর সম্ভব তুলে ধরতে চেষ্টা করবো।

পূর্ব বাঙলার অধিকাংশ মানুষই গ্রামবাসী আর সেজন্যে এখনকার সাহিত্য পুরোপুরি গ্রামকেন্দ্রিক হবে বলেই অনেকে ভাবছেন। সত্যি বলতে কি, এ ধরনের উক্তির ওপর আমার তেমন আস্থা নেই। স্বীকার করছি, এ দেশের মানুষ প্রধানতঃ পল্লীকেন্দ্রিক সাহিত্য তৈরী করবে, কিন্তু তাই বলে শহরকে

আমরা আমাদের সাহিত্যের আসর থেকে নির্বাসিত করবো না। আর কোনো সাহিত্যিক যদি শহরকে কেন্দ্র করে সং সাহিত্য তৈরী করেন তা হলে তাঁকে 'শহুরে' বলে তুড়ি মেরে উড়িয়ে দেবার দুর্মতি হওয়া উচিত নয় কোনোমতেই। শহরকে আমরা নির্বাসিত করতে পারি না, কেননা আমাদের বর্তমান জীবনে শহর কিছু কম প্রভাবশালী নয়। ধরতে গেলে শহরই আধুনিক জীবনের প্রাণকেন্দ্র হয়ে পড়ছে। একথা খুবই সত্যি শহরে রয়েছে নোংরামি, কুশ্রীতা, হিংসা, লালসা আর কালো ধোঁয়া—কিন্তু তাই বলে শহরকে আমরা ঘৃণা করে দূরে সরিয়ে রাখতে পারি না, তারও একটা স্বতন্ত্র সত্তা রয়েছে, সৌন্দর্য রয়েছে। পল্লীকে নিয়ে আমরা বেশ বাড়াবাড়ি-ই করে আসছি চিরকাল। পল্লী অপরূপ সুন্দর, আশ্চর্য তার প্রাকৃতিক ঐশ্বর্য, ইত্যাদি, ইত্যাদি। পল্লীকে আমরা ভালবাসি, খুবই সত্য। কিন্তু এ ভালবাসা যদি রীতিমতো শুচিবাইতে পরিণত হয় তা হলেই এর বিরুদ্ধে কিছু বলা একটা কর্তব্য হয়ে দাঁড়ায়। পল্লী-প্রেমের দোহাই দিয়ে যে-সব অক্ষম প্যাচপ্যাচে রচনায় সাময়িকী পাতাগুলো ভরে ওঠে তা' দেখলে আহত হতে হয় রীতিমতো। গ্রামকে কেন্দ্র করে ভালো সাহিত্য গড়ে উঠেছে এখানে, কিন্তু শহর-কেন্দ্রিক কোনো উল্লেখযোগ্য লেখা আমার চোখে, চুঃখের বিষয়, খুব কমই পড়েছে। পল্লী সাহিত্যের কথা উঠলেই সবচেয়ে আগে ধীর নাম মনে আসে তিনি জসীমউদ্দীন। লোক-কবি হিসেবে জসীমউদ্দীন একক। তাঁর 'নল্লীকাঁথার মাঠ' বাঙলা কাব্য-সাহিত্যের একটি উজ্জ্বল বই, একথা আশা করি অনেকেই স্বীকার করবেন। তিনি যখন প্রথম আমাদের সোজন বাড়িয়ার ঘাট, হলদে পাখির ছা, কাজলদীঘির কালো জল আর বউ-টুবানীর মেঠো পাঁচালী শোনালেন তখন আমরা বাঙলা কবিতার আসরে একজন প্রকৃত নতুন কবির সন্ধান পেয়ে খুশি হলুম, মুগ্ধ হলুম। তাঁর কবিতার সহজ, স্বচ্ছন্দ রূপকে আমরা ভালোবাসলুম। অবনীন্দ্রনাথ ঠাকুরের কথা চুরি করে বলতে ইচ্ছে করে, জসীমউদ্দীনের কবিতা সুন্দর কাঁথার মতো ক'রে বোনা।

তাঁর কবিতাগুলোর মধ্য দিয়ে বাঙলার পল্লীজীবন আশ্চর্য-সুন্দর ছবির মতো ধরা দিয়েছে। আবার বলছি, পল্লী-কবি হিসেবে তিনি পূর্ব বাঙলার একক কবি-কর্মা। ‘মাটির কান্না’ জসীমউদ্দীনের সাম্প্রতিক কবিতার সংকলন। যদিও এ কাব্যগ্রন্থের কোনো কোনো পংক্তি কিংবা উপমা জসীমউদ্দীনের কবিত্বশক্তি বিদ্যুতের মতো ঝিকিয়ে ওঠে তবু বলবো, তিনি ক্রমেই তাঁর পূর্বের প্রসাদগুণ হারিয়ে ফেলছেন ইদানীং। আধুনিক হয়ে-ওঠার ঘর্ষাক্ত চেষ্টায় তাঁর বর্তমান কবিতাগুলো ভারাক্রান্ত, ক্লান্ত। তিনি তাঁর বৈশিষ্ট্যকে স্বেচ্ছায় ত্যাগ করতে চাইছেন দেখে আহত হয়েছেন তাঁর ভক্ত পাঠক-গোষ্ঠী। তিনি যখন শাপলা লতা, বিলের কাজল জল, নিরুম রাতের বাশির স্বর, ধান-কাউনের অথই রঙের মেলা, বাউ কুড়াগী আর উড়াগীর চর নিয়ে কবিতা লেখেন তখন তিনি নিঃসন্দেহে অপ্রতিদ্বন্দ্বী। কবিতার এ পরিমণ্ডলেই তিনি সিদ্ধি খুঁজে পেয়েছেন। আর যখন তিনি এ পরিবেশ ছেড়ে অল্প কিছু দিকে পা বাড়িয়েছেন তখনই তাঁর কাব্য-চরিত্র ক্ষুণ্ণ হয়েছে। কিন্তু আশার কথা, যদিও তিনি এখন প্রৌঢ় তবু সময়ের ধুলো তাঁর কবিত্বশক্তিকে একেবারে আচ্ছন্ন করতে পারেনি, তাঁর লেখনী এখনও স্তব্ধ হয়ে যায়নি। কে জানে হয়তো অদূর ভবিষ্যতে তিনি আরো উন্নত কবিতা উপহার দেবেন আমাদের। তাঁর কবি-কর্মকে অহুসরণ করে দু-একজন পল্লী-কবি কবিতা লিখতে চেষ্টা করছেন কিন্তু তাঁরা নিজের চেহারা উপস্থিত করতে পারছেন না, সেগুলো অহুকরণও নয়, রীতিমতো অহুলিখন।

আজকাল আমাদের সাহিত্যের বাজারে একঁটা কথা বেশ সরবেই উচ্চারিত হচ্ছে যে পূর্ব বাঙলার সাহিত্য কলকাতা-কেন্দ্রিক সাহিত্য হবে না অর্থাৎ পশ্চিম বাঙলা থেকে স্বতন্ত্র হবে এখানকার সাহিত্য। আমি কিন্তু এ ধরনের কথা অতো আড়ৎরে টেঁচিয়ে বলার কোনো অর্থ খুঁজে পাইনে। এটা তো খুবই সত্য যে দেশ ভাগ না হলেও আমাদের সাহিত্য পশ্চিম বাঙলার সাহিত্য থেকে আলাদা হতো, স্বাভাবিকভাবেই আমাদের সাহিত্য

স্বতন্ত্র চেহারা নিয়ে এগিয়ে যেতো। কেননা অতীতের সাহিত্যের ইতিহাস পর্যালোচনা করে দেখলে এটা প্রমাণিত করা এমন কোনো কঠিন কাজ নয় যে বরাবরই পূর্ব বাঙলার সাহিত্য পশ্চিম বাঙলার সাহিত্য থেকে অনেকেবাংশে পৃথক, স্বতন্ত্র। কেননা, পূর্ব বাঙলার 'আত্মা'র একটা আলাদা সত্তা রয়েছে। এখানকার ভৌগোলিক পরিবেশ, পদ্মাপারের মানুষের সংগ্রামী জীবন, আকাশ, রোদ, হাওয়া, গাছ, ফুল, পাখি সব কিছুই ছায়া ফেলবে পূর্ব বাঙলার কবিতায়, গল্পে, উপন্যাসে। স্বভাবতই পূর্ব বাঙলার মাটি, আলো আর হাওয়ার গন্ধ লেগে থাকবে এখানকার কাব্যে আর যে কবিতায় এসব কিছু থাকবে না তা এমনিতেই ঝরে পড়বে, তার জন্তে দুচ্চিত্তাগ্রস্ত হয়ে বিনিত্র স্নাত্ত্রিযাপনের কোনো মানে হয় না আদর্শেই। কয়েকজন কবি ধারা ইসলামী ঐতিহ্যের পুনরুজ্জীবনে বিশ্বাসী তাঁরা পূর্ব বাঙলার কবিতাকে স্বতন্ত্র চেহারা দেবার জন্তে কাব্যের পরমার্থ খুঁজছেন সাহারার ধূ-ধু করা বালির সমুদ্রে, আলবোর্জ পাহাড়ে, আখরোটের বনে, বাদাম খুবানির বনে। এ পরিবেশেও স্তম্ভর কবিতা সৃষ্টি হয়েছে স্বীকার করি। কিন্তু দুঃখের সঙ্গেই বলছি এসব কবিতায় পূর্ব বাঙলা অচুপস্থিত। অথচ এঁরাই যখন আবার জোর গলায় পূর্ব বাঙলার সাহিত্যের স্বাতন্ত্র্যের কথা জাহির করেন তখন হাসির উদ্ভেক হয় শুধু। সাহিত্যে ধর্ম একাধিকবার বিষয়বস্তু হয়েছে, হতেও পারে। বহুবার বিশ্বাস কবিতায় একটা আশ্চর্য দীপ্তি পেয়েছে, পেয়েছে কারুকলার সৌকর্য—কিন্তু বিশ্বাস, যে কোনো বিশ্বাসই হোক, প্রাণ-কেন্দ্র থেকে স্বচ্ছ বর্ণার মতো উৎসারিত না হলে সং কবিতার জন্ম হ'তে পারে না। ধর্ম যদি একটা খোলস হয়ে দাঁড়ায় কিম্বা জোর করে চাপানো হয় মানবিক সত্তায় তা' হলে তার কোনো আবেদন থাকবে না জনসাধারণের মনে। কবিতা অধঃপতিত হবে একটা নীরক্ত বিশীর্ণতায়। পূর্ব বাঙলার কবিতায় আমরা—আরব নয়—পূর্ব বাঙলাকেই পেতে চাই। এখানকার নাড়ীস্পন্দনই ধ্বনিত হবে আমাদের সাহিত্যে—তা না হলে জনসাধারণের মনে শিকড়

মেলতে পারবে না তথাকথিত ইসলামী কবিতা। ইসলামী ঐতিহ্যের পুনরুজ্জীবনে বিশ্বাসী যে-সব কবি তাঁদের পুরোধা, high priest হলেন ফররুখ আহ মদ। নজরুলের 'জিঞ্জির'-এর উত্তরাধিকার ফররুখ আহ্‌মদের অধুনাতম কাব্যগ্রন্থ 'সিরাজাম মুনীর'। আরবী, ফারসী শব্দের ব্যবহার করে, পুঁথি সাহিত্য থেকে উপাদান সংগ্রহ করে তিনি নিজস্ব একটা পরিমণ্ডল এবং diction তৈরী করতে পেরেছেন। আরবী ফারসীর হৃদক্ষ ব্যবহার করে তিনি জাঁকালো ধ্বনি সৃষ্টি করেছেন, সে ধ্বনি ব্যক্তিগত ভাবে আমি উপভোগ করেছি, কিন্তু যখন তিনি মুদ্রাদোষের খপ্পরে পড়ে মাত্রাজ্ঞান হারিয়েছেন তখনই তাঁর কবিতা রীতিমতো পীড়িত করেছে আমাদের চেতনাকে। ফররুখ আহ্‌মদ সে-সব বিরল কবিদের অগ্রতম ধারা খুব অল্পদিনেই অম্মুকারকের দল সৃষ্টি করেন। কিন্তু দুঃখের বিষয় তাঁর অক্ষম অম্মুকারকদের হাতে বাঙলা কবিতা রীতিমতো বিপর্যস্ত হচ্ছে। তাঁদের প্রগল্ভ রচনা আর যাই হোক কবিতা তো নয়ই এমন কি বাঙলাও নয়; ফররুখ আহ্‌মদের সর্বপ্রথম কাব্যগ্রন্থ 'সাতসাগরের মাঝি' সত্যিকারের সাড়া তুলেছিলো। সর্বপ্রথম হলেও সাতসাগরের মাঝিই এখন পর্যন্ত ফররুখ আহ্‌মদের সবচেয়ে পরিণত গ্রন্থ। এ বইয়ে এমন কতকগুলো উজ্জল কবিতা রয়েছে যার দীপ্তি ফররুখ আহ্‌মদের সাম্প্রতিক কবিতায় অম্মুপস্থিত। ইদানীং তিনি সে ধরনের কবিতা আর লিখিছেন না, লিখলেও প্রকাশ করছেন না। আজকাল তাঁর কলম দিয়ে যা বেরুচ্ছে তাকে কবিতা বলতে অন্তত আমি রাজী নই কোনোমতেই। আমার মতে সেগুলো হলো পণ্ডে লেখা কাঁচা রাজনীতি। আশা করি, কেউ আমার একথার কোনোরকম কদর্থ করবেন না। আমি অবশি এ কথা বলতে চাইনি যে কবিতায় রাজনীতি থাকবে না। রাজনীতিকে আশ্রয় করেও ভালো কবিতার জন্ম সম্ভব। আমার এ উক্তির সাক্ষ্য দেবে স্ত্রীভাষ মুখোপাধ্যায়ের চটি বই 'পদাতিক'। কবি হিসেবে তার প্রধান কর্তব্য হলো ভালো কবিতা লেখা, সং কবিতা লিখতে পারলেই কবিদের কাছ থেকে যথেষ্ট

সাহায্যপ্রাপ্ত হবে সমাজ। কবির যদি কবিতা না লিখে শুধু রাজনীতিতেই মেতে থাকেন তা হলে সমাজের আর যে দিকই উজ্জল হোক কবিতা যে ক্ষতিগ্রস্ত হবে এতে কোনো সন্দেহের অবকাশ নেই। তাই, ফররুখ আহমদ যদি কবিতা লেখায় অধিক মনোযোগী হন তা হলেই আমরা উপকৃত হবো। তাঁর শক্তিতে বিশ্বাসী বলেই এসব কথা বলার তাগিদ অনুভব করেছি।

যাঁদের কবিতার শরীরে রবীন্দ্রকাব্যের জলবায়ু লেগে রয়েছে চিরকাল, রবীন্দ্র-পরিমণ্ডল থেকে যারা কোনোদিনই মুক্তি পান নি শাহাদাত হোসেন তাঁদের অগতম। অগাধ অনেক কবির মতোই তিনি আজ পাঠক-সমাজে অগ্রাঙ্ক। ডোডো পাখির সঙ্গে তুলনা করা যায় তাঁর কাব্যকে। দিন দিন লুপ্ত হয়ে যাচ্ছে স্মৃতির ধূসরতায়। যদিও তিনি কিছু ভালো কবিতা লিখতে পেরেছিলেন যৌবনে, বর্তমানে তাঁর কবিকর্মে উপকৃত হচ্ছেন না কোনো তরুণ কবি কিম্বা শাহাদাত হোসেন নিজেও লাভবান হতে পারছেন না তেমন। রবীন্দ্রকাব্যের ছায়ায় আজীবন লালিত হয়ে, বিকশিত হতে পারে নি তাঁর কবিতা বরং রবীন্দ্র-প্রভাব গ্রাস করেছে তাঁর শক্তিকে। আজ তিনি বাধাক্যের অঙ্ককারে ম্লান। তাঁর সাম্প্রতিক কবিতা সম্বন্ধে এক কথায় বলা যায় যে সেগুলো সংস্কৃত ঐতিহ্যে লেখা ইসলামী কবিতা। অনেক সময়ই এসব প্রচেষ্টা কবিতা হয়ে উঠতে পারছে না তবু তাঁর পূর্বের ছন্দের প্রবহমান গাঙ্গীর্ষ এখনও কতকটা রয়ে গেছে। এমন অনেক কবি আছেন যাদের সবগুলো রচনা পড়া উচিত নয়, পড়লে তাঁদের উপর অবিচার করা হবে। তাই তাঁদের ভালো কবিতা-গুলো নিয়ে একটা সংকলন প্রকাশিত হলো পাঠক উপকৃত হয়। শাহাদাত হোসেন, আমার মনে হয়, এ ধরনের কবি। সম্প্রতি 'রূপছন্দ' বলে তাঁর কবিতার একটি সংকলন বেরিয়েছে।

মহাযুদ্ধ শুধু ইউরোপের সমাজ-মানসকেই বিধ্বস্ত করে নি, সারা পৃথিবীর ভিত নড়ে উঠেছে যুদ্ধের ভয়াবহ পরিণতিতে। হতাশায় কালো হয়ে গেছে মানুষ। জীবনের বিভিন্ন দিকের প্রচলিত সামাজিক ও নৈতিক মূল্যবোধ সম্পর্কে সন্দেহ প্রকাশ করেছে মাক্স-ক্রয়েড-পড়া দুই যুদ্ধের মাঝখানে গঠিত মন। তাই তিরিশের কবিদের কাব্যে ধরা পড়েছে এই সময়ের বিষণ্ণতা, ক্লান্তি, হতাশা আর ধূসরতা! আবুল হোসেন এবং আহসান হাবীবের কাব্যোচ্চমে মধ্যবিত্ত হতাশা আর ব্যঙ্গ মূর্ত হয়ে উঠেছে, ক্রমশঃ একটা স্পষ্টতায় এগিয়ে গেছে। কিন্তু তাঁরা মূলতঃ প্রেরণা পেলেন তিরিশের বিখ্যাত বাঙালী কবিদের কাব্য থেকেই। জীবনানন্দ দাশ, বুদ্ধদেব বসু, প্রেমেন্দ্র মিত্র, সমর সেন, বিষ্ণু দে প্রভৃতি কবির ছায়ায় বেড়ে উঠেছে আবুল হোসেন এবং আহসান হাবীবের কবিতা। যদি বলি যে এ দুজন কবি তিরিশের কবিদের ছায়ামাত্র তাহ'লে তাঁদের প্রতি অবিচার করা হবে। পূর্বসূরীদের প্রভাব স্বীকার করে নিয়েও তাঁরা স্বতন্ত্র।

উৎকৃষ্ট নিকৃষ্ট কিছু কবিতা নিয়ে কয়েকবছর আগে প্রকাশিত হয়েছিলো আবুল হোসেনের প্রথম কবিতার বই 'নব-বসন্ত'। যে কারণেই হোক আমরা সেই বসন্তকে উপেক্ষিত হতে দেখলুম। তবে প্রথম থেকেই আবুল হোসেন সচেতন কবি-মনের অধিকারী। তিনি যদু সত্ত্ব কবিতাকে চলতি ভাষার আওতায় আনতে চেষ্টা করছেন, আর এ বিষয়ে তিনি বিশেষ করে অমিষ্ট-চক্রবর্তীর কাছেই পাঠ নিয়েছেন। যদিও আবুল হোসেন অধিকাংশ সময় সমসাময়িক ঘটনা নিয়ে কবিতা লিখেছেন তবু ব্যক্তিগতভাবে আমি তাঁর প্রেমের কবিতাগুলোর অহুরাগী। বিভাগান্তর যুগে তিনি অন্ততঃ তিনটি উল্লেখযোগ্য কবিতা লিখতে পেরেছেন—শেষযুক্তি, বন্ধুর জন্ম, স্বদেশী কোরাস। তবে আবুল হোসেন পাঠক-সমাজের কাছে তাঁর প্রাণ্য সম্মান এখনো পান নি, অথচ তিনি আমাদের একজন প্রধান কবিকর্মা।

আবুল হোসেনের মতো আহসান হাবীবের কবিতায় বুদ্ধিবৃত্তি অতটা মাথা চাড়া দিয়ে ওঠে না সাধারণতঃ, তাঁর কবিতা হাওয়া দেয় অহুত্বতির নীলাভতম উৎস-কেন্দ্রে। কিন্তু অসং সময়ের ধুলোয় তিনি বিষন্ন। হ্যাঁ, একটা বিষন্নতা তাঁর কবিতায় কুয়াশার মতো ব্যাপ্ত। আর এখানেই তাঁর কাবোর সৌন্দর্য। চিন্তার গভীরতা হয়তো পাওয়া যাবে না আহসান হাবীবের কবিতায়, প্রগাঢ় ইতিহাস-চেতনাও অল্পপস্থিত—তবে তিনি বেশ কিছু সংখ্যক পরিচ্ছন্ন ভালো কবিতা লিখেছেন। পরিচ্ছন্ন সুরেলা কবিতা লিখতে পারাটাও কিছু কম কথা নয়। এষ্ট পাচ বছরে তিনি যে সব উল্লেখযোগ্য কবিতা লিখেছেন সেগুলোর ভেতর অধিকাংশই ব্যঙ্গ কবিতা। একটা জিনিষ লক্ষ্য করে আহত হয়েছি যে ইদানীং তিনি প্রেমের কবিতা আর লিখছেন না। প্রেমের কবিতা না লেখার পিছনে একটা বিকৃত মনোভাব কাজ করছে আজকাল। এটা এক ধরনের অস্বস্থতার লক্ষণ বলেই আমি মনে করি। যাই হোক, লিরিকের ক্ষেত্রে তাঁর সুনাম সর্বজনস্বীকৃত।

উল্লিখিত দুজন কবির প্রায় সমসাময়িক আরো দুজন কবি প্রতিশ্রুতি নিয়ে উপস্থিত হয়েছিলেন। সানাউল হক এবং হাবীবুর রহমান। এঁদের কারুরই কোনো কবিতার বই প্রকাশিত হয়নি—ভয় হয়, হয়তো শেষ পর্যন্ত এঁরা শুধু মাত্র প্রতিশ্রুতির চিহ্ন হয়েই থাকবেন। তারপর সানাউল হক এবং হাবীবুর রহমানের পাশে এসে দাঁড়ালেন আশরাফ সিদ্দিকী। তিনি প্রথমেই বেশ কিছুটা দৃষ্টি আকর্ষণ করলেন অনেকে। ছন্দের টুং-টাং ধ্বনি দিয়ে তিনি পাঠকদের মন ভুলিয়েছিলেন। আমরা আশা করেছিলাম আশরাফ সিদ্দিকী ভবিষ্যতে হয়তো আরো পরিপ্রমী এবং মনোযোগী হবেন। হয়তো স্পষ্ট হয়ে ধরা দেবে তাঁর নিজের গলার আওয়াজ। কিন্তু আমাদের প্রায় হতাশ করেই তাঁর কবিতা উত্তরোত্তর বিরক্তিকর তারল্যে অধঃপতিত হলো। অত্যধিক অল্পকরণপ্রিয়তা তাঁর সমূহ ক্ষতি করেছে। বিভিন্ন কবিকণ্ঠের ধ্বনিতে আশরাফ সিদ্দিকীর গলা কোথায় হারিয়ে গেছে। আজ যখন বাঙলা

কবিতা প্রৌঢ়ব্দের হেমন্তরোদ পোহাচ্ছে তখন কোনো বয়স্ক কবির কবিতায় শিশুহুলভ তারল্য অমার্জনীয় হয়ে দাঁড়ায়। ১৯৫১ সনে তাঁর প্রথম কবিতার বই 'তালেব মাষ্টার ও অগ্নাত্ত কবিতা' প্রকাশিত হলো। তবু উল্লিখিত কাব্যগ্রন্থে কিছু ভালো কবিতা ছিল, কিন্তু ইদানীং তাঁর কবিতাগুলো প্রগল্ভতায় অপরিচ্ছন্ন, ক্লাস্তিকর। এরও একবছর পরে আব্দুর রশীদ খান তাঁর প্রথম কাব্যগ্রন্থ 'নক্ষত্র : মাহুয : মন' নিয়ে উপস্থিত হলেন। বইয়ের একটি কি ছুটি ছাড়া অধিকাংশ কবিতাই তরল ভাবালুতার এলোমেলো প্রকাশ।

এই বেশ কিছুদিন আগে আশরাফ সিদ্দিকী এবং আবদুর রশীদ খানের সম্পাদনায় আত্মপ্রকাশ করেছিল তেরজন তরুণ কবির কবিতার সংকলন : 'নতুন কবিতা।' যদিও বইটির নাম 'নতুন কবিতা' দুঃখের বিষয় প্রকৃত অর্থে নতুন কোনো কবিতাই ছিল না সংকলনটিতে। তবে কয়েকজন কবির অস্পষ্ট বিশিষ্টতা প্রথম থেকেই চিহ্নিত হয়ে রইলো। এই তরুণ কবিদের স্বপক্ষে বলতে গেলে বলতে হয় তাঁদের নিবিড় আন্তরিকতার কথা। চুলচেরা বিশ্লেষণ করে দেখলে অবশি অনেক দুর্বলতাই ধরা পড়বে এঁদের রচনায় ; আর কবি হিসেবে ঝাঁদের বয়স চার কিম্বা পাঁচ বছরের বেশি নয় তাঁদের কাছে দোষ-ক্রটিহীন পরিণত কবিতা আশা করাটা, আমার মনে হয়, খুব বড় প্রত্যাশা। কেননা এঁরা অনেকদিন থেকেই প্রতিকূল আবহাওয়ায় কাব্যসাধনা করছেন। তবে আশার কথা যে এঁদের অনেকেই ক্রমশঃ কুশলতার পরিচয় দিচ্ছেন। যদিও তিরিশের বিখ্যাত কবিরা এঁদের কবিতায় খুব বেশি আনাগোনা করছেন, তবু একটা উজ্জ্বল প্রতিশ্রুতি পরিলক্ষিত হচ্ছে এই তরুণ কবিদের কাব্যোত্তমে। আর এঁদের মধ্যে সবচেয়ে উল্লেখযোগ্য হলেন হাসান হাফিজুর রহমান, সাইয়িদ আতীকুল্লাহ এবং আলাউদ্দিন আল-আজাদ। মধ্যবিস্ত হতাশার অঙ্কার নেই এ তিনজনের কবিতায়, বরং একটা বলিষ্ঠ আশাবাদ অঙ্কুরিত হচ্ছে এঁদের প্রত্যেকটি রচনায়। কেননা মাহুযের অপরিমেয় শক্তির প্রতি এঁরা বিশ্বাসী, পৃথিবীর সম্ভাবনায় এঁরা আস্থাশীল।

শুধু এই নয়, কাব্যরীতি সঙ্ক্ষেপে এঁরা মনোযোগী এবং পরিশ্রমী। তরুণ কবিরা একাধারে প্রতিশ্রুতিশীল এবং পরিশ্রমী বলেই আশা করা যায় যে এঁদের কবি-কর্মে উত্তরোত্তর সাহায্যপ্রাপ্ত হবে আমাদের কবিতার ধারা। মোটামুটি ভাবে গত পাঁচবছরের পূর্ববাঙলার কবিতা সঙ্ক্ষেপে বলতে চেষ্টা করেছি—আলোচনা পূর্ণাঙ্গ হয়নি বলে আমি নিজেই সবচেয়ে বেশি পীড়িত। তবু এটুকু সাঙ্ঘনা যে আমাদের সাম্প্রতিক কবিতার আংশিক পরিচয়ও আপনাদের সামনে তুলে ধরতে পেরেছি।

পূর্ববাঙলার বাট্যসাহিত্যের যৎকিঞ্চিৎ পরিচয় পাওয়া বাবে এই গ্রন্থের অন্তত কালী বোতাহার
হোসেনের কথাসাহিত্য-বিবরণ প্রবন্ধে—সম্পাদক।

পাঁচ বছরের কবিতা

শুভাষ মুখোপাধ্যায়

“সাহিত্যে মানুষের চারিত্রিক ভালো মন্দ দেখা দেয় ঐতিহাসিক নানা অবস্থাভেদে। কখনো কখনো নানা কারণে ক্লান্ত হয় মানুষের শুভবুদ্ধি, যে বিশ্বাসের প্রেরণায় তাকে আত্মজয়ের শক্তি দেয় তার প্রতি নির্ভর শিথিল হয়, কলুষিত প্রবৃত্তির স্পর্ধায় তার রুচি বিকৃত হতে থাকে, শৃঙ্খলিত পশুর শৃঙ্খল যায় খুলে, রোগজরুর স্বভাবের বিবাক্ত প্রভাব হয়ে ওঠে সাংঘাতিক, ব্যাধির সংক্রামকতা বাতাসে বাতাসে ছড়াতে থাকে দূরে দূরে। অথচ মৃত্যুর ছোঁয়াচ লেগে তার মধ্যে কখনো কখনো দেখা দেয় শিল্পকলার আশ্চর্য নৈপুণ্য।...তারই প্রতি বিশেষ লক্ষ্য নির্দেশ ক’রে যে রসবিলাসীরা অহংকার করে, তারা মানুষের শত্রু। কেননা সাহিত্যকে শিল্পকলাকে সমগ্র মহুশ্য থেকে স্বতন্ত্র করতে থাকলে ক্রমে সে আপন শৈল্পিক উৎকর্ষের আদর্শকেও বিকৃত ক’রে তোলে।”

রবীন্দ্রনাথের এই সাবধানবাণী মনে রেখেই গত পাঁচ বছরের বাংলা কবিতার কলাকৌশলের বিচার করতে হবে।

পাঁচ বছর আগে নয়, তার ঢের আগেই বাংলা কবিতা শিরদাঁড়া সোজা ক’রে মাটিতে পা রেখে চলবার সংকল্প নিয়েছিল। সে তাগিদ এসেছিল দেশেরই মাটি থেকে। শুধুমাত্র বাইরের হাওয়া বাংলা কবিতাকে এভাবে তোলপাড় করতে পারত না। সদর দরজা হাট ক’রে খুলে দিয়ে বাংলা

কবিতা মানুষের মুখের ভাবাকে, ধুলোকাদালাগা পায়ের চলার দৃশ্য ভঙ্গিকে ঘরে তুলে আনল। কোন কিছুকেই সে পরোয়া করল না; বিধিনিষেধের বেড়াগুলোকে সে ভেঙে গুঁড়ো গুঁড়ো ক'রে দিল। জীবনের সমস্ত তল্লাট জুড়ে স্ক্রল হ'ল তার চলাফেরা। কবিতায় কিছুই অপাঙ্ক্লেয় রইল না। যেখানে যত জঞ্জাল, যেখানে যত কালিমা—তাকে একত্রে পুঞ্জীভূত ক'রে সে জবাব চাইল—হে ঈশ্বর, এই তোমার সুন্দর পৃথিবী ?

যারা প্রথম বাংলা কবিতার কলাকৌশল ভেঙেচুরে সাধারণ মানুষের জীবনের কাছাকাছি নিয়ে যেতে চেয়েছিলেন, তাঁদের অনেকেই বাড়ী থেকে পালানো ছেলের মত দুদিন পর বাড়ীর শাসন মেনে নিয়ে ঘাড় গুঁজে ঘরে ফিরেছেন। বাইরে জনসমুদ্রে মিশে গিয়ে নয়, গুহার নির্জন কোণে ব'সে তাঁরা কবিতার মুক্তিসাধনায় ধ্যানস্থ হলেন।

দলছাড়া শুধু বিষু দে। তাঁর মুখ জনতার দিকে ফেরানো। কিন্তু কুনো স্বভাব তাঁর যায়নি। তাঁর কবিতা পড়তে পড়তে মনে হয় যেন তিনি নিজেকেই সহস্র ক'রে দেখছেন। তাঁর সঙ্গে যেখানে যতটুকু যার মিল, তাঁর কবিতা প'ড়ে তার মনে শুধু ততটুকুই সঞ্চারিত হয় আবেগ। ছন্দ তাঁর হাতে দুর্বল ভার নয়, যখন যেমন ইচ্ছে তিনি তাকে খেলাচ্ছেন। মাত্রা কমিয়ে বাড়িয়ে ছন্দের বেগ তিনি নিয়ন্ত্রণ করেন। কখনও ক'মে ধরেন, কখনও আঙ্গা দেন। শব্দনির্বাচনে তিনি দৃকপাতহীন। এমন গোঁয়ারের মত তিনি অপ্রচলিত শব্দ ব্যবহার করেন যে পড়তে পড়তে অনেক সময় ধৈর্য রাখা যায় না। ছবি ও ধ্বনির এমন দক্ষ ব্যবহার সমসাময়িক আর কোন কবির মধ্যেই চোখে পড়ে না। তাঁর ছবির বিশেষত্ব এই যে সেগুলো একরঙা ছবি নয়—বিচিত্র বহুবর্ণ ছবি। ছবিগুলো স্থির নয়, বিচ্ছিন্ন নয়—একই গতির মধ্যে দোলায়িত হয়ে তারা ছায়াচিত্রের মত চোখে ভাসে। অক্লান্ত কর্মীর মত তিনি সৃষ্টি ক'রে চলেছেন। কলাকৌশলের দিক থেকে তাঁর অন্তহীন জিজ্ঞাসা এই পাঁচ বছরে এক নতুন লক্ষ্য চিহ্নিত করেছে :

“চাই না তোমার কাব্যে দ্রুতলভ্য মিল ।
 এ অভাবে অনটনে নিষ্পেষিত দৈনন্দিনে
 আমি খুঁজি মানসের সেই পরিক্রমা
 যেখানে অচ্ছেদ জলে সঙ্গস্নাত তুমি
 মেলে দাও চোখ, দুই পাখা
 দুই মানসবলাকা
 চলে’ যায় দিক্চক্রবালে সবুজ শিখরে
 যেখানে তমালতালীবনরাজিনীলে উন্মুখর সমুদ্রসলিল ।

চাই না সংসারে বন্দী আপাত পয়ার
 মলিন বাসরে বন্দী শুধু প্রিয়তমা ।
 মৈত্রী দাও সহচরী ছন্দে ছন্দে কর্মে প্রাণে
 মোহানায় প্রেমের প্রয়াণে
 মুক্তি দাও বৃশ্চে বৃশ্চে তোমার বাহুতে
 মেরুতে মেরুতে দাও পাখার সঞ্চার
 তরঙ্গে তরঙ্গে ভেঙে অক্ষকার ভেঙে স্বরঙ্গমা
 অত্যাচারে অনটনে তোমার ঘরের দীপে অমাবস্তা
 দীপাবলী হোক পরিগ্রাহী শ্রেণীবদ্ধহীন দীর্ঘকণ্ঠস্বর নেরুদার
 দীর্ঘমাত্র অমিত্রাক্ষরের ।

...

...

...

শব্দের অর্থের ছন্দের স্বরের স্বন্দে রূপান্তর
 শব্দে শব্দে আপাতিক ভেদাভেদ অতিক্রমি
 কবিতায় কবিতায় স্বাতন্ত্র্যের অনন্ত ও অন্ত্যান্তের
 ষোগাযোগে অর্থের বিস্তার । তাই অত্যাচার
 ধ্বংস হোক গাই, অস্তিত্বের স্বয় নিপাতনে

ধ্বনির মুক্তিতে গাই, ধ্বনি খুঁজি পথের ধ্বনিতে
জুলুমের প্রতিবাদে, দাবির সন্ধানে। জীবনের দাবি।”

অরণ্যে পথ হারিয়ে নির্জন গুহাকোণে আগের যুগে যারা প্রস্থান
করেছিলেন, তাঁদেরই একজন দলছুট কবি এইভাবে এ যুগের আকৃতিকে
প্রকাশ করলেন। ছুই যুগের ব্যবধানকে চোখে আঙুল দিয়ে দেখিয়ে বাংলার
তরুণ কবিকুল হেঁকে উঠল :

“বারো বছর আগে তুমি থাকে দেখেছিলে

তরুণ বালক

অন্ধ পাষণে মাথা কুটতে

বারো বছর পরে আবার তাকে দেখ

অন্ধ আবেগে পাষণ করা ভাঙতে।

...

...

...

...

রবীন্দ্রনাথ, আমরা তীব্র যুগায় পবিত্র হয়েছি

আমরা তীক্ষ্ণ হিংসায় আশ্বেয়গিরি

আমাদের ভালবাসায় উজ্জ্বল পৃথিবী।

বারো বছর আগের সেই অসহায় তরুণ

আজ অন্ধ কারার কবাট ভেঙে ফেলেচে

কুন্দ ফুলের মত ভোর বেলার আলো

যুগান্তরের অন্ধকারকে ছিঁড়ে ফেলেছে।

আমি সেই দুঃসাহসী যুবক

মিছিলের মাথায় এগিয়ে যাই

আমার প্রণাম নাও, রবীন্দ্রনাথ

আমাকে আশীর্বাদ করো, রবীন্দ্রনাথ।” (রাম বহু)

রবীন্দ্রনাথ লিখেছিলেন : “কাব্যের অধিকার প্রশস্ত হতে চলেছে। গল্পের সীমানার মধ্যে সে আপন বাসা বাঁধছে ভাবের ছন্দ দিয়ে। একদা কাব্যের পালা শুরু করেছি পণ্ডে, তখন সে মহলে গল্পের ডাক পড়েনি। আজ পালা সাদ্ধ করবার বেলায় দেখি, কখন অসাক্ষাতে গল্পে-পণ্ডে রফা-নিপত্তি চলেছে। যাবার আগে তাদের রাজিনামায় আমিও একটা সহী দিয়েছি। এক কালের খাতিরে অন্তকালকে অস্বীকার করা যায় না।”

সেই অকুণ্ঠ স্বীকৃতি বৃথা যায়নি। গত পাঁচ বছরের কবিতার দিকে তাকালে দেখা যায় বহু স্মরণীয় রচনাই গল্পে লেখা হয়েছে। যেমন ক’রে আমরা একজন আরেকজনের কাছে কখনও রাগে, কখনও ঘৃণায়, কখনও ভালবাসায় প্রতি মুহূর্তে নিজেদের হৃদয় খুলে ধরি—তেমনি ক’রে জীবনের সেই সহজ স্বর গল্পের ভেতর দিয়ে কবিতায় ধরা গেছে। গল্প কবিতা সম্পর্কে আজও পাঠকদের অবজ্ঞা যায়নি। কিন্তু তা সত্ত্বেও গল্প কবিতা আগের চেয়ে অনেক বেশি জনপ্রিয় হয়ে উঠেছে। গল্প যদি কবিতার বাহন হয়, তাহ’লে রাতারাতি অকবিতা কবি হয়ে উঠবে—যাঁরা এতদিন ধ’রে এই ভয় দেখিয়ে আসছিলেন, তাঁরা তাঁদের স্বপক্ষে আজও জেলজরিমানা দেবার মত তেমন কোন প্রমাণ দাখিল করতে পারেন নি।

কবি যখন তারস্বরে ডাকে :

“শোন,

বাইরে এস

বাকের মুখে পরান মাঝি হাঁক দিয়েছে ;

শোন—বাইরে এস,

ধান বোঝাই নৌকো রাতারাতি পেরিয়ে যাচ্ছে

ধোকাকে শুইয়ে দাও

বিন্দার বৌ শাঁখে হুঁ দিয়েছে

এবার আমরা ধান তুলে দিয়ে
 মুখ বুঁজে মরব না,
 এবার আমরা তুলসীতলায়
 মনকে বেঁধে রাখবো না
 বাঁকের মুখে কে যাও, কে ?
 লণ্ঠনটা বাড়িয়ে দাও
 আমাদের হাঁকে রূপনারানের শ্রোত ফিরে যাক
 আমাদের সড়কিতে কেউটে আঁধার ফর্সা হয়ে যাক
 আমাদের হুংপিণ্ডের তাল দামামার মত
 বড়ের চেয়েও তীব্র আমাদের গতি।” (রাম বহু)

সে ডাক শুনে মনে হয় পেছন থেকে কে যেন আমাদের এক অস্থির তাড়নায় ঠেলে এগিয়ে দিচ্ছে। জনাকীর্ণ সভা আর মিছিলে এ কবিতা যদি পড়া যায়, তাহ’লে বলা যায় না—হয়ত এর ছন্দ ধনুকের ছিলার মত কাজ করতে পারে।

কবিতা—তা সে পঞ্চছন্দেরই হোক, আর গণ্ঠছন্দেরই হোক—একমাত্র মুক্তি তার দেশকালজোড়া মানুষের সান্নিধ্যে। যে শব্দে মানুষের প্রয়োজন ফুরিয়েছে, তাকে কবর খুঁড়ে তুলে এনে চালাবার হাজার চেষ্টা করলেও তা চলবে না। যে ভাষায় লক্ষ লক্ষ মানুষ তাদের বিচিত্র আবেগ প্রকাশ করে, যে ভাষার জগ্গে ব্যাকুলভাবে তারা হাত বাড়িয়ে আছে—সেই ভাষাই হবে একালের সার্থক কবির ভাষা। নতুন নতুন বস্তু, নতুন নতুন ধারণা, নতুন শব্দের পোশাকে মানুষের জীবনকে জমকালো করে তুলছে। পুরনো কত শব্দের অর্থ বদলে যাচ্ছে। ‘মিছিল’ কিম্বা ‘শোভাযাত্রা’ আজ আর শুধু একদল মাহুষ নয়। তারা অনিচ্ছুক হাত থেকে জীবন ছিনিয়ে নিতে চলেছে। ‘ক্যারাভানের’ জায়গা নিচ্ছে আজ ‘কনভর’। শুধু অর্থের বনিবনার জন্তে নয়, ‘কনভর’ অনেক বেশি জোরালো; তার চাকার টকর আজও আমাদের

কানে লেগে আছে, তার গায়ের সবুজ হিজিবিজি চক্করগুলো আজও আঁকণ আঁকণ চোখ বন্ধ করলে দেখতে পাই।

বাঙালী জাতির বিচিত্র আবেগ ছন্দের বৈচিত্র্যে ধ্বনি পেয়েছে। স্বাধীনতার পদধ্বনি শুনে অধীর আগ্রহে উঠে বসেছে বাংলাদেশ। তারপর ভাই ভাইয়ের হাতে খুন হতে হতে, স্টেশনের প্র্যাটকর্মে মাছির মত মরে যেতে যেতে বুঝেছে—বড্ড ঠকান্ ঠকেছে। যারা দায়ী, গ্রাম আর শহর তাদের চোখে চোপ রেখে বলেছে—জবাব দাও। জবাব এসেছে। কিন্তু গুলির মুখে। তবু তাদের থামাতে পারা যায় নি। চোখের ঘোর মুছতে মুছতে অগণিত মাহুষ দুঃস্থ স্পর্ধা নিয়ে উঠে দাঁড়িয়েছে। একবার আশায়, একবার হতাশায়, জয়-পরাজয়ে গাঁথা জীবন বিচিত্র স্বরতরঙ্গে উন্মুখর হয়েছে। একই কবির মধ্যে তা ধ্বনিত প্রতিধ্বনিত হয়েছে। কখনো চোখের ছুকুল ছাপিয়ে উঠেছে বেদনায়, কখনো হুহাত বাড়িয়ে দিয়েছে অনেক আশায়, কখনো আশাভঙ্গের অভিশাপ আকাশ বিদীর্ণ করেছে।

কিন্তু সমস্ত কিছুর মধ্যে থেকেও যিনি কিছুর মধ্যেই নন, সেই ভাবান্তরহীন কবি হলেন জীবনানন্দ দাশ। সমস্ত কিছুই তিনি খুঁটিয়ে খুঁটিয়ে দেখেন আর তারপর একের পর এক তাদের মুখগুলো ধূসর কুয়াশায় মুড়িয়ে দেন। নাম, সংখ্যা, আকৃতি—ঠাঁর কাব্যে কথার কথা মাত্র। প্রাকৃত থেকে অপ্রাকৃতে, আকার থেকে নিরাকারে তাঁর যাত্রা। সময়ের কঠরোধ ক'রে তিনি কথা বলেন, শব্দ তাঁর কাছে বস্তুবিরহিত সংকেত মাত্র। বিপরীত ভাব গায়ে গায়ে জুড়ে তিনি তাসের ঘর সাজান, তারপর নিজেই নিয়তিপুরুষ সঙ্গে এক ছুঁয়ে সে ঘর উড়িয়ে দেন। অমিয় চক্রবর্তীও এই খেলারই খেলোয়াড়। হাই ভুলে বলেন, বাড়ী বাবো। দেখেন না—ঠিক সেই সময় অন্ধকারে মুখ ঢেকে একটা লুঙ্গ কুটিল হাত মহানন্দে তুড়ি দিচ্ছে। মাহুষের ভাগ্যের প্রতি এই উদাসীন অবজ্ঞা, এই নিষ্ঠুর নিলিপ্ততা কবিতায় আনে ঋশানের স্তম্ভতা। ছন্দ প্রস্থান করে, পতি নিষ্কান্ত হয়। প'ড়ে থাকে শুধু শূন্যতার হাহাকার। ঝাঁর

৪ কবিতার গলায় মালা দিয়েছেন, নিবাত নিষ্কম্প মৃত্যুর এ পথ তাঁদের
সাজে না।

পাঁচ বছরে বাংলা কবিতা সেই আত্মঘাতী পথে যায়নি। তরুণ
অভিযাত্রীদল বাধা ঠেলে এগিয়েছে। অঙ্ককারের বুকে দাঁড়িয়ে রৌদ্রঝলকিত
অব্যর্থ সকালকে তারা দেখেছে। যখন তারা ব্যথায় ককিয়ে উঠেছে, তখনও
চোখ থেকে আনন্দউজ্জ্বল স্পন্দ মুছে যায়নি। পায়ের শব্দে শব্দে তারা উচ্চকিত
ক'রে তুলেছে শুকনো পাতার অরণ্যকে। ছন্দের আলিঙ্গনে বেঁধেছে তারা
জীবনের বিদ্যুৎগতিককে। বাংলা কবিতাকে আজ সামনে এগিয়ে নিয়ে
চলেছে একজন দুজন মহারথী নয়, দৃঢ়সংকল্প একটি বাহিনী। গত পাঁচ বছরের
বাংলা কবিতার দিকে তাকালে তা বোঝা যায়। সকলের হাতের অস্ত্র সমান
নয়। কারো হাতে গর্জে উঠছে কামান, দুর্ধোগ মাথাঘ্ন নিয়ে কেউ পথ
কাটছে, সেতু বাঁধছে। লক্ষ্য এক, কিন্তু কাজের বিচিত্র কৌশল। কেউ চড়া
গলায় হেঁকে কথা বলছেন; সময়ের কথা সময়ে বলতে তাঁদের বিন্দুমাত্র দ্বিধা
নেই। কারো কারো স্বর উচ্চগ্রামে বাঁধা নয়; পাশে ব'সে ধীর স্তম্ভিতভাবে
তাঁরা গভীর অন্তরঙ্গ হুরে কথা বলেন। কেউ বিক্রমে শাণিত, কেউ
অসংগতিকে চোখে আঙুল দিয়ে দেখান। কারো স্বরে অশান্ত ব্যাকুলতা,
কেউ ফেটে পড়ার উন্মুখ আবেগে গম্ভীর। বাংলা কবিতায় এই ঐক্যতান
আজ খুব বেশি ক'রে স্পষ্ট।

বিগত পাঁচ বছরের বাংলা কবিতার ক্রটি অনেক, অসম্পূর্ণতা অনেক।
ঠেঁচিয়ে কথা বলতে গিয়ে অনেক সময় ঠেঁচিয়ে কথা বলাটাই অনেকের
অভ্যেসে দাঁড়িয়ে গেছে। কোন কোন ক্ষেত্রে যে তা নিছক ঠেঁচামেচিতে
পরিণত হয়ে শ্রোতাদের কান ঝালাপালা করে, তার বিলম্ব প্রমাণ গত
পাঁচ বছরে পাওয়া গেছে। বলবার আগে অনেকেই ভেবে দেখতে তুলে বান
কথাটা ঠেঁচিয়ে বলবার মত কিনা এবং যিনি ঠেঁচাবেন তাঁর বলবার জোর
আছে কিনা। আবার অনেকে চাপা গলায় ফিসফিস ক'রে এমন কথা

বললেন, যা লোকের জানা কথা—বহু আগেই তা রাষ্ট্র হয়ে গেছে। শত্রুর বিরুদ্ধে ঘৃণা জানাতে গিয়ে কেউ কেউ তার বীভৎস চেহারা এমনভাবে খুলে ধরেন যে, তাতে ক্রোধ আগার বদলে কবিতা প'ড়ে গা ঘিন্‌ঘিন্‌ করে। ঘৃণা হ'ল ভালবাসারই আর-এক চেহারা একথা তাঁরা তুলে যান। যাকে ভালবাসি, তাকে আমি সমস্ত আপদ্ থেকে বুক দিয়ে রক্ষা করি। ভালবাসার মধ্যে বীর্ষ আছে; ভালবাসা ক্লীব, অসহায় নয়। সে আক্রান্ত হ'লে তবেই শত্রুর প্রতি অলস্তু ঘৃণায় অস্ত্র হাতে নেয়। ঘৃণা হ'ল ভালবাসার পাহারাদার—তার দরকার পড়ে কিন্তু তার সঙ্গে তাই বলে ঘর করা যায় না। আজকের বাংলা কবিতার যে দুর্বলতার কথা বললাম আমার নিজের কবিতাও তা থেকে মুক্ত নয়।

গত পাঁচ বছরের বাংলা কবিতায় আঙ্গিকের দিক থেকে সব থেকে উল্লেখযোগ্য যদি কিছু থাকে, তা হ'ল লৌকিকের স্পর্শ। আধুনিক কবিতায় চলতি প্রবাদ প্রবচনের হাওয়া লেগেছে অনেকদিন আগে। কিন্তু তাকে নাচাতে পারে নি। ছড়ার স্বরও কিছু কিছু লেগেছিল। কিন্তু সেটা ছিল মাঝে মধ্যে বাড়ীতে বাউল ডেকে একতারায় গান শোনার মত ভন্দরলোকের শব্দ মেটানোর ব্যাপার। কিন্তু এই পাঁচ বছরে দেখা যাচ্ছে ছড়া হয়ে উঠেছে আধুনিক কাব্যের অন্ততম বিশিষ্ট বাহন। এই বাহনটি বাঙালীর এত চেনা যে আরোহী নতুন হ'লেও সহজেই সে হৃদয়ের অন্তরমহলে প্রবেশের ছাড়পত্র পাচ্ছে। আধুনিক বাংলা কবিতায় বাঙালিয়ানার যে অভাব পাঠক থেকে, শ্রোতার থেকে কবিকে আড়াল ক'রে রাখছিল, সে অভাব দূর হ'তে আরম্ভ করেছে। সব থেকে আশার কথা এই যে, ছড়ার অসংগতি ও অর্থহীনতার ছতো ধ'রে লোকের চোখে ধুলো দেবার চেষ্টা তাঁরা না ক'রে বরং তাকে এগিয়ে নিয়ে চলেছেন একটি সুস্পষ্ট লক্ষ্যের দিকে। পুরোপুরি ছড়ার ধর্ম বজায় রেখেই বলছেন :

ভেলের শিশি ভাঙল ব'লে

খুঁজুর 'পরে রাগ করে।

তোমরা যে সব বুড়ো খোকা
ভারত ভেঙে ভাগ করো ?
তার বেলা ?

ভাঙছ প্রদেশ, ভাঙছ জেলা
জমিজমা ঘরবাড়ী
পাটের আড়ৎ, ধানের গোলা,
কারখানা আর রেলগাড়ী ?
তার বেলা ?

তেলের শিশি ভাঙল ব'লে
থুকুর 'পরে রাগ করো
তোমরা যেসব খেড়ে খোকা
বাংলা ভেঙে ভাগ করো ?
তার বেলা ?

(অন্নদাশঙ্কর)

এ ছড়া ছেলে-ভুলোনো নয়, ছেলের হাতে মোয়া দিয়ে যে ভোলানো
চলছে না—এ তারই ছড়া। এ ছেলে মিছ কিছা বিছ নয়, এক প্রতিশ্রুত
পৌরুষ—যা গোকুলে বাড়ছে।

একটা প্রকাণ্ড অগ্রায়কে এমন অনায়াসে স্পর্ধার সঙ্গে দেখিয়ে দেওয়া
একমাত্র ছড়াতেই সম্ভব। সহজ এখানে অতিসারল্য নয়, তার মধ্যে রয়েছে
পরস্পরের মধ্যে জটিল সম্বন্ধে গ্রথিত সমৃদ্ধ আবেগ। ছড়াকে ভেঙে চুরে,
দরকারমত তাকে মেজে ঘষে নিয়ে আধুনিক কবি তার সম্ভাবনাকে আরও
প্রসারিত করছেন :

নিভস্ত এই চুল্লীতে যা
একটু আগুন দে

আরেকটু কাল বেঁচেই থাকি

বাঁচার আনন্দে !

নোটন নোটন পায়রাগুলি

খাঁচাতে বন্দী—

জু'একমুঠো ভাত পেলে তা

গুড়াতে মন দিই !

হায় তোকে ভাত দেব কী ক'রে যে ভাত দেব হায়

হায় তোকে ভাত দিই কী দিয়ে যে ভাত দিই হায়

...

...

কান্না কান্নার মায়ের ধমনীতে আকুল ঢেউ তোলে, অলে না

মায়ের কান্নায় মেয়ের রক্তের উষ্ণ হাহাকার মরে না

চললো মেয়ে রণে চললো !

বাজে না গুঁড়ক, অস্ত্রে ঝনঝন করে না, জানল না কেউ তা

চললো মেয়ে রণে চললো !

পেশীর দৃঢ় ব্যথা মুঠোর দৃঢ় কথা চোখের দৃঢ় জ্বালা অঙ্গে

চললো মেয়ে রণে চললো !

...

...

যমুনাবতী সরস্বতী কাল যমুনার বিষে—

যমুনা তার বাসর রচে বারুদ বুকে দিয়ে

বিষের টোপর নিয়ে !

যমুনাবতী সরস্বতী গেছে এ পথ দিয়ে

দিয়েছে পথ গিয়ে ।

..

নিভন্ত এই চুল্লিতে বোন আগুন কলেছে !

(শব্দ ঘোষ)

পাঁচ বছরের বাংলা কবিতার কলাকৌশলের লক্ষ্যক বহুদিক আমার এ আলোচনায় স্থান পায়নি। তার কারণ সমালোচকের যে বিশ্লেষণমুখী প্রথর অন্তর্ভেদী দৃষ্টি থাকে দরকার, আমার তা নেই। আমি হাতুড়ে কবি। নিজে চলতে চলতে সামনে পেছনে যেটুকু নজরে এসেছে, শুধু তারই একটা অগোছালো ছবি তুলে ধরলাম। অভিজ্ঞতায় বুঝেছি : কেমন ক'রে লিখব, এ প্রশ্নটা ধাঁরা ছোট ক'রে দেখেন তাঁদের চোখ নিঃসন্দেহে ধারাপ ; কিন্তু কী লিখব, এ প্রশ্নটা ধাঁরা এড়িয়ে যান, তাঁরা কানার বেহুদ—প্রতি পদে তাঁদের খানাডোবায় পড়ার ভয় থাকে।

আধুনিক কবিতার সামনে জয় করবার আরও বহু দুর্গ আছে। গাথা, গীতিকাব্য, নাট্যকাব্য—এর কিছুই আমাদের নাগালের বাইরে থাকবে না : বাংলা কবিতার এই হোক আগামী পাঁচ বছরের সংকল্প। নাটকীয়তার ইঙ্গিত শুধু জীবনে আছে তাই নয় তার ইঙ্গিত এ যুগের কবিতার মধ্যেও আছে :

আজ যদি সমস্ত সংসার কুটো হয়ে ভেসে যায়

আমার এ অশ্রুর জোয়ারে যদি ডুবে যায়

রসাতলে

দাও ফিরিয়ে

আমার বাছার স্বপ্ন যেটুকু ধমকে আছে

দাও

কেঁদে উঠতে দাও

দমবন্ধ আমাকে দাও

পাষাণী আমাকে দাও ফিরিয়ে প্রাণ

...

...

মা, তোমার কান্নার মাঝরাতে

আমি সাধনা

মা, তোমার আকর্ষিত কান্নায়

আমি জল

মা, আমার

...

জাগো

প্রতিজ্ঞা জাগো

নির্মম জাগো

সৃষ্টি কি প্রলয়ে জাগো

ধরণীর গভীর থেকে উৎলে-ওঠা ঘূর্ণিঝঞ্ঝা

হৃদয়

কালবৈশাখীর ঝড়ের ঝাপ্টায়

হৃদয়

সমুদ্র মন্বন-বেগে

নক্ষত্র খসিয়ে জাগো

...

...

ক্ষেতখামারে আমার দখল

শয়তান, পিছু হটো

গ্রাম-জনপদে আমার দখল

শয়তান, পিছু হটো

ফ্যাক্টরি-ব্যারাকে আমার দখল

শত্রু, দূর হও

...

...

কোনদিন পৃথিবী এত সুন্দর ছিল

এত মহান, কোনদিন ?

সমস্ত মাহুকের জন্তে সঙ্গার পৃথিবী কোনদিন ?

শান্তির প্রহরী

আমি সারা দুনিয়ার দখল নিলাম।”

(সিন্ধেবর সেন)

একটি মন্ত্র আজ এক রুদ্ধধার আমাদের সামনে উন্মুক্ত করেছে। সে ষার মহাকাব্যের; সে মন্ত্র শান্তির। কেউ একলা না পারে, আত্মন আমরা মিলিত হাতে সেই মহাকাব্য রচনা করি। এই একটি মন্ত্রের মধ্যে আত্মন আমরা অতীত, বর্তমান আর ভবিষ্যতে বিস্তৃত স্থতিতে, সংগ্রামে, সম্ভাবনার স্পন্দমান জীবনকে নিহিত করি। সেই মহাজীবনকে আত্মন মহাকাব্যে বাধি। বীরত্বের, স্নিগ্ধতার, প্রেমের, স্বপ্নের কথা বলুন। সেই সঙ্গে দামামার, বীণার, মৃদঙ্গের, মাদলের বিচিত্র সুরের ঐকতান উঠুক। একটি সুর শুধু আমরা বর্জন করব—আতঙ্কের; একটি রং শুধু আমরা মুছে দেবো—বিবর্ণ মৃত্যুর।

আর সংকল্প নিই: দেশের কবিতাবঞ্চিত মানুষের আকণ্ঠ তৃষ্ণায় আমরা জল দেবো—অঞ্জলি ভরে নির্মল, স্বচ্ছ জল। জীবনকে শুধু আমরা দর্পণের মত প্রতিফলিতই করব না, আমরা হবো জীবনের সংগঠক।

এই ব'লে বিদায় নিচ্ছি যে, হয়ত দেখতে না পেয়ে কাউকে কাউকে আঘাত দিয়েছি। কিন্তু, এত বড় মেলায় তো গা বাঁচিয়ে চলা যায় না—নিজেরও নয়, পরেরও নয়। তাই মেলারই স্বধর্ম ব'লে ওটা কেউ গায়ে মাখবেন না।

কী লিখব বুদ্ধদেব বসু

আমার একান্ত স্নেহাস্পদ সুভাষের দীর্ঘ আলোচনার সবটা শুনি নি। আংশিক শুনে মনে হল কবিদের মনে প্রবল জেগেছে, কী লিখব? চারদিক থেকে তার নানারকম প্রেসক্রিপশান আপনারা পেয়েছেন। সাহিত্যিক মহলে অনেক রকম মতবাদ প্রবল হয়ে উঠেছে। বেশ দেখা যাচ্ছে কবিরা, সাহিত্যিকেরা কয়েকটি ছোটো ছোটো শিবিরে বিভক্ত হয়ে গেছেন। আর ধাঁরা এই সব শিবিরের আশ্রয় নিয়েছেন তাঁরা বলছেন—আমাদের মতের সঙ্গে মানিয়ে লেখ, আমাদের দেখার সঙ্গে মিলিয়ে দেখ। অন্য যা সব ভেজাল। কবিদের উপর এ উপদেশ অনবরত বর্ষিত হচ্ছে। অনেকে বশীভূতও হচ্ছেন।

‘কী লিখব’—আমার তো মনে হয় এ কোনো প্রশ্নই নয়। বলবার কথা বাইরে থেকে আসে না। আসে মন থেকে। কবি এ সংসারে বেঁচে আছেন, সব অহুভব করছেন। কিন্তু কখন কোন হাওয়ার সৃষ্টির বীজ উড়ে আসবে সে বিষয়ে নিয়ম চলে না। এর কোনো শাস্ত নেই। সেই হঠাৎ হাওয়াকে কোনো রকমেই বাইরে থেকে শাসন করা যায় না। সে আপন খেয়ালে আসে যায়। আর বক্তব্য যা, তা যদি মনের মধ্যে না জন্মায়, তবে তো বোরভর বিপদের আশঙ্কা। তাবকে হুস্পূর্ণ করার জন্তে সৃষ্টিশীল মন বখেট প্রায় স্বীকার করে থাকে। করমানমতো

কোনো একটা কথা বললেই সেটা কবিতা হল,—না হলেই হল না, এ-মনোভাবের বিরুদ্ধে আমি তীব্র প্রতিবাদ করতে চাই। জীবনানন্দ, অমিয় চক্রবর্তী সম্বন্ধে সুভাষ বললেন যে এঁরা হচ্ছেন শূন্যচারী, প্রকৃত জীবনের সঙ্গে এঁদের যোগ নেই। তাঁর মতে যোগ বাদের আছে, তাঁদের রচনা থেকে অনেক উদাহরণ তো শুনলাম। এঁদের মোট বলবার কথা এই যে ‘বর্তমান পৃথিবীটা ধারাপ। একে ভাঙবো, আবার নতুন করে গড়ব।’ গত পাঁচ বছরে এরকম বহু লেখা হয়েছে। তাদের মধ্যে কবিতা হয়েছে কটি? খুব চেষ্টায়ে কিংবা নাচুনি ছন্দে বললে মন ও প্রাণ সহজেই আকর্ষণ করে। কিন্তু সেটাই কি কবিতার আদর্শ হবে? জীবনানন্দ, অজিত দত্ত আসলে যথেষ্ট অন্তর্মুখী। এরও যে বিপদ নেই একথা বলব না। তবে, চৈতাননি বলেই কি এদের কবিতাকে কবিতা বলতে বাধে?

কবিতার বিষয়বস্তু যা, তার কোনো স্বকীয় মূল্য মানতে আমি ইচ্ছুক নই। তবে কোনো মূল্যই নেই এমন নয়। সাহিত্য ও শিল্পের মূল কাজ আমাদের আনন্দ দেওয়া, তারই আর-এক নাম চিত্তশুদ্ধি। খুব ভালো ছন্দে লিখলেও ঘুঁষি পাকানো কবিতা কবিতা হয় না। তাতে কবিতার কাছে আমাদের আশা বা দাবী কোনোটাই মেটে না। ফরাসী জাতীয় সংগীত কি কবিতা?

কবিতার প্রাসাদে অনেক মহল আছে। তাকে অচলায়তনে পরিণত করবার চেষ্টা হল সংস্কৃতির বিরুদ্ধাচরণ। কবিতার সমালোচক বা পাঠকের পক্ষে রসবোধের উদারতা একটি পরম সম্পদ। বিভিন্ন রচনাকে তার নিজের আদর্শে বিচার করে যথাযোগ্য মূল্য দিতে হয়! রবীন্দ্রনাথের লেখা পলায়নী বৃত্তিতে ভরা, এই ধরনের একটা মত সাজিয়ে শুছিয়ে ঠাড়া করা শক্ত নয়। কিন্তু এ মত মানব না, শুধু আমরা ঠর ঠক, কিংবা তাঁর কাছে ঋণী বলে নয়, ওকথা বললে সাহিত্যের ভিত্তিকেই

নষ্ট করে দেওয়া হয় ব'লে। একটা একগুঁয়ে দৃষ্টিভঙ্গী নিলে সাহিত্যের রসবোধ পদে পদে ক্ষুণ্ণ হবে, নতুন নতুন লেখকেরা আদর্শচ্যুত উদ্ভ্রান্ত হয়ে আপন বিধিদত্ত শক্তিকে অবহেলা করবেন।

গত ক'বছরে নতুনরা ভালো লেখা লিখেছেন। এঁদের ছন্দ ও বক্তব্যের আপাত সারল্যের পিছনে দুর্দান্ত আবেগও রয়েছে (পুরোনোদের ভিতর যেমন নজরুলের ছিল, সুইনবানেরও ছিল)। কিন্তু ছুঃখের বিষয় এঁদের রচনা অতিকথনভূষ্ট এবং তার প্রায় সবটাই চীৎকারে ভরা। বলাটা যদি গলার জ্বোরের উপর নির্ভর করে, তাহলে সে কবিতা বৃহদেদের মতো মিলিয়ে যায়। জ্বোড়াসাঁকোর এক সভায় রবীন্দ্রনাথ একবার বলেছিলেন 'চৌচালে কখনো ছুঃখের কথা বলা যায় না।' ফুল্লরার সেই আমানি খাবার শোকক্রন্দন নানাভাবে আজকাল নানান লেখায় দেখা দিচ্ছে।

আমার মনে হয় এই সব কবিরাই আরো ভালো লিখবেন যদি তাঁরা আদর্শ বিষয়ে ভালো করে অবহিত হয়ে ওঠেন, ফরমানেসী লেখা না লিখে যদি তাঁরা অন্তরের প্রেরণায় লেখেন, লেখবার বিষয় বাইরে থেকে কুড়িয়ে না নিয়ে যদি মনের ভিতর থেকেই সংগ্রহ করেন।

পুনশ্চ—

মুখে বলা কথার এই অসংলগ্ন এবং অসংবদ্ধ প্রতিলিপিকে কেউ যেন আমার বিরুদ্ধে সাক্ষীরূপে উপস্থিত না করেন, এই অহুরোধ জানাই। সাহিত্যের ক্রিয়াকর্ম বিষয়ে অনেক লিখেছি, আশা করি আরো অনেক লিখবো, আর 'মত' জিনিসটাও পাথরের মতো চূপ ক'রে পড়ে থাকে না, স্রোতের মতো অবিরল ব'য়ে চলে। আমার সেই সব লিখিত রচনা পড়ার মতো ধৈর্য যদি কারো থাকে, তাহলে হয়তো তিনি জানতে পারবেন সাহিত্য বিষয়ে আমি কী ভাবি, কী অহুত্ব করি। এই 'বক্তৃতা' তার কীণ উপছারা মাত্র। শিকাগো, বু.ব.।

সাম্প্রতিকের অ্রপক্ষে

নরেশ গুহ

কবিতাপাঠের প্রতি কদাচ যাদের কিছুমাত্র আগ্রহ নেই, আধুনিক কবিতার নানাবিধ কল্পিত ক্রটির প্রতি তাদেরই দেখা যায় ক্রোধ এবং কল্পনার মাত্রাটা বেশী। তীব্র, কটু, ঝাঁঝালো ভাষায় এঁরা সাম্প্রতিক কবিতার বিবিধ নিন্দাবাদ করে থাকেন। প্রধান অভিযোগগুলি হচ্ছে এই : আধুনিক কবির ভাষা এবং ব্যাকরণ জ্ঞানের শোচনীয় অভাব ; এবং আধুনিক কবিতায় স্বেচ্ছাকৃত উদ্ভট ছন্দহতা। প্রথম অভিযোগের জবাব দেবার দরকার করে না, কেননা উক্ত ক্রটি সত্যি যাদের আছে তাঁদের পক্ষে কবিতা কেন, যা-কিছু রচনা করার চেষ্টাই পণ্ডিত্রম এবং তার হয়ে সাফাই গাওয়ার চেষ্টা সমপরিমাণে হাস্যকর। দ্বিতীয় অভিযোগটি বরং আলোচনার যোগ্য, যদিও গত পাঁচ বছরের মধ্যে কবিহিসেবে কিঞ্চিৎ ধারা প্রতিষ্ঠা লাভ করেছেন তাঁদের রচনার এহেন ছন্দহতা আবিষ্কার করা যথোচিত পরিশ্রমসাপেক্ষ।

এই পাঁচ বছরে যে পরিমাণ চতুর কবিতা লেখা হয়েছে তার তুলনার আবেগপ্রধান কবিতার পরিমাণ বেশী এবং সার্থকতাও। এটাই তো মানসিক স্বাস্থ্যের একটা মন্তবড় লক্ষণ যে দেশকালের এই দারুণ দুর্গতির মধ্যেও আবেগ এবং ভালোবাসার শক্তিকে এঁরা আগিরে রেখেছেন। কিন্তু সেই আবেগের প্রকাশ যদি জলবৎতরল হয়ে না-দেখা দেয় তার জন্তে দায়ী মাহুকের জটিলতার জীবনবাজ। জটিলতা কোথায় নেই? এমন কি যে

খবরের কাগজখানা প্রভাতী চায়ের সঙ্গে ঘরে ঘরে আজকাল নিয়মিত সেবন করা হয়ে থাকে তার বিবিধ বিষয়বস্তু এবং ভাষা-জটিলতা একশো বছর পূর্বকাল সংবাদপ্রভাকর-পাঠকের কাছে কি কিছুমাত্র সুবোধ্য ঠেকবে? আধুনিক জটিল বিজ্ঞানের একবর্ণও কি বুঝতে পারবেন জ্ঞানসমুদ্রতীরে ছুড়ি সন্ধানী সেকেলে নিউটন—ইতিহাসের পাতা থেকে যদি আজ ভঙ্গলোক হঠাৎ জেগে ওঠেন?

কবিতার ভাষা এবং ভাববস্তু যদি জটিল হ'য়ে থাকে তো জীবনের স্বাভাবিক নিয়মেই হ'য়েছে। আক্ষেপ অকারণ যে প্রভাত পাখীর নির্মল কাকলী—সম্ভবতঃ চিরতরেই—জীবন থেকে, কাজেই কাব্য থেকেও, বিদায় নিয়েছে। হুশ্চিন্তায় পীড়িত (ব্যক্তিগত হুশ্চিন্তার কথা বলছি না), জিজ্ঞাসায় ক্ষত বিক্ষত এবং ছন্দে ছন্দে বিভ্রান্ত আধুনিক কবির আবেগসঞ্জাত কবিতাও কিঞ্চিৎ দুর্লভ হবেই—মেনে নেওয়াই মঙ্গলের।

দ্বিতীয় মহাযুদ্ধের পরবর্তী বাংলা কবিতায় এই যে নতুন রোমাণ্টিক স্বর দেখা দিয়েছে তার স্বাদ আলাদা। রূপটি এখনো হয়তো স্পষ্ট হ'য়ে ওঠেনি। কিন্তু তিরিশের যুগেকার লেখার পাশাপাশি মিলিয়ে পড়লেই পরিবর্তনটা ধরা পড়বে। কবির উল্লসিত ক'রেছেন যে নিছক বিষয়ের মধ্যে কবিতা নেই, কবির চেতনার রঙে সেই বস্তু যদি-না রঙিন হ'য়ে ওঠে। স্বরে ছন্দে বস্তুব্যকে রূপবান ক'রে তোলার দিকে সাম্প্রতিক কবির এই প্রয়াস সাহিত্য-সুহৃদের অভিনন্দনযোগ্য ॥

ক্রান্তিকালের কবিতা

দিনেশ দাস . . .

আজ আমরা একটা ক্রান্তিকালের মধ্যে এসে পঁাড়িয়েছি। চারদিকে অসুস্থ ধমধমে আবহাওয়া। একটা কালোছায়া আমাদের সংস্কৃতি ও সাহিত্যের উপর এসে পড়েছে। কঙ্কণের ভাষায় এই সংস্কৃতির নাভিস্থান দেখা দিয়েছে। তবু আমাদের স্থির পদক্ষেপে অগ্রসর হতে হবে। তাই আজ খাণ্ড আন্দোলনের মত সংস্কৃতি আন্দোলনের প্রয়োজন কম নয়। হজরত মহম্মদ বলতেন, যদি এক পয়সা জোটে তবে রুটি কিনবে আর দু'পয়সা জুটলে এক পয়সায় রুটি আর অন্য পয়সাটিতে ফুল কিনবে। এই ফুলই মানুষের শাখত ক্ষুধার ইন্ধিত বহন করছে। বাইবেলেও Man does not live by bread alone—কথাটির মধ্যেও মানুষের অনন্ত পিপাসার বাণী নিহিত রয়েছে। সাহিত্য মানুষের সেই অপ্রয়োজনীয় প্রয়োজনের দিকে দিকনির্দেশ করছে। বাস্তবিক মানুষের স্থূল প্রয়োজন না মিটিয়েও আদিম যুগ থেকে শিল্প বিশেষ করে কবিতা কেমন করে এখনো টিকে রইল তা ভাবতে অবাক লাগে। ইতিহাসের পাতা গুলটালে দেখা যাবে, মানুষের যা কিছু আশ্রয় পর্বস্ত টিকে আছে তার প্রায় প্রত্যেকের পিছনে আছে কোনও অর্থনৈতিক কারণ। নিছক প্রয়োজনের তাসিদ ছাড়া যদি কিছু বেঁচে থাকে তা হ'ল কবিতা। মানুষের বৈরাগ্যের প্রথম উদ্বেগ হ'ল বোধ হয় তার কাব্যশ্রীতিতে। কারণ প্রয়োজনের দৃষ্টি দিয়ে

কাব্য হয় না, কাব্য হয় অপ্রয়োজনের দৃষ্টি বা শিল্পীর দৃষ্টিভঙ্গিমায়। এ ছাড়া এতে কবির হাতও নেই। কারণ কবিতা লেখা হয়, কবি লেখে না। কোন দিকের হাওয়ায় কবির মনের আগুন হঠাৎ জ্বলে উঠবে, সে-কথা কবি নিজেরও জানে না। এইজন্তে শেলী কবির মনকে ছাইচাপা উল্লুনের সঙ্গে তুলনা করেছেন। কোন দিকের ঝড়ে হঠাৎ দপ ক'রে জ্বলে উঠল কবির মন তার খবর কি কবি রাখে? না। তার হাতের সোনার কাঠির ছাঁয়ায় কেমন করে ঘুমন্ত রাজকন্যার ঘুম ভাঙে সে খবর তার অজানা। আদিম যুগে যাদুকর অতিপ্রাকৃতকে আনত প্রকৃতিরাজ্যে। এযুগে শিল্পী বা কবিও সেই অতিপ্রাকৃতকে হাজির করছে প্রকৃতির সীমায়। প্রাচীন যুগের তন্ত্রধারদের ছিল মন্ত্রের বা শব্দের যাদু, এযুগে কবিদেরও সেই একই শব্দের বা মন্ত্রের যাদু। আধুনিক কবিরাই হয়তো বাংলাদেশের শেষ তন্ত্রধার যারা অজানাকে জানার সীমায়, অসীমকে পৃথিবীর সীমানায় নিয়ে আসছে। কবিরাই হয়তো পৃথিবীর শেষ যাদুকর।

আজ চারদিকে অন্ধকার। কিছুই দেখা যায় না, চেনা যায় না। এখানে যে একদা রামমোহন, বিদ্যাসাগর, রবীন্দ্রনাথ ছিলেন তা একথা ভাবা যায় না। তবু যদি আমরা আজ শান্ত হ'তে পারি, সাধক হ'তে পারি তা হ'লে হয়তো পথের সন্ধান পাওয়া কঠিন হবে না।

নাটক ও মঞ্চের পাঁচ বছর তুলসী লাহিড়ী

নাটক অভিনয় ও নাট্য সাহিত্য দুটোই অস্বাভাবিকভাবে জড়িত। অভিনয়ের জন্যই নাটক লেখা হয়। অভিনয় না হলে নাটকের সার্থকতা পুরোপুরি বোঝা যায় না। তাই মঞ্চাভিনয়ের হিসাব নিকাশ করলেই নাট্য-সাহিত্যের হিসাব নিকাশও সঙ্গে সঙ্গে পাওয়া যাবে। এদেশে রঙ্গমঞ্চ ইংরেজের অহুকরণ করেই আমদানি হয়েছিল বটে কিন্তু কি আদিক, কি বিষয়বস্তুতে, এদেশের নাটক সম্পূর্ণ ইংরেজি চংয়ে হয় নি। দর্শকের রসাহুভূতির খাতিরে অধিকাংশ নাটকই ছিল পৌরাণিক। কিছু সামাজিক সমস্যা নিয়েও লেখা হয়েছিল এবং কিছু ঐতিহাসিক নাটকও হয়েছিল। সৃষ্টির যুগে অনেক শক্তিশালী ব্যক্তি এক সঙ্গে কাজ করে বাংলাদেশে নাটক অভিনয় করার একটা আগ্রহ সৃষ্টি করেছিলেন। তারই ফলে কলিকাতায় কখনও চার কখনও পাঁচটি রঙ্গমঞ্চ গড়ে উঠেছিল এবং বাংলা ভাষায় নাট্য-সাহিত্য বিভাগেও কিছু ভালো নাটকের আবির্ভাব হয়েছিল। বাংলা ভাষায় অন্যান্য বিভাগের মতো, এ সাহিত্য সুপরিপুষ্ট হয়ে বিশ্বের দরবারে স্থান পাবার উপযোগী বেশি কিছু দেয় নি সত্য, তা হ'লেও এর অগ্রগতির ইতিহাস খুব নগণ্য নয়। সৃষ্টির যুগে নাটকের রচনায় ও অভিনয়ে যে প্রাণশক্তি ছিল কিছুকাল পরে নানা কারণে সে শক্তির অভাব ঘটেছিল। সে কারণগুলির প্রধান দুটি আজও তেমনি বাধা সৃষ্টি করছে। একটি

অর্থনৈতিক ; আর-একটি নাটকে দর্শকবৃন্দের রুচি-বিকার। তা সত্ত্বেও অল্পদিনের মধ্যেই, নূতন নাটক, নূতন নটনটী ও নূতন প্রয়োগ-কৌশলের সাহায্যে রঙ্গমঞ্চ আবার জনপ্রিয় হয়ে উঠেছিল। নাট্য সাহিত্যের খুব উন্নতি না হলেও অভিনয়ের ধারা বদলে যে নূতনত্ব এসেছিল তাতে আশা করা গিয়েছিল বাংলা নাটকও বিশ্বের দরবারে স্থান পাবে।

পতন-অভ্যুদয়-বন্ধুর পন্থা। রঙ্গমঞ্চ ও নাট্য সাহিত্যের অগ্রগতির পথেও আমরা তাই দেখতে পাই। কখনও দেখি, শক্তিমান নাট্যকার অভিনেতাদের দুর্বলতা সত্ত্বেও স্থলিখিত নাটকের সাহায্যে দর্শকবৃন্দের অবসাদ দূর ক'রে নাট্যশালার বিপদ কাটিয়ে দিচ্ছেন ; আবার কখনও দেখি শক্তিমান নটনটী দুর্বল নাটকও নিজেদের ক্ষমতায়, একমাত্র সুঅভিনয়ের বলেই, জনপ্রিয় ক'রে তুলে নাট্যশালার অর্থনৈতিক দুর্দশা ঘুচিয়ে এগিয়ে চলেছেন। নাটক অভিনীত না হলে তার প্রকৃত শক্তির পরীক্ষা হয় না। রঙ্গমঞ্চের সঙ্গে নাট্য সাহিত্যের সম্পর্ক তাই এত নিবিড়। দর্শকের রসপিপাসা থেকে রঙ্গমঞ্চে নাটকের চাহিদা হয় এবং সেই চাহিদার তাগিদেই নাটক রচিত হয়। অবশ্য কখনও কখনও এ নিয়মের নানা ব্যতিক্রম নানা দেশে হয়েছে। তা সত্ত্বেও একথা বলা চলে যে অভিনয়-দর্শকের চাহিদা ও রুচি নাটকের বিষয়বস্তু ও আঙ্গিকের উন্নতি ও অবনতির কারণ। আবার সেই সঙ্গে একথাও বলতে হয় যে দর্শকের সেই রুচি ও চাহিদা সম্বন্ধে রঙ্গালয়ের কর্তৃপক্ষের ভ্রান্ত বা বিকৃত ধারণাও অনেক সময় উন্নতির পরিপন্থী। তাঁদের লক্ষ্য থাকে শুধু লাভ করার দিকে। সেই দুর্বলতার স্বয়োগ নিয়ে অনেক রুচি এসে উপস্থিত হয় এবং ক্রমে লাভের লোভই লোকসানের কারণ হয়ে দাঁড়ায়।

গত পাঁচ বৎসরের হিসাব-নিকাশ করলে আমরা সেই একই সিদ্ধান্তে উপনীত হব। গণমনের পরিবর্তন সম্বন্ধে অবহিত না হয়ে মঞ্চ-মালিকের চর্চিত-চর্ষণ করে চললেন। ফলে গণমনের সঙ্গে সংযোগের অভাবে এবং যুদ্ধোত্তর যুদ্ধোত্তির দরুন বায়বাহুল্যে, তাঁরা অর্ধসংকটে প'ড়ে

ক্রমশ ডুবতে লাগলেন। অথচ এই পাঠকের মন্দার বাজারেও বর্তমান জীবন-সমস্যা নিয়ে, কয়েকটি অবৈতনিক নাট্য সম্প্রদায় কয়েকটি স্থলিখিত না হলেও স্বঅভিনীত নাটক পরিবেশন ক'রে জনগণের কাছে প্রাশংসা ও অর্থ দুইই পেয়েছেন। প্যাচসর্বস্ব একদা-জনপ্রিয় অভিনেতাদের বিধা ও সংকোচের জগ্ন সাধারণ রঙ্গমঞ্চের কর্তৃপক্ষ বর্তমান জীবন-সমস্যা এড়িয়ে শরৎচন্দ্র ও অগ্নাঙ্ঘ সাহিত্যিকের রসঘন গল্পগুলিকে নাট্যরূপ দিয়ে পরিবেশন ক'রে সংকট এড়াবার চেষ্টা করলেন এবং কতকটা সফলকামও হলেন। এই ভাবে রঙ্গালয়গুলি কায়ক্লেশে ঠাট বজায় রেখে চ'লছে বটে কিন্তু নূতন নাটক সৃষ্টি প্রায় বন্ধ বললেই হয়। নাটকের সংগঠনকারীদের সঙ্গে যে সংযোগ, যে পরীক্ষা-নিরীক্ষা নাট্যকারের প্রস্তুতির জগ্ন একান্ত প্রয়োজন, তার একান্ত অভাব হয়েছে। তাই নাট্যকারের অভাব আর সঙ্গে সঙ্গে নূতন শক্তিমান নটনটীরও অভাব হয়েছে। এদেশে অভিনয়-শিক্ষার কোনও সুপরিবল্লিত ব্যবস্থা নেই। সে কাজ রঙ্গালয়গুলিতেই হত। কিন্তু আজ সেখানে সব রকম ব্যবস্থা অত্যন্ত এলোমেলো হওয়ায় নবাগতরা শিক্ষার সুযোগ পাচ্ছে না। কয়েকটি লক্ষপ্রতিষ্ঠ নট বা নটী ধারা নাটকের প্রধান আকর্ষণ বলে কর্তৃপক্ষের কাছে অত্যন্ত প্রয়োজনীয়, তাঁদের বেতন যোগাতেই প্রায় সমস্ত আয় নিঃশেষিত হয়। নবাগতেরা কিছুদিন ধৈর্ষ নিয়ে অপেক্ষা করে না পায় শিক্ষা না পায় অর্থ। অবশেষে তারা সরে পড়ে। এছাড়া, ছায়াচিত্রের বাজারে বিশেষ কিছু প্রস্তুতি না থাকলেও, রূপ ও যৌবন সম্বল করে ধন ও অর্থ সহজলভ্য হয় বলে, নবীন দল সেই দিকেই আকৃষ্ট হয়েছেন। ঠিক এই একই কারণে ধারা অস্থায়ী করলে নাট্যকার হতে পারতেন তাঁরাও নাটক না লিখে, চিত্রনাট্যের আদিকে একটা কিছু লিখে দালাল মারকতে ছবির বাজারে ঘুরছেন।

এই এলোমেলো অবস্থা সাহিত্য সৃষ্টির পক্ষে উপযোগী মোটেই নয়। বিস্তারিত করে না বললেও এই থেকেই, নিজ নিজ অভিজ্ঞতার সঙ্গে বিলিখে,

ব্যাপারটা অনেকেই অস্বাভাবিক করতে পারবেন। এর পরই বর্তমান দুর্দশার কারণ এবং এই সংকট এড়াবার উপায় সম্বন্ধে কিছু বলা উচিত। কারণ সম্বন্ধে আলোচনা করতে হলে অনেক তিক্ত কথা বলতে হবে বলে সংক্ষেপে কিছু বলব। অবশ্য এটা আমার ব্যক্তিগত মতামত। গ্রহণযোগ্য মনে হলেও আপনারা বিশেষ বিবেচনা করে তবে যেন তা করেন। বর্তমান সভ্যতার মূল ব্যাধি লোভ। এই অতিরিক্ত লোভ এবং ধনবন্টনের অসমতা এই ব্যবসায়কেও ক্ষয় করেছে। এটা মনের খোরাকের ব্যবসায়। ভেজাল চালিয়ে ভুলিয়ে বিষ পরিবেশনের ফলে এ ব্যবসায় প্রাপ্য সম্মান বা অর্থ দুইই পায়নি। সভ্য সমাজের বিশেষ প্রয়োজনীয় হয়ে উঠে যে ব্যবসা মানসিক উন্নতির সহায়ক হতে পারত, শুধু বিকট লাভের লোভেই তা ছেলেভুলানো ও সমাজের অনিষ্টকর ভেজাল বিধের ব্যবসায় দাঁড়িয়েছে। সিনেমার দেখাদেখি, অতীতের ঐতিহ্য ভুলে, শালীনতা আবরণে প্রচ্ছন্নভাবে ঘোন আবেদন যোগান দেওয়ার উৎসাহ, ফাঁকি দিয়ে ভুলিয়ে লাভ করার প্রবৃত্তি থেকেই এসেছে। বিশ্বব্যাপী এই ভাঙ্গনের যুগে অবসন্ন মানুষকে মহুগ্ধে প্রবুদ্ধ করার কোনো চিন্তা নেই, বিপদ সম্বন্ধে সচেতন করার কোনো প্রয়াস নেই, আছে শুধু কতগুলি ফাঁকা বুলি ও নকল ভাবাবেগসম্বল মেকী চাকচিক্য দিয়ে ভোলাবার আয়োজন। তাই রসিকজন আজ বিমুখ। রসের বাজারে তাদের মতামত যে কত মূল্যবান, একথা মালিকরা ভুলেছেন। রসিক বাদ দিয়ে রসের আসর যে জমে না এই সত্য সম্বন্ধে তারা একান্ত উদাসীন। নাটক রসোত্তীর্ণ হয়েই দীর্ঘদিন চলে। এটা বছবার দেখেও তাঁরা কিছু শেখেননি। সমগ্রভাবে নাটক সার্থক হতে হলে প্রতিটি কর্মীর ঐকান্তিক সংযোগ চাই। কিন্তু কল্পপঙ্কের ভ্রান্ত নীতির ফলে আজ সে সংযোগ রহমত্বে নেই। অবসন্ন অতুচ্ছ কর্মীর দল সেখানে দিনগত পাপক্ষয় করছে। নিরানন্দ পুরীতে তাই বর্ষক আনন্দের আশায় গিয়ে দিনের পর দিন নিরাশ হচ্ছে।

এ সব ক্রটি কাটিয়ে উঠতে হলে অনেক কিছু পরিবর্তন দরকার। সবার চেয়ে বেশী দরকার নূতন প্রাণশক্তি। নূতন নাট্যকার নূতন দৃষ্টিভঙ্গী নিয়ে নূতন আঙ্গিকে রস পরিবেশন করবেন। নূতন প্রতিভা তাকে রূপ দিয়ে সার্থক করবে। দর্শক পরিতৃপ্ত হয়ে জয়গান করবে। নাট্যশালা স্বকৃতি স্বশিক্ষা আনন্দের কেন্দ্র হবে এই লক্ষ্য থাকা উচিত।

পেশাদার রঙ্গমঞ্চ যখনই অবসন্ন হয়েছে তখনই দেখা গেছে যে অপেশাদার শৌখীন সম্প্রদায় থেকে নূতন অভিনেতা অভিনেত্রী, নূতন নাট্যকার এসে আবার সেখানে প্রাণশক্তি ফিরিয়ে এনেছে। আজ দেখা যাচ্ছে সেই শৌখীন সম্প্রদায়গুলিও স্তিমিত দীপের মতো অবস্থায় এসে দাঁড়িয়েছে। সাজার আনন্দ পাবার ইচ্ছা থেকে সাজতে গিয়ে, ক্রমে চরিত্র, বাচন, অভিব্যক্তি প্রভৃতির সঙ্গে পরিচিত হয়ে, সেই সব শৌখীনদের কেউ কেউ এই রসে মজে গিয়ে এর অল্পশীলনে যেতে উঠতেন। বার বার চেষ্টা করে নিজেদের জড়িমা কাটিয়ে উঠে তাঁরা ক্রমশঃ সতেজ ও সবল হতেন। এই প্রকারেই ভাল অভিনেতা সৃষ্টি হত। পরে তাঁদের কেউ সাধারণ রঙ্গালয়ে এসে তাকে নূতনত্বের প্রভায় উজ্জ্বল করত। প্রাক-স্বাধীনতা যুগে এগুলির আরও উন্নতি হওয়া উচিত ছিল। কিন্তু নানা কারণে সেখানেও প্রাণশক্তির অভাব। অত্যন্ত ব্যয় এর একটি প্রধান কারণ। সাধারণ রঙ্গালয় ভাড়া দিয়ে ক্ষতি পোষাতে গিয়ে এদের উপর অত্যাচার করে। তার উপর প্রমোদ কর। সবার উপর পুলিশী সেন্সর ব্যবস্থা নূতন নাটক সৃষ্টির একটি অন্তরায় হয়ে দাঁড়িয়েছে। ইংরেজ আমলের কর্মচারীরা রাষ্ট্রের হিত বলতে—কর্তৃৎ-অধিকারী দলের হিত বোঝেন। তা ছাড়া জনকল্যাণে তাঁদেরই একচেটিয়া অধিকার এবং অপর সবাই জনগণের অনিষ্টের চেষ্টায় আছে, এই রকম একটা মনোবৃত্তি অনেক সময় তাঁদের দেখা যায়। ফলে এই সব বাধা অতিক্রম করতেই শৌখীন সম্প্রদায়গুলির শক্তি একবার অভিনয় করতেই হুরিয়ে যায়। প্রথম রজনীর অভিনয়ের ঘোবক্রটি অনসূর্ণতা

সংশোধন করে আর একবার পরীক্ষা করে দেখার সুযোগ তারা প্রায়ই পায় না।

তবুও এই শৌখীন সম্প্রদায়গুলির ডিতর থেকে দু-চারখানি ভালো নাটক—হুচারজন শক্তিমান নটনটীর সন্ধান পাওয়া যাচ্ছে, এই এক আশার কথা। পুরাতনের অবসানে নৃতনের অভ্যুদয়ের এ এক ইঙ্গিত। নয়ন মন বিমোহনকারী হংসবলাকা দিকচক্রবালে মিলিয়ে যাবার মতো হয়েছে দেখে যেমন অনেকে হতাশ হচ্ছেন, তেমনি কেউ কেউ মাটির নীচে অন্ধকারে ‘তৃণদল ঝাপটিছে ডানা’ তার সাড়াও ঐ শৌখীন অভিনয়গুলির মধ্যেই গুনতে পেয়েছেন। নাট্য সাহিত্যের ও নাটক অভিনয়ের অনেক দুর্গতি দেখা যাচ্ছে বটে তবুও এর গতি রুদ্ধ হয় নি। এই গতিপথ ধরে আবার নৃতন করে সার্থকতা আসবে এই আশা আমি করি ॥

বাংলা নাটক

শতীন সেনগুপ্ত

আলোচনার বিষয় হচ্ছে পাঁচ-বছরের বাংলা নাটক। অর্থাৎ, স্বাধীনতার পর বাংলা নাটক কী রূপ পেয়েছে, তাই দেখাতে হবে। একটা নতুন রূপ নিশ্চিতই পেয়েছে। কিন্তু বক্তৃতা করে সে রূপ ফুটিয়ে তোলা যায় না, প্রবন্ধ লিখেও নয়। নাটকের স্বরূপ কিন্তু নাটক পড়েও বোঝা যায় না। তা বুঝতে হলে অভিনয় দেখতে হয়। নাটক অনেকটা গানের স্বরলিপির মতো। শুধু কথা যেমন গান হয় না, শুধু স্বরলিপিও যেমন গান হয় না, তেমন শুধু সংলাপ আর ঘটনা-বিভাগও নাটক হয় না। যা গাওয়া যায় তাই গান; যা অভিনয় করা যায়, তাই নাটক। শুধু সংগীতের অভিনয়ও নাটক হয়, শুধু নৃত্যের অভিনয়ও নাটক হয়, আবার সংগীত নৃত্য ও মৌখিক ও আঙ্গিক অভিনয়ের সমন্বয়েও নাটক হয়। আমাদের নিকট অতীতের নাটক গুই তিন শ্রেণীতেই বিভক্ত ছিল। দূর-অতীতে নৃত্য ছিল নাট্য। সংগীতকে নাট্যের বাহন করা হয়েছে তখন, যখন নাটকের ভাষা কেবলমাত্র বিদগ্ধদেরই ভাষা হয়ে জনগণের ছর্বোধ্য হয়ে পড়ল।

ঊনবিংশ শতকের সপ্তম দশকে আমরা যখন নতুন করে নাট্যশালা পল্লন করলাম, তখন আমরা কিন্তু আমাদের অতীতের নাট্যাদর্শ নিয়ে কাজ শুরু

করলাম না—আমরা নিলাম বিদেশী নাট্যদর্শন। সে আদর্শ এলিজাবেথীয় ইংলণ্ডের নাট্যদর্শন নয়, বহু পরবর্তীকালের ভিক্টোরীয়-যুগের আদর্শ। মাইকেল দীনবন্ধু সেকস্পীয়ার অমূসরণ করেন নি। ঔদের দুজন্যর কেউ নাট্যশালায় সঙ্গে সংশ্লিষ্ট ছিলেন না—নাট্যশালায় অস্তিত্বই ছিল না তখন। ঔরা নাটক লিখেছিলেন শিক্ষিত সম্প্রদায়ের জন্ম। ঔদের নাটক অভিনীত হত ধনিকদের বাড়িতে বা বাগান-বাড়িতে। সাহেব-মেমরা, ধনিক ও বিদগ্ধরা ঔদের নাটকের বা প্রহসনের অভিনয় দেখতেন। কিন্তু তবুও মাইকেল দীনবন্ধু তাঁদের নাটকে প্রহসনে জাতির শিক্ষিতদের এবং অশিক্ষিতদের, শহরের ও পল্লীর মানুষের, জীবন প্রতিফলিত করেছেন। চালু সমাজ-ব্যবস্থার প্রতিবাদের স্বর ঔদের সৃষ্টিতে ধ্বনিত হয়েছে, কোথাও প্রচ্ছন্ন ভাবে, কোথাও তীব্র শ্লেষের ভিতর দিয়ে। মাইকেলকে তাঁর সহায়করা (সাজ্জারা) সহিতে পারেন নি। দীনবন্ধুকে সহিতে পারেন নি তখনকার সরকার যেমন, তেমন তখনকার সমাজপতিরাও। দীনবন্ধুর নীলদর্পণই শুধু যে নিষিদ্ধ হয়েছিল তা নয়, সধবার একাদশীও অল্পীলতার অজুহাতে দীর্ঘকাল নিষিদ্ধ রাখা হয়েছিল। কিন্তু বিষয়বস্তুতে, ভাবার সূত্র প্রয়োগে, চরিত্র-সৃষ্টিতে, সমসাময়িক সমাজ-প্রতিফলনে, মাইকেল দীনবন্ধুর রচনা ভিক্টোরিয়ান নাট্যকারদের রচনার চেয়ে নির্যেস ছিল, এমন কথা মেনে নেবার কোনো কারণ নেই।

৩

সাধারণ নাট্যশালায় জনক গিরিশচন্দ্র ঔদের নাটক নিয়ে, শৌধীন দলকুক্ত থেকে, অভিনয় যদিও শুরু করেছিলেন, নাট্যশালা প্রতিষ্ঠিত করে নিজ-রচনার সেকস্পীয়ারের রীতিই অবলম্বন করলেন ট্যাম্বেডির সৃষ্টি করে। অপর দিকে মাইকেল যে অমিত্রাকর ছন্দ সৃষ্টি করেছিলেন তাই পরিবার্ভিত করে তিনি ছন্দ নাটক রচনা করলেন। গিরিশ তাঁর নাটককে রূপ দেবার জন্ম যে ছন্দ ব্যবহার

করেছিলেন তা তাঁর পরবর্তীরা ব্যবহার করেননি। কিন্তু এ-কথা বলা যেতে পারে যে, মাইকেলের যে ছন্দ সেদিন জনপ্রিয় হয়নি, গিরিশ সেই ছন্দকে নিজের প্রয়োজন মতো পরিবর্তিত করে অন্তত নাটকের মাধ্যম হিসেবে জনপ্রিয় করে তুলেছিলেন। গিরিশ বিদ্রোহী ছিলেন; বঙ্কিমের মতো বিদ্রোহী। বিদ্রোহ করে তিনি ঐতিহ্যকে, পরম্পরাগত সংস্কৃতিকে অগ্রাহ্য করেননি। কিন্তু বিধবার জীবনের বার্থতা যে সমাজ-জীবনে গভীরতম বেদনা সঞ্চারের কারণ হয়ে রয়েছে ট্রাজেডি রচনা করে তার দিকে সমাজের দৃষ্টি আকর্ষণ করেছেন। সমাজের অর্থনৈতিক ব্যবস্থায় কোথায় একটা বড় গলদ রয়েছে, একথা গিরিশ অহুভব করেছিলেন। গলদটা আসলে কী এবং তার গুরুত্ব কত, তা তিনি কতটা উপলব্ধি করেছিলেন তাঁর রচনার ভিতর দিয়ে তা ঠিক বোঝা না গেলেও 'উকিল কি চিজরে বাবা', 'কাজ গুছিয়ে নিয়েছ' প্রভৃতি উক্তি থেকে বোঝা যায় গলদটা এমন ভাবেই তিনি আবিষ্কার করেছিলেন যে তিনি নিশ্চিত করে ধরে নিয়েছিলেন বাঙালীর সাজানো বাগান গুঁকিয়ে যাবেই গোড়ার ওই গলদের জন্ত। ব্যাক ফ্লেকে গিরিশ জীবনের সব চেয়ে দুর্ঘটনা মনে করতেন না। ব্যক্তিগত ভাবে সকল ঘটনার ঘাত-প্রতিঘাতের উর্ধ্বে তিনি যে ছিলেন, তা তাঁর প্রতি পরমহংসদেবের করুণার কথা থেকেই বোঝা যায়। কিন্তু বাংলায় তখনকার দিনের নতুন-সভ্যতা যে যোগেশদের প্রতিষ্ঠা করে দিয়েছিল, তারা ব্যাক ফ্লে পড়াকে দুঃসহ বলে মনে করত এই কারণে যে, তারা তখন আলোক-লভার মতোই পুঁজির-সুপের ওপর শোভা পাচ্ছিল, মাটির সংযোগ হারিয়ে কেলেছিল। যে বাস্তব তাদেরকে মাটির সঙ্গে সংযুক্ত রাখত, অসং উকিলের ওকালতির কুটিল কসরৎ সেই বাস্তব থেকে তাদেরকে বিচ্ছিন্ন করে পথে দাঁড় করাতে পারে, তাদের পানোন্নততার স্বযোগ ও স্ববিধে না নিয়েও, এমন কথা সেদিন বোধগম্য হবার মতো সমাজ-চেতনার অভাব ছিল। গিরিশ বুঝেছিলেন একটা অনাচার কোথাও রয়েছে। কিন্তু সে অনাচারকে তিনি

পুরোভাগে না এনে যোগেশের পানোন্নততাকে বড় করে ধরেছেন। পানোন্নত না হলেই কি যোগেশ তার সাজানো বাগান শুকিয়ে যাওয়া বন্ধ করতে পারত? পারত না যে, তা তার জীবনের আদর্শ থেকেই বোঝা যায়। ব্যাক ফেল হওয়ায় সেই আদর্শ ভেঙে যায়। আর কোনো আদর্শকে জীবনের সামনে রেখে তার মতো লোকের নতুন করে জীবন-সংগ্রামে অবতীর্ণ হবার কোনো প্রয়াস সম্ভব ছিল না। আজকার ছিন্ন-মূলরাও, মাতাল না হয়েও, পথে পথে ঘুরে বেড়াচ্ছে, সকলেই প্রতিষ্ঠা করে নিতে পারছে না। পারবার কথাও নয়। যে অবাস্তব প্রতিষ্ঠাকে তারা প্রতিষ্ঠা বলে জ্ঞেনেছিল, তা যে অবাস্তব, সেই জ্ঞান তাদের অনেককে একেবারে দিশাহারা করে দিয়েছে। তারাও তাদের সাজানো বাগান শুকিয়ে যাওয়া রোধ করতে পারছে না; মাতাল না হয়েও। মাতাল যদি কেউ হয়, তাতেও বিশ্বিত হবার কিছুই নেই। সকলেই মাতাল কেন হয়নি, সেইটাই বিস্ময়। সেদিনকার যোগেশদের দেখে যে বিষয় পুরোপুরি বোঝা যায়নি, আজকার যোগেশদের দেখে সমাজ গঠনের সেই গলদ পুরোপুরি বোঝা যাচ্ছে। গিরিশ সমাজের অর্থনৈতিক-গঠন নানা ভাবে প্রতিফলন করেছিলেন সেইটেই বড় কথা। বন্ধিমের মতো গিরিশও মাহুকের রূপান্তরে বিশ্বাসী ছিলেন এবং বন্ধিমেরই মতো তিনি বিশ্বাস করতেন অতীন্ড্রির চেতনা সেই রূপান্তর ঘটাতে পারে। এই রূপান্তর তিনি দেখিয়েছেন বিলুপ্তকালে, যার জন্ম স্বামিজী বলেছিলেন, গিরিশ সেকসপীয়ারকেও ছাপিয়ে গেছে। বন্ধিম তাঁর উপন্যাসে এই রূপান্তর ঘটাবার জন্ম সন্ধ্যাসী এনেছেন প্রচুর; গিরিশ তাঁর সামাজিক নাটকে এনেছেন অবধূত এবং সংসারে অনাসক্ত অথচ আপাতদৃষ্টিতে পাগল বলে মনে হয়, এমন কিছু লোক। তারা সাধনা দেয়, তারা বোঝাতে চায় সুখ আর দুঃখ জীবনে অপরিহার্য হয়েই আসে। একটা চাইলে আর একটাও নিতে হবে, এড়িয়ে যাওয়া চলবে না। গিরিশের সামাজিক নাটকগুলি বাস্তবতার তিস্তিতে রচিত। কেবল

উল্লিখিত ওই চরিত্রগুলিকে অবাস্তব বলা হয়। আসলে কিন্তু ও-চরিত্রগুলি আমাদের আশে-পাশে হামেশাই আমরা দেখতে পাই, সকলে গ্রাহ্য করি না। কিন্তু আজও অনেক পরিবারকে কেন্দ্র করে এমন অনেক চরিত্র অনেকটা নির্লিপ্ত ভাবেই ঘোরা-ফেরা করে। গিরিশের জীবনের শেষের দিকে দেশে স্বদেশী আন্দোলন প্রবল হয়ে ওঠে। তার আগে বাংলা দেশে রামকৃষ্ণ-বিবেকানন্দের ভাব-প্রবাহ প্রবল ছিল। স্বদেশী আন্দোলনও শেষে ভাব-প্রবাহ নিয়ে প্রবলতর হয়ে ওঠে। গিরিশ এবং তাঁর সমসাময়িক নাট্যকাররা ধর্মান্দোলন ও স্বদেশী আন্দোলনকে প্রতিফলিত করে চলেন নাটকে। অমৃতলাল সমাজ নিয়ে কিছু ব্যঙ্গ প্রবৃত্ত হন। দ্বিজেন্দ্রলাল ক্ষীরোদপ্রসাদ দেশপ্ৰীতির আর মানবতার বাণী নাটকের মারফত প্রচার করতে থাকেন। দ্বিজেন্দ্রলাল নাটক লেখেন গল্পে, ক্ষীরোদপ্রসাদ গিরিশ অমৃতলালের মতো গল্পে ও গল্পে মিলিয়ে, আবার কখনো বা কেবলই গল্পে। দ্বিজেন্দ্রলালের গল্প ছন্দ গঠিত; গিরিশ অমৃতলাল কি দীনবন্ধু মাইকেলের গল্পের মতো বাঙালীর ঘরে-ঘরে বলা ভাষা নয় সে গল্প। ক্ষীরোদপ্রসাদের গল্পও কাব্যময়। গল্পে গিরিশের বিশেষ ছন্দ নেই। রবীন্দ্রনাথের প্রভাবে অমিত্রাকর ছন্দ ততদিনে সাবলীল হয়ে উঠেছে। ক্ষীরোদপ্রসাদ তারই প্রভাবে প্রভাবান্বিত। দ্বিজেন্দ্রলাল ক্ষীরোদপ্রসাদ মাইকেল-দীনবন্ধুর চেয়ে তো বটেই, গিরিশচন্দ্রের চেয়েও জনচিন্ত জয়ে অধিকতর সমর্থ হলেন এই কারণে যে, জন-চিন্ত তখন দেশ-প্রেমে উদ্বেল হয়ে উঠেছে। বঙ্কিম ততদিনে দেশের মাছুষের মধ্যে প্রতিষ্ঠা করে নিয়েছেন। বঙ্কিম-উপজ্ঞাসের নাট্যরূপ নাট্যশালার পরম সম্পদ হয়ে উঠল। নাটকে রোমান্স বড় হয়ে উঠতে লাগল। সে রোমান্স মাইকেল-দীনবন্ধু-গিরিশ-অমৃতলালে ছিল না। দ্বিজেন্দ্রলাল ক্ষীরোদপ্রসাদ তার সধ্যবহার করেছিলেন, অথবা অসধ্যবহার। বঙ্কিমের রোমান্টিক ভাষা (যেমন গোবিন্দলাল-রোহিণীর সংলাপে, প্রতাপ-শৈবলিনীর সংলাপে, লবঙ্গলতা-অমরনাথের সংলাপে) নাটকের রোমান্স সংক্রমণের মাধ্যম

হয়ে উঠল। মাত্র চল্লিশটি বছরে বাংলা নাটককে মাইকেল দীনবন্ধু গিরিশ অমৃতলাল ষিঞ্জেল্লাল ক্ষীরোদপ্রসাদ নানা রূপ দান করলেন, নাটকের ভাষাকে নানা সম্পদে ভূষিত করলেন, সমাজের নানা চরিত্রকে, জাতির সমসাময়িক নানা সংঘাতকে নানা আদর্শকে নাটকে স্থান দিলেন। মাত্র চল্লিশ বছরে বাংলা নাটক জন-সংযোগের সব চেয়ে ব্যাপক মাধ্যম হয়ে উঠল নাট্যাশালাকে অবলম্বন করে। মনে রাখা আবশ্যিক নাটকের ও নাট্যাশালার এই প্রয়াস ও প্রতিষ্ঠা দর্শক ছাড়া আর কারো সহায়তা ছাড়া সফল হয়নি। তখনকার বিলেতী নাট্যাশালায় যেসব মৌলিক নাটক অভিনীত হয়েছে, তা যে আমাদের ওই সময়কার নাটকের চেয়ে সর্বাংশে শ্রেষ্ঠ এ-কথা বলবার কারণ নেই। বিলেতের নাট্যাশালার বয়েস তখন তিনশো বছর অতিক্রম করে গেছে, আমাদের নাট্যাশালা যখন সবে পঞ্চাশে পা দিয়েছে।

8

জ্যোত্স্নাকোর শিল্পাহুরাগী ঠাকুর পরিবার নাট্যাহুরাগের নানা পরিচয় জাতির নাট্যান্ডোলনের শুরু থেকেই দিয়ে এসেছেন। নাট্যাশালার প্রতিষ্ঠা তাঁরা দূর থেকে লক্ষ্য করলেন, স্বীকার করে নিলেন তার প্রয়াসকে, কিন্তু শঙ্কিত হলেন ভারত-নাট্যের প্রতি তার অহুরাগের অভাব দেখে, বিদেশের অহুরাগের আগ্রহ দেখে। জ্যোতির্জনাথ সংস্কৃত নাটকের দিকে নাট্যাশালার দৃষ্টি আকর্ষণ করতে চাইলেন। কিন্তু পারলেন না। দোষ নাট্যাশালার নয়, দোষ জাতির, দোষ জাতির শিক্ষার। সংস্কৃতকে সে মর্বাদা দিতে রাজী নয় তখন। ইংরেজি ছাড়া কোনো ভাষাকেই মর্বাদা দিতে সে রাজী নয়, ইংরেজি ছাড়া কোনো জাতিকেও না। ইংরেজি ভাষার মারফত যে নাটক আসবে না, সে নাটক অজানা বস্তু। কিন্তু ইংরেজিই বা জাতির কখনা জানে? ইংরেজি বই

কিনতেই বা পারে কজনা? মলেয়ার কিছু কিছু ইংরেজিতে এসেছিল, কিন্তু ব্রেসিল কনে'লির নাম এ-দেশে তখনো পরিচিত হয় নি। ভলভেয়ার, হগো, দোদে, জোলা, মৌপাসাঁর দর্শন উপন্যাস গল্প এদেশে তখন এসেছে, কিন্তু তাঁদের নাটক এল কোথায়? ইবসেন কিছু-কিছু এল, চেকভ গোকিও এল। কিন্তু এলে হবে কি? সে সমাজচেতনা কোথায়? জাতির সমগ্র চৈতন্য তখন পরবশতা উচ্ছেদের জগ্ন উদ্দেশ্যে দিকে দিকে সে এলোপাখাড়ি আঘাত হেনে চলেছে। তাকে র্যাশনালাইজ করবার চেষ্টা করলেন রবীন্দ্রনাথ প্রবন্ধ লিখে, উপন্যাস লিখে, নাটক লিখে। তাঁর প্রবন্ধ-উপন্যাস ধারা পড়তেন, মূল্য দিতে স্বীকৃত হতেন, তাঁর নাটক কিন্তু তাঁরা পড়তেন না, পড়লেও নাটকীয়তা স্বীকার করতেন না। এখনো করেন না, ফরমুলায় পড়ে না বলে। কিন্তু রবীন্দ্রনাথ নাটককে সর্বতোভাবে স্বদেশী করতে চেয়েছিলেন। তিনি গানে নাটক লিখেছেন, নৃত্যে নাটক পরিবেশন করেছেন, ভাষা দিয়েও বহু নাটক গঠন করেছেন। কিন্তু তখনকার চালু নাটক থেকে তা এমনই স্বতন্ত্র যে, নাটক বলে তা স্বীকৃতিই পেল না। অবস্থা বুঝে তিনি নিজে মল গড়ে তাঁর নাটক অভিনয় করতে লাগলেন। সে অভিনয় বিদগ্ধদেরকে আনন্দ দিল, কিন্তু নাট্যজ্ঞান দিল না। বিলিতি ফরমুলায় কেলে তার বিচার চলে না যে! ধারা বড় বেশি মনের প্রসারতার গরব করেন, তাঁরা বলা শুরু করলেন ও নাটক সিমবলিক, অর্থাৎ বাস্তব নয়। জীবনে যতটুকু দেখা যায়, তাই কেবল বাস্তব, না-দেখা যতটা থাকে সব অবাস্তব, এমন কথা ভারতবর্ষের কথা নয়। ভারতীয় প্রবুদ্ধ মন মুহূর্তে মাটি থেকে আকাশে, ভূগণ্ড থেকে তত্ত্বশীর্ষে, পরিক্রমা করে করে; ভুলোক ছুলোক ভার কাছে ব্যবধানবিহীন। বাস্তব না হলেও তা তার পরম আর্জয়, ভার পরিণতির পথের পরম সম্পদ। বিদেশীরা যে নিষ্ঠা নিয়ে রবীন্দ্রনাথের নানা নাটকের রূপ দিল, আমরা যদি তার সিকি নিষ্ঠা নিয়েও তাঁর

নাটকগুলিকে রূপ দেবার চেষ্টা করতাম, তাহলে আমাদের নাটক একটা বিশিষ্ট রূপ পেত, যা অপরাপর জাতির নাটক থেকে স্বতন্ত্র। কিন্তু দেব কি করে? জাতি হিসেবে সত্যি সত্যিই আমরা আজও আমাদের স্বাতন্ত্র্যের সন্ধান পাইনি, সন্ধানের প্রবৃত্তি হবার অবসরও পাইনি।

৫

দ্বিজেন্দ্রলাল ক্ষীরোদপ্রসাদের পর নাট্যশালা যে-সব নাটক উপহার দিয়েছে তাতে নানা একসপেরিমেন্টের পরিচয় পাওয়া যায়। নাটক সংক্ষিপ্ত হয়েছে, সংলাপ ভীক্কতর ও অধিকতর পূর্বাপর সংগতি-সংরক্ষক (কনসিকোয়েন্সাল) হয়েছে, গতিসম্পন্ন হয়েছে। ঘূর্ণায়মান মঞ্চ চালু হবার ফলে মঞ্চ শাজ্জাবার জগ্ৰ অপরিহার্য অতিরিক্ত দৃশ্য রচনার প্রয়োজনীয়তা থেকে নাট্যকার মুক্তি পেয়েছেন। মঞ্চে নানা ফর্মের নাটক অভিনীত হয়েছে, নাটক আলো-ছায়ার সহায়তা নেবার চেষ্টা করেছে, বিষয়-বস্তুর দিক দিয়েও জাতির প্রয়োজনকে অধিকতর লক্ষ্যের বিষয় করে নিয়েছে। সমাজ, নারী, রাষ্ট্র, সামাজিক ও রাষ্ট্রিক স্বাধীনতা নাটকের বিষয়-বস্তুরূপে গ্রহণ করা হয়েছে। ততদিনে বিদেশী নাটকের সঙ্গে পরিচয় ঘনিষ্ঠতর হয়েছে। তাদের কিছু-কিছু প্রভাব এ-দেশের নাটকেও এসে পড়েছে। কিন্তু যে প্রতিভা বিদেশের ওই সব নাটক সৃষ্টি করেছে, সে প্রতিভার আবির্ভাব এ-দেশে হয়নি। তার আর করা যায় কি? প্রতিভা তো চাবুক মেরে তৈরি করা যায় না। বিলেত ইবসেনকে নিয়ে খুব হৈ-চৈ করল। ইবসেনের প্রভাবে বিলেতে পিনেরোর আবির্ভাব হল, বার্গার্ড শর আবির্ভাব হল। কিন্তু পিনেরো বা শ' ইবসেন হলেন না। ফাউন্টের একই গল্প নিয়ে নাটক লিখলেন মারলো আর গ্যাটে, কিন্তু নাটক পেল ছুটো স্বতন্ত্র রূপ। ফরাসী নাটকের আদর্শ নিয়ে ইংলেও অত নাটক রচিত হল, কিন্তু মল্লয়ার রেনিন কর্নেলি ইংলেওর মাটিতে একটিও গজালেন না—ক্রান্তেও কিরে-কিরতি নয়। সেকসপীরায়ের দেশেই কি আবার

সেক্সপীয়ারেও আবির্ভাব হল? সেক্সপীয়ারোত্তর শ্রেষ্ঠ ইংরেজি ভাষার নাট্যকার শ'-এর রচনার মাঝে সেক্সপীয়ারের কতটুকু আছে? অস্কার-ওয়াইল্ড আর-একজন দিকপাল নাট্যকার। কিন্তু তার ভাষা বাদ দিলে নাটকের বস্তু থাকে কতটুকু? তাঁর ডাচেস অব পাহুয়া বাঙলায় তর্জমা হয়ে মঞ্চে অভিনীত হয়েছে ইরানের রানী রূপে। নাটক হিসেবে সে রচনা মর্যাদা পায়নি। গলসওয়ার্দি নোবেল প্রাইজ পেয়েছিলেন। তাঁর নাটক এদেশের বিশ্ববিদ্যালয়ে পাঠ্য। কিন্তু এ-দেশের নোবেল-লরিয়েট রবীন্দ্রনাথের নাটক এদেশে উপেক্ষিত হয়েছে, ইংরেজি নাটকের সঙ্গে মিল নেই বলে। শকুন্তলার সঙ্গে গ্যেটের নাটকের কোথাও মিল নেই, কিন্তু গ্যেটে শকুন্তলা পড়ে মুগ্ধ হয়ে তার ওপর একটা কবিতাই লিখে ফেললেন। রবীন্দ্রনাথের যে নাটকগুলি বিদেশীরা তর্জমা করে অভিনয় করল, তাঁর দেশের লোক সেগুলি অভিনয় করবার যোগ্যতা অর্জন করবার চেষ্টাও করল না। ইবসেন বাংলায় অনূদিত হয়েছে, কিন্তু নাট্যশালায় স্থান পায়নি। না পাবার এ কারণ নয় যে আমরা ব্যক্তিস্বাতন্ত্র্যের বিরোধী, পুরুষপরম্পরা প্রবৃত্তির প্রকোপে অবিখ্যাসী, কারণ এই যে ইবসেনের নাটকীয়তা আমাদেরকে চমৎকৃত করেনি। গোর্কির চেয়ে চেকভ আমাদের দেশে আগে আসা উচিত ছিল, কিন্তু দুজনার কাউকেই আমাদের নাট্যশালায় স্থান দেওয়া সম্ভব হয়নি। সমালোচকরা বলেন অমুক নাটকের মতো নাটক কোথায়? কিন্তু যদি শ'র ব্যাক টু ম্যাথুসেলা অথবা জনবুল্‌স আদার আইল্যাণ্ড, অথবা ম্যান ম্যান হুপারম্যান, কি ক্যাণ্ডিডাই মঞ্চস্থ করা যায়, তাহলে না দেখবেন তাঁরা, না দেখবেন নিত্যকারের দর্শকরা। আমি বিয়নসনের নিউলি ম্যারেড কাপ্ল ভর্জমা করে মঞ্চস্থ করেছিলাম তার সঙ্গে আরো দুটো দৃশ্য জুড়ে দিয়ে। তা করবার দরকার ছিল না। কিন্তু চলবে না মনে করেই ও-কাজ করতে হয়েছিল। অবশ্য খুবই চলেছিল। মোপাসাঁর পন্ন ইউসলেস বিউটি নাটকে রুশারিত্ত করেছিলাম। প্রথমবার চলেছিল হুর্গাদাসের অল্পম অভিনয়ের

জন্ম। তাঁর অবর্তমানে আর একবার পুনরভিনয়ের ব্যবস্থা করেছিলাম, চলেনি। ইউজিন ও-নীলের স্ট্রঞ্জ ইণ্টারলিউড যদি তর্জমা করা যায়, নিশ্চিতই চলবে না; মোনিং বিকামস ইলেক্ট্রাও না, আণ্ডার দি এমসও না। সেকসপীয়ারের ম্যাকবেথ চলেনি, যদিচ গিরিশের অনুবাদের সুখ্যাতি সবাই করেছিলেন। দেবেন বহু ওথেলোর ভালো অনুবাদই করেছিলেন, কিন্তু নিফল। অথচ হ্যামলেটের অমরেন্দ্র দত্ত-প্রদত্ত রূপ হরিরাজ চলছিল। সাইন-অব-দি-ক্রসও দর্শক আকর্ষণ করেছিল। সব দেশেই বিদেশী নাটক মঞ্চস্থ হয়। কি রকম চলে বা চলে না, তার সঠিক খবর আমার জানা নেই। কিন্তু কিছুদিন যে চলে তা শুনতে পাই। আমাদের দেশে ওর দৃষ্টান্ত বিরল। আমরা বলবার সময় যে দাবী জানাই, দেখবার সময় তা দেখতে চাইনা। রবীন্দ্রনাথের নাটক দেখে বলি ও কি চলে। বার্ণার্ড শ' প্রভাবান্বিত নাটক দেখে বলি ও বিদেশী চাল এ-দেশে চলবে না, শকুন্তলার সার্থক অনুবাদকেও সেকলে বলে উড়িয়ে দিই। লোয়ার ডেপাথস অনুদিত হয়ে পড়েই থাকে, মঞ্চে স্থান পায়না। নাট্যকাররা কিন্তু নানা পরখ করেই যান। বাইরের লোকেরা জানেন না যে নাট্যকাররা আর অভিনেত্রীরা নাট্যশালায় কেউ নন। নাট্যশালা তাঁদের মত দ্বারা পরিচালিত হয় না। যতদিন তাঁরা পয়সা এনে দিতে পারেন, ততদিন তাঁরা কিছুটা আদর পান, কিন্তু পয়সা এনে দিতে না পারলে অর্ধচন্দ্র লাভ করেন। তাঁদের সহায়তা করবার জন্ম এ-দেশে সেঞ্চুরী থিয়েটার কি ইণ্ডিপেন্ডেন্ট থিয়েটারও হয় না, কি চ্যারিংটন, গ্রেইন, উইলিয়াম আর্চারের মতো কর্ণধাররাও এগিয়ে আসেন না। আগে কিছু কিছু সত্যিকারের নাট্যাঙ্গুরাগী এগিয়ে আসতেন, এখন আসেন না। নাটক ছাড়া আর সব লেখাই একক রূপ দেওয়া যায়, কিন্তু নাটককে একক রূপ দেওয়া যায় না, লেখা যদিচ যায়। কিন্তু লিখিত রূপটাই নাটকের সবটা নয় বলেই থিয়েটারও চাই, রূপ ফুটিয়ে তোলবার মতো অভিনেতা-অভিনেত্রীও চাই,

আবার ব্যবসায় বুদ্ধিসম্পন্ন সাধু ম্যানেজারও চাই। আরো অনেক কিছু চাই। এ সমাবেশ সর্বত্র সব সময়ে ঘটে না, আমাদের দেশে কদাচ ঘটে। নাটক বিচার করতে বসলে এ-সব কথা মনে রাখা দরকার। এই সব কথা মনে করে যদি আমাদের মাত্র আশী বছরের নাট্যপ্রয়াস বিচার করা যায়, তাহলে হাজারো ফ্রটি-বিচ্যুতি ধরা পড়লেও এটা জানা যাবে যে নাটক অগ্রগামী হয়েছে এবং দর্শকদেরকেও এগিয়ে নিয়েছে। পরবশতার দিনে দ্বিজেন্দ্রলাল ক্রীরোদ প্রমাদের পর সব নাটককে এগিয়ে ধারা দিয়েছেন তাঁদের মাঝে মনুখ রায়, রবীন্দ্র মৈত্র, যোগেশ চৌধুরী, শরৎ ঘোষ, তারশঙ্কর, প্রমথ বিশী, প্রবোধ মজুমদার, বিধায়ক ভট্টাচার্য, নিতাই ভট্টাচার্য প্রভৃতি নিশ্চিতই স্বীকৃতি পাবার অধিকারী। ফ্রটির কথা কিন্তু তুলছি না।

৬

স্বাধীনতার সঙ্গে সঙ্গে আমি যে নাটকখানি লিখি তা হচ্ছে 'এই স্বাধীনতা।' এই স্বাধীনতাকে আমি মিথ্যা প্রতিপন্ন করতে চাইনি, শুধু দেখিয়েছি পরবশতার দিনে যে জঞ্জাল জড়ো হয়েছিল, স্বাধীনতা তা উড়িয়ে দিতে পারেনি। বাস্তবতার দাবি-দাওয়া, হিন্দু-মুসলমানের দাবি দাওয়া, নানা পরস্পরবিরোধী রাজনীতিক দলাদলির দাবি-দাওয়া, ছোট-খাট স্বার্থ নিয়ে সংঘাত মানুষকে এখনো এমন আত্মহারা দিশাহারা করে রেখেছে যে স্বাধীনতাকে স্বীকার করে নিতেও মন দ্বিধাগ্রস্ত হয়। কিন্তু স্বাধীনতা যেমন সত্য তেমন সত্য এই স্বাধীন জাতির মানুষ। এই মানুষ পরবশতাকে মেনে নেয়নি, স্বাধীনতার সঙ্গে সঙ্গে অনিবার্য দুর্গতি এসেছে, তাও মেনে নেবে না, সভ্যতার সংকটে রবীন্দ্রনাথ মানুষের ওপর যে বিশ্বাস ব্যক্ত করে গিয়েছিলেন তাই দিয়ে আমি নাটক শেষ করি। দ্বিতীয় নাটক 'কালো-টাকা' কালোবাজারের এক কারবারী আর তার স্বদেশ-সেবিকা স্ত্রীর দ্বন্দ্ব এই নাটকের বিষয়বস্তু। স্ত্রী চায় স্বামীকে কলঙ্ক-মুক্ত করতে আর স্বামী

চায় স্ত্রীকে মিথ্যায় ভুলিয়ে রেখে নানা অসহুপায়ে অর্থ সঞ্চয় করতে। স্বামীকে শেষে দণ্ড নিতে হয় এবং স্ত্রী সেই দণ্ডকে কল্যাণকর বলেই গ্রহণ করে এই আশা নিয়ে যে অসহুপায়ে অজিত সঞ্চয় যখন স্বামীর আর থাকবে না, তখন স্বামীর রূপান্তর ঘটবে এবং তখনই স্বামীর ঘর করতে তার আর কুষ্ঠা থাকবে না। তৃতীয় নাটক যা লিখি, তা হচ্ছে ‘অস্তরাগ’। সেও বাস্তুহারাদের নিয়ে রচিত নাটক। ঢাকার একজন শ্রেষ্ঠ উকিল, তার গ্রাঙ্জুয়েট মেয়ে এবং মেয়ের সহপাঠী কয়েকটি তরুণ-তরুণী কলকাতায় যে দুর্দশায় পড়েছে, তাই দিয়ে শুরু করে বর্তমানের নিম্ন-মধ্যবিত্ত শ্রেণী জেনে এবং না-জেনে যে বিপদের সম্মুখীন হয়েছে এবং ইতিহাস তাদের কাছে যে দাবী নিয়ে উপস্থিত হয়েছে নাটকে তাই ফুটিয়ে তোলবার চেষ্টা করেছি। আমার বক্তব্য হচ্ছে নিম্ন-মধ্যবিত্ত শ্রেণী দেশ-বিভাগের অনেক আগেই পল্লী ত্যাগ করেছিল। সেইটাই হয়েছিল তাদের বড় ভুল। জাতির জীবনের সঙ্গে তারা সংযোগহীন হয়ে পড়ে। দেশ-বিভাগ তারই ঐতিহাসিক প্রতিক্রিয়া। বাস্তুহারার সৃষ্টি ঐতিহাসিক তাগিদ, অস্বাভাবিক শ্রেণীভেদ বিলুপ্তির দাবী। নিম্ন-মধ্যবিত্তদের এক জেনারেশনের সাধনার ফলে স্বাধীনতা এসেছে। স্বাধীনতা এসেছে কিন্তু স্বস্তি আসেনি। ইতিহাসের দাবী পূর্ণ হয়নি। তাই নিম্ন-মধ্যবিত্তদেরকে শ্রেণী-বিভেদ ঘুচিয়ে দিয়ে মিলতে হবে কৃষক-শ্রমিকদের সঙ্গে। প্রচারকের ভূমিকা নিয়ে নয়, একেবারে রক্তের সঞ্চয় স্থাপন করতে হবে, যাতে করে পরবর্তী জেনারেশন যাক্ষম হতে পারে। এই উপলক্ষি আসে আমার তরুণ-নায়কের চিন্তে। সে চলে যেতে চায় পল্লীতে। কিন্তু ‘উকিলের মেয়ে’ নাটকের নায়িকা তাতে রাজী হয় না, নায়কের বন্ধুরাও না। নায়ক একাই পথে পা বাড়ায়, পরগাছার মতো হয়ে নিম্ন-মধ্যবিত্তরা আর বেঁচে থাকতে পারবে না এই বিশ্বাস নিয়ে। প্রথম দুখানা নাটক অভিনীত হয়েছে, কিন্তু আশাহুকুপ চলেনি। তৃতীয় নাটকখানি অভিনীত হয়নি।

তুলসী লাহিড়ীর ‘দুঃখীর ইমান’ বিষয়বস্তুর দিক দিয়েই কেবল নাট্যশালায় নাটকে নতনত্ব আনেনি, ভাষায় ও গঠনেও নাটকখানি নতন। আরো বড় কথা এই যে, নাটকখানি জনপ্রিয়ও হয়, খুব নামকরা অভিনেতৃ সমাবেশ ব্যতীত। কিন্তু এই সাফল্য সত্ত্বেও তুলসী লাহিড়ীর পরবর্তী নাটক ‘পথিক’ নাট্যশালায় অভিনীত হয় না। পথিক অভিনয় করেন বহুরূপী। কংগ্রেসের আদর্শ, সশস্ত্র বিপ্লবের বিরুদ্ধ রূপ এবং নিরস্ত্র সমাজ বিপ্লব বিশ্লেষণ করবার অভিপ্রায়ে এই নাটকখানি রচিত হয়। একটি দৃশ্বে সমগ্র নাটকখানি অভিনীত হয়। জনপ্রিয়ও হয় নাটকখানি। তুলসী লাহিড়ীর তৃতীয় নাটকও বহুরূপী সম্প্রদায় অভিনয় করেন,—ছেঁড়া তার। ছেঁড়া তার সর্বপ্রকারেই নতুন নাটক। বহু পার্থক্য থাকা সত্ত্বেও দীনবন্ধুর নীলদর্পণকে স্মৃতিতে এনে দেয়। রংপুরের পল্লী-চিত্র যেমন বর্ণাঢ্য হয়ে ওঠে, তেমনি বাংলার কৃষক-কুলের বাস্তব চিত্র। তাদের আবেগ, তাদের আশা-নিরাশা, তাদের সংসারকে সাজিয়ে তোলবার আকাজক্ষা, ষড়যন্ত্রের ফলে তাদের সাজানো বাগান শুকিয়ে যাওয়া, তুলসী লাহিড়ী শিল্পীর নৈপুণ্য নিয়ে, শিল্পীর সংঘম নিয়ে যেমন ফুটিয়ে তুলেছেন, তেমন রূপ দিয়েছেন তাদের লোক-নৃত্যের সাহায্যে, লোক-সংগীতের সাহায্যে, তাদের জীবনের ছোট-খাট রোমান্সের সাহায্যে বাংলার চাষীদের মনের রঙকে। ওরই সাথে তিনি দেখিয়েছেন ওই সরুল, উচ্ছল, অসন্দিগ্ধ নর-নারীর জীবনের স্বপ্ন সম্বলটুকুও হরণ করবার জ্ঞান লুক্ক শোষণকরা, ক্ষুদ্র স্বার্থাশেষীর বৃহত্তর শোষণের স্বল্প-স্বরূপ হয়ে কেমন করে জাতির শতকরা নিরনব্বই জনের জীবন-রস শুষে নিচ্ছে। স্তারও চেয়ে বড় কথা এরা প্রতিকারের জ্ঞান দলবদ্ধ হচ্ছে। হিন্দু নিজেকে কেবল হিন্দু মনে করছে না, মুসলমান নিজেকে কেবল মুসলমান মনে করছে না। তাদের সকলেরই উপলব্ধিতে এসেছে তাদের জীবন মরণ একসূত্রে গ্রথিত। পরবশতার দিনে এ ধরনের নাটক একখানিও মঞ্চস্থ হয়নি। তুলসী লাহিড়ীর আরো নাটক রচিত আছে, অভিনয়ের স্থান নেই।

বহুপীর পরিচালক শঙ্কু মিত্র একখানি নাটক লিখেছেন। তার নাম উলুখাগড়া! আজকার যে ছেলেমেয়েরা কাজ করতে প্রস্তুত থেকেও ক্ষেত্র প্রস্তুত করে নিতে পারল না, দেশার্চনার ফুল হয়ে ফুটে উঠতে পারল না, উলুখাগড়ার মতোই যারা উপেক্ষিত রইল—তাদের কথা, আজকার সংসারকে দেখবার তাদের দৃষ্টিকোণের কিছুটা হৃদিস এই নাটকে পাওয়া যায়। তাদের বাপ অনেক বড় বড় বুলি চালিয়ে তার অনেক হীন কাজ টাকা দিতে চায় সন্তানদের দৃষ্টি থেকেও, কিন্তু পদে পদে ধরা পড়ে যায় তাদের কাছে! সন্তানরা বাপকে শ্রদ্ধা করতে পারে না, ভালোবাসতে পারে না, কিন্তু নির্মমও হতে পারে না। তাদের মা, খুব ভালো মা, গোড়া থেকেই স্বামীর কাছে ঠকে ঠকে স্বামীর ওপর আস্থা হারিয়েছে। স্বামীর প্রবঞ্চনা, স্বামীর অবহেলা তার দেহে মনে এনে দিয়েছে নিউরোসিস। সেই জন্য বাৎসল্যে ভরপুর হয়েও মা তা প্রকাশ করতে পারে না। তা পারে না বলেই সন্তানদের অলুকস্পার পাত্রী হয়ে থাকে। বোঝেও তা। বুঝে ব্যথাও পায়। কিন্তু অস্তরের রুদ্ধ দ্বার সন্তানদের সামনে খুলে ধরতে পারে না ওই মা। সন্তানরা তাও বোঝে। বুঝেও, মাকে ভালোবেসেও, তারা তৃপ্তি পায় না। বাপের দিকে চেয়ে, মায়ের দিকে চেয়ে, সংসারের দিকে চেয়ে তারা স্থির করতে পারে না এই পরিবেশে তাদের স্থান কোথায়। তারা মনে করে তাদের বাপমায়ের গড়ে তোলা এই সংসারের ভিত প্রবঞ্চনার ওপর গড়া, লোভের ওপর গড়া, প্রভুত্ব-প্রয়াসী ভর্তার ব্যক্তিস্বার্থের ওপর গড়া। মায়া এখানে জ্বাল বুনতে পারে না, স্নেহ এখানে শুকিয়ে যায়, মাহুকের সংসার এ নয়, এ নিছক দিন কাটাবার মতো আহারের ও বিহারের আন্তানা, এবং তাও পেতে হয় নানা বিষয়ে নতি স্বীকার করে। সংসারের ওপর, সমাজের ওপর, মাহুকের ওপর তাদের বিশ্বাস থাকে না। নিজেদের অস্তিত্বকেই দারুণ পরিহাস বলে মনে করে তারা। তারা

ভাবে তারা কারো বংশধর নয়, কোনো সৃষ্টিধর নয় তারা, তারা শুইকোড, তারা উলুখাগড়া। নাটকের বিষয়বস্তু এই। শঙ্কু মিত্র এই একখানি নাটকই এ পর্যন্ত লিখেছেন। বহুরূপী এর অনবদ্য অভিনয় করেছেন। কিন্তু নাটকখানি শঙ্কু মিত্র ছাপতে পারেননি। সাধারণ নাট্যাশালায় অভিনীত হয়নি বলে প্রকাশকরা ওর পেছনে অর্থব্যয় করতে সম্মত নন। আমি কয়েকজনকে অহুরোধ করেও রাজী করাতে পারিনি।

সলিল সেন নামক একটি তরুণ নাটক লেখা শুরু করেছেন। তাঁর প্রথম নাটক 'নতুন ইহুদী' সাধারণ নাট্যাশালায় স্থান না পেলেও প্রোগ্রেসিভ শিল্পীদের দ্বারা অভিনীত হয়ে খুবই জনপ্রিয় হয়েছে। নাটকখানি সিনেমার পর্দাতেও প্রতিফলিত হয়েছে। বাস্তবহারােদের মর্মস্বদ কাহিনী এই নাটকের বিষয়-বস্তু। অনাহার, আচ্ছাদনের অভাব, চরিত্রনাশ, মর্ষাদা নাশ, আত্ম-বিনাশ, মৃত্যু, সবই এতে দেখানো হয়েছে। ছিন্নমূল একটি পরিবার নামতে নামতে একেবারে পাতালের চিরাঙ্ককারে চোখের সামনে ডুবে যাচ্ছে। কিন্তু নাট্যকার এই বিলুপ্তির চরম মুহূর্তে পরিত্রাণের একটা পথেরও নির্দেশ দিয়েছেন। নির্দেশ নাট্যকারই দিয়েছেন, নাটক দেয়নি। সে নির্দেশ নিয়ে নানা প্রশ্ন উঠতে পারে। কিন্তু আজকার দুর্ধোগ অতিক্রম করবার প্রয়াসের প্রয়োজনীয়তার ইঙ্গিত এই নাটক বহন করছে বলেও এর মূল্য দিতে হয়। সাধারণ নাট্যাশালা এ নাটকখানিকেও মঞ্চস্থ করবার আগ্রহ দেখাননি।

জিতেন্দ্র বন্দ্যোপাধ্যায় আর একজন নতুন নাট্যকার। তাঁর 'পরিচয়' নামক নাটক নাট্যাচার্ণ শিশিরকুমার মঞ্চস্থ করেন। সমাজে আত্ম নারীকে কত রকমে ছোট করে রাখা হচ্ছে, অপহাস্য করে রাখা হচ্ছে, আজও পুরুষের কত পাপ নারীকে নীরবে বহন করতে হচ্ছে, হজম করতে হচ্ছে পরিচয় নাটকে তার নানা চিত্র ফুটিয়ে তোলা হয়েছে। হিন্দু-ইহুদ্যানির আর মুসলমানের ঐগ্নামিক আভিজাত্যের চাপে মানুষ কেমন

করে বিকৃত হয়ে সমাজকে শিথিল করে দিয়ে মাছুষের পায়ের তলা থেকে দাঁড়াবার মাটি সরিয়ে নিচ্ছে, তাও এই নাটকে বোঝাবার চেষ্টা করা হয়েছে। সমাজের এরকম চিত্র পরবশত আর আমলের কোনো নাটকে দেখেছি বলে মনে হয় না। সকলের দৃষ্টিতে এ চিত্র ধরা পড়ে না। শিলাইদহ কাছারীতে পুণ্যাহের এক উৎসবে হল-ঘরের মেঝেয় কার্পেট খানিকটা গুটিয়ে রাখা হয়েছিল মুসলমান প্রজাদের বসবার জায়গা করে দেবার জ্ঞ। রবীন্দ্রনাথ তাই দেখে বেদনাহত হয়ে প্রলম্ব করেছিলেন ওই কার্পেট গুটিয়ে রাখার পরিণতি কোথায়? পরিণতি কিন্তু দেশ বিভাগেও চরম রূপ পায়নি। মনে হয় আরো তোলা আছে। পরিচয়ের নাট্যকার ওই পরিণামের কথা মনে করিয়ে দিতে চেয়েছেন কিনা ঠিক করে বলতে পারি না। কিন্তু নাটক দেখতে বসে ও-কথাটাও আমার মনকে আর একবার নাড়া দিয়েছিল।

স্বাধীনতার পরের আলোচ্য এই পাঁচবছরের সাধারণ নাট্যশালায় চারখানি মাত্র নতুন নাটক মঞ্চস্থ হয়। সে চারখানি 'দুঃখীর ইমান', 'কালো টাকা', 'পরিচয়' আর 'এই স্বাধীনতা'। এক দুঃখীর ইমান ছাড়া আর কোন নাটক খিয়েটার চালু রাখবার মতো পয়সা দেয় না। নাট্যশালা তাই ক্বিনেশন অভিনয় আর উপস্থাসের নাট্যরূপ প্রতিকলনে মন দেয়। নতুন লেখকরা নাটক লিখছেন। কিন্তু এতদিন যে ধরনের নাটক এদেশে চলে এসেছে সে ধরনের নাটক কেউ লিখছেন না। নাট্যশালা যে-রকম চায়, নতুন লেখকরা যদি সে-রকম নাটক না লেখেন আর নাট্যশালা যদি নতুন লেখকরা যে-নাটক লেখেন তা মঞ্চস্থ করতে ভরসা না পান, তাহলে নাট্যশালা নাটক পাবে না, উপস্থাসের নাট্যরূপই তাদের ক্রমাগত পরিবেশন করতে হবে। এ রকম অবস্থা সকল দেশেই সময়ে সময়ে হয়েছে। নতুন লেখকদের সমাজ-চেতনা আর জীবন-দর্শন নাট্যশালায় মালিক ও দর্শকদের চেতনা আর দর্শনের

সঙ্গে এক হয়ে উঠতে পারছে না বলেই এই বিপর্ষয় ঘটেছে। আমেরিকায়ও এই বিপর্ষয় ঘটেছে। তাই ও-সব দেশে গ্রুপ-থিয়েটারের সংখ্যা এত বৃদ্ধি পাচ্ছে। পিপল্‌স রিপাবলিকগুলিতে এ বিপর্ষয় নেই। কেননা তাদের রাষ্ট্র স্থির করে নিয়েছে নাটককে কি রূপ দেওয়া হবে। স্বাধীন ভারতে এখনো তা ঠিক করা হয়নি, অদূর ভবিষ্যতে তা করতে হবে। নইলে নাট্যশালা থাকবে না। আমি আশা করি ভারত গবর্নমেন্ট প্রতিষ্ঠিত সংগীত নাটক আকাদেমী এ দিকে দৃষ্টি দেবেন—যেমন আশা করি আপনারাও সহযোগিতায় অগ্রসর হবেন। সাহিত্যসমাবেশে নাট্যকারদের স্থান হয় না। বিশ্বভারতীর সীমানার মধ্যে সাহিত্যমেলা মিলিয়ে আপনারা যদি নাটককে পরিহার করতেন তাহলে গুরুদেবের একটা বড় প্রয়াসকে অস্বীকার করবার অকৃতজ্ঞতায় অপরাধী হতেন। আমার বিশ্বাস বিশ্বের নাট্যসমালোচকরা নাটক সম্বন্ধে যাই বলুন, বাংলার নাটক রবীন্দ্র-নাট্যদর্শকে অবলম্বন করেই পরিণতির পথে এগিয়ে যাবে। একই বৈঠকে কাব্য আর নাটককে আলোচনার বিষয় করে আপনারা আমাকে বোঝবার অবসর দিয়েছেন যে আমার মতো আপনারাও মনে মনে মনে নিয়েছেন যে নাটক কাব্যকে বর্জন করে চলতে পারে না, নাটক জাগ্রত জাতির জীবন-কাব্য।

ভাষণ : কাব্য ও নাটক


প্রবোধচন্দ্র সেন

কাব্যের আলোচনাপ্রসঙ্গে আজকের সভায় বেশ বিতর্কের অবতারণা হয়েছে। আমার মনে হয় এটা খুবই স্বাভাবিক। কারণ আজকালকার লেখায় পরীক্ষারই প্রাধান্য; এ বিতর্কও তাই অবশ্যস্বাভাবী। বক্তাদের মধ্যে অনেকেই নামকরা লিখিয়ে। এঁরা বিশেষ ভাবে সক্রিয় ও সজীব। এঁদের সাধনা সর্বজনস্বীকৃত। সুতরাং এঁদের বক্তব্য শ্রদ্ধার সঙ্গে বিচার করে দেখা কর্তব্য। বক্তাদের সকলের সঙ্গে একমত হয়েছি এমন নয়। তবে এঁদের মতামত শুনে নিঃসন্দেহে উপকৃত হয়েছি। একটীমাত্র কথা আমি বলব। যুগের প্রয়োজনে কাব্যের সৃষ্টি, এ বিষয়ে সন্দেহ নেই। তবে কাব্যও যে যুগকে নিয়ন্ত্রিত করবে, আজকের দিশাহারা অবস্থা থেকে মানুষকে উদ্ধার করবে, এ আশাও অস্বাভাবিক নয়।

নাটক জিনিসটা জাতীয় চরিত্রের উপর নির্ভরশীল। কাব্যে প্রতিকলিত হয় জাতির ভাব। সেই কারণেই কাব্যে জাতির ভাবের নিয়ন্ত্রণ,—নাটকে চরিত্রের। ইংরেজি নাটক যে এত শক্তিশালী, সেটা ইংরেজ-চরিত্রেরই গুণে। প্রাচীনকালে আমাদের দেশে নাটকের অভাব ছিল না। যথা যুগে নাটকের চর্চা হঠাৎ কমে যায়, তার কারণ জাতি হিসেবে আমরা তখন চরিত্রহীন হয়ে পড়ি। ঊনবিংশ শতাব্দীতে নাট্যপ্রচেষ্টা আবার দেখা দিল। কিন্তু আজও তা কাব্য ও কথাসাহিত্যের মতো সার্থক হয়ে

উঠতে পারে নি। এতে হতাশ হবার কোনো কারণ নেই। জীবনের বেগ চারিদিকে সঞ্চারিত হবার লক্ষণ দেখা দিয়েছে। এই জীবনের বেগ যখন পূর্ণরূপে আবির্ভূত হবে নাটক তখনই সার্থক হবে। আমাদের চেষ্টা করতে হবে, সাহিত্য ঘাতে সংকীর্ণ কোনো গণ্ডির মধ্যে আবদ্ধ না থেকে আলোর মতো সব দিকে ছড়িয়ে পড়ে। শতকরা নিরানব্বই জন লোক যেখানে সাহিত্যের আশ্বাদন থেকে বঞ্চিত, সেখানে সর্বপ্রথম প্রয়োজন সাহিত্যকে জাতীয় জীবনের সর্বস্তরে সঞ্চারিত করা। সে সাধনার প্রয়াসও আজ সুস্পষ্ট রূপে দেখা দিয়েছে। শুভলক্ষণ দেখা যাচ্ছে বলেই তো মনে হয়। সুতরাং বাংলা নাট্যসাহিত্যের ভবিষ্যৎ সম্বন্ধেও কোনো প্রকার নৈরাশ্র পোষণ করা অসংগত হবে ॥

কথামাহিত্য



সূত্রপাত : কথাসাহিত্য

হীরেন্দ্রনাথ দত্ত

সাহিত্যমেলায় আস্থান বস্তুত: রবীন্দ্রনাথেরই আস্থান। সাহিত্যে তাঁর বিরাট উত্তরাধিকার ধারা লাভ করেছেন তাঁরই আজ এখানে উপস্থিত। তাঁদের কাছেই গুনব, এ উত্তরাধিকারের মর্যাদা কতখানি রক্ষিত হয়েছে গত পাঁচ বছরে। এই ক বছরে আমরা সাহিত্যক্ষেত্রে কী পেয়েছি তা শুধু অপরের জন্তে নয়, তাঁদের নিজেদের জন্তেই জানা ও বিচার করা প্রয়োজন। জানা প্রয়োজন, আমরা রবীন্দ্রনাথের যোগ্য উত্তরাধিকারী হতে পেরেছি কি না।

স্বাধীনতাপ্রাপ্তি ও দেশবিভাগ উভয় বাংলার জীবনেই একটি যুগান্তকারী ঘটনা। এ ঐতিহাসিক ঘটনার ছায়া আমাদের জীবনে যেমন পড়েছে গভীরভাবে, তেমনি পড়েছে সাহিত্যেও।

কথাসাহিত্যের ক্ষেত্রে নানা দিক দিয়ে উন্নতি ঘটেছে। বিশেষ করে ছোট গল্পে। বাংলা ছোট গল্প আজ বিশ্বয় ও গর্বের বস্তু। উপজ্ঞানের দিকে অবশ্য অল্পরূপ উৎকর্ষ ঐ-পরিমাণে চোখে পড়েনি। যে অবস্থায় মহাভারত রচিত হয়েছিল সে-রকম অবস্থা আজ আবার দেখা দিয়েছে। আর্থিক দুঃখদৈন্ত, রাষ্ট্রিক ঝড়ঝাপটা—সবদিক দিয়েই স্তমনি একটা পরিস্থিতির উদ্ভব হয়েছে এ কালেও। একটা বিরাট পরিবর্তনের সূচনা অল্পভব করছি সকলেই। এ-অল্পভূতি থেকে আবার হয়তো মহাভারত লেখা হবে—

এ যুগের মহাভারত। সমকালীন কথাসাহিত্যিকদের কাছে, ঔপন্যাসিকের কাছে এটা আমাদের প্রত্যাশা।

পাঁচ বছরের গল্প-উপন্যাস : বিশ্বব্রহ্ম প্রতিভা বসু

আমার মনে হয় যেটা বর্তমান সেটাকে নিয়ে কিছু লেখা বা বলা সব গঠিত কঠিন কাজ। তা গান ছবি বা সাহিত্যে যাই হোক না কেন। তার বসংখ্য অস্ববিধের মধ্যে প্রধান এবং প্রথম অস্ববিধেটা হল এই যে সেখানে তখনো কালের প্রলেপ না পড়ার দরুন তার কোন মাপকাঠিই তৈরি হয় না, অতএব সেটার কোন স্বেচচার করাও সম্ভব হয় না। দ্বিতীয়তঃ যেটা অতীত সেটার উপর মানুষের একটা স্বাভাবিক মোহ জন্মায়, অতীতকে আমরা উজ্জ্বল করে ভাবতে ভালোবাসি। আর সেই উজ্জ্বলের কাছে, ভালোবাসার কাছে বর্তমান সবদাঁই অকারণে মলিন হয়ে থাকে। যা ছিল তা-ই বড় ভালো, যা আছে তা নিয়ে আমরা তৃপ্ত হতে পারি না। আজকের দিনে যারা ঋষিতুল্য, তাঁদের দিনে তাঁরা কতটুকু স্বীকৃতি পেয়েছিলেন তার খোঁজ নিলে অনেক সময়েই অবাক হতে হয়। অনেক ক্ষেত্রে এ-ও দেখা যায় যে সেই ঋষিদের মূল্য কেবলমাত্র তাঁদের অতীতের গৌরব ছাড়া আর কিছু নয়।

বর্তমানে, অন্ততঃ এই গেল-চার পাঁচ-বছরের মধ্যে গল্প বা উপন্যাস কতটা পুষ্ট হয়েছে, আদৌ হয়েছে কিনা কিম্বা সাহিত্যের-ভাণ্ডারে চিরস্থান হবার দাবী রাখে কিনা একথা বলে দেয়া তাই অত্যন্ত শক্ত। আমরা সাধারণত গল্প উপন্যাসের মধ্যে কী খুঁজি সেটাই তাহলে সর্বাগ্রে দেখে নিতে হয়।

ইদানীং রাজনৈতিক বিরোধিতা, এবং নানামূনির নানামতের ফলে শুধু ভারতবর্ষ নয়, সারা পৃথিবীই ক্ষত বিক্ষত। ছোটো করে তার মধ্যে যদি আমরা বাঙালীরা একমাত্র বাংলাদেশকেই দেখি তা হলে তো গভীর অন্ধকার ছাড়া আর কিছুই দেখতে পাওয়া যায় না। সামাজিক বিশৃঙ্খলার প্রভাব কাটিয়ে তার বিপরীত শ্রোতে চলা শুধু শক্ত নয়, প্রায় অসম্ভব।

এজেন্টেই দেখা যাচ্ছে যে আজকাল অনেক শক্তিমান লেখকই নিজেদের কলমকে প্রায় একটি প্রচার-কার্ণের যন্ত্র হিসেবেই ব্যবহার করছেন বেশী। তাঁরা কেন এ কথা ভাবছেন না যে আজকের সমাজের অহুশাসনে লেখা গল্প বা উপন্যাস কালকের সমাজে অতি তুচ্ছ হয়ে ভেসে যাবে, সে কথা ভেবে আশ্চর্য লাগে। কেননা সাহিত্য কখনো দেশগত কালগত বা দলগত হয়ে বেঁচে থাকতে পারে না। সত্যিকারের নিষ্ঠাবান শিল্পী তাঁর নিজের জগৎ থেকে একচুল নেমে আসেন না, কোনো কারণেই না। তা হলে কলম হয় বল্লম, শালগ্রাম শিলা হয় শিলনোড়া। সেই জন্তেই যে লেখক সমাজের মধ্যেই নিজের চিন্তাধারাকে আবদ্ধ রাখেন তাঁর মৃত্যু ঘটতে দেরি হয় না। সমাজব্যবস্থার পরিবর্তনের সঙ্গে সঙ্গে তাঁর আয়ুও ফুরিয়ে যায়।

প্রকৃতপক্ষে আজকাল হচ্ছেও তাই। সাহিত্যিকরা আমাদের আর গল্প বলছেন না, সংবাদই পরিবেশন করছেন বেশী। সাজাবার কৌশলে খবরকে গল্প বলে যে সব তথ্য তাঁরা শোনাচ্ছেন আমাদের, তা হচ্ছে রক্তারক্তির ইতিহাস। তার মধ্যে দেশ বিভাগ, শ্রমিক আন্দোলন, রক্ত-শোষক প্রভুদের নিষ্ঠুরতা, স্ট্রাইক, সাম্যবাদ, দলীয় কলহ—সব কথাই আছে, নেই শুধু সাহিত্য, সৌন্দর্য। স্ব-স্ব দলের মহিমা কীর্তনেই তাঁরা ব্যস্ত বিব্রত। যে ছুঃখ-বেদনার কাহিনী লিখে তাঁরা ছুশো পাতা ভরিয়ে কেলেন সে ছুঃখ-বেদনা আমাদের মনকে স্পর্শ করে না। কেননা তাতে আকাশ নেই, বাতাস নেই, অর্থাৎ সীমাবদ্ধ একটি ছোট গণ্ডির মধ্যেই

লেখক পরিভ্রমণ করছেন একটি বিশেষ উদ্দেশ্য নিয়ে। উদ্দেশ্য নিয়ে ব্যবসা চলে, প্রচার চলে, কিন্তু সাহিত্য চলে না। মন হচ্ছে মন্দির। মনকে ছুঁতে হলে শুদ্ধ হতে হয়, পবিত্র হতে হয়, নিষ্ঠাবান হতে হয়। তবে তো লেখনীতে দুঃখ-বেদনা আনন্দ প্রেম মালার মতো সংযোজিত হয়ে বেরিয়ে এসে আমাদের ধস্ত করবে, ফুল হয়ে ফুটবে। সাহিত্য দলীয় নয়, এমন কি বাঙালীর বা ভারতেরও নয়, একাল, ওকাল সেকালেরও নয়, সব দেশের, সব কালের, সব মতের সব মানুষের সাধারণ সম্পত্তি। যাকে এক দল দুঃখ বলে ঘোষণা করেন, অগ্নিদল যাকে অগ্নায় বলে চিৎকার করেন, আবার রাজা উজিররা যেটাকে ফাঁসির যোগ্য মনে করেন—তার কোনোটিই হয়তো কোনো-একজন লেখকের মনে কোনো আলোড়ন তোলে না। সেটা তাঁর অপরাধ নয়। বরং তাঁর চরিত্রের প্রমাণ। কেন না যিনি শিল্পী তিনি আজকের দিন পেরিয়ে আরো অনেকদূর পর্যন্ত দেখতে পান, যেটা আমরা অনেক পরে বুঝি সেটা তাঁরা অনেক আগে বোঝেন। প্রত্যক্ষ না বুঝলেও পরোক্ষ, তাঁর অবচেতন মনই তাঁকে সেই শক্তি দেয়। তিনি তো শুধু সাময়িক নন—তিনি এসব কালশ্রোতে ভাসতে পারেন না। যদি না বুঝে, কোনো রকম প্ররোচনায় একজন শিল্পীর অধঃপতন ঘটে, যদি তিনি সেই অল্পায়ু উত্তেজনার গা ভাসান তাতে শুধু যে তিনিই বিনষ্ট হন তা নয়, দেশও দরিদ্র হয়।

তাই বলি, সংবাদের জন্ত তো সাংবাদিকরাই আছেন, ইতিহাসের জন্ত ঐতিহাসিক, তথ্যের পরিবেশনের জন্ত খবর কাগজ, কিন্তু লেখকরা যেন সেখানে গিয়ে ধর্মচ্যুত না হন। তাঁরা আপন প্রেরণায় মোহিত হয়ে কাল যাপন করুন, ভালোলাগার, ভালোবাসার আবেগে ভরে থাকুন তাঁরা, আর তাঁদের লেখার মধ্য দিয়ে সেই ভালোলাগা ভালোবাসা সংক্রমিত হোক আমাদের সাংসারিক যন্ত্রণাশিষ্ট হৃদয়ে। আমরা স্নাত হই, আমাদের মাথায় শান্তিভল বর্ষিত হোক।

প্রকৃতপক্ষে শিল্পকলাই মহাব্যঞ্জীবনের একমাত্র বিশ্রামাবাস। শিশু সারাদিন খেলাধুলো করে মার বৃকের তলায় ফিরে এসে যেমন শান্তি পায়, শিল্পও ঠিক সেই রকমই আমাদের জীবনকে শান্ত করে, আনন্দ দেয়।

অতএব একজন শিল্পীর কাছ থেকে আমরা কী আশা করব? কী চাইব? প্রাণ। প্রাণের বিকাশ। তাঁর লেখার মধ্য দিয়ে, গানের মধ্য দিয়ে ছবির মধ্য দিয়ে সেই প্রাণকেই আমরা পেতে চাইব বারে বারে। যে স্বথ দুঃখ, আনন্দ বেদনা তিনি অমৃতভব করে ছড়িয়ে দেবেন তাঁর শিল্পে, সেই স্বথ দুঃখ, সেই আনন্দ বেদনা আমাদের হৃদয়েও সংক্রমিত হবে। আর সত্যি বলতে এই সংক্রমিত করার মহৎ গুণটাই হল সাহিত্যের আত্মা। একজন মানুষের যেমন হাজার হাজার স্তম্ভর নাক মূখ চোখও সামান্য একফোঁটা লাভগের অভাবে বার্থ হয়ে যায় তেমনি লেখার মধ্যও এই গুণের অভাব ঘটলে তার বাক্যবিন্যাস যত পটুই হোক, বাধুনি যত স্নসমঞ্জসই হোক, তার মধ্যে কোনো প্রাণসঞ্চার হয় না। ঠিক এই প্রাণদমিতার গুণেই রবীন্দ্রনাথের গল্পগুচ্ছের মতো গল্প পৃথিবীর সাহিত্যেই বিরল। একটি ছোট মেয়ে তার বাপমার বুক থেকে ছিন্ন হয়ে খুশুরবাড়ি যেতে যখন কাঁদে সেই কান্না আমাদেরও কাঁদায়, আমরাও তখন সেই ছোট বালিকার দুঃখই বহন করি হৃদয়ে। কিম্বা তাঁর গল্পের সেই ছুরশু মেয়ে যখন নিছের খেলার অন্তরায় স্বামীকে আপদ ভেবে পালিয়ে আসে বাপের বাড়িতে, তারপর স্বামী চলে গেলে পর হঠাৎ আবিষ্কার করে খেলা তো আর ভালো লাগে না। কী যেন নেই, কী যেন হারিয়ে ফেলেছে সে। কোন নাম না জানা ব্যথা গুমরে গুমরে উঠছে তার বৃকের মধ্যে—আমরাও তখন সেই বেদনার অংশী হই মনে মনে।

এই যে হৃদয়কে আন্দোলিত করা, পুলকিত করা, মথিত বা মোহিত করা সেটা আজকালকার গল্পে উপন্যাসে বিরল। সবই ভালো সবই ঠিক, হয়তো একথাও বলা সংগত যে গত কয়েক বছরের মধ্যে পাঠযোগ্য ভালো

লেখা অনেক হয়েছে, বুদ্ধিমান লেখার পরিমাণও বেড়েছে, কিন্তু বুদ্ধি দিয়ে তো আর জন্ম হোঁয়া যায় না। প্রাণ কই ?

মোটামুটি বেশ ভালো বলা যায় এমন গল্প উপন্যাস অনেক লেখা হচ্ছে, কিন্তু যে প্রাণধর্মিতার গুণে বই শ্রেষ্ঠ মনে হয় তার অভাব আজকের দিনে সাহিত্যের দিকে দৃষ্টিপাত করলেই চোখে পড়ে। আমি অবিশ্যি অন্নদাশঙ্কর, বুদ্ধদেব বহু, অচিন্ত্যকুমার, তারাশঙ্কর প্রভৃতি প্রতিষ্ঠিত লেখকের কথা ধরছি না এর মধ্যে, কেননা এঁদের কথা বলতে গেলে এঁদের নিয়েই আলাদা প্রবন্ধ ফাঁদতে হয়। আমি বলছি তরুণতর লেখকদের কথা। তাঁদের লেখা পড়ে মনে হয় জন্মকে তাঁরা সন্দেহের চোখে দেখে থাকেন। এটা মারাত্মক, এর মধ্যে বন্ধাতার আশঙ্কা আছে। অবশ্য তরুণতর লেখকদের মধ্যে অন্তত একজনের আমি নাম করতে পারি সানন্দে ধীর রচনা জন্মবান ও জীবন্ত, তিনি নরেন্দ্রনাথ মিত্র। কিন্তু এ বিষয়ে ঠিক তার সধর্মী লেখক আজকের দিনে বেশী নেই, নতুনরা যেন গল্প বলার চাইতে মতবাদ রাষ্ট্র কর্তেই বেশি ব্যস্ত। হয়তো সম্প্রতি আমরা বুদ্ধির দিকে একটু অগ্রসর হয়েছি। এখন তার সঙ্গে জন্মের যদি পুনর্মিলন ঘটে তা হলেই বাংলা কথাসাহিত্যের ভবিষ্যৎ বিষয়ে আশাবহিত হওয়া যায় ॥

বর্তমান কথাসাহিত্যের প্রকৃতি

হরপ্রসাদ মিত্র

শব্দে, শব্দবন্ধে, বাক্য রচনায় যেমন নতুন কালের নতুন ভঙ্গির প্রভাব ছড়াচ্ছে, বাংলা গল্প-উপন্যাসের ধ্যান-ধারণার সর্বত্র তেমনি নতুন অভিব্যক্তির লক্ষণ ফুটে উঠছে। শিল্পীরা নিশ্চেষ্ট নন,—গল্পকার জেগে আছেন,—ঔপন্যাসিক ঘুমিয়ে নেই। বর্তমান বাঙালী জীবনের স্তর ও স্তরঙ্গের বৈচিত্র্য এবং বাঙালী মনের উল্লাস-অবসাদের বিভিন্নতা সম্পর্কে যারা উদাসীন নন, তাঁদের কাছে একালের বাঙালী কথাসাহিত্যিক-সমাজের দৃষ্টিভেদের সত্য অনায়াসে স্বীকারযোগ্য মনে হবে। খুব সংক্ষেপে এই নব্য সাহিত্যের প্রকৃতি বর্ণনা করতে হলে এই কথাই সর্বাধিক মনে পড়ে যে, আধুনিক বাংলা কথাসাহিত্যের মূল-কথা একটি নয়,—দু'টি; আভ্যন্তরীণ প্রসারণ এবং প্রযুক্তির বিচিত্রতা। জীবনের নদী নয়, নদীর মোহনা নয়,—আশেষ তরঙ্গময় সমুদ্রের সম্ভাবনা দেখা যাচ্ছে এ কালের বাংলা গল্পে-উপন্যাসে।

কাজে-কাজেই এ আশঙ্কা নিতান্ত অমূলক যে, বস্তুকটির আতিশয্যে একদশদর্শিতার পরাক্রম থেকে প্রতিপত্তির দিন এখন আসন্ন বা আগত বা প্রতিষ্ঠিত।

রবীন্দ্রনাথের 'গোরা'র শরৎচন্দ্রের 'শ্রীকান্তে' অন্নদাশঙ্কর-দিলীপকুমার-খনকুলের নানান লেখায় জীবনের বিস্তারে-গভীরতায়, ছ'দিকেই আগ্রহ দেখা গিয়েছিল। গত দশ বছরের মধ্যে বাংলা সাহিত্যের এই বিভাগে

নতুন যে-সব কর্মী ও শিল্পীর কাজ শুরু হয়েছে তাঁরা ঐতিহ্যের দাবী অস্বীকার করেন নি। দেশ-কালের চেহারা বদলের সঙ্গে সঙ্গে উপকরণের প্রভেদ ঘটেছে। বিষয়ের তন্মাত্রতায় নয়, বস্তুপরিবেশের ব্যঞ্জনার দিকেই এঁদের ভিন্ন ভিন্ন প্রয়াসের সমলক্ষ্যতা স্বীকার্য। দেশ-কালের অনিবার্য সীমাবোধ এঁদের রচনার সর্বব্যাপী সাধারণ লক্ষণ। বৃহৎ বিস্তীর্ণ, বিচিত্র বর্তমানের রূপ-নিরীক্ষার আগ্রহই হল বাংলা কথাসাহিত্যের আধুনিক রুচি।

বুদ্ধদেব বসু, তারাসঙ্কর বন্দ্যোপাধ্যায়, গোপাল হালদার—একই কালে, একই দেশে ভিন্ন প্রকৃতির এই তিন ব্যক্তির কারও কলম বে অবসন্ন হয়নি, এ থেকে বর্তমান বাঙালীজীবনের মিশ্র-প্রকৃতির পরিচয় পাওয়া যাচ্ছে। এঁদের উত্তরবর্তী ধারা, তাঁরাও বৈচিত্র্যচেতন। সম্প্রতি আমাদের স্বথ-দুঃখের নানা রূপের একটি রূপ দেখা গেল প্রতিভা বসুর মনের ময়ূরে। কিন্তু বর্তমান তো একরঙা, একক আবেশ মাত্র নয়। আর নীতিকাব্য প্রণেতার অধিকার হরণ করাও ঔপত্যাসিকের কাজ নয়। ভিন্ন মাহুয়ের ভিন্ন গঠন, ভিন্ন সংস্কার, ভিন্ন রুচি ;—এদিকে, বিজ্ঞানের প্রত্যাপে বহুকালের আশ্চর্য পৃথিবী সংকীর্ণ হয়ে আসছে ; বিস্তের বিশৃঙ্খলায় মনোবাজ্যের শাস্তি বাধা পাচ্ছে ; পুরোনো বিশ্বাস ভাঙছে, নতুন বিশ্বাস গড়ছে—এ অবস্থায় ছ'জন কথা-সাহিত্যিকের ঐকমত্য কামনা করা সং পাঠকের সুবিবেচনার লক্ষণ নয়। ভিন্নমুখিতা তো বটেই, এমন কি সম্পূর্ণ বিপরীত প্রবণতাও অপ্রত্যাশিত নয়। এইরকম ঘটনাই স্বাভাবিক ! শিল্পীর মনঃস্বভাব ধাঁদের বিশেষ অন্বেষণের সামগ্রী, সেইসব মনস্তাত্ত্বিকদের মধ্যে কেউ কেউ এ বিষয়ে মাথা ঘামিয়ে স্থির করেছেন যে, শিল্পসৃষ্টির মূলে মনন-অহুত্ব অভিপ্রায়ের বে সমাবেশ ঘটে থাকে তাতে পরস্পর বিপরীত মনোধর্মের যৌগপঙ্ক্তও অসম্ভব নয়। কিন্তু চিদ্রহস্তের কথা উহু থাক। আধুনিক বাংলা কথাসাহিত্যে যা দেখা যাচ্ছে অল্প কথায় এই হল তার সূত্রসংকেত :—বস্তু ও প্রযুক্তির বিভিন্নতা, শিল্পীর শ্রম, স্রষ্টার ব্যাকুলতা।

ছোট গল্প কোন্ পথে

আশাপূর্ণা দেবী

গত পাঁচ বছরের মধ্যে বাঙলা কথাসাহিত্যের আবাদে ফসলের পরিমাণ কতখানি, সে বিষয়ে অবহিত হতে পারলে তবেই উৎপন্ন ফসলের গুণাগুণ বিচার সম্ভব। দেখতে হবে—সেই স্তুপীকৃত শস্ত্রের মধ্যে কার ভেতরে কতটুকু শাঁস আছে কে কতখানি খাদ্যপ্রাণসম্পন্ন। কে ঝাড়াই হয়ে উড়ে গিয়ে ধুলোর ওজন বাড়াচ্ছে, আর কে বাছাই হয়ে সসন্মানে গোলায় উঠছে।

অকপটে স্বীকার করছি—পঞ্চবার্ষিকী হিসেব তো দুয়ের কথা, আজকাল দৈনিক কতটা করে ‘সাহিত্য’ সৃষ্টি হচ্ছে সে হিসেব রাখাই আমার মতো স্বল্পশক্তিসম্পন্ন লোকের পক্ষে শক্ত। তবে মনে হয়—হয়তো অকস্মাৎ তেমন কোনো আশ্চর্য আবির্ভাব ঘটলে চেষ্টা করে হিসেব রাখতে হয় না। সে খবর কানাকানি হতে হতে জানাজানি হতে দেবী লাগে না। কাছাকাছির মধ্যে তেমন আশ্চর্য আবির্ভাব কই? যা পাঠক সমাজকে সহসা চমকে দেয়, নতুন সম্ভাবনার আশায় আশান্বিত করে তোলে, যে সম্ভাবনার আশা ছিল—“পথে প্রবাসে”তে, ছিল—“পথের পাঁচালীতে”, ছিল—“জলসাঘর” অথবা “উপনিবেশের” মধ্যে?

আমার তো—মাঝে মাঝে মনে হয় সাহিত্য-সরস্বতীও বোধ হয় ধনতন্ত্র-বাঘের বিরোধী হয়ে উঠেছেন আজকাল। নিজেকে তিনি আর বিশেষ

দু' চারটি পুঁজিগতির ভাঁড়ারে আটকে না রেখে, হুশ্চল বস্তুবাবস্থায় অনেকের কাছে ভাগ করে ফেলতে চাইছেন। তাই বিশেষ কারুর কাছ থেকে বড়ো কিছু একটা পাবার আশা কমে যাচ্ছে। সাহিত্যিকরা সকলেই যেন হৃদয়বিস্তে মধ্যবিস্ত হয়ে পড়েছেন।

তবে অনেকের কাছ থেকে কিছু কিছু পাওয়া যাচ্ছে এই যা। ধারে মা কেটে ভারে কাটছে। বলতে গেলেই কথা বেড়ে যায়—দু'কথা দশ কথায় গিয়ে পৌঁছতে পারে। সময় সংক্ষিপ্ত তাই আমার সামান্য বক্তব্যটুকু ছোটো গল্প সম্বন্ধেই হবে।

ছোটো গল্প রচনা হচ্ছে অজ্ঞান। তার থেকে মোটা কিছু অংশ ঝড়তি পড়তি বাদ গেলেও—ভাজিত ঞ্গল অনেক লেখা হয়েছে, হচ্ছে। আশা করছি আরো হবে। ওরই : গল্পবিস্তর যেটুকু পড়তে পেরেছি, তা থেকে একটা জিনিস কিন্তু লক্ষের তুলে কিছুকাল থেকে যেন লেখক মহলে একটা জিদ চেপেছে—স্বর্ষ হবে এ সংখ্কে কিছুতেই আমল দেবেন না তাঁরা। দৈবক্রমে যে হতভাগ্যদের দুটো ভাত-কাপড়ের সংস্থান আছে তারা অপাঙ্ক্তেয়, গল্পজগত থেকে নিবাসিত। যেন তাদের মধ্যে আশা আনন্দ দুঃখ বেদনা বিরহ মিলনের কোনো দ্বন্দ নেই, যে হেতু তাদের ভাত আছে। বেচারী তাদের জন্যে ভারী মায়া হয় আমার।

বেশীর ভাগ যা লেখা হচ্ছে—তার মধ্যে একটা দুঃস্তু জ্বালার তীব্রতা। সাহিত্যিকের লেখনী যেন আজ সাপিনী হয়ে রুদ্ধ আক্রোশে সমাজ জীবনের সমস্ত দুর্নীতির মূলে ছোবল হেনে বেড়াতে চাইছে।

তার কারণ তো অবশ্যই আছে। সাহিত্য তো জীবন ছাড়া নয়; সে জীবনেরই সহযাত্রী। সেই জীবনের প্রতিটি ক্ষেত্রে যখন বিদ্বুদ্ধ বিদ্রোহ দেখা দেয়, বঞ্চিত মানুষের মন রুদ্ধ হয়ে ওঠে, তখন সাহিত্যে তার ছাপ না পড়ে উপায় কোথা? সাহিত্যিক তো আকাশ থেকে পড়া জীব নয়। সে বিকোভ ভো তাকেও বিপর্ষন্ত করে তোলে।

তাই মন্বন্তর আর যুদ্ধোত্তর কালের মানিকর আবহাওয়ায় বিবাক্ত অধঃপতিত সমাজের বহু দুর্নীতির ইতিহাস পাকা খাতায় উঠে জমা হয়ে বইল ভাবীকালের জন্যে। অনেক দুর্নিরীক্ষ্য ছবি ধরা পড়ে রইল, সন্ধানী দৃষ্টির ক্যামেরার লেনসে। সেই লেনসে চিনে নেওয়া গেছে অনেক বিভীষণ দুঃশাসনকে! এরও প্রয়োজন রয়েছে, কিন্তু সেইটাই কি একমাত্র সত্য হয়ে উঠবে? যে কোনো শিল্পই, যদি বিশেষ একটা উদ্দেশ্যের জন্যে সৃষ্টি হয়, একটা প্র্যান অহুযায়ী গড়ে উঠতে চায়, তার গণ্ডি ছোটো হয়ে আসে। দেশ কাল অতিক্রম করে যাবার যে সম্ভাবনা সে সম্ভাবনার শক্তি পঙ্ক হয়ে আসে।

শিল্পী আকাশ থেকে নিঃশব্দে নিজে থেকে সে মাটির বন্ধনের নাগপাশেই বা আঁকি হবেনাতে চাইবে কেন? আকাশের কোথাও কোনোখানে থাকে কতক আশ্রয়? তার কলমের সমস্ত শক্তি নিঃশেষিত হবে লড়াই করতে, বাড়াচ্ছে আর কিছু নয়? গল্পকারদের ভেবে দেখতে হবে—এই লড়াই করাটাই শেষ দায়িত্ব কি না। দায়িত্ব এড়াবার ক্ষমতা তো তাঁর নেই। সমাজ তাঁর মুখ চেয়ে বসে থাকে।

কথাশিল্পীকে লক্ষ্য করতে হবে—তাঁর কথা কেবলমাত্র রুচ সত্য কথা না হয়ে ওঠে। তার মধ্যে যেন কিছু পরিমাণ মধুর মিথ্যার ডেজাল থাকে। যেন কেবলমাত্র হতাশার ছবি না আঁকেন তাঁরা, একটা বলিষ্ঠ আশাবাদের আদর্শ তাঁর সামনে থাকে।

তা ছাড়া—নিতান্ত নির্জলা সত্যও অবিরত বলতে বলতে জ্বালো হয়ে ওঠে, আর অবিরাম গুনতে গুনতে নেহাত অহুভূতিশীল মনও অসাড় হয়ে আসে।

তখন বড়ো দুঃখেই প্রাণ করতে ইচ্ছে করে—

ফুটপাথে বসে ক্যান চায় যারা

তাদের কথাই ভাববো?

তাদের হতাশে নীল হয়ে যাবে
 নীল আকাশের কাব্য ?
 বাতায়নে বসে কাঁদিছে যে, গঁথে
 খোঁপায় রজনীগন্ধা,
 তার তরে হায় ছুনিয়ার যত
 দয়ার বাজার মন্দা ?

এ প্রশ্ন যদি হৃদয়হীনতার লক্ষণ হয় তাহলে নিরুপায়। সেই হৃদয়-
 হীনতার বদনাম স্বীকার করেই বলতে হবে—অল্পবয়স্কবিরহীর মর্মবেদনা যত
 নির্লক্ষ্য যত মর্মান্তিক হোক, তাকে আমরা এক সময় ভুলি কিন্তু প্রিয়া-
 বিরহী যক্ষের হৃদয়বেদনা কালের গতি অতিক্রম করে চিরদিন অমর হয়ে
 আছে, চিরকাল অমর হয়ে থাকবে।

আজকের দিনে হয়তো বিরহী যক্ষের তুলনা হাস্যকর সেকেলে, কিন্তু
 এটাও তো খেয়াল করে দেখতে হবে এ যুগের কথাশিল্পীরা, কোন কথা
 শোনাচ্ছেন আজকের দিনকে ? কোন কথা রেখে যাচ্ছেন ভাবীদিনের জন্তে ?

কথাসাহিত্যিকের সন্ধানী দৃষ্টি

বাণী রায়

বর্তমানে কথাসাহিত্যের পশ্চাতে কী বিশেষ মনোভাব বিদ্যমান এবং নিকট ভবিষ্যতে সম্ভবপর স্কুল ধারা কী হতে পারে, আমার নিজস্ব উপলব্ধি দিয়ে একটু বিশ্লেষণের চেষ্টা করব।

বিগত পাঁচ বৎসরের কথাসাহিত্য লক্ষ্য করলে দৃষ্ট হবে যে, কল্পনাগ্রাহ্য সাহিত্য, যথা গল্প—উপন্যাস, ইত্যাদির অপেক্ষা প্রবন্ধজাতীয় রচনার, যথা রম্যরচনা, স্মৃতিকথা, ব্যক্তিগত প্রবন্ধ ইত্যাদির আদর কম নয়। সকল দেশের সাহিত্যেই স্মৃতিকথা বা আত্মচরিত (memoirs)-জাতীয় রচনার সৃষ্টি হচ্ছে প্রচুর।

প্রধান কারণ কী? এযুগের কথাসাহিত্যের পশ্চাতে আছে একটি বিপ্লবাত্মক মনোবৃত্তি। অধুনাতম সাহিত্য নিঃসন্দেহে দুই ভাগে বিভক্ত: প্রাক-যুদ্ধ ও যুদ্ধোত্তর। দু'য়ের মধ্যে সাগরপ্রমাণ ব্যবধান। বর্তমান জগৎ ডাঙাগড়ার জগৎ, অস্থিরতার জগৎ। কিছুই স্থির নয় এখানে। স্তত্রায় মূল্য আরোপের মানদণ্ডও বদলে যায়। মাহুষ অনেক কিছু পার হয়ে এল,— মৃত্যু, দুর্ভিক্ষ, হত্যা। যুদ্ধের ঘটনা ও পরের হতাশা নিয়ে সাহিত্য রচিত হল আলোকচিত্রের ধর্মে। পাঁচ বৎসর পূর্বের কথাসাহিত্যের আশ্রয় ছিল প্রধানতঃ সাংবাদিকতা। সাময়িক ঘটনালোভের উদ্বেজন সাহিত্যকে

আচ্ছন্ন করে ছিল। সেই যুগ শেষ হয়ে গেছে। দৃশ্যমান সাম্প্রতিক জগতের আবেদন আজ প্রায় নিঃশেষিত।

স্বাধীনতাও বাস্তব ভাবে এসে গেছে। সুতরাং সে আন্দোলনও আর সাহিত্যিক মনে ইঙ্গিত আনে না। এখনকার সাহিত্য কোন পথে ?

আমাদের বিখে যুদ্ধোত্তর যুগের চাবিকাঠি—বিজ্ঞান ও শিল্প। স্থান ও কালকে আমরা বহু আয়ত্তে আনতে পেরেছি। তাই আমরা হাতের মুঠোয় সব ধরতে চাই। যার প্রকট প্রমাণ আমরা পাই না, তার তথ্য আমাদের কাছে সন্দেহজনক। আমাদের যুগ scepticism-এর, সন্দেহবাদের যুগ। আমরা পার হয়ে এসেছি অনেক তিমির রাত্রি। যুদ্ধ-কবির মতো নিজেদেরও কঠে শুনেছি : “And God never said a word !” এত হতাশা, মানবতার অপমৃত্যু দেখেও ষে-ঈশ্বর নির্বাক, তিনি কেমন ঈশ্বর ? সত্যই কি তাঁর অস্তিত্ব আছে ? তাহলে কেনই বা তাঁকে ধরতে পারি না ? বিজ্ঞান আজ আমাদের অনেক বস্তুর অধিকার দিয়েছে। তবে কেনই বা ঈশ্বরকে এই মাইক্‌টার মতোই ধরতে বা ছুঁতে পারব না ? মৃত্যু কি অমরত্ব ? আমি তো দেখছি মাহুষ আমার সম্মুখে ভস্ম হয়ে গেল—তার পরে তার পৃথক সত্তা কোথায় ? ভালোবাসা কতখানি বিশ্বাসযোগ্য ? আমাদের সমগ্র মানসিকতা আজ এই সব প্রশ্নে জর্জরিত। আমরা কোনো সত্য বিনা পরীক্ষায় গ্রহণে প্রস্তুত নই। ধর্ম আজ আর অন্ধ আরাধন নয়।

এইজন্ম আমরা বুদ্ধি দিয়ে, যুক্তি দিয়ে তবে বিশ্বাস করতে চাই। আমাদের অল্পসন্ধানী মন নিজেকে, পরকে বিশ্লেষণ করে চলেছে। দৃষ্টির অতীত, ইন্দ্রিয়ের অতীত ষে-বস্তু সে তো বুদ্ধির অগোচর। তবু আমাদের সন্ধানের শেষ নেই। নিজের প্রজ্ঞার মধ্যে আমরা আশ্রয় চাই।

এই সন্ধান, এই প্রশ্ন এযুগের রূপ ; এটা হল Age of Interrogation । এ সন্ধান কোথায় যাত্রা করে ? বার বার উর্ধ্বে প্রতিহত হয়ে অবশেষে নিজের মধ্যেই সে ফিরে আসছে। যা ইন্দ্রিয়গ্রাহ্য নয়, সে কি সত্য ? আমার

চারপাশে যদি অস্থির পারিপাশ্বিক, তাহলে একমাত্র স্থির আমিই সত্য। নিজেকে বারে বারে দেখ, নিজেকে আবিষ্কার করো। তাই এত বেশি স্মৃতিকথা বা আত্মচরিতজাতীয় রচনা। মানুষ স্মৃতির আশ্রয়ে ক্রমাগত আত্ম-দর্শন করছে। আমি কে? কতবার আমি ভাঙাগড়ার ছকে পড়েছি। বাইরের উদ্ভেজনা শেষ হয়ে যাচ্ছে—এখন তবে মনন আমাদের ধর্ম। Retrospection যদি অবসিত হয়, introspection আহুক। ব্যক্তিগত প্রবন্ধ তাই এত সমৃদ্ধ ও প্রিয়। কথাসাহিত্য কিয়ৎপরিমাণে দীন। আলোকচিত্র-ধর্মী রচনা বর্তমানে জীবনদর্শন খুঁজে মরছে।

বর্তমান ও অদূর ভবিষ্যৎ নিশ্চিত New Romanticism-এর যুগ। সর্বত্র মানবমনের নতুন জাগরণ—ধর্মে, প্রেমে, জীবনে। নতুন ঈশ্বর সৃষ্টির উদ্যম, জগতের নতুন রূপ-সৃজন। নিজের উপলব্ধি দিয়ে সত্যকে আবিষ্কার করা। নিজেকে নতুন করে দেখা।

নতুনরূপে সত্যকে আবিষ্কারের পূর্বমূহূর্ত অবশ্য গভীর অতৃপ্তি ও অবিশ্বাসে আচ্ছন্ন। পূর্বেই বলেছি আমরা যুদ্ধ দেখেছি, হত্যা দেখেছি, মন্বন্তরের মধ্য দিয়ে এসেছি। সৈনিক না হলেও আমাদের মনে প্রশ্ন জেগেছে: “And God never said a word!” তবে এই দুঃখবেদনা—হতাশাই কি সত্য? সন্ধান কর—

Infant crying in the night,
Infant crying for the light,
With no language but a cry !

সত্যের বিষ পান করেও আরো সত্য আমরা চাই। তাই সন্ধান ও প্রশ্ন সাহিত্যিক সংগ্রামের জন্ম দিয়েছে। যুক্তিবাদী মন একদিকে বিষ, অল্পদিকে অমৃত বিলিয়ে দায়। একদিকে অতৃপ্তি-অবিশ্বাস যেমন বিষ ফলায়, অল্পদিকে সন্ধান বিশ্লেষণী-মনোবুদ্ধির উদ্ভব ঘটায়; সৃজনের অমৃত সেখানে নতুন জগতের জন্মকণ চিহ্নিত করে। গতযুগে বিশ্বাসকে গ্রহণ করে আত্মা গভীর-

ত্র বিশ্বাসে প্রস্তুত ছিল। এযুগে আর আমরা সর্বতোভাবে গ্রহণে প্রস্তুত নই—আমরা যাচাই করে নিতে চাই সব কিছুই। এযুগে যদি আমরা বিশ্বাসকে পাই তবে প্রশ্নের মধ্য দিয়েই পাব। সঙ্ঘানী দৃষ্টিই আমাদের একমাত্র সম্বল।

আমি বিশ্বাস করতে প্রস্তুত, কিন্তু আমাকে বুঝিয়ে দাও। এযুগের সাহিত্যিক তাই সত্যের বিষয়ান করেও সত্যকে আরও নিবিড় করে চান। আমরা স্বর্গকেও বিশ্বাস করতে চাই, ভারতের আত্মিক সাধনাকেও স্বীকার করতে চাই! কিন্তু চাই পরীক্ষা করে নিতে। এ পরীক্ষার অনেক বিপদ আছে। নিবিচার বিশ্বাসের অমৃত যুগবিবর্তনে আজ হলাহল হয়ে উঠেছে।

মাহুষের পূর্ব অভিজ্ঞতা ও শিক্ষা আজ কোনো কাজে লাগছে না। সে আজ পূর্বের ঈশ্বর, ধর্ম, প্রেম কিছুতেই আশ্রয় পাচ্ছে না। সে আশ্রয় চাইছে নিজেদের বুদ্ধি-বিচারের কাছে। যে জগৎ পরিবর্তনশীল, সেখানে আশ্রয় পূর্বতন সত্যের তথ্য থাকে না। আমরা তাই এক নতুন বিপ্লব সাহিত্যে প্রতিফলিত হতে দেখছি। নিজেকে স্বপ্রতিষ্ঠিত রেখে যুক্তি ও বুদ্ধির আলোতে পূর্বতন সত্যের নতুন তথ্য অন্বেষণ।

তাই এই সন্দেহবাদ ও সঙ্ঘান আমাদের যুগলক্ষণ। যা আমাদের শিক্ষা দেওয়া হয়েছে, নিবিচারে তা যেন আমরা গ্রহণ না করে যাই। প্রশ্ন ও পরীক্ষার মধ্যে নতুন আশার উপকূল দেখা দিয়েছে। আমাদের অমূলসঙ্ঘান নতুন সত্যের জন্ম দিক। অমৃত যদি বিষ হয়েই ওঠে—নীলকণ্ঠের মতো সে বিষ পান করার সাহস আমাদের যেন থাকে। আগত বা অনাগত যুগের সাহিত্যিকদের কাছে আমার এই অহুরোধ, যেন আমাদের সাহস থাকে।

পাঁচ বছরের উপন্যাস : আঙ্গিক নারায়ণ গঙ্গোপাধ্যায়

গত পাঁচ বছরের বাংলা উপন্যাসে রোমাঞ্চকর কিছুই পাওয়া যাবে না—
তা সে ভাববস্তুর দিক থেকেই হোক, আর বহিরঙ্গের বিচারেই হোক।
এ কথা বলার উদ্দেশ্য এই নয় যে বাংলা সাহিত্যের এই পঞ্চবার্ষিকী মুক্তিকায়
উপাদেয় কোনো ফসল ফলেনি। আসলে এই পাঁচ বছর বাংলা উপন্যাসের
ক্রমবিকাশে একটি অল্পচ্ছেদমাত্র, অধ্যায় নয়। এই সময়টাকে বিবর্তনের
একটি পর্যায়রূপে সংজ্ঞা দেওয়া যায়, কিন্তু কোনো বৈপ্লবিক পরিবর্তন যে
এই কালের মধ্যে চিহ্নিত হয়নি—এটা নিঃসংশয় সত্য।

তবু এই আলোচনায় কালবিভাগের কিছু সার্থকতা আছে। অনির্দেশের
ভেতরে প্রসঙ্গ বিন্যাস করলে শেষ পর্যন্ত দিশাহারা হয়ে যেতে চায়—বৃত্ত
সম্পূর্ণ করে তার ওপর গতিপাত করা সম্ভব হয়ে ওঠে। অতএব এই গণ্ডি-
রেখা আলোচনায় অন্তত স্পষ্ট একটা রূপরেখা পাওয়া যাবে এবং বক্তব্যকেও
একটা ঋজু রেখায় উপস্থিত করা সম্ভব হবে।

এই পাঁচবছরকে অল্পচ্ছেদ বলছি বটে, কিন্তু গভীর ক্ষোভের সঙ্গে মনে
হচ্ছে—এ সময়ে বাংলা উপন্যাসে সত্যিই একটা বৈপ্লবিক পদক্ষেপের
সম্ভাবনা ছিল। আমরা সবাই জানি আমাদের আজকের আলোচনা উত্তর-
স্বাধীনতা সাহিত্যের হিসাব-নিকাশ। প্রায় ষাট বছরের বহু হিংস ও
অহিংস আন্দোলন, বহু কারাবরণ এবং আত্মদান শেষ পর্যন্ত স্বাধীনতার যে

স্বর্গলোকে আমাদের পৌঁছে দিয়েছে—সেখানে এসে বাঙালি লেখকের কলম আর কল্পনা আনন্দে উচ্ছ্বসিত হবে—এ আশা অসংগত ছিল না। কিন্তু আশ্চর্য এই, অতীতে যে আবেগ এবং উত্তাপ বাঙালি লেখকের কলমকে ধরশান করে রাখত, এই পাঁচ বছরে তা স্তিমিত হয়ে এসেছে, একটা ক্লাস্ত নিবেদন এসে অধিকাংশকেই আচ্ছন্ন করে রেখেছে। এমন কি উদ্বাস্ত সমস্যার মতো স্বকঠিন জিজ্ঞাসাও লেখকের স্বভাব-সংবেদনাকে যথোচিত চঞ্চল করে তোলেনি—সামান্য যা কিছু লেখা হয়েছে তা হয় দুঃখবর্ণনার বহুচবিত ন্যাচারালিঙ্গম, নয়তো অভিজ্ঞতাহীন হৃদয়হীন এক ধরনের রূপকথা। এর পেছনে প্রচ্ছন্ন রয়েছে পরাজয়ের সক্রমণ বেদনা। সাহিত্যে সাম্যবাদী সিদ্ধান্তে ধারা বিশ্বাসী এবং ধাঁদের কাছে এই স্বাধীনতার মূল্য নগণ্য, তাঁরাও নানা কারণে বিকেন্দ্রিত এবং দ্বিধাগ্রস্ত। ফল স্বথের হয় নি, বলাই বাহুল্য।

অথচ সংগঠনের আদর্শে উদ্দীপ্ত, জীবন-বিশ্বাসে প্রাণিত এবং গণ-নেতৃত্বে নির্ভরশীল অনেক মহৎ সাহিত্য এ সময়ে গঠিত হতে পারত; আরো ঐশ্বর্যবান হত প্রেম—প্ৰীতি আরো ব্যাপ্তি লাভ করত। কিন্তু তা হয়নি।

কথাবস্তু যেখানে নিরুণম, সেখানে আঙ্গিক দুটি ভূমিকা গ্রহণ করতে পারে। হয় সে অন্তরের বেদনায় মৌন-গ্লান হয়ে পড়ে থাকবে, নতুবা এই মানিকে আড়াল করবার জন্তে সে প্রাণপণে আত্মঘোষণা করতে চাইবে। তার দ্বৈত রূপের এই দ্বিতীয়টি হল একান্ত আঙ্গিক-সর্বস্বতা—formalism। অহুরূপ কারণে পৃথিবীর সাহিত্যে এ বস্তুর অভাব নেই—হালের মার্কিনী সাহিত্যের কিছু কিছু নজীর নিলেই হবে। ডেইসার-সিন্কেয়ার লুইসের সাহিত্য আজ যে নিছক আঙ্গিকপ্রাণ হয়ে আত্মরক্ষার চেষ্টা করেছে, সেটা একটা মর্মান্তিক ট্রাজেডি!

আঙ্গিকের উজ্জলতা না থাকলে সাহিত্য নিশ্চয়ই বর্ণহীন। পরিবেশ এবং পরিবেশন আহুকূল্য না করলে সুখান্তও অখাণ্ড হয়ে ওঠে। তা ছাড়া

দেশকালের সঙ্গে মননের যে অগ্রগতি, বহিরঙ্গণ তার সঙ্গে সম পদক্ষেপে অগ্রসর হতে বাধ্য। আঙ্গিকের মাধ্যমে লেখকের ব্যক্তিস্বরূপ আভাসিত হয়, তাঁর বিশিষ্টতার স্বাক্ষর মেলে। সেহেতু আঙ্গিক এবং অহুত্বের যুক্তবেণী রচিত হলেই শিল্প সার্থক, সাহিত্য উত্তীর্ণ। একটি অপরটির অহুপূরক—কেউ কাউকে ছাপিয়ে উঠলেই সাহিত্যের ভারসাম্য নষ্ট হয়।

বাংলা সাহিত্যের সীমাবদ্ধতার কথা মনে রেখেও বলা যায়, মোটের ওপর আমাদের ফর্ম আর কন্টেন্টে এখনো বিচ্ছেদ হয়নি—বস্তুর দীনতাকে এখনো উক্তি দিয়ে ভরাট করতে হয় না। আমাদের উপস্থাসে একটা যতির পালা চলছে বটে, কিন্তু সেটা বিরামযতি নয়। একান্তভাবে আঙ্গিকবাদী বাংলা উপস্থাস ছু একখানা হয়তো আছে, কিন্তু সাংপ্রতিক সাহিত্যের সাধারণ লক্ষণের মধ্যে তারা পড়ে না। তা থেকে প্রমাণ হয়—বাংলা সাহিত্যের সাময়িক স্থিতি নতুন গতি সংগ্রহের জঞ্জাই বিশ্রামের মধ্যসম। তাই তার আঙ্গিক এখন পর্যন্ত তার দীপায়ন—আবরণ নয়।

উত্তর-স্বাধীনতা বাংলা উপস্থাসে আঙ্গিক ও মানসিকতার সর্বপ্রাথমিক উল্লেখযোগ্য নিদর্শন বোধ হয় পাওয়া যাবে সতীনাথ ভাট্টার ‘টোড়াই চরিত মানস’। মহাত্মা গান্ধী ভারতবর্ষে এক ধর্মসংঘ প্রতিষ্ঠার স্বপ্ন দেখেছিলেন—সে হল রামরাজ্য; প্রতিটি মাহুষের মধ্যেই রামশক্তির বোধন করতে চেয়েছিলেন তিনি। সেই আদর্শে অহুপ্রাণিত হয়ে—আগস্ট-আন্দোলনের ভিত্তিতে লেখক এই উপস্থাস রচনা করেছেন। নায়ক টোড়াই তাংখাটুলীর একজন সাধারণ মাহুষ—তার হুখ-হুখ, আশা-কল্পনা, আন্দোলনের সঙ্গে তার সম্পর্ক এবং পরিণাম—একটা অপরূপ রীতির মাধ্যমে পরিবেশিত হয়েছে। এ রীতির ভিত্তি হল সম্ভূতুলসীদাসের ‘রাম-চরিত মানস’। রামায়ণ-মহাভারতের যে আঙ্গিক ভারতবর্ষের কোটি কোটি মাহুষের রক্তাঙ্গিত সংস্কার, নতুন কালের সমস্তাগুলিকে লেখক ভারই মধ্যে স্থাপিত করতে চেয়েছেন। কিন্তু কয়েকটি কারণে এই পরীক্ষা সম্পূর্ণ হতে পারেনি। প্রতি পাতায় পাতায় আঙ্গিক

শব্দের টীকা-ভাষ্য কিছুক্ষণ পরেই বিকর্ষণে পরিণত হয়। এই রীতির অন্ত্রে যে আত্মলোপী সরলতার দরকার, লেখকের আধুনিক মন এবং সমকালিক সমস্তা তার মধ্যে ব্যঙ্গ আর বৈদগ্ধ্যের তির্যকতা এনে দিয়েছে। আর এই স্ব-বিরোধের অন্ত্রেই এর মন্দ-মন্দর গতি রসসজ্জাগের পথে বিঘ্ন ঘটায়। তবু এর নতুন স্ব অনস্বীকার্য—গান্ধীবাদের মনোভঙ্গি-প্রকাশে এ উপন্যাস অভিনব।

তারশঙ্কর বন্দ্যোপাধ্যায় একটা বিশিষ্ট রীতিতে প্রচুর সাফল্য লাভ করেছিলেন তাঁর “হাঁসুলী বাকের উপকথায়।” এর বক্তব্য ঘাই-ই হোক, বাণীভঙ্গির বিচারে এই বই বাংলা সাহিত্যে স্মরণীয়। এ উপন্যাসে লেখক নিজেকে অল্পপস্থিত থেকে রাঢ়ের কুসংস্কারগ্রস্ত বস্ত্র কাহারদের একেবারে সম্পূর্ণভাবে ফুটিয়ে তুলতে পেরেছেন। এই নৈর্ব্যক্তিকতা একটা দুর্লভ গুণ—এবং তারশঙ্কর এই গুণকে আয়ত্ত করতে সক্ষম হয়েছেন। তাঁর আধুনিক ‘নাগিনী কন্ঠার কাহিনী’তেও এরই অল্পস্বতি। কিন্তু ‘নাগিনী কন্ঠায়’ যে অতীত-বিলাস এবং রোমান্সের গাঢ়-আমেজ—তাতে এই নৈর্ব্যক্তিক মনন ব্যাহত হয়েছে—লেখকের ব্যক্তিত্ব নিজেকে ঘেন সম্পূর্ণ আচ্ছন্ন করতে পারেনি।

তবু, ধারা দেশের গণ-মন নিয়ে সাহিত্য রচনা করবেন ‘হাঁসুলী বাকের’ আঙ্গিক নানা দিক থেকে তাঁদের লক্ষ্যনীয়। মধ্যবিত্তের বুদ্ধি ও সহানুভূতির সাহায্যে বাঙালী লেখক কৃষক-শ্রমিকের জীবন-সমস্তাকে স্পর্শ করতে পারেন, কিন্তু সেই সঙ্গে উপযুক্ত বাণী-সংযোগ না ঘটলে তার আবেদন সীমিত হবেই। টল্‌স্টয়-সদৃশে গল্প আছে, কৃষকদের নিয়ে যা কিছু তিনি লিখতেন আগে তাদের তা শুনিয়ে পরে তাদের চিন্তা এবং ভাষাপদ্ধতি অহুসারে তার পরিবর্তন করে নিতেন। একালের লেখকের পক্ষে এতটা সম্ভব না হলেও শিক্ষাটা সাধ্যমতো গ্রহণীয়। বস্তুবোধ্য এই আঙ্গিকের ব্যবহারে ইদানিং অল্প-বিস্তর সাফল্য লাভ করছেন ‘চরকাশেমের’ অমরেন্দ্র ঘোষ, ‘লক্ষীন্দর দিগারের’ ভদ্র

লেখক গুণময় মান্না। স্থলরবনের আরণ্যক পটভূমিতে এই রীতিতে অস্থরক মনোজ বহুর ‘জলজঙ্গল’ও স্মরণীয়।

আঙ্গিকের নৈব্যক্তিকতায় আরো একজন লেখক কৃতিত্ব দাবি করবেন— তিনি ‘কুরপালা’র শ্রষ্টা রমেশচন্দ্র সেন। তাঁর অধুনাতন ‘গৌরীগ্রাম’ পূর্ববাংলার মধ্য ও নিম্নবিস্তৃত মানুষকে অনাড়ম্বর আন্তরিকতায় স্বয়ং-প্রকট করে তুলেছে। এই কৃতিত্ব প্রায় তারাশঙ্করের সমপর্যায়ের। তারাশঙ্করের মধ্যে যদি বা কখনো কখনো সজ্ঞান প্রয়াস লক্ষ্য করা যায়—রমেশচন্দ্র সেন আপনিই উদ্ভাসিত। এই প্রসঙ্গে স্বভাবতই অচিন্ত্যকুমার সেনগুপ্তের ‘একটি গ্রাম্য প্রেমের কাহিনী’কে মনে পড়বে। কিন্তু গ্রাম্য-মানুষের মনোরম উদ্ঘাটন সত্ত্বেও লেখক অচিন্ত্যকুমার এখানে সব সময়ে উপস্থিত—স্থানিক-পরিভাষার সূক্ষ্ম যবনিকার নেপথ্যে তাঁর নাগরিক উপস্থিতি।

এই নাগরিক কথাটার প্রয়োজন আছে। ইতিপূর্বে যে সমস্ত আঙ্গিকের কথা বলা গেল, মর্মবস্তুর দিক থেকে তা পল্লীবাংলাকে দ্রুত। আমার মনে হয়, স্থলভাবে বাংলা উপজাতিকে গ্রামিক ও নাগরিক—এই দুটি আঙ্গিক রীতিতে বিভক্ত করা যায়। কলকাতার প্রাণ-প্রবাহের যে দ্রুতগতি, তার খরশ্রোতের আবর্ত, তার খণ্ড-ছিন্নতার যে ক্ষণ-দীপ্তি, ‘টোড়াই চরিত’ কিংবা ‘হাঁসুলী বাঁকে’র মন্দাক্রান্তায় তাকে ধরা যাবে না। অতএব নাগরিক মানস অস্থায়ী নাগরিক আঙ্গিকও বাংলা সাহিত্যে গড়ে উঠেছে।

এই পর্যায়ে পড়েন একদিকে যেমন নাতি-আধুনিক অন্নদাশঙ্কর-বুদ্ধদেব-মানিক বন্দ্যোপাধ্যায়, তেমনি সাংপ্রতিক নরেন্দ্রনাথ মিত্র, সন্তোষকুমার ঘোষ, স্থলীল জানা, সমরেশ বহু। অন্নদাশঙ্করের বুদ্ধিমাজিত ‘না’ একটা বিদগ্ধ জনের আসরকে স্মরণ করিয়ে দেয়; তার কাটা ছাঁটা সংঘত রীতি’ একটা পরিণীলিত পরিবেশ রচনা করে। মানিক বন্দ্যোপাধ্যায় তাঁর ‘সোনার চেয়ে দামী’ ‘সর্বজনীন’ কিংবা ‘পাশাপাশি’তে মধ্য ও নিম্নবিস্তের যে জীবন-চিত্র আঁকতে চেয়েছেন, সেখানে সমস্তা এবং প্রয়োজন এত প্রবল যে কোনো আবেগ বা

উচ্ছ্বাস তাঁর রচনা থেকে নির্বাসিত ; তাঁর আঙ্গিক বৈধবোর শূন্যতায় প্রাঙ্গণ ভাবোক্তি অলংকারের পর্ধায়ে পৌছেছে ।

নরেন্দ্রনাথ মিত্রের 'দেহমন' এবং 'দূরভাবিণী'ও এই মধ্যবিত্ত মনেরই রসায়ন—ঘরোয়া এবং আন্তরিক ; কিন্তু রোম্যান্টিক মনের একটি সুকুমার প্রলেপে তাঁর আঙ্গিকে আকর্ষণীয় স্নিগ্ধতা সঞ্চারিত হয়েছে । সুশীল আনার 'মহানগর' নাগরিক ঔজ্জ্বল্যে দীপ্ত এবং বেগবান—তাঁর সংগ্রামী দৃষ্টিভঙ্গি রচনায় প্রত্যয়শীল দৃঢ়তা এনে দিয়েছে । সম্ভবত ঘোষের 'কিছু পোয়ালার গলি' এই নাগরিকতার আর-এক দিক । ধারালো বাহুর সঙ্গে সুমার্জিত শব্দ প্রয়োগ, বাণী-রীতিতে বাণ-ফলকের ধার—তাঁকে স্পষ্টোচ্চারিত নাগরিক করে তুলেছে । সমরেশ বসু এদিক থেকে ভিন্ন পাড়ার বাসিন্দা । তাঁর প্রথম উপন্যাস 'উত্তরকৈর' শেষ পর্ধায়ে এবং পরবর্তী 'বি টি রোডের ধারে'তে তিনি যে শ্রমিক ও নিম্নবিত্তকে আশ্রয় করেছেন, তাদের ক্লিন্ন দীনতার সঙ্গে তাঁর আঙ্গিকেরও সহমর্মিতা রয়েছে । তাঁর স্বাভাবিক সারল্য কখনো অতি মূল্য কখনো অতিব্যক্ত । সমরেশ বসুর রচনারীতির আর-একটি বৈশিষ্ট্য এই—দেহাতী থেকে যে লোকটি শ্রমিকে রূপান্তরিত হয়, তার চেতনার নেপথ্যমঞ্চে কিছু গ্রাম্যতার সঞ্চার থাকেই ; তাই তাঁর রীতির মধ্যে 'হাঁসুলী বাকে'র আমেজ আছে ; কিন্তু 'হাঁসুলী বাকে'র উপকথা' যেখানে শেষ হয়, সেখান থেকেই তাঁর উত্তরকৈর কল্পনা বি-টি রোডের ধারে এসে আছড়ে পড়ে । রচনাভঙ্গির বিচারে সমরেশ তারাপরুর পরের অধ্যায় ।

রোম্যান্টিক লেখক বুদ্ধদেব তাঁর 'তিথিভোরে' একটা নতুন ভাটে উত্তীর্ণ হয়েছেন । উপন্যাসে তিনি আনতে চেয়েছেন গীতি-কবিতার স্বংকার—একটা কোমল ছায়াময়তা ছড়িয়ে রয়েছে তাঁর 'তিথিভোরে'—তাঁর শেষতম 'মৌলিনাথে' । 'তিথিভোরের' 'ধ্বনিকা কল্পমান' অধ্যায়ের সমাপ্তিতে স্বাতী ও সত্যেনের বাসর—অসমাপ্ত কথা, দূরলগ্ন ধ্বনি আর টুকরো টুকরো অল্পকৃতির রঙের ছিটের একটা চমৎকার ভাবমণ্ডল রচনা করে । নিতান্ত

সাধারণ এই প্রেমের উপজ্ঞাসটি আঙ্গিকের গুণেই রোমান্স-রসিকের কাছে অত্যন্ত উপাদেয় মনে হবে। বলা দরকার, আধুনিক কালে বুদ্ধদেব তাঁর এই পথের প্রায় একক যাত্রী। কিছুটা সহযাত্রিনী হয়েছেন ‘মনের ময়ূরের’ প্রতিভা বহু।

মধ্যবিস্তৃত বাঙালির অন্তঃপুরের কথা অন্তরের ভাষায় বলতে পেরেছেন আশাপূর্ণা দেবী—তাঁর ‘বলয়গ্রাস’ উপজ্ঞাসে। এ কৃতিত্ব ঈর্ষ্যা করার মতো। বাণী রায়ের ‘প্রেম’ উচ্চবিস্তৃত অভিজ্ঞাত-সমাজের উদ্বাটনে একটা নিষ্ঠুর ভীকৃততা পেয়েছে। রোম্যান্টিক সৌন্দর্যে দীপিত, অথচ বুদ্ধিবাদ এবং রাজনৈতিক বিশ্বাসে আত্মহ গোপাল হালদারের ‘অল্প দিন,’ ‘আর একদিন’ একটা গম্ভীর-মধুর বাণীভঙ্গিকে আশ্রয় করেছে। এ রীতি একাধারে আধুনিক এবং ক্লাসিক।

আঙ্গিকে বৈচিত্র্যের স্বাদ ধারা এনেছেন, তাঁদের মধ্যে আরো দুজনের উল্লেখ প্রয়োজন। তাঁরা যথাক্রমে বনফুল এবং নবেন্দু ঘোষ।

বনফুলের ‘ভানা’ বিষয়বস্তুতে যেমন অভিনব, আঙ্গিকেও তেমনি। পক্ষী-জীবনকে আশ্রয় করে গল্পে-পল্পে চম্পু রচনার এ এক বিচিত্র প্রয়াস। এ রীতিকে পরীক্ষামূলক বা experimental বলাই সংগত। তাঁর ‘স্বাবর’ আদিযুগ থেকে বর্তমান পর্যন্ত মানবসত্তার জন্ম-বিবর্তনের কাহিনী,—একটি বৈজ্ঞানিক তত্ত্বকে সাহিত্যায়িত করার সাধনা। ‘ভানা’ যেমন কবিতার মতো শৃঙ্খলারী—‘স্বাবর’ তেমনি প্রবন্ধের মতোই তত্ত্বময়। বুদ্ধদেবের মতো বনফুলও তাঁর নিজস্ব আঙ্গিকে অনন্ত।

নবেন্দু ঘোষের ‘আজব নগরের কাহিনী’ এবং ‘বীপ’ বাংলা সাহিত্যে সাংকেতিক উপজ্ঞাসের প্রথম প্রয়াস। প্রথম বইটি বিশেষভাবে উল্লেখযোগ্য। স্বর্গের মাহুতকে মর্ত্যের দুঃখ-বেদনা-মহুত্বকে দীক্ষাদানই এর প্রতিপাদ্য। লেখকের দৃষ্টিভঙ্গি হিউম্যানিটারিয়ান, সমস্ত সমকালীন এবং প্রেরণা স্পষ্টত আনাতেল ক্রীসের। ‘আজব নগর’ পড়তে গিয়ে বারে বারেই ‘পেছুদিন

আয়ল্যাণ্ড'কে মনে পড়বে। কিন্তু প্রথম প্রচেষ্টা বলেই হয়তো অভি-বিবৃতি এবং details-এর প্রতি আসক্তিতে উপভাসের সাংকেতিকতাকে ধীরে ধীরে আঘাত করেছে। অভ্যস্ত সুরচিত 'সীপ' উপভাসেও হিন্দু-মুসলিম দাঙ্গার নয়তা আরো একটু আবৃত হলেই আদিকের সার্থকতা বজায় থাকত।

গত পাঁচ বছরের বাংলা উপভাসের মোটামুটি একটা আদিকগত তালিকা দেওয়া গেল। এ তালিকা সম্পূর্ণ নয়, আলোচনা সংক্ষিপ্ত এবং বিশ্লেষণ প্রায় অল্পপস্থিত। আমার নির্দিষ্ট সময়ের সংক্ষিপ্ত গণ্ডির মধ্যে তা সম্ভবও নয়। অতএব এ শুধু বিস্তৃত আলোচনার মুখবন্ধ মাত্র।

তবে একথা নিঃসন্দেহে বলা যায় যে, গত পাঁচ বছরে বাংলা উপভাস ফর্ম এবং কনটেন্টে বৈপ্লবিক কিছু করতে না পারলেও একটা ধারাকে অন্ততঃ রক্ষা করে এসেছে। আপাতত যাকে নিষ্ক্রিয়প্রায় মনে হচ্ছে, তা শক্তি সঞ্চয়েরই একটা পূর্বাধ্যায় মাত্র। বিদেশী উপভাসে আদিকের যে লোভনীয় বৈচিত্র্য আমরা পাই, বাংলা উপভাসের বস্তু-স্বরূপকে উপেক্ষা করে তার অন্তে দাবি জানাতে গেলে অহেতুকভাবে formalismকেই টেনে আনা হবে। সার্ভ্-এর The Reprieve বই-খানাকে স্মরণ করা যায়। একালে টেকনিকের চরম পরীক্ষা বোধ হয় এই উপভাসেই হয়েছে; দ্বিতীয় মহাযুদ্ধের ঠিক পূর্বক্ষণের ঘড়ির কাঁটার মতো চলছে এর কাহিনী : একটি বাক্যের মধ্য দিয়েই পাজ এবং স্থান পরিবর্তিত হয়ে যাচ্ছে : সুদেভেন-মরোক্কো-বের্লিন-প্যারী। এ রীতি যেন তৎকালিক ইয়োরোপ—প্রধানত ফ্রান্সের কম্পমান দ্বায়—হতাশা আর আশঙ্কার সহস্রদীর্ঘ। আবার The Reprieve এবং Iron in the Soul এর মতো একই পটভূমিতে এরেনবুর্গের Fall of Paris করাসী মানসের বিখাসী পরিচয়। সার্ভ্-এর দ্বায়বিক চঞ্চলতার বিপরীত এরেনবুর্গ কঠিন এবং প্রত্যয়শীল—তার আদিকে ইম্পাতী কঠিনতা।

বাংলা উপন্যাসে জোর করে সার্ভ্কে আনা যাবে না—এরেনবুর্গকেও
 না। জীবনের অকপট উপলব্ধির ওপরেই কথাবস্তুর ভিত্তি গড়ে উঠবে,
 তাকে বিশিষ্টতার রেখায়িত করবে তার আঙ্গিক। বাংলা উপন্যাসে এই
 উপলব্ধি আসছে নানানিক থেকে—জিজ্ঞাসায়, সংগ্রামে, গণবোধে। ভবিষ্যতের
 মহৎ উপন্যাসগুলিও অন্তরঙ্গের মতো তার বহিরঙ্গকে গড়ে নেবে—গ্রেট
 ফর্ম তৈরী হবে গ্রেট কন্টেন্টের সহযোগে ॥

পূর্ববাংলার কথাসাহিত্য

কাজী মোতাহার হোসেন

পূর্ববাংলার কথাসাহিত্য সম্বন্ধে দু'একটা কথা বলবার ভার পড়েছে ঘটনাচক্রে আমার উপর। একে একটা বড়ো রকমের প্রকৃতির পরিহাস বলেই মনে করতে হবে। তার কারণ, একখানা মাসিকপত্র বা ম্যাগাজিন হাতে পড়লে আমি সচরাচর প্রবন্ধগুলোই পড়ি; বিশেষ কারণ না ঘটলে কবিতা বা গল্পের দিকে মন দিই না। বিশেষ কারণের মধ্যে প্রধান হচ্ছে বন্ধুবান্ধবের অনুরোধ আর সুপারিশ।

ছেলেবেলা থেকেই 'সদা সত্য কথা কহিবে' গুরুজনের এই উপদেশটা মনের মধ্যে এমন গুরুতরভাবে শিকড় গেড়ে বসেছিল যে মিছিমিছি গল্প বানিয়ে বলাকে রীতিমতো কুবাক্য আর কুকার্য বলেই মনে করতাম। অনেক পরে অবশ্য বুঝতে পেরেছি, সব মিথ্যা কথাই মিছে নয়, আর কোনো সত্য কথাই একেবারে সত্যি নয়। এ পরিবর্তন হয়তো বিশেষভাবে রবীন্দ্র-প্রভাবেই হয়েছে।

যাই হোক, মাহুকেরও যে সৃষ্টির অধিকার আছে, একথা এখন বিনা বিধায় স্বীকার করি। মাহুকের এ সৃষ্টি কতকটা খোদার উপর খোদকারী বটে। অর্থাৎ মাহুকের হাতে চার কিছু হতে পারে না, বা করতে চায় অথচ বাধা পায়, সেই ইচ্ছার ছাপ পড়ে সাহিত্যে। বিশেষ করে কথাসাহিত্যে মাহুকের অপূর্ণ ইচ্ছা বা অপূর্ণীয় আদর্শের ছাপ স্বচ্ছন্দে বহন করে বলেই তা এত

আকর্ষণীয় হয়। কিন্তু খোদার নিয়মকানুনগুলো এমন অনড় যে তার উপর খোদাকারী করতে হলে খোদার সৃষ্টিটা আগে ভালো করে মনের মধ্যে পরিপাক খাইয়ে নিতে হবে; তারপর তার থেকেই উপাদান নিয়ে পরস্পর সংগতি রেখে সেগুলো মনোরম করে সাজাতে হবে। যার-তার দ্বারা একাজ সম্ভব নয়—তবে যে-সে-ই এ কাজে হাত দেয়। কেউ বা দাদা সত্য কথা বলতে গিয়ে এক নৈরাশ্রজনক ব্যর্থ সৃষ্টি করে বসে, যার মধ্যে খোদার সৃষ্টির রস-বোধটারই অভাব। আবার কেউবা খোদাকারী করতে গিয়ে এমন গাঁজাখুরী গল্প বানায়, যা সম্পূর্ণ অবিশ্বাস, আর চটকদার বলেই বেশী করে উদ্ভট! সত্য কথা বলতে গেলে, 'আদিখ্যেতা' নেই এমন সার্থক গল্প বা উপন্যাস বাংলা সাহিত্যে ছল'ড। তবে সব দিক দিয়ে বিচার করলে মাঝারীর চেয়ে উঁচু দরের জিনিস—যা সর্বসাধারণের পাতে দেওয়া চলে—তার অভাবও নেই। যাক, আমার মতো গল্প-বেরসিকের পক্ষে স্কুয়ার আর্টের স্বপ্ন বিচার শোভা পায় না। তাই পূর্ববাংলার কথাসাহিত্য সম্বন্ধে দুয়েকটা স্থূল কথা বলেই ক্ষান্ত হব।

কথা-সাহিত্য বলতে সচরাচর কথিকা, ছোটগল্প, বড় গল্প, উপন্যাস আর নাটকই বোঝায়। কথা ও কাহিনী পড়ে লিখলেও তাকে কথা-সাহিত্যের মধ্যে ধরা যেতে পারে। এই হিসেবে পল্লীগাথা বা পালাগানও বোধ হয় কথা-সাহিত্য। কিন্তু ইতিহাস, ভ্রমণবৃত্তান্ত আশ্চরিত প্রভৃতি এত দূরের কুটুখ যে ওগুলোকে ধর্তব্যের মধ্যে না আনলেও ক্ষতি নেই।

কথা-সাহিত্য-জাতীয় বই বের করেছেন অল্প কয়েকজন মাত্র। তবে মাসিক পত্রিকা বা বিশেষ সংখ্যার দৈনিক পত্রিকাগুলো ঘাঁটলে অনেক চলন-সই গল্প চোখে পড়ে। সকলের সব বইএর সঙ্গে পরিচিত হওয়া বোধ হয় "পাঁড় গল্প-খোরের" পক্ষেও স্বকঠিন, আমার পক্ষে তা একেবারেই অসম্ভব। ভাগ্যিস, কিছুদিন এক পত্রিকার সম্পাদক ছিলাম, সেই স্বভে

কয়েকখানা বই “সমালোচনার জন্ত” বিনামূল্যে পেয়েছিলাম, এখনও মাঝে মাঝে পাই। ভদ্রতার খাতিরে আর কর্তব্যের খাতিরে সেগুলো আগাগোড়া পড়তেই হয়। এর বাইরেও বন্ধুবান্ধবের কাছ থেকে দুই এক-খানা বই নিয়ে সময় সময় পড়বার সুযোগ হয়। তা ছাড়া পাঠ্য বইএর বাইরে অপাঠ্য বই নিজের পয়সায় কিনে পড়া যে প্রায়ই ঘটে উঠে না, এ-কথা খাটি বাঙালী মাঝেই স্বীকার করেন। এ-ব্যাপারে আমি অবশ্যই খাটি বাঙালীত্বের জোর দাবী করতে পারি! যা হোক যে দুই একজন ভদ্রলোক তাঁদের বই পড়বার সুযোগ দিয়েছেন, তাঁদের বই সম্বন্ধে বিশেষ উল্লেখ না করলে অভদ্রতা হবে। কিন্তু ধারা তা করেন নি, অর্থাৎ ধাঁদের সমৃদ্ধ রচনা আমার হস্তগত হয়নি, তাঁদের বই সম্বন্ধে দুয়েক কথা বলতে না পারার তাঁরা কিন্তু আমাকে ছুষতে পারবেন না।

উপগ্রাস আর বড় গল্পকে এক পর্দায়ে ফেলাই সুবিধা—কারণ, তাতে বন্ধুবিচ্ছেদের ভয় একটু কমে। পাকিস্তান হওয়ার পরে প্রকাশিত কথা-সাহিত্যের মোটামুটি তালিকা এই :

উপগ্রাস বা বড় গল্প : (১) সৈয়দ ওয়ালী উল্লাহ—লাল শালু ; (২) হামেদ আহমদ—অপুরণীয় ; (৩) আশরাফুজ্জামান—(ক) মনজিল, (খ) আকাশ পর্বত, নদী ও সমুদ্র ; (৪) আকবর উদ্দীন—(ক) অবাঞ্ছিত, (খ) কি পাইনি ; (৫) মাহবুবউল আলম—মফিজন ; (৬) কাজী আফসার উদ্দীন—চরভাঙ্গা চর ; (৭) এস, এ, হাশেম খাঁ—আলোর পরশ।

গল্প : (১) শাহেদ আলী—জিবরাইলের ডানা ; (২) আহমদ ফজলুর রহমান—এক টুকরো জমি ; (৩) আলাউদ্দীন আল আজাদ—(ক) জেগে আছি, (খ) ধান কত্কা ; (৪) শওকত ওসমান—জুহু আপা ও অস্ত্রান্ত গল্প ; (৫) হামেদ আহমদ—(ক) মাহুষ ও পৃথিবী, (খ) তিল ও তাল ; (৬) সর্দার জয়েন উদ্দীন—নয়ানটুলি ; (৭) আবুলকালাম শামসুদ্দীন (২য়) পথ জানা নাই ; (৮) অবনী নন্দী—বিভ্রান্ত বসন্ত ; (৯) নুরুলহাফিজ—বোবা

মাটি; (১০) নূরজাহান বেগম—সোনার কাঠি; (১১) মোহাম্মদ ইসহাক চাধারী—মায়ের কলক।

এ ছাড়া আরো এই কয়েকজনের নাম উল্লেখ করবার মতো: মবীন উদ্দীন আহমদ; এরশাদ হোসেন; আব্দুল গাফ্ফার চৌধুরী; হাসান হাফিজুর রহমান; আঃ মুঃ মির্জা আবদুল হাই; অকিকন দাস; আতোয়ার রহমান; খলিলুর রহমান চৌধুরী; মিল্লত আলী; আজিজুল হক; কাজী ফজলুর রহমান; ইব্রাহীম খাঁ।

নাটক: (১) আজীম উদ্দীন—মহয়া; (২) এম, আববর উদ্দীন—নাদীর শাহ; (৩) শওকত ওসমান—(ক) আমলার মামলা, (খ) কঁকর মণি, (গ) তস্কর ও লস্কর; (৪) আস্কার ইব্নে শাইখ (ওবায়দ আসকার)—(ক) বিরোধ, (খ) পদক্ষেপ, (গ) বিদ্রোহী পদ্মা, (ঘ) দুর্ভাগ্য টেউ; (৫) আবু জাফর শামসুদ্দীন—শনিগ্রহ; (৬) ওবারতুল হক—(ক) এই পার্কে, (খ) দ্বিঘিঞ্জরী চোরাবাজার; (৭) মুফাখ্খারুল ইসলাম—মুর্শীদ; (৮) মুকুল মোমেন—নেমেসিস।

পালাগান: (১) রওশন ইজদানী—(ক) চিহ্নবিবি (খ) রঙিলা বন্ধু (২) মফিজউদ্দীন আহমদ—পাকিস্তানের নতুন জারী; (৩) জসীমউদ্দীন—বেদের মেয়ে (গীতিনাট্য)।

রঙ্গরচনা: (১) আবুল মনসুর আহামদ—সত্যমিথ্যা, (২) আসহাব উদ্দীন আহমদ—ধার, (৩) নূরুল মোমেন।

অবশ্য সকলেই স্বীকার করবেন এই বারোয়ারী লিটের সবগুলো বই-ই স্ফাহিত্য হবে, তার সম্ভাবনা খুবই কম। আর আমিও অনায়াসে স্বীকার করে নিতে পারি,—আপনারা মনে মনে প্রার্থনা করছেন, আমি যেন আবার এ সবের সমালোচনা জুড়ে না দিই। আরও একটি কথা এই যে, লিটগুলো সময় অল্পসারে বা গুণ-অল্পসারে সাজানো হয়নি। গুণাগুণ বিচার করতে হলে কৌতূহলী পাঠক অবশ্য নিজের মুখেই ঝাল খেয়ে দেখবেন।

তবে পূর্ববাংলার কথা-সাহিত্য কী মনোভাবের দ্বারা প্রভাবিত হচ্ছে তার একটা সংক্ষিপ্ত পরিচয় দেওয়া বোধ হয় অপ্রাসঙ্গিক হবে না। সাহিত্যের দল স্বীকার না করলেও সাহিত্যিকদের প্রায়ই দল থাকে। অর্থাৎ সম-ভাবুকেরা কেমন করে যেন স্বযোগ পেলেই এক সঙ্গে ছুটে যান, এবং নিজেদের ধ্যানধারণার অহরূপ সাহিত্য গড়ে তুলতে পরস্পরের সহায়ক বা অন্ততঃ পক্ষে উৎসাহদাতা হয়ে পড়েন। সাহিত্যিকদের এই রকম জোট বা দল থাকা ভালই, কিন্তু দলাদলি থাকারটাই ক্ষতিকর। পূর্ববাংলায় দেখতে পাই, দলও আছে, দলাদলিও আছে। বোধ হয় পশ্চিম বাংলায় বা পৃথিবীর অন্তর্গত এ-ব্যাপারটা অল্পবিস্তর আছেই। আমি তিনটে প্রধান দলের কথা জানি—পাকিস্তান সাহিত্য সংসদ, তমদ্দুন মজলিশ আর রেনেসাঁস সোসাইটি। দলগুলোর নাম থেকেই এদের মনোভাবের ধানিকটা পরিচয় হয়ত পাওয়া যাচ্ছে।

সাহিত্য সংসদের তরুণরা আমার মতো একজন বৃদ্ধকে সভাপতি করেছেন। এতে ধানিকটা আশ্চর্য হবার কারণ আছে বৈ কি। কারণ অল্প দলের কাছ থেকে অনেকবার শুনেছি এই দলের ছেলেরা নাকি একদম গোপাল্য গেছে—প্রবীণদের পাত্তাই দিতে চায় না। আমার বিশ্বাস অধিকাংশ প্রবীণই নিজেদের পুরানো মূলধন ভাঙিয়ে বা চোখ রাঙিয়েই সাহিত্য দরবারে রাজত্ব চালাতে চান। তরুণদের নতুন আইডিয়া তাঁদের চোখে বেঁধে, তার মধ্যেও যে কোন সার পদার্থ থাকতে পারে, এ-ধারণাই তাঁদের হয় না।

জীবনের সবক্ষেত্রেই এই ত চিরন্তন ঘটনা। কোনোও দিকে অতি-প্রবণতা দেখা দিলেই আর সবদিক সহজে চোখে পড়তে চায় না। আমার প্রথম প্রথম মনে হত তরুণেরা বড় বেশী ম্লোগানের পক্ষপাতী, তার মানে তাঁরা রুশো ভল্টেরার শোপেনহাওয়ার-মার্কস লেনিন প্রভৃতির মতামত কপচাতেই বেশী মজবুত, সেগুলো তুলিয়ে বুঝবার প্রবৃত্তি তাঁদের

মোর্টেই নেই। কিন্তু কার্যক্ষেত্রে দেখলাম এঁদের অন্ততঃ শতকরা ৩০ জন বেশ স্থিরবুদ্ধি এবং বাইরের জগতের সঙ্গে যেমন পরিচয়, ঘরের কাছেই পারিপার্শ্বিক সম্বন্ধেও তেমনি বেশ সচেতন। এঁরা সাহিত্য-ক্ষেত্রে রাজনীতি বা ধর্মের বাড়াবাড়ি পছন্দ করেন না। এই দলের কথা-সাহিত্যিকদের মধ্যে আলাউদ্দীন আল আজাদ, সর্দার জয়েন উদ্দীন আর হাসান হাফিজুর রহমানের নাম বিশেষ উল্লেখযোগ্য। কাব্য, প্রবন্ধ প্রভৃতি অগ্ৰাণ্ড শাখায়ও অনেকেই আছেন। কোনো বিশেষ দলভুক্ত নন, অথচ এই তরুণ সাহিত্যিকগোষ্ঠীর সঙ্গে মনের মিল আছে বলে ধারণা জন্মে এমন কথাসাহিত্যিকদের মধ্যে সৈয়দ ওয়ালী উল্লাহ, মুনীর চৌধুরী, আবুল মনসুর আহমদ, আসহাব উদ্দীন আহমদ এবং হুরুল মোমেন বেশ খ্যাতি লাভ করেছেন। অবশ্য, কোনো বিশেষ দলের সবগুলো লোকেরই যে ধারণা ঠিক একই রকম, তা হতেই পারে না। যাদের নাম করলাম, তাঁরাও হয়ত সাহিত্যসংসদের কোনো কোনো আদর্শের সঙ্গে একমত নন। এই সংসদের যদি কোনো অতি-মাত্রিক ঘোঁক থাকে, সে বোধহয় সাম্যবাদের আদর্শের দিকে—ইসলাম যার প্রবর্তক আর বর্তমান যুগে পার্থিব দিক দিয়ে কমানিচ্ছম যার ধারক। এঁরা আসলে সূঁ জীবনের স্বাধিক, তাই বাস্তবপন্থী। তমদুন মজলিসেও অনেক উৎসাহী তরুণ সাহিত্যিক আছেন। এঁদের সংগঠন-কুশলতাই বেশী উল্লেখযোগ্য। মফঃস্বলেও অনেক জায়গার এঁদের শাখা আছে। রাষ্ট্রভাষা, ইসলামের আদর্শ এবং ঐতিহ্য প্রভৃতি অনেক বিষয়ে এঁরা পুস্তিকা প্রণয়ন করেছেন। সামাজিক দিকের চেয়ে রাজনৈতিক দিকেই এঁদের দৃষ্টি বেশী পড়েছে। এঁদের মূখপত্র 'সাপ্তাহিক সৈনিকের' মতামতগুলো ভালই, কিন্তু আমার মনে হয় ভাষায় বেন সংঘমের অভাব রয়েছে—কোনো বিষয়ে অতিমাত্রিক ঘোঁক হলে যা হলে থাকে। তমদুন মজলিসের সাহিত্য শাখার আর একটি মূখপত্র আছে, 'হ্যাতি'। 'হ্যাতিতে' উপরোক্ত রাজনৈতিক ঘোঁক তেমন প্রকট নয়। এঁদের

মধ্যে পালাপানে রুশন ইজদানী, নাটকে আসকার ইবনে শাইখ (ওবায়দে আসকার) এবং গল্পে শাহেদ আলী ও নুন্নাহার কুতিব্ব অর্জন করেছেন। আমার মনে হয় রাজনৈতিক পরিবেশ আর একটু স্থিরভাব ধারণ করলে, কিম্বা এঁরা রাজনীতিপ্রবণতা আর একটু কমিয়ে দিলে এঁদের দ্বারা অনেক উপাদেয় সৃষ্টি সম্ভব হবে।

পাকিস্তান সাহিত্য সংসদের বাংলেশ নাম, আর তমদ্দুন মজলিসের আরবী নামের পাশে রেনেসাঁস সোসাইটির ইক্ক-ফরাসী নাম দেখে মনে হয়, এঁরা যেন সাধারণ বাঙালী বা সাধারণ মুসলমানদের থেকে নিজেদের স্বাতন্ত্র্য বজায় রাখবার জন্য বেশ খানিকটা ব্যগ্র। কিন্তু এঁদের সাহিত্য বা সমালোচনার যে ধারা দেখেছি, তাতে মনে হয়, এরা যেন তমদ্দুন মজলিসকে তমদ্দুন শিখাতে চান, আর পাকিস্তান সাহিত্য সংসদকে ‘বি-পাক’ অর্থাৎ বিশেষ ভাবে ‘পাক’ করতে চান। এই উক্তির হেতু এই যে এঁদের মুক্কব্বীয়ানা কথায় ঝাঁঝ অনেক বেশী—যে ঝাঁঝে তমদ্দুনের ‘তাহজীব’ রক্ষাও হয় না আর পাকিস্তানের সাহিত্যিক আদর্শেরও মর্যাদা বোঝা যায় না। এঁদের সঙ্গে সংশ্লিষ্ট সবাই যে ঐ এক ধরনের তা-ও বলা যায় না। এঁদের অনেকের মনেই বিধা বন্দ এত বেশী যে ঠিক টাল সামলাতে পারছেন না। তবু সাধারণ ভাবে সবার মনেই যেন একটা ধারণা জন্মেছে যে বাংলা সাহিত্যে স্প্রচুর আরবী ফার্সি শব্দ বসালেই বা ধোঁরা খেজুর ফোঁরাত ফজলা, শিরী ফরহাদ আমদানী করলেই ইসলামী ভাবধারা পূর্ববাংলার লোকদের গলার ভিতর দিয়ে মর্মস্থলে পৌঁছবে। সম্ভবতঃ কবি ফররুখ আহমদ, সৈয়দ আলী আহসান, আবুল কালাম শামসুদ্দীন (১ম) এবং তাঁর সহকর্মীরাও এই মতের অগ্রণী। ফররুখ আহমদ প্রতিভাবান কবি; তাঁর আগেকার লেখা ‘সাত সাগরের মাঝি’ বিখ্যাত কাব্য, তাঁর গীতিকবিতার হাতও মন্দ নয়। কিন্তু অতি-ঝোঁকে সাহিত্যের অপমৃত্যু হয়, একথাটা ভুলে গিয়ে তিনি হয়ত নিজের প্রতিভার প্রতি অবিচার করছেন।

এই তিনটি দল ছাড়া আরও ছোটখাট দল আছে। কেউ কেউ দ্বিদল, ত্রিদল বা সর্বদলীয়, আবার কেউ বা একদম অদলীয়ও আছেন। শেষ পর্যায়ে বোধ হয় আবুল কালাম শামসুদ্দীন (২য়), মাহবুবুল আলম, মঃ আকবর উদ্দীন, ইব্রাহীম খাঁ, শওকত ওসমান, আবু জাফর শামসুদ্দীন প্রভৃতি আছেন। তা ছাড়া নাম উল্লেখ করতে গিয়ে কারো কারো দল বদল করে ফেলেছি কি না, সে সম্বন্ধেও সম্পূর্ণ নিঃসন্দেহ হতে পারছি না বিশেষতঃ বহু-দলীয়দের ক্ষেত্রে এ সম্ভাবনা খুবই বেশী।

আর একটা কথা বলেই শেষ করব। কথাটি এই যে আমি কথাসাহিত্যে গুণাগুণ বিচার করবার পুরোপুরি অধিকারী নই। তবে যে চেষ্টা করলাম, তাতে আমার আন্তরিকতার অভাব না থাকলেও সব ক্ষেত্রে ন্যায় নিষ্ঠা বজায় রাখতে পেরেছি কি না বলতে পারিনে। কাজে কাজেই আপনারা একদানা নিমক দিয়ে বক্তব্যটা গ্রহণ করবেন।

কয়েকটি অল্পশীল্ল কল্পনা

জগদীশ ভট্টাচার্য

প্রথমেই স্বরণ করি সম্প্রতি লোকান্তরিত বিভূতিভূষণ বন্দ্যোপাধ্যায়কে। কল্লোল-এর লেখকবৃন্দ যখন নতুন পরীক্ষা নিরীক্ষায় ব্যাপ্ত, তখন ছ'চোখে শিশুর বিশ্ব নিয়ে, সরল কৌতূহল নিয়ে, কথাসাহিত্যে জীবনের হারানো সৌন্দর্য-দৃষ্টিকে তিনি প্রতিষ্ঠিত করতে চেয়েছিলেন। তাঁর ব্যক্তিগত জীবনে বহুবিচিত্র স্বখঃখ ও ঘাতপ্রতিঘাতের যোগাযোগ ঘটেছিল; তাঁর সাহিত্য-সাধনার মধ্যে সেই জীবনকে আমরা অহুভব করি। তাঁর সর্বশেষ দান 'দেবদান' বিশ্বাসীর দান অবিশ্বাসীর পৃথিবীতে। 'ইছামতী' তাঁর অসমাপ্ত সাধনা।

যে পাঁচ বছর-কে আমরা বোঝবার চেষ্টা করছি তার মধ্যে বহু ঘটনা ঘটেছে যা আমাদের মনকে বারবার বিপর্ভন্ত করে তুলেছে। আমাদের দেশে স্বায়ত্তশাসন এসেছে, সেইসঙ্গে এসেছে ভ্রাতৃত্ববিরোধও। রাজনৈতিক সমুদ্র-মহনের হলাহলে সমগ্র জাতি আজ বিসগ্রস্ত। প্রতিবেশী চীন এগিয়ে চলেছে অপ্রতিহত গতিতে; কিন্তু আমাদের অবস্থা কী? ওদিকে আবার দেখতে পাচ্ছি তৃতীয় মহাযুদ্ধের প্রস্তুতি।

এই কয়েক বছরের মধ্যে বহু প্রতিষ্ঠাবান্ কথাসাহিত্যিকের কণ্ঠ নীরব হয়ে গেছে; বহু নতুনের কণ্ঠস্বর শোনা গেছে; বহু পুরাতন কণ্ঠ আবার নতুন করে শোনা যাচ্ছে। শৈলজ্ঞানন্দ মুখোপাধ্যায়ের কণ্ঠ নীরব হয়েছে; প্রেমেন্দ্র

মিজের কণ্ঠ কদাচিত্ শোনা যায়। তেমনি রাজশেখর বহু আবার বহুদিন পর নতুন করে লিখতে শুরু করেছেন; ‘গল্পকল্প’, ‘ধুমুরী মায়া’ তাঁর অপূর্ব রচনা। প্রেমাকুর আতর্ষীর আশ্চর্যহৃন্দর রচনা ‘মহাস্ববির জাতক’ আত্মজীবনী-মূলক হলেও কথাসাহিত্যের পর্যায়েই এর স্থান। সাহিত্যক্ষেত্রে শশিশেখর বহুর আবির্ভাবও আমাদের বিস্মিত করেছে; একজন উচ্চশিক্ষিত সাহিত্যিক এতদিন আত্মগোপন করে ছিলেন। রমেশচন্দ্র সেন অনেকদিন যাবৎ লিখছেন, কিন্তু তাঁর সাম্প্রতিক রচনা যেন নতুন করে দানা বেঁধেছে; তাঁর উপন্যাসে আঙ্গিক ও বিষয়বস্তুর নূতনত্ব আমাদের আশান্বিত করেছে। কল্লোল-যুগের অমরেন্দ্র ঘোষ দীর্ঘ অল্পপস্থিতির পর কথাসাহিত্যের ক্ষেত্রে আবার ফিরে এসেছেন নতুন শক্তি নিয়ে; ‘চরকাশেম’ প্রভৃতি রচনা তাঁর সার্থক সৃষ্টি। গত পাঁচ বছরে তারানন্দর বন্দ্যোপাধ্যায়ের রচনা বিশেষভাবে মনোযোগ্য। তাঁর বিখ্যাত এপিক উপন্যাসে ব্রিটিশশাসিত ভারতের জীবনকথা বর্ণিত হয়েছে, ক্ষয়িষ্ণু সামন্ততান্ত্রিক সমাজের ছবি ফুটে উঠেছে। তাছাড়া তাঁর ‘হীমালি ঝাঁকের উপকথা’ ও ‘নাগিনী কস্তুর কাহিনী’-র তো তুলনা নেই। কিন্তু আমার মতে তাঁর ‘পদচিহ্ন’ এইপর্বের সার্থকতম উপন্যাস; এর মধ্যে উদ্ঘাটিত হয়েছে ভারতবর্ষের সাংস্কৃতিক ঐতিহ্যের এক নতুন রূপ। বনকুল মানবসত্তার ক্রমবিকাশকে ধরেছেন ‘স্বাবর’ উপন্যাসে। তাঁর এই সৃষ্টি বাংলা উপন্যাস জগতে এক নতুন উদ্দীপনার সঞ্চার করেছে। অচিন্ত্যকুমার সেনগুপ্ত লিখেছেন অভ্যস্ত সাধারণ মানুষের কথা, বিশেষ করে অহুন্নত মুসলমান সম্প্রদায়ের কথা, তাদেরই নিজের ভাষায়। উপলব্ধি ও বর্ণনার তারানন্দরকেও তিনি অভিক্রম করে গেছেন।

ভাষণ: কথা-সাহিত্য

অন্নদাশঙ্কর রায়

আমার নিজেকে কথাসাহিত্যিক বলে স্বীকার করতে বাধা আছে। আমি যা কিছু লিখেছি তা ভিতর থেকে একটা নির্দেশ পাই বলে লিখেছি। যেটা আমি না বললে আর কেউ বলবে না বলে মনে করি সেইটেই বলি। আমার জীবনে যা ঘটেছে তা তো আর কেউ বলতে পারবে না। আমি ঠিক করেছি বানিয়ে লিখব না। উদ্ভাবন করব না। তা বলে দুনিয়ায় যত কিছু ঘটছে তার রিপোর্ট লেখা আমার কাজ নয়। যে ঘটনাটা আমাকে বিশেষভাবে দোলা দেয় সেইটের কথা লিখি। সেইজগ্রে আমাকে ঔপন্যাসিকের পর্যায়ে ফেলাটা ঠিক হবে না।

আমাদের এই সাহিত্যমেলা শুধু পাঁচ বছরের সাহিত্যেরই হিসাবনিকাশ নয়। এর আরেকটা ইঙ্গিত রয়েছে। দেশ এখন দু'ভাগ হয়েছে। আগের অঞ্চল রূপ আর নেই। অনেক বক্তাই পূর্ব বাংলাকে এক রকম ভুলে গেছেন বলে মনে হল। অনেকে এমন ভাবে কথা বলেছেন যে শুনে মনে হয় বাংলা কথাটার মানে শুধু পশ্চিম বাংলা। আমরা একটা খণ্ড বেছে নিয়ে বলছি, এই হচ্ছে বাংলা দেশ, এই হচ্ছে বাংলা সাহিত্য। এ যেন অন্ধের হাতী দেখার মতো। আমরা পরস্পরকে দেখতে পাচ্ছি। ভুল বুঝছি। আমাদের মাঝখানের এই ছুস্তর ব্যবধান কী করে দূর হবে। সে কথা চিন্তা করেই এ মেলায় স্থিতি। একেবারে দূর না হোক, পরস্পরকে কিছুটা জানব,

কয়েক পা পায়ে পা মিলিয়ে চলব, এটা তো হওয়া চাই। নইলে পরে দু'জনে এত দূরে চলে যাব যে মিলতে পারব না। এই মেলায় আমরা জানতে পারব পূর্ব বাংলা কোন দিকে যাচ্ছে পশ্চিম বাংলা কোন দিকে যাচ্ছে, দুইয়ের মধ্যে মিল আছে কি না, বা মিল ঘটবে কি না। এই যে কাজী মোতাহার হোসেন সাহেব বললেন পূর্ববঙ্গের তিনটে সাহিত্যিক দলের কথা, এসব তো জানতুম না। আজকের সভায় একটা পটভূমিকা পাওয়া গেল।


কী পরিমাণে সাহিত্যিকরা অগ্রগামী বা পশ্চাদ্গামী সেটাও হিসাব করা দরকার। সাহিত্যিকদের কেউ কেউ অভিযোগ করেন যে তাঁরা একটা গোলকর্ধাধার মধ্যে পড়ে আছেন। কথাটা সত্য। যদিও আমরা অবিরাম সাহিত্যস্রষ্ট করে যাচ্ছি তবু এই গোলকর্ধাধার কথা কেউ অস্বীকার করতে পারেন না। এই মেলায় আলাপ আলোচনা করে হয়তো একটা পথ পেয়ে যেতে পারি! হয়তো একটা দিকনির্ণয় হয়ে যেতে পারে।

বাংলাদেশের জীবনে একটা বিরাট পরিবর্তন দেখতে পাচ্ছি। একটা পল্লীপ্রাণ জাতি হঠাৎ নগরপ্রাণ হয়ে উঠছে। ইউরোপেও এই ব্যাপার ঘটেছিল ঊনবিংশ শতকে। এখন একটামাত্র নগর প্রায় প্রদেশের সমান হয়ে দাঁড়াচ্ছে। পশ্চিম বঙ্গ বলতে কলকাতা বোঝাচ্ছে। পূর্ববঙ্গের অধিবাসী তাঁরাও নাগরিক হয়ে উঠতে চাইছেন। সে কথা শামসুর রহমান বললেন। গোটা বাংলাদেশ ও বাঙালী জাতি নাগরিক হয়ে যাচ্ছে। আমরা গ্রামের জন্তে মায়াকারীও কান্দছি, কিন্তু হাজার বললেও আমরা কেউ গ্রামে ফিরে যাব না। ভালো হোক, মন্দ হোক এটা সত্য। সাহিত্যে তাই এটা প্রতিফলিত হচ্ছে। বছর পাঁচেকের মধ্যে এই পরিবর্তন বিপুল আকার নিয়েছে। আর একটা পরিবর্তন হল ইণ্ডাস্ট্রিয়ালাইজেশন। আমাদের জনসাধারণও বড় বড় ইণ্ডাস্ট্রি চাইছে। তারাও আর গ্রাম্য হয়ে থাকতে নারাজ। সাহিত্যেও এর ছাপ পড়েছে।

কোনো বিখ্যাত সমালোচক একবার বলেছিলেন বাংলা ভাষায় অনেক ভালো গল্প উপন্যাস লেখা হয়েছে বটে, কিন্তু টেলস্টয়ের “ওঅর গ্যাণ্ড পীস” এর মতো এপিক উপন্যাস লেখার উপকরণ তৈরি হয়নি। হীরেনবাবু বলছেন, আজ বাংলাভাষায় মহাভারত রচনার সময় এসেছে। টেলস্টয়ের মতো কোনো প্রতিভা যদি জন্মান তিনি “ওঅর গ্যাণ্ড পীস” রচনার অনেক উপাদান পাবেন। আমি এটা স্বীকার করি। যেসব ঘটনা এর মধ্যে ঘটে গেছে সেসব এপিক উপন্যাস রচনার উপযোগী বটে। আমি নীরোর মতো হলে আনন্দে বেহালা বাজাতুম। বলতুম, দেশটাকে ভেঙেছ, দেশের লোকগুলোকে করেছে ইহদী, উপন্যাস রচনার অনেক উপাদান দিয়েছ। এবার তা নিয়ে উপন্যাস লিখব। কিন্তু মাস্তুষের দুঃখের বিনিময়ে আমি উপন্যাসের আনন্দ চাইনে। তার চেয়ে আমি চাই দেশ আনন্দে থাকুক। তবু নিয়তি মহাশিল্পীর জন্তে ঘটনার পর ঘটনা সরবরাহ করে চলেছে। এই দুর্ভোগে এইটেই একমাত্র সাধনা যে মহাশিল্পের জন্তে উপাদান তৈরি হয়ে থাকছে। লেখকের সাধনা এর সঙ্গে যোগ দিলে মহাশিল্প সৃষ্ট হবে।

উপন্যাস ও ছোট গল্প এ দু'য়ের টেকনিক আলাদা। একই লেখকের হাতে দুটোই সমান ওতরায় না। রবীন্দ্রনাথ ব্যতিক্রম। গোরা ও গল্পগুচ্ছ দুই তাঁর হাত দিয়ে উতরেছে। বড় উপন্যাস হলোই ভালো উপন্যাস হয় না। বড় উপন্যাস ভালো হলে সস্তর বছর পরেও সেটা সমান আগ্রহের সঙ্গে পড়া হবে। ঐতিহাসিক বিচারে যে বই ভালো সাহিত্যিক বিচারে সে বই ক্লাসিক বলে গণ্য না-ও হতে পারে। গত পাঁচ বছরের কীর্তি আগামী পঞ্চাশ বছর স্থায়ী হবে কি না সে বিষয়ে কোনো পাকা রায় দেব না। শুধু দেখব কী কী সৃষ্টি হয়েছে ॥

ଅବକ୍ତାମାହିତ



সূত্রপাত : প্রবন্ধ সুনীলচন্দ্র সরকার

অতি অল্পদিনের মধ্যেই আধুনিক বাংলা গল্প এবং প্রবন্ধসাহিত্য নানা ঐশ্বৰ্যে সমৃদ্ধ হয়ে উঠেছে। ভাবতে আশ্চর্য লাগে বাংলাসাহিত্যের নবযুগ সূচনার সঙ্গে সঙ্গেই কেমন করে বঙ্কিম লিখলেন তাঁর প্রবন্ধগুলি। তারপরে এল রবীন্দ্রনাথ, প্রথম চৌধুরীর প্রবন্ধ। গত পাঁচ বছরের প্রবন্ধ সাহিত্যের খোঁজ-খবর করতে গিয়ে দেখা গেল প্রবন্ধ আর অনাদৃত নয়। পাঠকসাধারণের মধ্যেও যেমন তার আদর বেড়েছে, তেমনি বহু নতুন প্রবন্ধকার রত্নভূমিতে অবতীর্ণ হয়েছেন। তাঁদের উদ্দেশ্যও যেমন বিচিত্র, তাঁদের মধ্যে অনেকের ভাষা ও প্রকাশভঙ্গীও তেমনি নিজস্বতায় বিশিষ্ট। প্রবন্ধসাহিত্যে আমাদের গত এক শ বছরের উত্তরাধিকার নিয়ে আমরা গৌরব বোধ করতে পারি। আজ সেই উত্তরাধিকারের সার্থক ব্যবহার ও বিস্তৃতির লক্ষণ দেখে আশা হয় আমাদের কাব্যসাহিত্যের মত প্রবন্ধসাহিত্যও অল্পকাল মধ্যেই সৌন্দৰ্যে ও কলাটনপুণ্যে বিশ্বসাহিত্যে একটা স্থানলাভ করবে।

কিন্তু একথা মনে রাখা দরকার যে এখনো বাধা অনেক। এক হল শিল্পগত—মাধ্যমের আড়ষ্টতা, অবাধ্যতা, অক্ষমতা দূর করে তাকে সম্পূর্ণ ইচ্ছাধীন করে নেওয়া। দ্বিতীয় হল আভ্যন্তরিক, অর্থাৎ লেখকের নিজের ভিতরকার বাধা দূর করে বিক্ষিপ্ত বিচ্ছিন্নতাগুলিকে কোনো একটি মূল

ভূমিকার অন্তর্বর্তী করে নেওয়া ; তার জগ্রে চাই চেতনার বিস্তৃতি, কোনো লক্ষ্যের দিকে চেতনার প্রবহমানতা। সাহিত্যের প্রবন্ধ-বিভাগ তখনই প্রাধান্য লাভ করে যখন ব্যক্তি ও সমাজের চেতনা প্রসারলাভ করতে থাকে। ধর্মতত্ত্বের সঙ্গে উপমা দিয়ে বলা যায় কাব্যে যদি দেখি হ্লাদিনীশক্তি বা আনন্দের লীলাক্ষেত্র, প্রবন্ধসাহিত্যে আমরা পাই চিং-শক্তির প্রকাশ।

বর্তমান প্রবন্ধকারদের কাছে দেখছি একটি বৃহত্তর চেতনার তাগিদ এসে পৌঁছেছে। নীরস পাণ্ডিত্য ও চিরাগর্ত মতামতের পুনরাবৃত্তিতে তাঁদের আর মন নেই। বাইরের জগৎটা তার সমাজ, রাজনীতি, কেনাবেচার বাজার, সভাসমিতি, যানবাহন, আমোদ প্রমোদ প্রভৃতি সমস্ত বৈচিত্র্য নিয়ে আকর্ষণ করেছে অনেক লেখকের মনোযোগ। এই অভিজ্ঞতার প্রকাশ কখনো বা একেবারে বস্তুতাত্ত্বিক, কখনো বা তাতে বাস্তবতার সঙ্গে মিশেছে কিছুটা কল্পনার আমেজ। ফোটোগ্রাফিক রীতিতে চিত্র সংকলন থেকে আরম্ভ করে মানসদৃষ্টিতে দেশকালপাত্রের ব্যাপকতর দৃশ্য উন্মোচনের প্রচেষ্টা আছে। একদিকে চলেছে দেশবিদেশের অভিজ্ঞতা আহরণ, নানাবিচিত্র মাহুয, অবস্থা ঘটনার স্যাপ্‌শট সংগ্রহ, এবং মস্তব্য ও চিন্তার সূত্রে তাদের একত্র করবার চেষ্টা। অল্পদিকে নানাধরনের স্মৃতিকথা, আত্মজীবনী, জীবনী প্রভৃতির মধ্যে যুগজীবনের একটা কোনো দিককে প্রতিফলিত করবার আকাঙ্ক্ষা। জীবনের দ্রুতপরিবর্তনশীল রূপকে চেনবার জানবার এই চেষ্টা প্রশংসার্য। কারণ আমরা জাতিগতভাবে কালের সন্মুখযাত্রা সঘন্থে নিশ্চতন। আজ এই বিংশ শতাব্দীর মধ্যে এসেও আমাদের অনেক অভ্যাস ও অনুষ্ঠান থেকে গেছে অষ্টাদশ বা উনবিংশ শতাব্দীর। আমরা শাস্ত্রের যোগ্যতা অর্জন করি নি, এবং বর্তমান থেকেও আমরা চ্যুত। 'রামতল্লু লাহিড়ী ও তৎকালীন বঙ্গসমাজের' পর থেকে আজ পর্যন্ত আমাদের জীবনে বারবার যে আন্দোলন পটপরিবর্তন ঘটেছে, বৃহৎ ক্যানভাসে তার গতি ও প্রকৃতিকে ধরবার বিলুম্বাজ চেষ্টা এখনো হয় নি।

আর একটি দিকেও বেশ কিছু সার্থকতার দৃষ্টান্ত দেখা গেছে। নিজের মনোরাজ্যে বিচরণ, নিজের মধ্যে যা ছড়িয়ে আছে তাই একত্রে গুঁথে তোলা। এবং সম্পূর্ণ ব্যক্তিগত মেজাজ, রুচি ও রসবোধের সহায়তায় তাকে পাঠকের সম্মুখে উপস্থিত করা। ব্যক্তিগত রচনা আগেও যে বাংলা-সাহিত্যে ছিল না তা নয়, কিন্তু সাহিত্যের মোট উৎপাদনের তুলনায় তার পরিমাণ ছিল স্বসামান্য। এবং তার পাঠকও ছিল সংখ্যায় অল্প। এখন লেখক ও পাঠক দু-তরফের থেকেই এই ধরনের রচনার উপর যে অল্পরাগের নিদর্শন পাওয়া যাচ্ছে তা আমাদের গল্পসাহিত্যের পক্ষে একটা শুভ লক্ষণ বলতে হবে।

চিন্তামূলক প্রবন্ধ—সাময়িকপত্র বা গ্রন্থাকারে তাও লেখা হয়েছে অনেক। বাংলার সাধারণ পাঠকও এখন একটু মস্তিষ্ক ব্যবহার করতে চায়। বিনা বিচারে সব কিছু গলাধঃকরণ করতে আর তারা রাজি নয়। তাই সাহিত্য-সমালোচনার, রাজনীতি সমাজনীতি আলোচনার যেন একটা মরশুম এসেছে। এবিষয়ে আগ্রহ যে পরিমাণে দেখা যায় সেই পরিমাণেই যে উৎকৃষ্ট নতুন চিন্তার আবির্ভাব হয়েছে এমন নয়। তবে ভাবতে শুরু করলেই কোনো একখানে আর থেমে থাকা যাবে না, অগ্রসর হতেই হবে। বর্তমান বিরোধগুলিকে এগিয়ে যেতে হবেই একটা সমস্যের দিকে।

অনেক প্রবন্ধ আছে, তা বাংলা গল্পে লিখিত হলেও বাংলা সাহিত্য নয়। কোন গল্পরচনা সাহিত্য পদবাচ্য আর কোনটাই বা নয় তাই নিয়ে আলোচনা করা ভালো। শুধু কোনো মতবাদকে সতেজে ঘোষণা করলেই সাহিত্য সৃষ্টি করা হয় না একথা বললে দোষ নেই। কিন্তু কালের সময় দেখা যায় যে লেখক কোনো বিশেষ দল বা গোষ্ঠীর আশ্রয় বহন করে আসরে নেমেছেন, তাঁর উগ্র মতবাদদৃষ্ট লেখার মধ্যেও কখন সাহিত্যিক আত্মপ্রকাশ করেছে, আবার বিনি শুধু সাহিত্যের অন্তর্ভুক্তি সাহিত্যচর্চা করেন তাঁর মধ্যে সাহিত্য বা সাহিত্যের অতিরিক্ত কিছুই নেই! রং বা হুঁর নিয়ে খেলা করতে করতেও

কখনো কখনো শিল্পী আবিষ্কার করেন তাঁর শ্রেষ্ঠ রচনাকে। ভাষা যেখানে ব্যবহারিক, সেখানে সে অনেক নিয়মে বাধা, কিন্তু যেখানে তা শিল্প, সেখানে তার বৃহৎ স্বাধীনতা। আজ সারা পৃথিবীতেই দেখছি এক ধরনের স্বাধীনতা। অপর ধরনের স্বাধীনতাগুলিকে দমন করে রাখতে চাইছে। আমরা ভেবে দেখি নি যে গানের গলার স্বাধীনতা আর সহজ গলার কথা কণ্ঠ্যের স্বাধীনতা। এই দুয়ের মধ্যে বিরোধ আবশ্যিক নয়, দুই-ই পরস্পরকে আঘাত না করে নিজের স্বাতন্ত্র্য ও মর্যাদা রক্ষা করতে পারে। মোটর চাপার স্বাধীনতা পথচারীর স্বাধীনতাকে অপঘাতের দ্বারা দণ্ডিত করবার দরকার নেই, মোটর চড়াকেও বে-আইনি ঘোষণা করা নিশ্চয়োজন। মতবাদ কিছু থাকুক না থাকুক, রচনার স্টাইল নানা অজ্ঞাত প্রক্রিয়া ও প্রথার অহুসরণ করুক, আমাদের কাজ সাহিত্যের সার্থক প্রকাশের জগ্রে অপেক্ষা করা। এক হিসাবে কাব্য রচনার স্বাধীনতার চেয়েও গল্প সাহিত্য রচনার স্বাধীনতা ব্যাপকতর। লোকজীবনের বহু বিস্তৃত অঞ্চলকে সে আয়ত্ত্বাধীন করতে পারে। যখনই দেখা যায় সাহিত্যে এসেছে এই স্বাধীনতার স্ফুর্তি, এই বাধানিষেধহীন প্রকাশের আবেগ তখনই বুঝি ভালো সাহিত্যের জন্মলগ্ন আসন্ন। গত পাঁচ বছরের প্রবন্ধসাহিত্যের যতদূর পড়ে দেখতে পেরেছি তাতে মনে হয়েছে রবীন্দ্রোত্তর যুগের গণ্ডে সেই নবজন্মের আর দেরি নেই।

বিংশ শতাব্দীর অর্ধেক অতীত হয়েছে। এমন ঘটনা-বহুল, বহু মহত্বের পদপাতে রোমাঞ্চিত, সাধনা ও সংশয়ে বিচিত্র সময় ইতিহাসে দুর্লভ। এখন সময় এসেছে এই অর্ধ শতাব্দীর সমস্ত ক্রিয়াকর্ম, চরিত্র ও আখ্যান, অন্বেষণ ও প্রাপ্তির মর্মোপলব্ধি করার। আমাদের প্রবন্ধ-লেখকদের এই চ্যালেঞ্জ গ্রহণ করতে হবে। এই বড় কাজের উপযুক্ত হতে হলে প্রথমতঃ তাঁদের বুদ্ধি করতে হবে নিজেদের চেতনার পরিসর। তারপর চাই একনিষ্ঠ সাধনা। মহত্বের জীবনী রচনা শুরু হয়েছে। তার মধ্যে কিছু কিছু যথেষ্ট প্রশংসনীয়। শুধু বলতে হবে রচনার মহত্ব এখনো অনেক পিছিয়ে আছে বর্ধিত জীবনের

মহত্বের চেয়ে। যুগজীবনের সঙ্গে যোগরক্ষা করে কর্ম ও চিন্তা-নেতাদের জীবনী লেখার এখনো যথেষ্ট প্রয়োজন ও সম্ভাবনা আছে। এই যুগের মর্মবাণীর সঙ্গে পরিচয় সাধন তার স্মরণীয় মুহূর্ত ও চরিত্রগুলির চিত্ররূপ রচনা— এই দুঃসাধ্য কাজ করবার যোগ্য প্রস্তুতি আজ প্রবন্ধ-সাহিত্যে হয়েছে বলে স্বীকার করি। সমালোচনা-সাহিত্যেরও পক্ষে আজ শুভলগ্ন। দেশী ও বিদেশী চিন্তাধারার সংমিশ্রণে নূতন চিন্তা ও সংশ্লেষণ চেষ্টার স্বযোগ উপস্থিত হয়েছে। আজ যারা এই সমস্ত দুঃসাধ্য ও জীবনব্যাপী তপস্বী স্বীকার করবেন সেই উদীয়মান প্রবন্ধকারদের আমার শুভেচ্ছা জানাচ্ছি।

পাঁচ বছরের রম্য-রচনা

বিমলাপ্রসাদ মুখোপাধ্যায়

দু জনে একত্র হলে উৎপত্তি হয় সমাজের। দু জনে এক সঙ্গে মিলিত হলে সূত্রপাত হয় সাহিত্যের। সমাজবন্ধ মানুষের নানাবিধ মনোবৃত্তি, সম্বন্ধ আর ব্যঞ্জনাই হল সাহিত্যসৃষ্টির উপকরণ। সাহিত্যের জন্মের মধ্যে এই প্রতিশ্রুতি রয়েছে, সমাজবৃত্তির পরিপুষ্টি এবং সমাজধর্মের সরস চিত্রণ। একটির বিবর্তন হয়েছে প্রয়োজন-সাহিত্যের মারফত, দ্বিতীয়টির কল্পনা-সাহিত্যের মাধ্যমে। উভয়েরই বাহন হল এক বিশিষ্ট ভাষা যার ঘটকতায় নিজের কথা ও চিন্তা অপরের কাছে পৌঁছে দেওয়া যায়। মনের অর্থন থেকে জন্মায় প্রণয় আর সাহিত্য হল প্রণয়জ সৃষ্টি। সার্থক স্পর্শে উজ্জীবিত রস গ্রহণ আর রস বিতরণ—এইটুকুই মিলন ও ভাষণের মূল কথা।

প্রবন্ধ-সাহিত্য হল এমন এক বিশিষ্ট শ্রেণীর সাহিত্য, যার মধ্যে শুধু স্তরবিভাগ নেই। আছে রসভেদ। প্রবন্ধের অর্থ যদি হয় প্রকৃষ্ট বন্ধ, তা হলে সেই গ্রন্থি বা সংশ্লেষের দুটো দিক থাকাই স্বাভাবিক। একটি বিষয়গত, অপরটি হৃদয়গত। তাই নিবন্ধ হতে পারে তত্ত্বপ্রধান আবার রসপ্রধান। যেখানে বস্তুজগতের তথ্য বহন ও ব্যাখ্যা করাই মূল উদ্দেশ্য, সেখানে প্রবন্ধ হচ্ছে যুক্তিবাদী, মননশীল তথ্য-সাহিত্য। এ ধরনের প্রবন্ধকেও অকারণ পাণ্ডিত্যে আর পাদটীকায় কণ্টকিত না করে স্থপাঠ্য ও সরস করা যায়, যদি থাকে সামঞ্জস্য-জ্ঞান, ভাব ও ভাষার প্রসাদ। আর যে প্রবন্ধ শুধু সংবাদ

বহন করে না, নিজস্ব আবেগ ও চঞ্চলতা অপরের হৃদয়ে সংক্রামিত করে, আপনার রস-চেতনায় পাঠকমনের সঙ্গে গূঢ় ও গাঢ় বন্ধ স্থাপনা করে, সেটাই হল রসসাহিত্য। এই ধরনের সাহিত্যিক আলাপ-বিস্তারকেই প্রকৃত রম্য-রচনা আখ্যা দেওয়া যায়। এর মধ্যে কোথায় যেন একটি সংগীত-ধর্ম রয়েছে। রম্য-রচনা নানাভাবে ও ভঙ্গীতে রসপরিবেশন করে, ভিন্ন-রুচি পাঠককেও বিভিন্ন উপায়ে তৃপ্তি দিতে পারে। তাই এ জাতীয় সাহিত্যের একটা নিখুঁত মাপকাঠি অথবা তার প্রকাশ-পদ্ধতির মধ্যে বিশেষ কোনও রীতিবদ্ধ নীতি সন্ধান করা বোধ হয় সংগত হবে না। রম্য-রচনার ষথার্থ সংজ্ঞা নিরূপণ করা, তাকে একটি বিশিষ্ট 'ফরমুলার' মধ্যে বেঁধে ফেলা চলে না। কারণ, রসাম্বিত, সাহিত্য-লক্ষণাক্রান্ত প্রবন্ধ কখন যে রম্যরচনায় গিয়ে রূপায়িত হচ্ছে, তা ঠিক দেখানো যায় না। উভয়ের অলঙ্কিত সীমারেখা স্থম্পষ্ট নয়।

মোটের উপর বলা চলে—কি থাকলে পড়া সার্থক হয়, মন ভরে ওঠে আর কি না থাকলে অভাব-বোধ বা অতৃপ্তি মনকে পীড়িত করে। যেমন বলা যেতে পারে, রম্য-রচনা বা রসনিবন্ধের মধ্যে একটি যুক্তির শৃঙ্খলা থাকবে, তা সে বাস্তবই হোক আর মন-গড়াই হোক। কিন্তু তত্ত্বসর্ব্ব্ব হবে না। ভাবনা যতই বিস্তৃত বা প্রক্লিপ্ত হোক, সকল কথার একটা মূলধারা যেন থাকে। নানামুখী চিন্তার সূক্ষ্ম জাল-বুননের ভিতর থেকেও দেখা যাবে লেখক-মনের প্রসঙ্গ নিমুক্তি। স্মৃতি ও রসের বিত্তাগে, লঘু-গুরু ভাবার ষথায়থ ব্যবহারে থাকবে জীবনের প্রতি শ্রদ্ধা ও মমত্বের স্মিত স্বীকৃতি। থাকবে আপনাকে প্রকাশ করবার দায়িত্ব-বোধ এবং একটি অনতিরঞ্জিত শিল্পমার্গ। এক কথায়—স্বয়ম্ভু আনন্দ এবং ব্যক্তিস্বধর্মী প্রকাশ। যুক্তির সায়বস্তা থাকুক, কিন্তু মনের ও লেখার গতি উভয়ে মিলে যেন তার বিশিষ্ট আবেদনকে একাধিক চিত্রে সঞ্চারিত করতে পারে। আবার এ জাতীয় রচনায় আতিশয্য আর পুনরুক্তি এসে যাবার আশঙ্কা বোল আনা। রসিকতা

বেখানে দীপ্তিহীন, বক্তব্য সেখানে কষ্টকল্পিত। অভিজ্ঞতা যখন নিঃশেষিত-প্রায়, প্রিয়বচন তখন বাগ্‌বাহুল্য। 'আমিষে'র খোঁচা বেখানে উগ্র আর পাণ্ডিত্য হয় প্রকট, আত্মপ্রকাশ সেখানে ধূমায়িত বহি, আত্মস্তরিতারই নামান্তর। এক কথায়, রসজ্ঞানের হয় সমাধি। আবার লেখক যদি অবাস্থিত স্থলত্বের কোঠায় নেমে আসেন, তাঁর বিরূপ বিজ্ঞপ হয়ে যায় 'চুটকি', আঞ্চলিক গ্রাম্যতা। দৃষ্টি তির্যক হলে সেটা মজার ব্যাপার, কিন্তু চোখ বাঁকা হয়ে থাকলে সেটা কটাক্ষ নয়, কটু দৃষ্টি। কথার শাণিত খেলা আনে রচনায় ধার, যেমন বীরবলী ভঙ্গী। কিন্তু সেটা যেন চোরাবাজারের সাক্ষ্য জোলুস না হয়, কিংবা সস্তা অলংকারের গিল্টি পালিশ। রম্য নৃত্যে ভঙ্গী যদি হয় ভঙ্গিমা, মুদ্রা হয় দোষ, তাহলে সে নৃত্যের মর্মবাণী কেবল বোল-সর্ব্ব্ব চটুলতা। উর্ধ্বায়িত শিল্প-গতি তখন পদে পদেই ব্যাহত হয়। রম্যরচনার ধারণা-শক্তি আছে ব্যক্তিগত অভিজ্ঞতায়, উপলব্ধি ও রসাত্মভূতির মর্মমূলে। কিন্তু সেই ব্যক্তিগত অবকাশের অপপ্রয়োগ অহমিকায় দাঁড়ালে সেটা স্থলর, শোভন হয় না এবং সর্বমানবিক স্তরে পৌছয় না।

'রম্য-রচনা' পদটির হালফিল ব্যবহার। কথাটির মধ্যে বেশ অর্থসংগতি রয়েছে এবং ফরাসী 'বেল্ লেত্যর' শব্দটির অভিসংকেত বহন করছে। বাংলায় রম্য-রচনা বলেতে এখন যা বুঝি, মানে বিজ্ঞাপনে যা বোঝানো হয়, তাকে পুরোপুরি মেনে নিতে সংকোচ লাগে। কেননা, তাহলে অনেক উচ্চাঙ্গের সাহিত্য বাদ পড়ে যায়। এখানে বলে রাখি, এ জাতীয় সাহিত্য সংবাদপত্রের 'কলম'-মাত্তিক করমায়েশী রচনা নয়। সাংবাদিকতার তাগিদে সৃষ্ট হলেও সাংবাদিকতার উদ্দেশ্যেই তার স্থান। তাঁই রম্যরচনা কথাটি গুনতে ও বলেতে যতটা রম্য লাগে, আসলে তা অঁটা লঘু বা সহজ নয়। অনেকেই একটা ধারণা আছে যে কিছুটা ভাবার কারিকুরি, কিছুটা কথাচিন্তার পতি ও আকর্ষণ, আর তার সঙ্গে খানিকটা রোমান্সের আমেজ টেলে দিলেই তাকে অনায়াসে রম্য-রচনা বলে চালানো যায়। তা যদি হয়, আপত্তি করব

না নামকরণে। কিন্তু তার অহুমতিপত্র লাগবে সাহিত্যের আসরে। অলিম্পিক খেলাধুলায় বিদেশী তো নয়ই, খাঁটি হেলেনিক পরিচয়-পত্র দাখিল করার রেওয়াজ ছিল এককালে। রম্যরচনায় তেমনি রেখাচিত্রের আভাস থাকুক, গল্পের মতন একটানা গতি থাকুক, গাল-গল্প, সরস আখ্যান ও থাকুক। এ সবই ভালো চলবে। কিন্তু যেন নিছক স্বদেশী অথবা বিদেশী 'কেচ্ছা-কাহিনী' না হয়। সং-সাহিত্যের সগোত্র বলেই তাতে কিছু খাঁটি ভাববস্তু থাকা দরকার। এর ঐতিহ্য নিতান্ত অর্বাচীন নয়। অতএব রচনা-কৌশলেও থাকা উচিত কিছু আভিজাত্য। আপাতদৃষ্টিতে মনে হতে পারে, রম্যরচনা হল সাহিত্যে দুঃস্থ অস্তঃপুরিকা। কিন্তু তারও একটা স্বকীয় ঐশ্বর্য আছে। লঘু চালে গুরু চিন্তা অথবা গম্ভীর চালে লঘু কৌতুক এ সাহিত্যের বৈশিষ্ট্য। প্রমাণ—রবীন্দ্রনাথ, বলেন্দ্রনাথ ও অবনীন্দ্রনাথের রচনাবলী; প্রমথ চৌধুরী, অতুল গুপ্ত, মৃজ্জিৎপ্রসাদ ও অন্নদাশঙ্কর রায়ের লেখা। এঁরা যদি 'বেল লেতার' লিখে না থাকেন, তাহলে ওটা নিতান্তই 'বেলে' খেলা।

বাংলা সাহিত্যে রম্যরচনার প্রথম সুসজ্জিত নিদর্শন পেয়েছি বঙ্কিমের রসরচনায় ও হরপ্রসাদ শাস্ত্রীর দু-একটি প্রবন্ধে। তারপর তার সার্থক সংস্কৃত রূপ দেখেছি কবি-গুরুর রসোৎসারী অঙ্গশ্র রচনায় আর বলেন্দ্রনাথের একান্ত নিজস্ব রস-প্রবন্ধে। এর পর আসরে নামলেন সশিশু বীরবল। সরস হবার ক্ষমতার সঙ্গে স্থিরতা ও দৃঢ়তা, স্বচ্ছতা ও চিন্তারসের আশ্চর্য সমন্বয় হল এই গোষ্ঠীর বৈশিষ্ট্য। সকলেই সচেতন যত্ববান শিল্পী; রসস্থষ্টির কাজে সাহিত্য-বুদ্ধি, সমাজ-জিজ্ঞাসা ও সমালোচনা-প্রবৃত্তি তাঁদের স্কন্ধ হয় নি। কেউ বা গল্পধর্মী প্রবন্ধ লিখেছেন, কেউ বা ভাবের ও ভাষার রসায়নে রস-সাহিত্য স্থষ্টি করেছেন। তাই মনে হয়, বিদেশী 'বেল লেতার' শব্দটিকে বর্তমানের হালকা চালে বেশি লঘু করার দরকার নেই। গোমড়া মুখ নিয়ে অবশ্য এ জাতীয় রচনা লেখা সম্ভব

নয়, পড়াও যায় না। কিন্তু উপভোগের শুদ্ধতা ও গাভীর্ষ থাকতে আপত্তি কি? ইংরেজি সাহিত্যে হল্‌ক্রফ্ট, হেডন, হাজলিট-প্রমুখ লেখকের স্মৃতিমূলক রচনা: বিংশ শতকে বেনেট, গল্‌স্‌ওয়ার্দি, এইচ-জি-ওয়েলস ও লরেন্স; তারপর আধুনিক কালে হুক্সলি, হাবার্ট, রীড, অডেন, স্পেঞ্জর, ম্যাক্‌নিস, অ্যাগেট ও নেভিল কার্ড্‌স্‌ প্রভৃতি অনেক লেখকের একাধিক ব্যক্তিগত অর্ধগভীর রচনা, স্বগত উক্তি এবং পত্র আলোচনা রম্য রচনার সার্থক উদাহরণ। ভ্রমণ-সাহিত্য অথবা শিল্পসম্পর্কিত লেখাও রস-সাহিত্য হয়ে উঠতে পারে—যেমন সিট্‌ওয়েল ভ্রাতৃদ্বয়ের রচনা। প্রবাস-জীবন অথবা তীর্থযাত্রাই হোক, আর বিস্ময় রসচর্চা কিংবা আত্মকথনই হোক, রসসাহিত্যের জাত-লিখিয়ে যে কোনও বিষয়বস্তুকেই রম্যরচনায় উন্নীত করতে পারেন। আমাদের দেশীয় সাহিত্যেও প্রমাণাভাব ঘটবে না, যথা—মহর্ষি দেবেন্দ্রনাথ, রাজনারায়ণ বসু ও শিবনাথ শাস্ত্রীর আত্মকথা; রবীন্দ্রনাথ, অবনীন্দ্রনাথ, প্রমথ চৌধুরী ও উপেন গঙ্গোপাধ্যায়ের স্মৃতি-প্রসঙ্গ, সঞ্জীবচন্দ্র ও জলধর সেনের ভ্রমণ-চিত্র; চারু দত্তের পুরানো কথা ও মহাস্থবির-জাতক, অন্নদাশঙ্করের বিদেশ-প্রসঙ্গ, বুদ্ধদেব বসুর সরস ভ্রমণ জল্পনা, অচিন্ত্য-কুমারের কল্লোলযুগ সম্পর্কিত স্মৃতিচিত্র, আর প্রবোধ সাহিত্যের ‘জলকল্লোল’ ও রানী চন্দ্রের তীর্থ-পরিক্রমা। স্বদেশী ও বিদেশী সাহিত্যের নমুনা দেখিয়ে তা হলে বলা চলে, রম্য রচনার পরিধি আরও বিস্তৃত করা দরকার।

বাংলা সাহিত্যের বর্তমান আসরে প্রবেশ করলে দেখতে পাই, গত পাঁচ-সাত বছরের মধ্যে রম্য-রচনা-জাতীয় অনেকগুলি বই প্রকাশিত হয়েছে। লেখক ও পাঠক, উভয় তরফের মনের মিল প্রকাশ না হয়ে উঠলে, প্রকাশক বড় একটা আসরে নামেন না। তাঁরা যখন চাহিদা বুঝে বই ছাপাতে শুরু করেছেন কিছু-কিছু, তখন সেটা আশা ও

আনন্দের কথা নিশ্চয়ই। এই সূত্রে লক্ষ্য করবার জিনিস যে হাল আমলে এই স্নিগ্ধ ও রম্য-রচনার মরশুম পড়েছে। ফসলও জমে উঠেছে মন্দ নয়। এ যেন শেষ যুদ্ধের ক্ষেত্রে এক রবি শস্তের উদ্ভেদ। কারণটা কি, জিজ্ঞাসা জাগে মনে। লোকের সময় নেই, অন্নসংস্থানের অপরিচ্ছন্ন অবসরে ধৈর্য কম—এগুলো কাজের কথা নয়। ছোট গল্প তো আরও ছোট এবং একটি সার্থক ছোট গল্প পড়েও কিছু কম ছুঁপ্ত হয় না পাঠকের মন। একটি পরিপূর্ণ নিটোল কবিতা, যাতে বিষয় ও আঙ্গিকের অতিরিক্ত কবিসত্তার প্রকাশ, তাও মনকে কম মুগ্ধ করে না। উপস্থাসের একমুখী বেগ এবং আখ্যানবস্তুর দুর্নিবার আকর্ষণের পাশে রম্য-রচনার আকর্ষণ কি আরও বেশি? নাটকের সংঘাত ও তুঙ্গ পাঠকচিত্তকে রীতিমত মোহাবিষ্ট করে রাখে, যদিও উল্লেখযোগ্য নাটকের নমুনা বর্তমান বাংলা সাহিত্যে বিশেষ নেই। তবু রম্য-রচনার যে চাহিদা আজকাল বেড়েছে, তার মূল কারণ বোধ হয় আমাদেরই দৃষ্টি ও রসবোধের রূপান্তর, কিছুটা অগ্রগত সাহিত্য-শাখার আপেক্ষিক মানবিভ্রম অথবা সফলতার অভাব। গত পাঁচ বছরে যুগান্তকারী বই কোনও বিভাগেই বেরোয় নি, এ কথা সত্য। কথা-সাহিত্যে ও কাব্য সাহিত্যে সম্প্রতি প্রকাশিত উল্লেখযোগ্য বইয়ের সংখ্যাও কম। সে তুলনায় রম্যরচনায় বেশ কিছু কাজ হয়েছে, দেখা যাচ্ছে। হয়তো এর পিছনে সামাজিক, অর্থনীতিক অথবা অগ্র কোনও কারণ আছে। তবে এ কথা ঠিক যে বর্তমানে গল্পলেখক, কবি এবং ঔপন্যাসিক এমন কিছু জিনিস পাঠকদের ধরে দিতে পারছেন না যাতে তাদের মন পূর্ণ হয়, আন্তরিক ছুঁপ্ত হয়। বোধ হয়, এই কারণেই তারা রম্য-রচনায় খানিকটা মনের ধোরাক সন্ধান করে। অন্ততঃ এমন একটি জিনিস খুঁজছে অথবা পাচ্ছে যাতে কথা, কবিতা, আলাপ, চিন্তা ও স্মৃতির 'সমস্ত' রসের আনন্দ ফুটে ওঠে। গল্প এবং গল্পকবিতার মাঝামাঝি একটা ভাষা সাহিত্যের বর্তমান-উপযোগী বাহন বিশেষ। মনে হয়, সমরোত্তর যুগকে

যদি নিতান্তই ফক্কিকারি বলে বাভিল করে না দিই, যদি তাকে 'প্লাস্টিকের যুগ' বলেই ধরে নিই, তা হলে বলা যায় রম্য-রচনা হল নমনীয় সাহিত্যশিল্পের একটি মনোরম দৃষ্টান্ত! আর এই লঘুপদ, ব্যক্তিত্বধর্মী রস-সাহিত্যের একটা অস্বতঃ ভদ্রগোছের সঞ্চয় জমে উঠেছে বাংলা সাহিত্যের ভাণ্ডারে।

রবীন্দ্রোত্তর সাহিত্যে যিনি প্রথম এই পথ তৈরি করে নিলেন এবং আপনার ব্যক্তিগত, ষোলক প্রকাশের স্বাক্ষরে তাকে চিহ্নিত করলেন, তিনি বুদ্ধদেব বসু। তাঁর অনবচ্ছিন্ন-স্বন্দর প্রথম গ্রন্থ 'হঠাৎ আলোর ঝলকানি' বিশ্বয়ের দীপ্তি নিয়ে হাজির হল। পরবর্তী রচনা 'উত্তরতিরিশ' সমাহুপাতে সার্থক না হলেও, দুখানি বইয়েই তাঁর মনের ও কলমের ধারা যে বিশিষ্ট পথ খুঁজে নিয়েছে, তা বুঝতে দেরি হয় না; তাঁর রচনার গুণ হল বিশ্বয় ও সৌন্দর্য-বোধ। চোখ মেলে দেখার প্রথম আনন্দ ও অসুভূতি ভাবার শিল্পসম্মত প্রয়োগে 'লিরিক'-এর স্বেচছা অর্জন করেছে। ভাবের সম্প্রসারণে, প্রকাশ-বেগের উপযোগী বৈচিত্র্যে পথিকৃত-এর কৃত্ত্ব তাঁর নিশ্চয়ই প্রাপ্য, যদিও কৈশোরস্থলভ আত্মপ্রীতি ও উচ্ছলতা কোনও কোনও রচনার মর্বাদাকে ঈষৎ স্তম্ভন করেছে। প্রবোধ সাত্ত্বালের রম্য-রচনা ঠিক সমগোত্র নয়। কিন্তু তার আবেদনও অনেকটা আবেগপ্রবণ, সরস ও কোমল। জ্যোতির্ময় রায়ের রচনা কৌশল ভিন্ন জাতের। তিনি সর্বপ্রকার তরলতা বর্জন করে, আপনার ব্যক্তিত্বকে স্থপরিষ্কৃত করে তুলেছেন। তাঁর দৃষ্টির স্বাতন্ত্র্য আছে এবং কোণ বিশিষ্ট বলেই অনেকটা তির্যক! কথার খেলা, চতুর শ্লেষ এবং নিপুণ মোচড়ে তাঁর বক্তব্য হয়েছে সতেজ ও তীক্ষ্ণ, যদিও কোনও কোনও প্রবন্ধে, যেমন 'অগ্নি' বইখানিতে, বক্তব্যের চেয়ে বলার চেষ্টাটাই যেন বেশি ইচ্ছাকৃত। প্রথম বিশী অনেক দিন ধাবং নানা জাতীয় রসরচনায় হাত পাকিয়েছেন; অসংগত বাক-চাতুর্ঘ্যে এবং আপাত-বিরোধী উক্তিতে অনেক ক্ষেত্রে কিছুটা উদ্ভট রসের অবতারণা করেছেন। তীব্র শ্লেষ-বিদ্রোপে তিনি ষষার্থ নিপুণ। কিন্তু তাঁর আত্ম-সংলাপ এবং দৃষ্টান্ত: নেপথ্য উক্তি কিছু পরিমাণে নাটকীয়।

কখনও তিনি উচ্চল অতিশয়োক্তি দিয়ে 'বার্লেস্ক' রচনা করেন, কখনও বা নকশা আবার কখনও বা চিত্র-চরিত্র। তাঁর লেখায় তথা ব্যক্তিত্বে এই আকর্ষণ বিকর্ষণের পালা বুলি সাক্ষ্য হয়নি। পরিমল রায়ের হাত ছিল বড় মিষ্টি। বিগুপ্ত কাব্যের মতই বিগুপ্ত কৌতুক তিনি পরিবেশন করতে চেয়েছিলেন এবং এক একটি স্বন্দর কথাচিত্রের রেখায় তিনি তাঁর সরস চিন্তা ও মস্তব্য সাজিয়ে গেছেন। 'ইদানীং' গ্রন্থ-প্রকাশের পর তিনি অকালে গত হয়েছেন।

সমকালীন বাংলা সাহিত্যে রসপ্রবন্ধকারের মধ্যে ইন্দ্রজিৎ, রৈবত আর কালপেঁচা ভিন্ন ভিন্ন মার্গ অনুসরণ করে সূখ্যাতি লাভ করেছেন। সমপ্রকৃতির লেখক এঁরা নন, তবু এঁদের মননশক্তির স্বাতন্ত্র্য সম্পর্কে সন্দেহের অবকাশ নেই। ইন্দ্রজিৎের রচনা আপাতদৃষ্টিতে মৃদু ও নিরীহ। কিন্তু তাঁর কথার চকমকির পিছনে রয়েছে চিন্তার স্ফুলিঙ্গ। এক-একটি অগ্নিকণায় চোপ-ঝলসানো দীপ্তি নেই, আছে বাহার। তাঁর বিষয় এবং প্রকাশভঙ্গীর মধ্যে ভাব ও ভাষাগত এমন একটি সংগতি আছে, যেটি অপরদের রচনায় অতটা পাই না। রস-নিষ্কাশনই হল তাঁর মুখ্য উদ্দেশ্য। তাই তাঁর রচনায় আছে অবলীলা এবং স্বচ্ছ সরলতা, বা রীতিমত আয়াস-সাধ্য। 'রৈবত'র লেখা শাস্ত্র এবং তাতে চমৎকার প্রসাদগুণ আছে। 'মন পবনের নাও' গ্রন্থে তিনি সাহিত্য ও জীবন সন্দর্ভে অনেক কথাই খোলাখুলি আলোচনা করেছেন, যদিও রসিকতার অভাবে তাঁর কোনও কোনও রচনা কেমন যেন নিম্প্রভ ঠেকে। জ্যোতির্ময় রায়ের ব্যক্তিত্বের ঠিক বিপরীত হল তাঁর সুভদ্র ও সংযত কবিসত্তা। 'জ্ঞানান্তিক' বইখানি সে তুলনায় স্বন্দর ও সরস। অবশ্য এইটেই স্বাভাবিক। শিক্ষা, রুচি ও স্টাইলের স্বাতন্ত্র্য থাকবেই।

ব্যক্তিগত রসরচনায় মোটামুটি দুই ধরনের লেখক দেখা যায়। প্রথম শ্রেণীর লেখক ইঙ্গিত ও সংকেতের পক্ষপাতী। অল্প আভাসে ও ব্যঙ্গনায় তাঁরা অনেক কথা জানান, হালকা তুলির লঘু স্পর্শে অনেক ছবি রেখায়িত

করে তোলেন। এঁদের সূক্ষ্মভূতি মনের প্রকাশও সূক্ষ্ম ও সূচ্যগ্র। অপর শ্রেণীর লেখক হলেন কথক-বিশেষ। কথার পর কথা সাজিয়ে গল্প বলার সাবলীল ভঙ্গীতে যেন পাঠকের কাঁধে হাত রেখে তাঁরা এগিয়ে চলেন। উদার ও বিশদ বক্তব্যে ও বর্ণনে পাঠকের বিরক্তি উদ্বেক না করে তাঁদের সঙ্গে মধুর সতীর্থ-ভাব সৃষ্টি করেন। দুই শ্রেণীর রচনা, দুই স্তরের আবেদন। উভয়ই শিল্প; আকর্ষণ কোনোটাতেই কম নয়। ধীরে রকম স্বভাব ও মেজাজ, তাঁর সে রকম খুশি ও খেয়ালের রচনা। কেউ বা মুহূ হেসে অর্থ ভরে দেন, কেউ বা উষ্ণ করমর্দনে আন্তরিক আপ্যায়ন জানান। আমার কাছে অবশ্য এই দুই ভঙ্গীর ও রসকৌশলের মিশ্রণটাই উচ্চ আদর্শ। মনে হয় অবস্থা অনুসারে ব্যবস্থার প্রয়োজন, অর্থাৎ উচ্চ এবং উচ্চ, রেখায়িত অথচ ব্যক্ত, এ দুটিকে যিনি চিন্তার জারক রসে ও প্রকাশের স্বাভূতায় লোভনীয় করতে পারেন প্রসঙ্গের প্রয়োজনক্রমে, তিনিই ওস্তাদ শিল্পী।

‘কাল পেঁচার নক্সা’র দুটি স্তরেরই আনাগোনা দেখি। বাংলা সাহিত্যে অপেক্ষাকৃত নবীন হলেও তাঁর রচনায় প্রবীণ চিন্তার ছাপ রয়েছে। ছতোম পেঁচার বংশধরের নামই কালপেঁচা! জাতি ও গোত্র প্রায় একই। কেবল যুগধর্ম ও সমাজ-গতির খাতিরে প্রঞ্জ-সমাকুল জীবনের দাবি মেনে নিয়ে বেশ পরিবর্তন করা হয়েছে। এঁর লেখনীতে আছে সরস প্রাজ্ঞতা, মগজে আছে বিচারবুদ্ধি, ঠোকরে আছে নিভূল টিপ। ‘কালপেঁচার নক্সা’ আর ‘কালপেঁচার দু কলম’—এই দুই কিস্তিতে তিনি ‘স্কেচ’ ও ‘স্টাডি’ পরিবেশন করেছেন এবং উভয়ের মধ্যে আছে তীক্ষ্ণ চমৎকারিত্ব। আর একটি কথা। সমাজ-সম্বন্ধে ইনি স্পষ্ট সচেতন। উদ্বাস্ত, মানিময় বাংলার বিকলিত সাহিত্য-ভিটায় তিনি সেই প্রাচীন বাস্তবই আধুনিক সংস্করণ।

রমা-রচনার এক বিশেষ ধরনের সুর লেগেছে যাবাবরের ‘দৃষ্টিপাতে’। এর জনপ্রিয়তা সম্পর্কে সংশয় নেই, বিশ্লেষণের হয়তো অবকাশ আছে।

ভাবে ও ভাষায়, একটা স্থনির্দিষ্ট সমাজ-শ্রেণীর চিত্রণে, উন্নাসিক আভিজাত্যের 'গসিপ' ও গল্প-পরিবেশনে, আর সর্বোপরি একটি রোমান্টিক কাহিনীর শাস্ত্র ও মিষ্ট কুঞ্জে সমগ্র পরিবেশটিকে যত্নভরে উপভোগ্য করে তোলা হয়েছে। সকল শ্রেণীর পাঠকের কোঁতুহল তাই মেটে, আপনাদের অবদমিত বাসনা চরিতার্থ হয়। তাঁর দ্বিতীয় গ্রন্থ 'জনাস্তিক' ঠিক কোন্ জাতীয় রস বিতরণ করছে, তার বিচার করবেন রসজ্ঞ পাঠক। এ বইয়ের শ্রেণী-নির্নয় গোলমালে ব্যাপার। তবে কৃত্রিম শোভায় বলমল করলেও, গ্রন্থকারের পূর্ব-খ্যাতি অক্ষুণ্ণ রাখতে পারে নি এই শেষ প্রচেষ্টা।

রঞ্জনের 'স্মীতে উপেক্ষিতা'র সঙ্গে ঘাষাবরের 'দৃষ্টিপাতে'র আপাত-সাদৃশ্য পাঠকরা নাকি লক্ষ্য করেছেন। কিন্তু আমার মনে হয়, গরমিলই বেশি। রঞ্জনের লেখায় উত্তাপ ও তীব্রতা বেশি, স্নিগ্ধতা কম। দীর্ঘশক্তি ও তার নিরাভরণ প্রকাশে তিনি যেন বেশি আস্থাবান, যদিও আত্মঘাতিক অলংকারে তাঁর অক্লিষ্ট নেই। তাঁর আত্মপ্রত্যয় উগ্র এবং অকুণ্ঠ। সংগীতের উপমা দিয়ে বলা চলে, তিনি ভালোবাসেন কালোয়াতি। টুংরি মিশ্রণ তাঁর কাছে অবাঞ্ছনীয় কুস্তিষ্ক। ব্যক্তিগত ভাবে বলতে পারি, তাঁর প্রথম গ্রন্থে সম্পূর্ণতার অভাব। তার চেয়ে 'বইয়ের বদলে' এবং প্রকাশ্যমান 'বিকল্পে' ও 'প্রতিধ্বনি'-জাতীয় কয়েকটি ব্যক্তিগত প্রবন্ধ বেশি উপভোগ্য মনে হয়েছে। রম্যরচনার চেয়ে ব্যক্তিত্বধর্মী ও যুক্তিবাদী গল্পরচনায় তাঁর প্রকৃত শক্তির পরিচয়।

সৈয়দ মুজতবা আলি তাঁর নিজস্ব আসন আপনি দখল করে নিয়েছেন এবং অনায়াসে। 'দেশে বিদেশে' 'চাচা-কাহিনী' ও 'পঞ্চতন্ত্র'—এ সবই হচ্ছে মজলিশি লেখা, খোশ গল্পের নামান্তর। আর মজলিশের যেটা সারবস্তু অর্থাৎ গল্প রসিয়ে বলার ক্ষমতা এবং বলিষ্ঠ প্রাণ-ধর্ম—তা তাঁর লেখাতে ষোল আনাই বর্তমান। তাঁর হাসি দরাজ, চাহনি সোজা। দৃষ্টিতে অহুকম্পা

নেই, আছে সহায়ভূতি। মনোভাবে অবজ্ঞা বা ঔদ্ধত্যের স্পর্শ নেই। আর সব চেয়ে বড় কথা, অজিত অভিজ্ঞতার সুব্যবহারে তিনি রসজ্ঞ শ্রোতাকে খুব কাছে টানতে পারেন। তাঁর ভাষায় একটা দৃষ্ট পৌরুষ আছে কিন্তু পরুষতা নেই। শব্দপ্রয়োগে তিনি সযত্ন ও পরীক্ষার পক্ষপাতী। তার ওপর, বিদেশী বহু শব্দ ও পদের লাগসই ব্যবহার তিনি করতে জানেন। এগুলি মহাশুণ। তবে এই ধরনের রচনায় একটা প্রাথমিক বিপদ আছে যেটা 'পিকারেস্ক', রোমাটিক এবং অভিজ্ঞতার মূলধনী সাহিত্য-কারবারে প্রায় অনিবার্ণ। লেখার প্রথম দীপ্তি বা চমক অমান রাখা, তাকে পুনরুজ্জ্বলিত বা অতিব্যবহারের গ্লানি থেকে মুক্ত রাখা নিতান্ত সহজ নয়। স্থপাঠ্য রচনার মৌলিকজ উপসংহারের জেরে ক্রমশঃ অপাঠ্য হয়ে উঠতে পারে, অন্ততঃ সে সম্ভাবনা থাকে।

'রূপদর্শী'র-নামে সম্প্রতি যে নকশাগুলি বেরুচ্ছে, তা পড়লে মনে হয় রূপদর্শী সৈয়দ মুজতবা আলির মানসশিষ্য। সাহিত্যে স্থায়িত্বলাভ অবশ্য সাধনার ব্যাপার। তবে ইতিমধ্যে তিনি সরস ভাষার জোরালো ব্যবহার শিখে নিয়েছেন। তাঁর হালকা তামাশার মধ্যে মধ্যে হঠাৎ সীরিয়স কথা খুব মজার এবং চটকদার।

রম্যরচনার যে সব নমুনার উল্লেখ করেছি, তা ছাড়াও অল্প উদাহরণ দেওয়া যেতে পারে যেগুলির স্বর আলাদা হলেও কম রম্য নয়। হরপ্রসাদ মিত্রের 'সাহিত্য-পাঠকের ডায়েরি' একটি ভালো নমুনা। এ বইখানিতে তিনি অধীত বিজ্ঞা ও সমালোচনার ব্যাপারটি মনোরমভাবে সাজিয়েছেন, যাতে পাঠকদের পক্ষে সাহিত্য-পরিচিতি জিনিসটা, সহজ ও উপভোগ্য হয়। পুরোপুরি সুবিন্যস্ত না হলেও, এ রচনা অনায়াসেই 'বেল্ লেত্যারের' পর্যায়ে পড়তে পারে। এখন বাংলা সাহিত্যের রম্য-রচনার শুধু একটি স্পষ্ট অভাবের উল্লেখ করে প্রসঙ্গ শেষ করি। আমাদের সাহিত্যে উৎকৃষ্ট ভ্রমণ-কাহিনী আর সেই স্তরে সরস ও সংকুতিমান

মননের পরিচয় পর্দাশূন্য নয়। ‘দেশে বিদেশে’ অবশ্য খানিকটা অভাব পূরণ করেছে সম্প্রতি। কিন্তু এমন একটি ‘ট্যাভেলোগ’—যেখানে সজাগ চিত্ত বিশ্লেষণ-বুদ্ধিতে যাচাই করে নেয়, নিজে প্রথম দেখে এবং পরকেও নতুন করে দেখায়, নিজে শেখে ও পরকে শেখায় গুরুমশাইগিরি না করে, আপনার বিচার-বোধ অভিজ্ঞতা ও সৌন্দর্য-জ্ঞানের প্রলেপ ছড়িয়ে দেয় ও রং ধরায় উৎসুক চিত্তে, এমন গ্রন্থ কবি ছাড়া লিখেছেন বোধ হয় শুধুই অন্নদাশঙ্কর। বুদ্ধদেব বসু ও প্রবোধ সাহাচার অবশ্য ভ্রমণ-সাহিত্য রচনা করেছেন। কিন্তু তাতে উচ্ছ্বাসের যেন বাহুল্য আছে। কলম্বাসের কুমারী স্মৃতিকার সন্ধান অবশ্যই প্রশংসনীয়। কিন্তু মোহাধিক্য ঘটলে দৃষ্টির স্বচ্ছতা কমতে বাধ্য। সম্প্রতি বেরুল আর একখানি সুন্দর ও শোভন ভ্রমণ-চিত্র, রানীচন্দের ‘পূর্ণকুম্ভ’। মনোভাব অথবা দৃষ্টিভঙ্গী যতই সমালোচিত হোক, এ বইয়ে তীর্থ আর যাত্রা, দুটোরই সাক্ষাৎ পরিচয় পাই। কেন না, খণ্ড খণ্ড দৃশ্য আর হরেক রকমের মানুষ একটি অথবা দৃষ্টির উজ্জ্বল সূত্রে বাধা পড়েছে, অস্তর-সংবেদনায় যুক্ত হয়েছে। তবু বড় একটা ফাঁক এখনও রয়ে গেল রম্যসাহিত্যের এই বিভাগে। কোনও শক্তিমান দৃষ্টিবান্ লেখক এ দিকে নজর দিলে আমাদের ঘরকুনো অপবাদ দূর হয়, সাহিত্যেরও পুষ্টিসাধন হয়।

রম্য-রচনার আলোচনা-প্রসঙ্গে যে মতামত ব্যক্ত হল, তার ত্রুটি-বিচ্যুতি মার্জনীয়। যেহেতু আমরা সকলেই সাহিত্যপিপাসু, বিশেষ করে রস-সাহিত্যের। আমাদের রস-সাহিত্যে যে বিশেষ ধরনের শক্তি সঞ্চয় হয়েছে, এটা প্রমাণ করেছেন ক্ষমতাবান্ কয়েক জন লেখক তাঁদের সাধনা ও সৃষ্টি দিয়ে। তাই এই সাহিত্যবিভাগে বেশ একটি উচ্চ দরের মান নিগীত ও গৃহীত হয়েছে। সেই মানের বিচারে যদি প্রত্যাশা হয় তীব্র এবং দাবি হয় কিছুটা কঠোর, তাহলে সাহিত্যের প্রতি আস্থা হইল একমাত্র কৈফিয়ত। রসসাহিত্যের বিশ্লেষণ ও মাননির্ণয় প্রসঙ্গে মনে পড়ছে নবেন্দু বসুর দু খানি গ্রন্থ—‘কবিতার প্রকৃতি’ ও ‘রস সাহিত্য’। সম্প্রতি পরলোকগত এই

লেখকের অল্পপ্রবীষ্ট দৃষ্টি ও সমালোচনার ধারা বোধ হয় এ জাতীয় রচনায় প্রথম প্রবর্তন। তাঁর প্রক্ষিপ্ত রচনাগুলি, বিশেষ করে, রস-বিচার আর ব্যক্তিগত প্রবন্ধগুলি যদি একত্র প্রকাশিত হয়, তাহলে দেখা যাবে—সাহিত্যিক দায়িত্ব সম্পর্কে তাঁর চেয়ে সচেতন বোধ হয় বেশি লেখক নেই। তিনি বরাবরই প্রচ্ছন্ন ভাবে সাহিত্য-সাধনা করেছেন, তাই তাঁর পরিচয় বিস্তৃত নয়। কিন্তু গুণজ্ঞ পাঠক জানেন, রম্যরচনায় তাঁর হাত কত মিষ্টি, আঙ্গিকের নিষ্ঠাবান চর্চা কত কৌশলী আর কাব্যের প্রসন্নতা ও উন্নীলিত দৃষ্টির আমেজটুকু কেমন স্নন্দর ফুটে উঠেছে তাঁর লেখায়। আমার মনে হয়, একমাত্র তাঁরই রচনায় প্রকৃত বলেঙ্গ-ঐতিহ্য ও সুর পেয়েছে।

সাহিত্যের সালতামামি পেশ করা প্রীতিকর কাজ নয়, বিশেষ কবে পাঁচশালা বন্দোবস্তের দিনে। তাই গত পাঁচ বছরের রম্য-রচনার হিসেব-নিকেশ করতে গিয়ে অনবধানতা এসে যাওয়া অস্বাভাবিক নয়। উল্লেখযোগ্য রচনারই উল্লেখ করতে হয় আর আপনাকে বাদ দিয়ে। তবু যদি কোনও বই বা লেখা নজরে না পড়ে থাকে, তাহলে সেগুলি তেমন দৃষ্টি আকর্ষণ করতে পারে নি। সাময়িক ও সাংবাদিক সাহিত্যে চপলতা ও মুখরতাই থাকে বেশি, আর তথাকথিত রস-রচনা অধিকাংশ সময়ে ধার-করা বেশভূষায় আসর মাত করতে চায়। এ সব জিনিস খিচুড়ি-জাতীয় এবং নকলিয়ানা। পাড়ার বৈঠকী রসিকতা যতই মারাত্মক অট্টহাসির রোল তুলুক, ওটা একেবারেই স্থূল। অতএব সাহিত্যে আমদানি না করাই ভালো। অবশ্য মাহুঘের অনেক চিন্তা, অনেক কর্মই স্থূল। সাংসারিক তুচ্ছতা আর দৈনন্দিন গ্লানি নিয়েই মাহুঘের জীবন এবং সে জীবন বাস্তব। তবু বিষয়ের স্থূলত্ব নিয়েও স্নন্দর রসের কান্নবারী হওয়া যায়। কেবল প্রকাশে অথবা প্রয়োগে ধেন স্থূলতা বা মালিন্দ-দোষ না আসে—এটুকু দাবি সাহিত্যরসিক মাজই করতে পারেন।

সমালোচনা-সাহিত্যও রস-সৃষ্টি করতে পারে, যদি তাতে ব্যক্তিগত দৃষ্টিভঙ্গীর সঙ্গে একটা গঠনমূলক প্রয়াস থাকে। অতএব রস-সাহিত্যের অঙ্গীভূত হতে তার কোনও বাধা নেই। মস্তবোর চেয়ে মানুষ ও তার জীবন অবশ্য ঢের বড়। কিন্তু সেই মানুষ ও জীবনকে নিয়ে যে সাহিত্যের বিকাশ ও রূপায়ন, সেটাও নিতান্ত গোঁণ নয়। সমালোচনায় রস-বিশ্লেষণ অনেক প্রকার হতে পারে,—শব্দ, ধ্বনি ও ভাষার ব্যবহার, প্রতীক-চিত্রের উদ্ভাবন, মনন ও কল্পনার সূক্ষ্মিত প্রয়োগ,—প্রভৃতি নানাদিক থেকে। কিন্তু যে বিবেচনা মুখ্য, তা হল এই-যে রসসৃষ্টির কাজে একটা সূনিশ্চিত মান ও স্তর বিশেষে আমরা এসে পৌঁছতে পেরেছি কি না। তাই সকল আলোচনা ব্যক্তিনিরপেক্ষ একটা প্রকৃত সাহিত্যিক তথা সামাজিক মূল্য-বোধের দ্বারা নিয়ন্ত্রিত হওয়াই বাঞ্ছনীয়। যে সব রচনা ব্যক্তিগত হয়েও সর্বজনীন রসের ভাণ্ডারী হয়ে রইল, তাদের সাধু প্রশস্তি জানাই। যেগুলি রসোত্তীর্ণ হতে চাইল কিন্তু অক্ষমতায় পারল না, সেগুলি সম্বন্ধে নীরব থাকাই উচিত। সাহিত্যে সত্যবস্ত সকলেরই কাম্য। বলা বাহুল্য, সত্য একটা বিভীষণ বিশেষণ নয়, নিরীহ বিশেষ্য মাত্র।

পাঁচ বৎসরের প্রবন্ধ-সাহিত্য

গোপাল হালদার

গত পাঁচ বৎসরের সাহিত্যের একটা হিসাব নেবার জন্ত আমরা এখানে মিলিত হয়েছি। কিন্তু 'পাঁচ বৎসর' এই অঙ্কটা কেন আমাদের নিকট এত সহজ-গ্রাহ্য হয়ে উঠল? এই কয় বৎসরে যা ঘটেছে তা ঘটেছে জাতির জীবনক্ষেত্রে—শাসনের পরিবর্তনে এবং বাঙালী সমাজের বিভাগে বিপর্যয়ে। যে কোনো জিনিসের হিসাব নিতে গেলেই কাল-বিভাগ করতে হয়। কিন্তু এই বিশেষ ধরনের কাল-বিভাগের মধ্য দিয়ে আমরা সহজ ভাবেই একটা কথা স্বীকার করি :—জাতীয় জীবনের পর্বাস্তরে সাহিত্যক্ষেত্রেও কিছু না কিছু রূপান্তর ঘটে; অন্তত তা ঘটবার কথা।

সামাজিক জীবনের ছায়া সাহিত্যে পড়ে, এটা নতুন কথা নয়। বরং কোন বিশেষ সামাজিক সত্য সাহিত্য স্বীকার করে ও প্রকাশ করে, আর কি বিশেষরূপে তা সাহিত্যে প্রকাশিত হয়, এইটাই সাহিত্যের নতুন জিজ্ঞাসা। বাঙলা প্রবন্ধ-সাহিত্যেও এই পাঁচ বৎসরে এ জিজ্ঞাসা দেখা দিয়েছে। তার সংক্ষিপ্ত একটা হিসাব আঙ্গকে এখানে নিতে চাইলে আশা করি অসংগত হবে না। কারণ, প্রবন্ধ-সাহিত্যের বারো আনারই জন্ম সামাজিক ঘাতপ্রতিঘাতের ফলে, সামাজিক প্রয়োজনে। অবশ্য এর বেশীর ভাগটাই সাংবাদিকতা। আরও ছ আনার উদ্দেশ্য শিক্ষকতা—যা রস-সাহিত্য নয়; কিন্তু তা বলে নিরর্থকও নয়। এই

ধরনের দান—বিশ্ববিদ্যালয়গ্রন্থ, লোকশিক্ষা পরিষৎ, বঙ্গীয় বিজ্ঞান পরিষৎ ও বিজ্ঞান বিচিত্রার গ্রন্থমালা; এবং স্বর্গীয় ব্রজেন্দ্রনাথ বন্দ্যোপাধ্যায়, ডাক্তার স্বকুমার সেন, শশিভূষণ দাশগুপ্ত প্রমুখ অধ্যাপক ও গবেষকদের নানা গবেষণা। সরস, নীরস, নাতিসরস, নাতিনীরস জ্ঞানচর্চার এইসব ছোট বড় বিবিধ আয়োজনে সংস্কৃতি ও সাহিত্যের ক্ষেত্র যে এই পাঁচ বৎসরে একটু বেশী আলোকিত হয়েছে তাতে কি সন্দেহ আছে ?

তা ছাড়া, এই পাঁচ বৎসরে আমাদের প্রবন্ধ-প্রাস্তরের দুই প্রান্তে যে স্মৃতিকথার নহরের ও রম্যরচনার মরশুমী ফুলের বাহার দেখা দিয়েছে তাতে প্রবন্ধ সাহিত্যের রক্ষণাও পানিকটা বিদূরিত হয়েছে। বিশেষ করে 'ঘাঘাবর' সৈয়দ মুজতবা আলি প্রভৃতি লখুহস্ত রসিকদের রচনার নতুন বর্ণচাতুর্ষ্য ও বাগ্‌বৈদম্ব্য বাঙালী পাঠকের প্রবন্ধ-ভারপীড়িত মনকে অল্পরঞ্জিত করেছে। অণু পার্শ্বে অচিন্ত্যকুমারের পুরাতন বাগ্‌বিভ্রম ও নতুন ভক্তি-বিলাস পরাজিত আশাহত বাঙালী পাঠকের অশ্রুর সহজ উদ্বেলিত উৎসকে উচ্ছ্বিত করে দিয়েছে। এর কোনো ধারাই নতুন নয়, কিন্তু নতুন করে এই লেখকেরা মনে করিয়ে দিয়েছেন যে, লেখাটাই যথেষ্ট নয়; সাহিত্য হতে হলে প্রবন্ধেরও চাই—লিপিকুশলতা ও সরসতা। তথাপি প্রবন্ধ-সাহিত্য ফুলের বাগান নয়, ফলের বাগিচা, ফসলের ক্ষেত। প্রবন্ধে সর্বাগ্রে চাই বুদ্ধির ধার ও বিষয়ের ভার,—এ কথাটি বিস্মৃত হবার উপায় নেই। কারণ, বঙ্কিম রবীন্দ্রনাথ প্রমথ চৌধুরী বিস্মৃত হবার মত গ্রন্থকার নন। তাঁরা বাঙলা সাহিত্যকে বুদ্ধি-মণ্ডিত শ্রীতে প্রতিষ্ঠা করে গিয়েছেন।

এই বুদ্ধির আলোক অবশ্য বাঙলা সাহিত্যে নিবে যায়নি, যেতে পারে না। উন্টো বরং দেখা যায় যে কাব্য-সাহিত্যের ক্ষেত্রেও বুদ্ধির দাবি একালে বর্ধিত, এমন কি স্পর্ধিতও। গত পাঁচ বছরের সাহিত্য-জিজ্ঞাসায়ও বুদ্ধিকে ছাপিয়ে বুদ্ধির ঐক্যতা কম আত্মপ্রকাশ করেনি।

তা অব্যক্তি হলেও একেবারে অপ্রত্যাশিত নয়। কারণ, আমাদের সাহিত্য-জিজ্ঞাসা এতদিন ছিল বড় বেশী রকমের ভাববাদী। আমাদের পশ্চাতে আছে সংস্কৃত আলংকারিকদের সাহিত্য ব্যাখ্যা, বৈষ্ণব রসিকদের রসতত্ত্ব। তা পশ্চাতে রেখেই বাঙালীর সাহিত্য-জিজ্ঞাসা আধুনিক কালেও দুটি যুগ ইতিপূর্বেই উত্তীর্ণ হয়েছে। প্রথমটি ছিল বঙ্কিমের যুগ। এ যুগকে সাধারণ ভাবে বলতে পারি—‘নীতিবাদী-ভাববাদের যুগ’। ‘উত্তর চরিতে’র আলোচনায় বঙ্কিম অবশ্য বলেছেন—সাহিত্যের উদ্দেশ্য স্বভাবসুবর্তিতাও নয়, নীতিশিক্ষাও নয়, সাহিত্যের উদ্দেশ্য সৌন্দর্য সৃষ্টি। অর্থাৎ সাহিত্য স্বরাট, রিলিজিয়ন ও নীতির তাঁবেদার নয়। কিন্তু বঙ্কিমের সাধনা ছিল সংহিতাকারের সাধনা, নিকাম কর্মযোগের আদর্শ স্থাপনের সাধনা। বঙ্কিমের প্রভাবে তাই সে যুগের সাহিত্য-জিজ্ঞাসা ও সাহিত্য-বিচার এই নীতিবাদী ভাববাদের পথে চলেছে।

তারপরে এলেন রবীন্দ্রনাথ। সাহিত্য-বিচারে ও সাহিত্য-জিজ্ঞাসায় তাঁর পরিচালনায় যে যুগ এল, তাকে সাধারণ ভাবে বলতে পারি রসবাদী ভাববাদের যুগ, সংক্ষেপে রসবাদের যুগ। রবীন্দ্রনাথ অবশ্য সত্য শিব স্তম্ভকে এক বই ছুই বলে মানতেন না। কিন্তু সাহিত্যের ক্ষেত্রে তিনি জানতেন স্তম্ভরই শিব, স্তম্ভরই সত্য। সাহিত্য সেই স্তম্ভের রাজ্য, স্তম্ভর সেখানে স্বরাট। সৌন্দর্য-সৃষ্টির সেই জটিল রহস্যকে কবি নানা সময়ে নানা দিক থেকে নানা ভাবে ব্যাখ্যা করেছেন। তার বৈচিত্র্য ও গভীরত্ব বিশ্বয়কর। তাই একটা মাত্র কথার লেবেল এঁটে রবীন্দ্রনাথের সাহিত্য-জিজ্ঞাসাকে চিহ্নিত করা যায় না। তা সত্ত্বেও বলা চলে তাঁর মতে রসই কাব্যের আত্মা, রসের নিরিখই কাব্যের আসল নিরিখ। এই মূল কথাটি বাঙালীর চেতনায়ও কবি গেঁথে দিয়ে গিয়েছেন বললে ভুল হবে না। এর সঙ্গে সঙ্গে তাঁরই আলোচনা সূত্রে বাঙালীর সাহিত্য-চেতনায় আরও কয়েকটি ধারণাও গাঁথা হয়ে যায়—

আর্ট একটা হার্মোনি; সৃষ্টি একটা 'ক্রিয়েটিভ ইউনিটি', তা ব্যক্তিব্রূপের আত্ম-প্রকাশ, তা প্রয়োজনের অতিরিক্ত আবিষ্কার, অদরকারের নীলা। ইত্যাদি।

এরূপ রসবাদের সঙ্গে অবশ্য 'আর্ট ফর আর্টস সেক'-এর মিল যেমন ছিল, অ-মিলও ছিল তেমনি গুরুতর। কারণ, 'আর্ট ফর আর্টস সেক' মূলত রূপ-সর্বস্বতাবাদ; আর রূপ ও রস এক জিনিস নয়। তা সত্ত্বেও বাঙলা-সাহিত্যক্ষেত্রে রসবাদের সঙ্গে নাধারণভাবে বিস্তার লাভ করে 'আর্টের জন্ম আর্ট' এই মতবাদও। রবীন্দ্রনাথের জীবন-নিষ্ঠা ও জীবন-বোধের পক্ষে এরূপ মতবাদ ঘটেছিল না, তাঁর সৃষ্টিতে ও সাহিত্য-জিজ্ঞাসাতেও স্থির জীবন-নিষ্ঠার ও গভীর জীবন-বোধের প্রমাণ স্পষ্ট। কিন্তু সে যুগের সাহিত্য-বিচার মোটের উপর এই স্পষ্ট প্রমাণও তত স্পষ্ট করে দেখে নি। জীবনের কোন্ অভিজ্ঞতা সাহিত্যে প্রকাশ পেল, সেই অভিজ্ঞতার মূল্য কী দিয়ে স্থির হবে, মূল্যই বা তার কী,—এ সব কথা নিয়ে বিশেষ আলোচনা তখন হত না। বড় জোর হত লেখার মধ্যে ব্যক্তিব্রূপের সম্মান ও বিচার। জীবন যেন সাহিত্যে গৌণ, অভিজ্ঞতা যেন উপলক্ষ, আর ব্যক্তিসত্তার বাইরেকার সমাজ-জীবন যেন একটা অবাস্তব খোলস।

অন্ত্যারার সাহিত্য-বিচার যে তখনো ছিল না, তা নয়। শশাঙ্কমোহন সেনের একটি নিজস্ব ধারা ছিল; তার চেয়ে বেশি ছিল তাঁর নিজস্ব বাচন-ভঙ্গি। মোহিতলাল মজুমদার 'অবজেক্টিভিটি' বা তাদৃগত্যকে সাহিত্য-লক্ষ্য বলে ঘোষণা করেছেন; তাঁর বাচন-ভঙ্গিও ছিল ধূম-জ্যোতিঃসমাকুল। বিপিনচন্দ্র পাল ও রাধাকমল মুখোপাধ্যায় 'বস্তুতন্ত্রের' নামে হয় চেয়েছেন বঙ্কিমী বাঙালীমানা (ঐতিহ্যের দোহাই), নয় 'স্মাচারালিজম' বা বহিঃ-সাদৃশ্যবাদী বাস্তবতা। প্রথম চৌধুরী ও কাজী আবদুল ওহুদ রবীন্দ্রচিন্তাধারার মাহুস হলেও সে যুগকে সম্বন্ধিতর করেছেন—তাঁদের বিশিষ্টতার ও বৈদগ্ধ্য। তথাপি মোটের উপর সে যুগকে রসবাদের যুগ বললে অস্তায় হবে না।

‘আর্ট ফর আর্টস সেক্’ তত্ত্ব হিসাবে আজ একটু বিগত-মহিমা। কিন্তু রসবাদ গত পাঁচ বৎসরের সমালোচনা-সাহিত্যে তার রাজত্ব খোঁয়ায় নি। কাজী আবদুল ওদুদ সৃষ্টিধর্মের ও ব্যক্তি-বৈশিষ্ট্যেরই বিকাশ সন্ধানে সঙ্কট। ‘কবিতা’ পত্রে বুদ্ধদেব বসু রসবাদী দৃষ্টিতেই সাহিত্য-বিচার করেন। ষাঁদের সমালোচনা ক্ষেত্রে কোনো মানদণ্ড নেই, তাঁরাও সহজভাবে এখনো রায় দেন রসের নামে,—কোনো লেখা ‘রসোত্তীর্ণ’ বা ‘রসোত্তীর্ণ নয়’ বলে। বরং সংস্কৃত রসবাদের নতুন করে প্রবর্তনও হয়েছে। ‘সবুজ পত্রে’ অতুলচন্দ্র গুপ্ত মহাশয়ের ‘কাব্য-জিজ্ঞাসা’তেই বাঙলায় তার প্রথম সূত্রপাত হয়। বুদ্ধির ঔজ্জ্বল্যে, বক্তব্যের স্বচ্ছতায় ‘কাব্য-জিজ্ঞাসা’ বাঙালী পাঠকের মন তখনই জয় করে নেয়। সম্প্রতি অধ্যাপক সুবোধচন্দ্র সেনগুপ্ত ও কালীপদ ভট্টাচার্য ‘ধ্বংসলোক ও লোচনের’ বাঙলায় অনুবাদ প্রকাশ করেছেন। তাতে বাঙালীর পক্ষে রসবাদের সঙ্গে পরিচয় আরও সহজসাধ্য হচ্ছে। অধ্যাপক সুধীর দাশগুপ্ত ‘কাব্যালোকে’ও আনন্দ-বর্ননাচার্য ও অভিনব গুপ্তের কথাই চূড়ান্ত বিচার বলে স্থির করেছেন। ‘কাব্যালোক’ বিশ্ববিদ্যালয়ের উচ্চতম পরীক্ষায় ছাত্রদের পাঠ্যগ্রন্থ; রসবাদের সঙ্গে তাই সাহিত্যের ছাত্ররা পরিচিত হয়ে উঠবার কথা। অবশ্য ইতিমধ্যে নূতন সাহিত্য-জিজ্ঞাসা যে বাঙলা দেশেও উদ্ভূত হয়েছে ‘কাব্যালোকে’র গ্রন্থকার তা লক্ষ্য করেছেন। এবং তা গ্রহণ করতে না পারলেও তার পরিচয়-গ্রহণে উদাসীন থাকেন নি।

বাঙলার এই তৃতীয় পর্বের সাহিত্য-জিজ্ঞাসাকে বলা হয়—বাস্তববাদী সাহিত্য-বিচারের যুগ, বা সাহিত্যে বৈজ্ঞানিক বিচারের যুগ। বিজ্ঞান ব্যক্তিনিরপেক্ষ কিন্তু সাহিত্য-বিচার এতদিন পর্যন্ত ছিল নিতাস্তই ব্যক্তিগত রসবোধের ব্যাপার। রসবাদী বিচারের শেষ কথা হচ্ছে এই যে, কাব্য ‘সহৃদয়সহৃদয়বেষ্ঠা’ যে ‘সহৃদয়’ তার ভালো লাগে, যে ‘সহৃদয়’ নয় তার ভালো লাগে না। অর্থাৎ সাহিত্য ব্যক্তিগত ভালো লাগা-না-লাগার

ব্যাপার, ব্যক্তিগত শক্তি ও রুচির কথা। নৈর্ব্যক্তিক কোনো মানদণ্ড তাই সাহিত্যে থাকতে পারে না।

আধুনিক কালের সাহিত্য-জিজ্ঞাসা এই সংজ্ঞায় তৃপ্ত হবে কেন? এটা বিজ্ঞানের যুগ। বৈজ্ঞানিক পদ্ধতিতে মানুষ এখন শুধু বাহ্য বস্তুরই বিশ্লেষণ করে না, সামাজিক তথ্যেরও বিচার করে, মানসিক ব্যাপারেরও তত্ত্ব-সন্ধান করে। অত্যাশ্রয় মানব বিচার ('হিউম্যানিটিজ') বেলায় যদি বিজ্ঞানের নৈর্ব্যক্তিক মানদণ্ড স্থির করা যায়, সাহিত্য-বিচারেই বা তবে সর্বজনস্বীকৃত মানদণ্ড পাওয়া যাবে না কেন—যদি সে জিজ্ঞাসা সত্যসত্যই চলে বিজ্ঞান-সম্মত খাতে? সাহিত্য-জিজ্ঞাসা ও সাহিত্য-বিচার তাই এ যুগে ফিরে এল নতুন বাস্তববাদী খাতে।

'ফিরে এল' বলছি; কারণ, বাঙলায় বাস্তববাদী সাহিত্য-চিন্তা নতুন হলেও পৃথিবীতে তা নতুন নয়। আসলে বাঙলায়ও একেবারে নতুন নয়। পাশ্চাত্য জগতের সাহিত্য-চিন্তা-গুরু আরিষ্টোটল। তাঁর মানদণ্ড তাঁর কালের, তাঁর সমাজের; তাকে নিছক ভাববাদী বলা চলে না। আধুনিক পাশ্চাত্য জগতে তো রিনাইসেন্সের পর থেকে বাস্তববাদই প্রধানতম চিন্তারূপে গ্রাহ্য হয়েছে, অবশ্য ভাববাদের সঙ্গে তার দ্বন্দ্ব শেষ হয় নি এখনো। রিনাইসেন্সের পূর্বেও দেখি ইতিহাসে বাস্তববাদের সঙ্গে ভাববাদের দ্বন্দ্ব বরাবর চলছে। তখনকার যুগে বৈজ্ঞানিক জ্ঞান প্রসার লাভ করে নি বিশেষ। মানুষ সর্বদিকে কল্পনা করত অলৌকিকের রাজত্ব। কিন্তু এই মানুষও জীবনের দ্বায়েই বাস্তববাদী না হোক, ছিল বাস্তবপন্থী। কারণ, জীবন একান্তই বাস্তব। রিনাইসেন্সের পর থেকে সেই বাস্তবপন্থী মানুষ ক্রমশই হয়ে উঠেছে বাস্তববাদীও। তাতেই বিজ্ঞানেরও বিকাশ ঘটল। কিন্তু তখনো এই বাস্তববাদ ছিল প্রধানত 'জড়বাদ' বা 'যান্ত্রিক বস্তুবাদ'। (মিকানিষ্টিক মেটেরিয়ালিজম)। শিল্পে সাহিত্যে তার প্রকাশ দেখা যেত স্থূল, পঙ্কিল জীবন-যাত্রা বর্ণনায়, কিংবা বহিঃসাদৃশ্যবাদী বৈজ্ঞানিকতার ('স্ট্যাচারিালিজম')-এ

—বেমন দেখা গিয়েছিল জ্বালায়। নতুন বাস্তববাদ কিন্তু এই ষাণ্ডিক পদ্ধতিকে মানে না।

এই নতুন বাস্তববাদ এল সমাজে একটি নতুন শ্রেণীর, উদ্ভবে। সেই শ্রেণী হল শ্রমিক শ্রেণী। তাদের উদ্ভব, তাদের প্রসার ও তাদের পরিণতি তারা বুঝতে পারল ইতিহাসকে বাস্তব দৃষ্টিতে দেখে। তারা আবিষ্কার করলে সমাজ-বিবর্তনের বিজ্ঞান ও বিদ্যা (‘সায়েন্স এণ্ড আর্ট অব সোশ্যাল ডেভেলোপমেন্ট’)। এই হল নতুন বাস্তববাদ। বাঙলা ভাষায় এর সামাজিক ও দার্শনিক বিচার যে সব গ্রন্থে পরিবেশিত হয় তার মধ্যে সরোজ আচার্যের ‘মার্কসীয় দর্শন’ ও ‘মার্কসীয় যুক্তি-বিজ্ঞান’, অমিত সেনের ‘ইতিহাসের ধারা’, এবং রেবতী বর্মনের ‘সমাজ ও সভ্যতার ক্রমবিকাশ’ প্রবন্ধ সাহিত্যের আধুনিক ইতিহাসে অগ্রাহ্য করবার মত গ্রন্থ নয়।

সাহিত্য বিচারের দিক থেকে আমাদের অবশ্য জ্ঞাতব্য এই জীবন-দর্শনে সাহিত্যের রূপ কী, কিসে তার মূল্য, কোথায় তার স্থান। এ সব বিষয়ে আধুনিক বাস্তববাদের বক্তব্য সংক্ষেপে নিবেদন করা যেতে পারে।

সাহিত্যের মূল খুঁজতে গেলে শুধু ব্যক্তি-হৃদয়ে তাকালেই চলবে না, দেখতে হবে সমাজের রূপটাও, আর সমাজ হচ্ছে শ্রেণী-সংগ্রামে বিবর্তমান সমাজ। কারণ আমরা যাকে ব্যক্তির ব্যক্তিত্ব বলি জগৎ ও জীবনের এই বাস্তব পরিবেশেই তা উন্মেষ লাভ করে,—আকাশ থেকে তা পড়ে না। অবশ্য স্থূল বা ষাণ্ডিক অর্থে শুধু মাত্র জীবন ও জগতের একটা যোগ-বিয়োগের ফলও মাহুষ নয়। জীবন ও জগতের সে একটা সক্রিয় অংশীদার। প্রত্যেক মাহুষই জন্ম থেকে—এবং জন্মের পূর্বে মাতৃ-জঠর থেকেই,—পরিবেশের সঙ্গে বাস্তব ও সক্রিয় সম্পর্কে সংযুক্ত। বাস্তবকে আপনার চেতনায় গ্রহণ করে করে একদিকে প্রত্যক্ষ অভিজ্ঞতার মধ্য দিয়ে সে বাস্তবের স্বরূপ বোঝে ;—জগৎ ও জীবনের উপরে সেই সৃষ্টি আপনার অধিকার সে বিস্তার করে—বেমন, ঘর বাঁধে, ফসল জন্মায়, প্রাকৃতিক শক্তি-

সমূহকে কাজে লাগায়। অন্য দিকে এই অধিকার অর্জনেরই উদ্দেশ্যে বাস্তব বোধের দ্বারা সমৃদ্ধ হয়ে মানস-শক্তিতে সে রচনা করে বাস্তবকল্প রচনা—তাই রূপ নেয় সাহিত্য, চিত্রকলা, নৃত্য, সংগীত প্রভৃতিতে। ‘তেল-ছুন লক্‌ড়ির’ মত মাহুষের আধিভৌতিক সৃষ্টি (মেটরিয়াল ক্রিয়েশান্) ও সাহিত্য সংগীত কলা বা দর্শনের মত তার আধিমানসিক সৃষ্টি (স্পীরিচুয়াল ক্রিয়েশান) তাই একই সূত্রে বাঁধা, দুই-ই মূলত একটা সামাজিক সৃষ্টি প্রক্রিয়া। সাহিত্য যে অভিজ্ঞতার প্রকাশ, সে অভিজ্ঞতার মূল ও মূল্য দুই-ই তাই সামাজিক।

সাহিত্য ব্যক্তিত্বের আত্ম-প্রকাশ নয়, বরং সমাজ-সত্যের প্রকাশ—এ তত্ত্ব রবীন্দ্রনাথও অগ্রাহ্য করেছেন, এমন নয়। “আমাদের ভাবের সৃষ্টি একটা খামখেয়ালি ব্যাপার নহে। ইহা বস্তু সৃষ্টির মতই একটা অমোঘ নিয়মের অধীন। এই অমোঘ নিয়মটি আবিষ্কারই বিজ্ঞানের উদ্দেশ্য।” কি সেই নিয়ম ? রবীন্দ্রনাথের বিবেচনায়, “সম্মিলিত মানবের বৃহৎ মন, মনের নিগূঢ় এবং অমোঘ নিয়মেই আপনাকে কেবলি প্রকাশ করিয়া অপরূপ মানস-সৃষ্টি সমস্ত পৃথিবীতে বিস্তার করিতেছে।” (‘সাহিত্য-সৃষ্টি’, রবীন্দ্র রচনাবলী ৮ম খণ্ড-পৃ ৪০৫।৪১৪), সম্মিলিত মানবের এই বৃহৎ মন তার সামাজিক প্রয়াস ও জীবন-যাত্রার সঙ্গে জড়িত, আধুনিক বস্তুবাদী তা স্বরণ করিয়ে দেবেন !

এটা ঠিক, সাহিত্য-রচনা তা হলে শুধু ‘অকারণ পুলকে’ হয় না। নিশ্চয়ই আনন্দের জগ্নই সাহিত্যের সৃষ্টি। কিন্তু আনন্দ তো মাহুষ তাস খেলে, আফিম খেয়েও পায়। ওই প্রতিকল্প-উপলব্ধিতে ও শিল্পের আন্বাদনে মাহুষ যে আনন্দ পায় তাতে তার চেতনা আচ্ছন্ন হয় না, সঞ্জীবিত হয়ে ওঠে (হাইটেন্‌স্ হিল্‌ কনশাস্‌নেস্)। চেতনার এই উজ্জীবনকে অগ্ৰভাষায় বলা যায় রসান্বাদন—ধা ‘ব্রহ্মান্বাদসহোদর’। কিন্তু বাস্তববাদী বলবেন, এ রস অলৌকিক নয়, অস্ত্র কোনো রসও নয়; এ রস হচ্ছে জীবন-রস, মানব-মহারস। রসবাদের এই সার-সত্য বাস্তববাদের নিকট গ্রাহ্য।

এই আনন্দের ও মানস সৃষ্টির লক্ষ্য সামাজিক বিকাশ, সেই আধিভৌতিক সৃষ্টি। এবং এই জীবন-রসের সাধনার প্রারম্ভ—সমাজের সৃষ্টিশীল মানুষকে জানায়। চেনায়, বোঝায়, ‘জীবনে জীবন যোগ করে’ জীবনাস্বাদনে। এই দৃষ্টিতে তাই শিল্পসৃষ্টি জীবন-শিল্পায়নের (‘আর্ট অব্ লাইফের’) অঙ্গ। শিল্পীকে তাই বলা হয় ‘ইঞ্জিনীয়ারস অব্ হিউম্যান সোল্’—(স্তালিন) ‘মানবাত্মার কারুকর’। এই দিক থেকে দেখলে এই শিল্প-জিজ্ঞাসাকে নীতিবাদী না বলেও উপায় নেই। তবে শিল্পের এই নীতি হচ্ছে জীবন-নীতি, মানবতার নীতি, বিকাশ-ধর্মের নীতি। নীতিবাদের এই সার সত্যও বাস্তববাদের নিকট গ্রাহ্য। বাস্তববাদীর মতে শিল্পে তাই নৈরাশোর স্থান নেই; উদ্দেশ্যহীন শিল্প-বাদের মূল্য নেই; অহুহু রস-বিলাসেরও অহুমোদন নেই। জীবনের প্রতি মমতায়, মানবতার মহৎ আদর্শে, জনশক্তির প্রতি বিশ্বাসে শিল্প হবে প্রবৃদ্ধ।

বাস্তববাদী সাহিত্য-বিচার তাই রহস্যের রাজ্য থেকে সাহিত্য ও শিল্পকে এনে দাঁড় করিয়েছে জীবনের রাজ্যে, সমাজ-সত্যের পাদপীঠে। সাহিত্যের মানদণ্ড-ও আর ব্যক্তিগত নয়; এ মানদণ্ড হল সমাজসত্য। লক্ষ্য করবার মত কথা তবু এই—রস ও নীতি কোনোটাই তা একেবারে অগ্রাহ্য করে নি। রহস্য থেকে মুক্ত করে তা অঙ্গীভূত করে নিয়েছে বাস্তববাদের মধ্যে।

‘নেতি’ ‘নেতি’ করেই নাকি সত্যের স্বরূপ বোঝা সহজ হয়। বাস্তববাদের পক্ষেও ‘নেতি’-ভাষণের সূত্রেই এখনো আমাদের এই সাহিত্য-জিজ্ঞাসা বৃদ্ধি হছে। কারণ, সাহিত্য-বিষয়ে বাস্তববাদী আলোচনা এখনো বাদ-প্রতিবাদের সোপান ভাঙছে। তার বক্তব্য ও বিচার এখনো পর্যন্ত ‘পরিচয়ের’ মত দু-একখানি মাসিক ও সাময়িক পত্রের পাতায় আবদ্ধ। এ প্রয়াসে ধীরে অগ্রণী তাঁদের মধ্যে নীরেন্দ্রনাথ রায়ের নামই প্রথম উল্লেখযোগ্য। শেক্স-সপীয়র, গেটে, রল্গ থেকে উনিশ শতকের বাঙলার বঙ্কিম, মাইকেল পর্যন্ত দেশীয় ও বিদেশীয় সাহিত্য-শ্রষ্টাদের কীর্তি তিনি এই বাস্তববাদী দৃষ্টিতে বিচারে ধ্বংশীল হয়েছেন; ‘কবিতায় বক্তব্য’ প্রভৃতি প্রবন্ধে তার মূল-তত্ত্বও

তিনি ব্যাখ্যা করেছেন। অমরেন্দ্রপ্রসাদ মিত্র, বারাণসীর মহেন্দ্র রায় ও ঋষি দাসও এদিকে অগ্রসর হয়েছেন, এবং সম্প্রতি অচ্যুত গোস্বামী ও ননী ভৌমিক এদিকে যথেষ্ট স্থির প্রয়াসের প্রমাণ দান করেছেন। এমন কি, এই দৃষ্টিভঙ্গি নিয়েই শিল্প-বিচারেও পদার্পণ করেছেন কবি বিষ্ণু দে, রবীন্দ্র মজুমদার, প্রভাত দত্ত প্রভৃতি শিল্পসমালোচকেরা।

সম্প্রতি কবি বিষ্ণু দে তাঁর বুদ্ধিতীক্ষ্ণ বিচারের কিছুটা উপহার দিয়েছেন ‘সাহিত্যের ভবিষ্যৎ’ নামক গ্রন্থের প্রবন্ধমালায়। অবশ্য বিষ্ণু দে দৃঢ়চিত্ত বাস্তববাদী হলেও একালের এলিয়টী ফর্ম্যালিজম-এ মুগ্ধ। আর বাস্তববাদী দৃষ্টিতে শিল্পে ও সাহিত্যে বিষয়বস্তুই (কন্টেন্ট) প্রাথমিক, রূপকলা (ফরম্) বিষয়ানুগ। ফর্ম্যালিজম্ বা আঙ্গিক-সর্বস্বতা তাই সাহিত্যে এক জাতীয় ক্ষয়িষ্ণু চেতনারই প্রমাণ। দ্বিতীয় আর এক ধরনের স্থূল বাস্তববাদ দেখা যায় ত্রীমুক্ত অরবিন্দ পোদ্দারের ‘বন্ধিম-মানস’ প্রভৃতি আলোচনায়। বিশ্ববিদ্যালয়ের অধ্যাপকদের দ্বারা তা ‘মার্কসবাদ’ বলেও সন্দর্ভিত। কিন্তু এখন বিশ্ববিদ্যালয়ে টেইন-এর ইংরেজি সাহিত্যের ইতিহাস আর পড়ানো হয় না। না হলে অধ্যাপক মহাশয়েরা বুঝতেন—সে আলোচনা আসলে পরিবেশ-বাদ (‘এনভাইরনমেন্টালিস্ট’)। যে আলোচনায় শ্রেণী-চরিত্র বিচারের নাম-গন্ধও নেই, তা আর যাই হোক মার্কসবাদ নয়। মার্কসবাদ গুরুত্ব পরিবেশ-বাধ্যতাবাদ বা নিয়তিবাদও মানে না। তৃতীয়, এক মতের বাস্তববাদীরা রামমোহন থেকে রবীন্দ্রনাথ পর্যন্ত বাঙলা সাহিত্যকে নস্রাত্ করতে চেয়েছিলেন,—যেহেতু তা মধ্যবিস্তৃত বুদ্ধিজীবীর সৃষ্টি, এবং তাতে কৃষক-বিশ্রোহের ঘোষণা নেই। এ বিচারকে মার্কসবাদীরা বলবেন ইতর-মার্কসবাদ (ভালগার মার্কসিজম্), বা যান্ত্রিক বাস্তববাদ। অবশ্য বাস্তববাদী-মহলে সাধারণত যে ভ্রান্তি বেশি দেখা যায় তা হচ্ছে গ্লামারালিজম্ বা বহিঃসাদৃশ্যবাদী বৈজ্ঞানিকতা—‘ঘড়ুটং তল্লিখিতং’-জাতীয় বহিঃসাদৃশ্যবাদ। অথবা মনে করা যে বিষয় সত্য হলেই হল, রূপায়ণ বুদ্ধি নিতাস্তই গোণ ;

সার্থক্য বাস্তব সাহিত্যের বুঝি সাহিত্য না হলেও চলে। তা যদি হত, তা হলে কেনিই হতেন খেঁচ শিল্পী, গোকি-টলস্টয়ের নাম না করলেও চলত। এরূপ বিভ্রান্তি বশেই বাস্তববাদী সাহিত্য বিচারেও দেখা যায় প্রকাশ-নৈপুণ্যের অভাব, মন্তব্যের অস্পষ্টতা। কিন্তু প্রবন্ধ-সাহিত্যও সাহিত্য। সাহিত্য-জিজ্ঞাসাই বা তা হলে সরল হবে না কেন? প্রশ্নাদণ্ড না থাকলে কোনো লেখাই সাহিত্য বলে গ্রাহ্য হবে না।

প্রবন্ধ-সাহিত্যের প্রধান আশ্রয় বিষয়ের গৌরব ও বুদ্ধির দীপ্তি—তা আমরা দেখেছি। কিন্তু শুধু তা-ও যথেষ্ট নয়—এ কথাও তাই বুঝবার মত। জানাতোল ক্রাসের মতে ফরাসী গল্পের নাকি তিনটি ছিল প্রধান গুণ :— প্রথমত, স্বচ্ছতা; দ্বিতীয়ত, স্বচ্ছতা; আর সর্বশেষেও, স্বচ্ছতা। এটা ‘পঞ্চ-বার্ষিক সংকলনের’ যুগ। আমরা বাঙলা প্রবন্ধ-সাহিত্যে কি আগামী পাঁচ বৎসরের জন্য কামনা করতে পারি না এমনিতর তিনটি গুণের চর্চা?— বিষয়ের ভার, বুদ্ধির ধার ও বাক্যের স্বচ্ছতা ॥

পূর্ব বাংলার সাম্প্রতিক প্রবন্ধ-সাহিত্য. কাজী মোতাহার হোসেন

যে-কোনো সাম্প্রতিক বিষয় আলোচনা করে তার সঠিক পরিচয় দেওয়া স্বভাবতই কঠিন। কারণ, আমরা যার মধ্যে লিপ্ত থাকি তার সমগ্ররূপ দেখতে পাইনে। আমাদের সংস্কার, স্বার্থবোধ প্রভৃতি নানা বিষয় একত্র জড়িত হয়ে স্বচ্ছ দৃষ্টির ব্যাঘাত জন্মায়। তা ছাড়া অনেক বিষয় এমন আছে যার ইঙ্গিত প্রথমে প্রচ্ছন্ন থাকে, পরে ক্রমে ক্রমে প্রকাশ পায়। সে স্থলে ভবিষ্যতের পূর্বাভাসে অনেক সন্দেহের অবকাশ থাকে। এসব জেনে শুনেও ঐতিহাসিক সর্বদাই ঘটনার বিশ্লেষণ করে তার ভবিষ্যৎ গতি সম্বন্ধে কিছু আভাস দিয়ে থাকেন।

সাম্প্রতিক প্রবন্ধ-সাহিত্যের উপর প্রবন্ধ লিখতে গেলে ঐতিহাসিকের দায়িত্ব নিয়েই লিখতে হয়। এর জন্ত সম্পূর্ণ তথ্য সংগ্রহ করে তার সম্যক আলোচনা করা দরকার। কিন্তু সময় আর অবসরের অভাবে তা করতে পারিনি। প্রবন্ধের বই অল্পই প্রকাশিত হয়। একে তো, অধিকাংশ লেখকই প্রবন্ধ লেখেন কম, তার উপর প্রবন্ধ-পুস্তকের খরিদারের অভাব। তাই তথ্য সংগ্রহ করতে হলে মাসিক, দৈনিক বা অল্পাঙ্গ সাময়িক পত্রিকার উপরই প্রধানত নির্ভর করতে হয়। সব সাময়িক পত্র, এমনকি তার মধ্যে প্রধান প্রধানগুলোও বোগাড় করা বেশ কঠিন।

আমি ‘মোহান্দী’, ‘দিলরুবা’, ‘দ্রুতি’, ‘ইমরোজ’, ‘মাহে-নও’, ‘নওবাহার’ ‘বেগম’, ‘সওগাত’, ‘সৈনিক’ এবং ‘আজাদ’ মিলিয়ে মোট পঞ্চাশ-ষাটখানা পত্রিকা যোগাড় করে প্রবন্ধ লেখক এবং তাঁদের লেখার লিস্ট করেছিলাম। ত্রিপুরা, চট্টগ্রাম, দিনাজপুর, সিলেট, রাজসাহী প্রভৃতি মফঃস্বল শহর থেকেও কয়েকখানা কাগজ বের হয়, সেগুলো ব্যবহার করবার সুযোগ পাইনি। তবে, আশা করি উল্লেখযোগ্য সাহিত্যিকদের মধ্যে শতকরা নব্বই জনই উল্লিখিত পত্রিকার কোনো না কোনটাতে প্রবন্ধ লিখে থাকেন। এখানে প্রবন্ধকারদের নাম বা তাঁদের লিখিত প্রবন্ধের তালিকা দিতে চাইনি। তার বদলে, কেবল মোটামুটি বিষয়বস্তুর সংখ্যাঘটিত বিবরণ দিয়েই বর্তমানে পূর্ববাংলার প্রবন্ধ-লেখকদের মনের গতি কোন্ দিকে তার পরিচয় দেবার চেষ্টা করছি।

কিন্তু তাতেও মুশকিল আছে! একে তো, প্রবন্ধ নানান রকমের হয়। সাহিত্যবিষয়ক প্রস্তাব, রস-রচনা ও সমালোচনা; ঐতিহাসিক, বৈজ্ঞানিক, সামাজিক, রাজনৈতিক ও অর্থনৈতিক প্রবন্ধ; শিক্ষা, ভাষা, হরফ ও পাঠ্য-সমস্যা; চিত্রকলা; নাট্যকলা; শিশু-সাহিত্য, লোক-সাহিত্য, পুঁথি-সাহিত্য প্রভৃতির আলোচনা; ধর্ম, দর্শন, ঐতিহ্য, অমূল্যবাদ, গবেষণা—এ সবই প্রবন্ধ সাহিত্যের মধ্যে পড়ে। অবশ্য তা ‘সাহিত্য’ হওয়া চাই। কিন্তু বিষয়বস্তুর পার্থক্যে সাহিত্যের মাপকাঠি বদলায়। অথচ কিভাবে কতোটুক বদলায় তার কোনোও ব্যক্তি-নিরপেক্ষ সবগ্রাহ্য মাপকাঠি নাই।

দ্বিতীয়ত, উপরে যে সব রকমারি কথা বলা হল, তা আবার পরস্পর সংশ্লিষ্ট। শ্রেণী বিভাগ করতে হলে যে কোনও রচনা নিঃসন্দেহে কোন বিশেষ শ্রেণীতেই পড়া আবশ্যিক। এজন্য অনেক স্থলেই কিছুটা আপোষ করতে হয়। উদাহরণ দিলেই কথাটা আরও পরিষ্কার হবে। ধরুন, একটি প্রবন্ধের নাম “জ্যোতির্বিজ্ঞান মুসলিম প্রভাব”—প্রবন্ধটা কি বৈজ্ঞানিক, না ধর্মীয়, না বিজ্ঞান গবেষণামূলক? আর ‘একটা প্রবন্ধ—যেমন

“ক্রান্তে মুসলিম প্রভাব”—এটি কি ঐতিহাসিক না দার্শনিক, না ধর্মীয়? অথবা “নজরুল কাব্যে তৌহিদ”—এখানে কি নজরুল কাব্যের আলোচনাই প্রধান না তৌহিদের ব্যাখ্যা বা তার পরিপোষক উদাহরণই প্রধান? এইভাবে ‘ইসলামী সমাজ ও রাষ্ট্র’—এটা কি ইসলামিক শরিয়তের ব্যাখ্যা—না মুসলিম সমাজপতি ও রাষ্ট্রপতিদের বাস্তব কর্মপন্থার পরিচয়? মোটের উপর লেখকের মনের প্রবণতা কোন্ দিকে এবং কোন দিকে তিনি বেশী জোর দিয়েছেন—তার উপর নির্ভর করছে প্রবন্ধের আসল প্রকৃতি।

আর এক ধরনের উদাহরণ দেওয়া যাক। “আধুনিক ইরাকী সাহিত্য”, “অতীত ও বর্তমান তুরস্ক”, “আরব রসায়নের উৎস”—এ সবার সঙ্গে বাংলার সাধারণ পাঠকের সম্পর্ক অবশ্যই গৌণ। তবে কি এগুলো নিতান্তই জীবনসম্পর্কচ্যুত পণ্ডিতী আলোচনা?—তাও নয়। বাংলার মুসলমান সমাজকে (উভয় বাংলার কথাই বলছি) ব্রিটিশ আমলে শিক্ষা, সংস্কৃতি, উচ্চপদ, ব্যবসায়-বাণিজ্য, ধন-দৌলত, মান-সম্মত সব খুঁইয়ে অতীতের দিকে চেয়েই সাঙ্ঘনা খুঁজতে হয়েছিল। তাই তারা বড় বেশী অতীতের দোহাই পাড়তে বাধ্য হয়েছে। বহুমুখী যুগ বা হিন্দুশ্বের নব জাগরণের দিনে গোটা হিন্দু সমাজেও এই অতীতমুখী মনোবৃত্তির প্রাচুর্য্যই হয়েছিল। আজও হিন্দুসমাজ ইউরোপকে আধ্যাত্মিকতা শিক্ষা দেবে বলে স্পর্ধা করে থাকে। তবু গরিব যদি ধনী আত্মীয়ের বা পূর্ব পুরুষের গুণকীর্তনে একটু আধিক্যই করে থাকে, তবে তা যতটা উপহাসের বিষয়—তার চেয়ে অনেক বেশী করুণ। তাই ব্রিটিশ-শাসিত বাঙালী মুসলমানের পক্ষে আরব, ইরাক, ইরান, মিশর, স্পেনের দিকে তাকিয়ে ঐ সব দেশের গৌরব আত্মসাৎ করবার প্রয়াসকে অস্বাভাবিক বলা যায় না। কিন্তু অস্বাভাবিক এই যে, তাদের বাড়ির কাছে যে গঙ্গা হুমুনা, ব্রহ্মপুত্র, হিমালয় আপন মহিমায় বিরাজ করছে, কিংবা যে চামেলী, গন্ধরাজ, শিউলী, কুমুদ, পদ্ম নীরব সৌন্দর্যে ফুটে রয়েছে, এ দিকে তাদের দৃষ্টি নেই।

এগুলো যেন হেলায় হিন্দুকে বিলিয়ে দিয়ে এরা তাকিয়ে আছে নীল দরিয়া, ফোরাড, আলবর্জ, অথবা বাসরাই গুল, রায়হান, হেনার দিকে। এই করুণ অবস্থার জন্ম তাদের স্বদেশে পরবাসীর মনোভাব দায়ী, তাতে সন্দেহ নাই, কিন্তু অতীতে সমৃদ্ধশালী প্রতিবেশী হিন্দুর সহায়ভূতিহীন তাচ্ছিল্যও যে কতকটা দায়ী নয়, এ-কথা কে বলবে ?

যা হোক, অতীতে যা হয়ে গেছে তা নিয়ে কথা বাড়িয়ে লাভ নাই। আজ ব্রিটিশ অধিকার চলে গেছে—ভারত আর পাকিস্তান জন্ম নিয়েছে। কিন্তু সাধারণ লোকের মনোবৃত্তি মোটামুটি একই রয়ে গেছে। এতদিনের অভ্যাস বদলাতে সময় লাগবে। আশা করা যায়, পূর্ব বাংলার মুসলমান অচিরেই নিজেদের গৌরবে প্রতিষ্ঠিত হয়ে দাঁড়াতে পারবে। তখন হয়ত আরব, ইরান, কাবুল, তুর্কীই পাকিস্তানকে ধনী আত্মীয় বলে লুফে নেবার ক্ষমতা ব্যর্থ হবে।

তার জন্ম যে-সাধনার দরকার, পূর্ব-বাংলার এ যুগের সাহিত্যিকেরা তার গতি নির্ধারণ করার চেষ্টা করছেন। এ চেষ্টায় প্রথম প্রথম তুলকাট হবে, পরে শোধরাতে শোধরাতে উপযুক্ত পথের সন্ধান নিশ্চয় মিলবে। অতীতের সঙ্গে বা পরিবেশের সঙ্গে সঙ্গ জব্বীকার করে কেউ কখনো কোনোদিন বড় হতে পারে না। তাই আজ ইসলামী দৃষ্টির মূল উৎস কোরান হাদিসের দিকে স্বভাবতই দৃষ্টি পড়েছে। আজ সব দেশের মুসলমান রাজা বাদশারা ইসলামের যে ঐতিহ্য রেখে গেছেন, তারও খোঁজ পড়েছে। সেই সঙ্গে বাস্তব দৃষ্টিভঙ্গী নিয়ে আপন পরিবেশের দিকেও তরুণ সাহিত্যিকেরা তাকাচ্ছেন। তাঁরা বৃহৎ জনগণকে আর উপেক্ষা করে এড়িয়ে যাচ্ছেন না। এ যুগের বাঙালী মুসলমানের পক্ষে এটিকে দ্বিতীয় সাহিত্যিক জাগরণ বলা যায়। প্রথম জাগরণ আরম্ভ হয় মীর মোশাব্বরফ হোসেন, ইসমাইল হুসেন শিরাজী, কাঙ্ক্ষকোবাদ, পণ্ডিত রিয়াজ উদ্দীন, মোজাম্মেল হক, রওশন চৌধুরী প্রভৃতির চেষ্টায়, ঊনবিংশ শতাব্দীর শেষার্ধ্বে। তারই জেরে চলে নব্বীষউর্দোলাই,

আকরাম খাঁ, শহীদুল্লাহ, ইয়াকুব চৌধুরী, লুৎফর রহমান প্রভৃতির ভিতর দিয়ে। নজরুল ইসলামের ভিতর দিয়েই সর্বপ্রথম মুসলিম সাহিত্যের আত্মপ্রত্যয় জন্মে। পরে জসীমউদ্দীন, কাজী আব্দুল ওহুদ, হুমায়ূন কবির, ওয়াজেদ আলী প্রভৃতি রথীদের দ্বারা ভাবের সম্প্রসারণ ঘটে। পাকিস্তান গঠনের কিছুদিন আগের থেকে প্রগতি লেখক ও শিল্পী সংঘের সাহচর্যে বাংলার তরুণেরা গণচেতনায় উদ্বুদ্ধ হয়। তবু, একথা মানতেই হবে যে, যুক্ত বাংলায় বিরাট মুসলমানসমাজ সাহিত্যে উল্লেখযোগ্য স্বীকৃতি পায়নি। এর জন্য হিন্দুর চেয়ে মুসলমান সাহিত্যিকেরাই বেশী দায়ী তা-ও অস্বীকার করার যো নেই। আশা হয় বাংলা সাহিত্যের এই ক্রটি বিশেষ করে পূর্ব-বাংলার তরুণ সাহিত্যিকদের চেষ্টাতেই সংশোধিত হয়ে হিন্দু মুসলিম উভয় সংস্কৃতির ধারায় এক বীর্ষবান নতুন বাংলা সাহিত্য গড়ে উঠবে।

ভাল কথা, প্রবন্ধের শ্রেণী বিভাগের কথা হচ্ছিল। অনেক কাট-ছাঁটের পর পূর্ব-বাংলার সাম্প্রতিক প্রবন্ধ-সাহিত্যকে পাঁচটি শ্রেণীতে ভাগ করে মোট দেড়শ' প্রবন্ধের মধ্যে কয়টি কোন শ্রেণীতে পড়ে তার একটা কিরিস্তি তৈরী করেছিলাম। যথা : ১ম শ্রেণী—ধর্ম, দর্শন, রাষ্ট্রনীতি (প্রবন্ধসংখ্যা ২০); ২য় শ্রেণী—মুসলিম ঐতিহ্য (প্রবন্ধসংখ্যা ৩০); ৩য় শ্রেণী—ইতিহাস, বিজ্ঞান, শিক্ষা (প্রবন্ধসংখ্যা ২৫); ৪র্থ শ্রেণী—সাহিত্য, সমাজ, সমালোচনা, গবেষণা, অহুবাদ (প্রবন্ধসংখ্যা ৪৫); ৫ম শ্রেণী—শিশু সাহিত্য, লোক সাহিত্য, রস-রচনা, আর্টসটিভ প্রবন্ধ (প্রবন্ধসংখ্যা ৩০)।

এখন প্রশ্ন হতে পারে, শ্রেণীগুলো এ রকম মিশ্র করবার কারণ কি? জগন্নাথ এই যে, বেগুলোর মধ্যে নিকট সম্পর্ক আছে সেগুলোকে এক পর্যায়ে ফেলা হয়েছে, যাতে কোন বিশেষ প্রবন্ধের স্থান নির্ণয়ে অনিশ্চয়তা কম হয়। প্রথম শ্রেণীতে ধর্ম ও দর্শনের সঙ্গে “রাষ্ট্রনীতি” অনেকের কানে বেধাঙ্গা লাগতে পারে। কিন্তু এর কারণ এই যে, ইসলাম ধর্মে ব্যাপকভাবে জীবনধারণের সমস্ত প্রধান প্রধান দিকেই—শুধু নীতির ক্ষেত্রে নয়, ব্যবহারিক

ক্ষেত্রেও,—জোর দেওয়া হয়েছে। তাই রাষ্ট্রনীতি ইসলামিক স্টেটে ধর্ম নিরপেক্ষ নয়। এখানে কিন্তু ধর্মের অর্থ—ঐশ্বর্যের উল্লেখ। অর্থাৎ রাষ্ট্র ও শাসন বিচার এবং সমদর্শিতার উপর প্রতিষ্ঠিত হবে। আমার বিশ্বাস, যদি নামের নেশা না থাকত, তা হলে একে সমদর্শী বা সম-অধিকার মূলক রাষ্ট্র বলা চলত। তাহলে কতকগুলো অনাবশ্যক কৈফিয়তের দায় এড়ানো যেত, অথচ কার্যত অবস্থার কোনো ব্যতিক্রম হত না। একথা বলবার কারণ এই যে, ভারত ও পাকিস্তান উভয় দেশের বাসিন্দারই মনোজীবনে অর্থাৎ ভাবজীবনে ধর্মই বোধহয় সবচেয়ে গুরুতর প্রভাব। অবশ্য ধর্ম বলতে এঁরা ধর্মের মূল মর্মের চেয়ে অঙ্ক অল্পবর্তিতাই বেশি করে বুঝেছেন। ফলত এখানে Secular stateও ধর্মীয় রাষ্ট্র, আবার শরীয়তী স্টেটও ধর্মনিরপেক্ষ (নীতিমূলক) রাষ্ট্র।

মুসলিম ঐতিহ্য বলে একটা আলাদা শ্রেণী স্বীকার করা হয়েছে। এর কারণ আগেই ইঙ্গিত করা হয়েছে। “তুরস্কের রাজনৈতিক বিবর্তন”, “সিসিলিতে মুসলিম প্রভাব”, “ইসলামের সাহিত্য ও বিজ্ঞান প্রতিভা”—এই ধরনের প্রবন্ধের অগ্রতম উদ্দেশ্য, ইসলামের ঐতিহ্য কোথায় কি রূপ নিয়েছে তাই দেখানো। এই শ্রেণীর প্রবন্ধের সংখ্যাও তিরিশ। স্মরণ্য এগুলোকে একটা স্বতন্ত্র শ্রেণীভুক্ত করা বোধ হয় অশাসনীয় নয়।

ইতিহাস, বিজ্ঞান, শিক্ষা—এ সব নিয়ে মনোজ্ঞ সাহিত্য রচনা করা কঠিন। তবু জাতীয় প্রয়োজনে যে সব আলোচনার উদ্ভব হয়েছে, এবং অনেক লোকে যা নিয়ে মাথা ঘামাচ্ছে তাকে অ-সাহিত্য বলে ঠেকিয়ে রাখার কোনো মানে হয় না। প্রবন্ধের অগ্রতম গুণ—প্রসাদগুণ—অর্থাৎ অব্যর্থ শব্দ চয়ন করে নিজের মনের কথা পরিষ্কার ভাবে অস্ত্রের মনের দরজায় পৌঁছিয়ে দেওয়া। অধিকাংশ রচনাই এই বিচারে উৎরে গেছে। ভাষা সমৃদ্ধ, হরফ সমৃদ্ধ, ব্যাকরণ সমৃদ্ধ, শিক্ষকদের বেতন সমৃদ্ধ, ছাত্রদের নকল সমৃদ্ধ, শিক্ষানীতি প্রভৃতি বিষয়ও অবশ্য এই পর্যায়ে পড়েছে। সাহিত্য,

সমাজ, সমালোচনা, গবেষণা, অহুবাদ—এই পাঁচমিশালি জিনিসকে একটি শ্রেণীতে ফেলা হয়েছে। ‘সাহিত্য’ বলতে ‘রবীন্দ্রকাব্যে জীবন-দেবতা’, ‘বার্ণাড শ’, ‘ইবসেন’, ‘অহুয়া’,কে ঐ রকম কতকটা বিস্কৃত (?) সাহিত্য ধরা হয়েছে। সমাজ, সমালোচনা, গবেষণা, অহুবাদ প্রভৃতির অর্থ সুস্পষ্ট। তবে কোরাণ হাদিসের অহুবাদ বা ঐ সব বিষয়ের প্রবন্ধ ধর্মের অন্তর্ভুক্ত করা হয়েছে। এই শ্রেণীর প্রবন্ধের সংখ্যা পয়তাল্লিশ। হয়তো সমাজমূলক বিষয় আলাদা করা যেত। কিন্তু সমাজ নিয়েই ত সাহিত্য। কাজে কাজেই কোনটা ‘সাহিত্য’ আর কোনটা ‘সমাজ’ তা নিয়ে গোল বাঁধবার প্রবল সম্ভাবনা থাকত।

শিশু সাহিত্য, লোক সাহিত্য, রসরচনা আর্টঘটিত প্রবন্ধ একসাথে রাখা গিয়েছে। হাস্যকৌতুক, ব্যঙ্গরচনা, সরস আলোচনা, পুঁথি সাহিত্য এবং সিনেমা, নাট্যমঞ্চ ইত্যাদি বিষয়ে লিখিত প্রবন্ধ এই পর্ধ্যয়ে স্থান পেয়েছে। মোটের উপর এই তালিকা থেকে বেশ বোঝা যাচ্ছে যে পূর্ব-পাকিস্তানের সাহিত্যিকেরা চোখ মেলে চেয়েছেন। অবশ্য, পর্ধ্যাপ্ত সৃষ্টি এখনও হয়নি। এবং দৃষ্টির স্বচ্ছতার অভাবে হয়তো নিখুঁত সৃষ্টিও কমই হয়েছে, কিন্তু মনের আকুলি-বিকুলির সৃষ্টি-আভাস পাওয়া যাচ্ছে।

এখানে পূর্ববাংলার সাহিত্যের গতি বা বৈশিষ্ট্য সম্বন্ধে দুয়েকটা কথা বলা বোধ হয় অপ্রাসঙ্গিক হবে না। এ সম্বন্ধে কয়েক জন চিন্তানায়ক আগেও মতামত প্রকাশ করেছেন। তবু হয়তো পুনরুক্তি চলতে পারে। তাই আমি সাধারণ দুই একটা কথা নিবেদন করব। প্রথম কথা বিশেষ ভাবে বাধাগ্রস্ত না হলে সাহিত্যিক তাঁর রচনায় নিজের মনের ছাপই প্রকাশ করে থাকেন। সেই অসংকোচ প্রকাশই স্বাভাবিক, আর স্বাভাবিকতা সৃষ্টির সৃষ্টির একটা লক্ষণ। বঙ্কিম, বিজ্ঞানাগর, রবীন্দ্রনাথ, শরৎচন্দ্র, মীর মোশাররফ, নজরুল প্রত্যেকের লেখায় বিশেষত্ব রয়েছে। সে বিশেষত্ব ভাবে, ভাষায়, মানসিক গঠনে, জীবনের মূল্যবোধে। সকলের লেখাতেই পারিপার্শ্বিকের ছাপ সুস্পষ্ট,

কিন্তু এয় চেয়েও আরও গভীর ছাপ রয়েছে ঐতিহ্যের। ঐতিহ্যকে বলা যেতে পারে এমন এক পারিপার্শ্বিক যা বহুযুগের অভ্যাসের ফলে একেবারে আত্মস্থ বা হজম হয়ে গেছে। হয়ত রক্তকণিকা বা জীব-কোষের গঠনেও তার প্রভাব পড়েছে। এই ঐতিহ্যকে চাপা দিয়ে সাহিত্য সৃষ্টি চলে না। হিন্দু মুসলিম এই দুই বৃহৎ সমাজের ঐতিহ্য যে কেবল ধুতি চাদর নামাবলী-টিকি বা লুঙ্গি-আচকান-টুপি-দাড়ির মধ্যেই আছে তা নয়। তাদের মানসিক কাঠামোর পার্থক্যও রয়েছে। অবশ্য, মিলও রয়েছে প্রচুর। মানুষে মানুষে মিল তো থাকবেই। হৃদয়বৃত্তিতেও বোধ হয় পনেরো আনা মিল আছে। এই মিল ভাষা, রীতি-নীতি, রাজনৈতিক পরিস্থিতি, অর্থনৈতিক অসাম্য প্রভৃতির ভিতরও স্পষ্ট উপলব্ধি করা যায়। তাইতেই তো সার্বজনীন সাহিত্য সৃষ্টি সম্ভব হয়। নইলে এক দেশের সাহিত্যের আদর অত্র দেশে কখনোই হতে পারত না।

কিন্তু অমিলও যে রয়েছে তা অস্বীকার করে লাভ নেই। সাহিত্য সার্বজনীন হবে, কিন্তু বিশিষ্ট পরিবেশকে আশ্রয় করেই হবে তার প্রকাশ। এই পরিবেশটুকুর জন্মই সাহিত্য রূপ পায় আর রূপের বাস্তবতার উপরেই ভাবের রঙ উজ্জ্বল হয়ে ফোটে।

এই সাধারণ কথা মনে রেখে যদি আমরা বিভাগ-পূর্ব বাংলার সাহিত্যের দিকে তাকাই, তা হলে দেখতে পাব, মোটের উপর এ সাহিত্যের বেশির ভাগই একটা বিশেষ শ্রেণীর মানসিক বিলাসের ক্ষেত্র। এর অবশ্য কারণ আছে। ধারা সাহিত্য সৃষ্টি করেন, বা সাহিত্য বিচারের তুলাদও ধাঁদের হাতে থাকে, তাঁদের মনোমত সাহিত্যই সৃষ্ট হয় ও স্বীকৃতি পায়। বিগত ২০১০ বছর যাবৎ এর একটা প্রতিক্রিয়াও দেখা দিয়েছে। সমাজের নিম্নস্তরের দিকেও অনেক দুঃসাহসিক তরুণের দৃষ্টি পড়েছে। মনে রাখবেন, এই তরুণদের অনেকেই এখন প্রৌঢ়। এখানে বয়সের তারুণ্যের চেয়ে মানসিক তারুণ্যের কথা ভেবেই 'তরুণ' শব্দটা প্রয়োগ করেছি। তবুও এদের

অধিকাংশই হিন্দুশ্রেণীভুক্ত হওয়ায় এবং দুর্ভাগ্যক্রমে বৃহৎ মুসলিম সমাজের
 ১.৫ সন্দেহ তাঁদের ঘনিষ্ঠতা আশাহুরূপ দৃঢ় না হওয়ায় বাংলা সাহিত্য
 মোটামুটি হিন্দু ঐতিহ্যেরই বাহন হয়ে রয়েছে। মুসলিম লেখকের
 আত্মপ্রত্যয়ের অভাব বাংলা সাহিত্যের প্রতি তাঁদের অবহেলা এবং
 শিক্ষা ও সামাজিক প্রতিষ্ঠায় তাঁদের পশ্চাৎগতিতা যে এর জন্তে বিশেষ ভাবে
 দায়ী তাতেও বিন্দুমাত্র সন্দেহ নাই। বিশেষ করে এই কারণেই হিন্দুদের
 মতো দূরে থেকে, অনেক শিক্ষিত মুসলমানও মুসলিম ঐতিহ্যের সঙ্গে যথার্থভাবে
 পরিচিত নন। এঁরা এ ভার ছেড়ে দিয়েছিলেন উজ্জ্বলা ভাইদের উপর।
 তাঁরা মাল সরবরাহ করবেন—আর এঁরা গলাধঃকরণ করবেন, এই ছিল প্রথা।
 কিন্তু এঁরা ভুলে গিয়েছিলেন যে একমাত্র মাতৃভাষার সাহায্যেই স্বাভাবিক
 ভাবে (এবং সম্মানজনকভাবে) জাতীয় সংস্কৃতি-বোধ জন্মাতে পারে।

স্বপ্নের বিষয় পূর্ববাংলার তরুণগণ আজ সে ক্রটির বিষয় অবহিত হয়েছেন।
 তাই আজ বাংলা ভাষার মাধ্যমে কোরান হাদিসের তর্জমা হচ্ছে, আউলিয়া
 দরবেশের কাহিনী লিখিত হচ্ছে, মুসলিম ঐতিহ্যের ধর্মোপদেশ নেওয়া হচ্ছে।
 এই কারণেই আগে দেখেছেন সমুদয় প্রবন্ধের এক তৃতীয়াংশই ধর্ম এবং
 ঐতিহ্যমূলক। জোর করেই বলা যায়, বাংলা ভাষা সম্বন্ধে পূর্ববাংলার
 তরুণদের আত্মীয়তাবোধ পশ্চিম বঙ্গীয় ভ্রাতাদের চেয়ে কোন অংশেই কম
 নয়। এর প্রমাণ এঁরা জীবনদান করেও দেখিয়েছেন। এঁরা যখন ধর্মীয়
 বিষয়গুলো বাংলা ভাষায় প্রকাশ করবেন, তখনই দেশের সর্বসাধারণের
 সত্যিকার ঐতিহ্যবোধ জন্মাবে। তখন বলিষ্ঠ আত্মচেতনায় পূর্ববঙ্গীয় মুসলিম
 সমাজের এক নবযুগ সৃচিত হবে।

ভাষার আঙ্গিকের দিক দিয়ে প্রথম প্রথম কিছু আতিশয্য হতে পারে
 বৈকি। কিন্তু তা নিশ্চয়ই সহনীয়। ক্রমে ক্রমে, অবশ্য, ত্রেককসা গাড়ির
 মতো যথাস্থানে এসেই এর গতি নিঃশেষিত হবে। তখন বাড়াবাড়িটা মফং
 হইবে ধাবে। আবার কোনো কোনোটা হয়তো বাড়াবাড়ি বলে মনেই হবে

না। এখানে বিশেষ করে শব্দচয়নের কথাই ইঙ্গিত করছি। বাংলা ও শতকরা কয়টা আরবী, ফার্সি, উর্দু, হিন্দী, ইংরেজী শব্দ আজ থাকবে হিসাব করে কখনও সাহিত্য রচনা করা যেতে পারে না। শিল্পীর স্বাভাবিকভাবে যা আসে আনুক, তাই টিকবে। অস্বাভাবিকভাৱে আসবে তা আবর্জনার মতো অনায়াসে ধুয়ে মুছে যাবে। এজন্য। যাবড়বার কারণ নেই। অল্প ভাষার থেকে প্রয়োজনমত শব্দ গ্রহণ করে জীবন্ত ভাষার ঐশ্বর্য বাড়ে। রামমোহনের ভাষা থেকে বিদ্যাসাগরের বঙ্কিমের ভাষা, রবীন্দ্রনাথের ভাষা, নজরুলের ভাষা—ক্রমশ সহজের গতি নিয়েছে। বর্তমান ডেমোক্রেসির যুগে এই-ই স্বাভাবিক। উদক জল বললে, কিংবা জল না বলে পানি বললে সাহিত্যের বিকৃতি হয় নর স্বাভাবিক ভাবে যেখানে যেটা খাটে সেইটে ব্যবহার করাই স্ব-স্ব লক্ষণ। পানি-গামছা না জল-গামছা, পানি-খরচ না জল-খরচ—এতে করা বোধ হয় বাজে তর্ক। কিন্তু জল-যোগকে পানি-যোগ, পানি-জল-কোড়ী, জল-চৌকিকে পানি-চৌকি, পানি-ফলকে জল-ফল, জল-জল-জল, পানি-পানি বা পানি-জল করতে গেলে হয়ত কেবল জোড়া পায়, যদিও এতে বাঙালীর শৌর্ধের পরিচয় পাওয়া যায় না। পূর্বা এই এখন বা ঘটাসময়ে কলকাতার দিকে তাকিয়ে না থেকে বিভিন্ন ভাষার দিকে একটু ঝোঁক দেয় তবে তাতে যে কেবল হান্তরসে একথা মানা যায় না। মোট কথা পূর্ববঙ্গের সাহিত্যিকেরা এখন এক সাহিত্যচর্চা করার এবং তার উপযুক্ত বিশিষ্ট আঙ্গিক সৃষ্টি করার নিশ্চয়ই করবেন। একে ব্রহ্মা-বিষ্ণু-মহেশ্বরের উপর আল্লা-রহুলের বলে মনে করলে চলবে না। পরম্পরের সহনশীলতার ভিত্তিতে ত বাংলা-ভাষার হিন্দু-মুসলিম দুইটি ধারাও পাশাপাশি থেকে উভয় ভাষাকেই সমৃদ্ধ করবে। আর, এই সাহিত্যিক সহনশীলতার ভিত্তিতে মুসলিমের ব্যক্তিগত সম্পর্কের অবনতি না হয়ে উন্নতিই হবে। বাস্তব

অধি-তা' যদি হয়, তবে তা ইংরেজী, রাশিয়ান, ফরাসী, জার্মান বা চীনা
 • সঙ্গে হলেও বাঙালী তার রস ভোগ থেকে বঞ্চিত হবে না। সুতরাং
 মোটা ক, ঐতিহ্যমূলক ও রাষ্ট্রগত পার্থক্যের ফলে অনিবার্যরূপে পূর্ব আর
 আত্ম-বাংলার ভাষার প্রকাশভঙ্গীর সামান্য কিছু বেশ-কম হবেই। তা
 শিক্ষা না। গোপাল হালদারের '১৩৫০'-এর ভাষায় বলতে হয়, "তাতে উরভা
 দায়ী মোটের উপর পূর্ব-বঙ্গের ক্ষয়িষ্ণু মুসলিম সমাজে একটা নতুন অধ্যায়
 মতো! য়েছে। এরা কতকটা আত্মসম্বিং ফিরে পেয়েছে। এদের স্বাধীন
 পরিচি-ব-সম্মত ধারায় এখন এরা এগিয়ে যাবেই। তাদের বিকাশের পক্ষে
 তাঁরা সায়োজন আছে এবং তাতে বাংলা সাহিত্যের পরিপুষ্টিই হবে। এদিক
 কিন্তু এ-শ্চম বঙ্গের সাহিত্যিকদের আশীর্বাদ ও বন্ধুত্বপূর্ণ সহপদেণও যথেষ্ট
 ভাবে (এ) করতে পারে—বন্ধুভাবে সহায়ত্বৃতির সঙ্গেই তা করতে হবে। আমার
 হৃদে এই পশ্চিম বঙ্গের সাহিত্যিক মুকুব্বী ও জ্যেষ্ঠ-ব্রাতারা পূর্ববঙ্গের
 তাই আ-কুপায়ণে খুসী হয়েই তাদের যথাযোগ্য সাহায্য করবেন ॥

মনন ও আত্মবিশ্লেষণ

প্রবোধচন্দ্র সেন

মনন-সাহিত্যের বিকাশ না ঘটলে সাহিত্যের যথার্থ পুষ্টি হয় না। এই মনন যার বড়, সে জাতির সাহিত্যও বড়। প্রবন্ধের প্রধান উপজীব্যই হল মনন। সুতরাং প্রবন্ধ-সাহিত্যের উন্নতির দিকে আমাদের দৃষ্টি দেওয়া প্রয়োজন।

ইতিহাসের দিক থেকে বিচার করলে দেখা যায়, বাংলা গল্প মোট চারটি যুগ। প্রথম যুগ বিস্তৃত ১৮০০ সাল থেকে ১৮৫৭ সাল পর্যন্ত। দ্বিতীয় ১৮৫৭ থেকে ১৯০৫; তৃতীয় ১৯০৫ থেকে ১৯৪৭; এবং চতুর্থ হল ১৯৪৭ থেকে আজ পর্যন্ত বিস্তৃত। এর মধ্যে, মনে হয় নানাদিক থেকে সর্বাধুনিক যুগটাই সব চাইতে দুর্ধোগপূর্ণ। অন্ধকারে পথ হাতড়ে হাতড়ে আমাদের অতিকষ্টে এগোতে হচ্ছে। এ অসহনীয় অবস্থা থেকে উদ্ধার পেতে গেলে ব্যাপকভাবে আত্মবিশ্লেষণ দরকার। প্রবন্ধসাহিত্য সে বিষয়ে একটা ভালো নির্দেশ দিতে পারে।

গত পাঁচ বছরে বাঙালি খুবই আত্মবিচারপরায়ণ হয়েছে। ইতিহাস এবং জীবনী নিয়ে আলোচনা চলেছে। সমালোচনার বই লেখবার সযত্ন-প্রয়াস দেখতে পাচ্ছি। সামাজিক ও রাষ্ট্রিক আন্দোলনকে প্রবন্ধের বিষয়বস্তু করা হয়েছে। স্বতিকথা ও আত্মজীবনীও লেখা হচ্ছে। এসব রচনার প্রধান গুণ আত্মবিশ্লেষণের চেষ্টা, এবং প্রধান দোষ সামগ্রিক দৃষ্টির অর্থাৎ

উদার মননের অভাব। আবার অনেক সময় 'তে হি নো দিবসা গতা' এ ধরনের একটা নৈরাশ্রের মনোভাবও দেখা যায়। এটা দুর্বলতারই লক্ষণ। বাংলা সাহিত্যের এ সব দৈন্ত্র সঙ্কে সচেতন হতে হবে। তা দূর করার জ্ঞান সমবেতভাবে চেষ্টা করতে হবে। হতাশ হয়ে হাল ছাড়লে চলবে না।

সাংস্কৃতিক ত্রিক্য ও অনুবাদ সাহিত্য প্রভাতকুমার মুখোপাধ্যায়

সাহিত্যের আসরে সাহিত্যবিষয়ক আলোচনা আমার পক্ষে সম্ভব ন কারণ আমি নিজে সাহিত্যস্রষ্টা নই। প্রবন্ধ ক্ষেত্রে যেটুকু কাজ করে তা ঐতিহাসিক গবেষণায় সীমাবদ্ধ। আমি সামান্য লেখক এবং সে জন্মেই আমার বক্তব্য বিষয়টিও বলা হচ্ছে সামান্য লেখকবৃন্দের উদ্দেশে। কথা বার বার অল্পভব করেছি, পূর্ব ও পশ্চিম বন্ধের মধ্যে সাংস্কৃতিক মিলনে শুভ প্রচেষ্টা যেমন হচ্ছে, তেমনি সর্বভারতীয় সাংস্কৃতিক এক্যের জন্ম আশং প্রাদেশিক একটি প্রচেষ্টা হওয়া একান্ত বাঞ্ছনীয়। যে অঞ্চলগুলি বাংলা প্রতিবেশী তাদের সাহিত্য সম্বন্ধে আমাদের জ্ঞান অতি অল্প। শ্রী কুঞ্জবিহারী দাস লোকসাহিত্যের বৈঠকে তাঁর তথাপূর্ণ ভাষণটিতে বাংলা ওড়িয়া লোকসাহিত্যের মধ্যে পারস্পরিক যোগ সম্পর্কে বিশদভাবে আলোচনা করেছেন। অসমীয়া ও মৈথিলীর সঙ্গেও বাংলা সাহিত্যের অল্প নিবিড় যোগসূত্র লক্ষ্য করা যায়। আমাদের দেশে এবিষয়ে আ ব্যাপকভাবে গবেষণা হওয়া দরকার। বর্তমানে 'India is one' এ-উ আদৌ খাটে না, কারণ সমগ্র ভারতের মধ্যে আমরা সংস্কৃতিগত ঐ সৃষ্টি করতে পারিনি। ভাষাগত পার্থক্যের জন্মে আমরা পরস্পর-বিচ্ছিন্ন হয়েছি। ইউরোপকে আমরা সমালোচনা করি নানা ভাবে, কিন্তু ব কালচার-এর দিক দিয়ে বিচার করতে গেলে দেখা যায় পাশ্চাত্য সভ্য

এক অথও সূত্রে গ্রথিত। সাহিত্যক্ষেত্রে পরস্পরের মধ্যে চিন্তাধারার আদানপ্রদান সেখানে রয়েছে, ইউরোপের প্রায় সব ভাষাতেই বিশিষ্ট গ্রন্থগুলির অহুবাদের সাহায্যে। অথচ ভারতের অগ্ন্যাগ্ন প্রদেশের সাহিত্য সম্বন্ধে আমরা কতটুকুই বা জানি। তা-ও যেটুকু সামান্য জ্ঞান হয় তা ইংরেজির মাধ্যমে। এ টুকু মুখ চেনা মাত্র; এতেই আমাদের তৃপ্ত থাকা উচিত নয়। প্রাচীন কালে সংস্কৃত ছিল শিক্ষিত সমাজের একমাত্র সাহিত্যিক ভাষা এবং সেই ভাষা অবলম্বনে অজয়ের তীরে রচিত গীতগোবিন্দ ভারতবর্ষের দূরদূরান্তর অঞ্চলে প্রচারিত হতে পেরেছিল। কিন্তু এ যুগে আমাদের বিভিন্ন চিন্তাধারার মধ্যে পরোপারের নির্দিষ্ট সেতু কই? বিদেশি ভাষার খেয়া নৌকো অগ্ন্যাগ্ন অঞ্চল থেকে যতটুকু তথ্য বয়ে আনে আমাদের ঘাটে, তাতেই আমরা সন্তুষ্ট থাকি; যথার্থ সেতুবন্ধনের চেষ্টা আমরা এতদিন করিনি। ধরুন, দাক্ষিণাত্যের লক্ষ্মপ্রতিষ্ঠ সাহিত্যিক মালায়লী লেখক ভল্লোতোলের রচনা সম্বন্ধে বাংলাদেশের অথবা ভারতবর্ষের অগ্ন্যাগ্ন প্রদেশের ক'জন লোক জানে? তাঁর গ্রন্থের ইংরেজি অহুবাদ পড়েই তাঁর বিষয়ে আমাদের জ্ঞানতে হয়। এটা তাঁর কথার কথা নয়। ভারতের বিচ্ছিন্ন ভাবধারাগুলিকে অথও রূপ দিতে হলে সর্বাগ্রে প্রয়োজন সাহিত্যিক সম্প্রদায়ের সমবেত প্রচেষ্টা। এই পন্থাবের একটা বাস্তব দিকও রয়েছে। আমাদের সাহিত্যিকরা স্বদেশ ও বিদেশের সাহিত্য-অহুবাদের কাজে হাত দিলে সমাজের অর্থনৈতিক ফল্যাণও এক অংশে সাধিত হতে পারে। সামান্য লেখকশ্রেণী জীবিকা-নির্বাহের অল্পতম পন্থা হিসাবে এ কাজ গ্রহণ করতে পারেন।

পরিশেষে আরেকটি বিষয় উল্লেখ করে আমার বক্তব্য শেষ করব। সাহিত্যজগতে সাহিত্যিকদের জীবনী নিয়ে বিস্তৃত আলোচনা তোমুই সামান্য হয়েছে। সাহিত্যসংক্রান্ত গবেষণা করতে হলে চাই তিহাসিক উপাদান এবং তার জগুই প্রাচীন এবং বর্তমান যুগের

সাহিত্যিকদের জীবনচরিত স্ফূর্তভাবে রচিত হওয়া প্রয়োজন। সাধারণ লেখকদের কাছে অহরোধ তাঁরা যেন এ বিষয়ে কিছু চিন্তা দেখেন।

প্রবন্ধে যুক্তিশক্তি

অল্লান দত্ত

ঐতিহ্যক্ষেত্রে দৃষ্টিপাত করলে একটি জিনিস সহজেই নজরে পড়ে।
তুলনা সাহিত্যের সবচাইতে শক্তিশালী অঙ্গ যেমন কাব্য ও ছোট গল্প,
শেখা দুর্বল অঙ্গ তেমনি নাটক ও প্রবন্ধ সাহিত্য। ইংরেজিতে দর্শনতত্ত্ব
সহ যে সাহিত্য রচিত হয়েছে, তার সঙ্গে কোনোপ্রকারে তুলনাধোগ্য
আমরা বাংলায় নেই। শেক্সপিয়ারকে অবলম্বন করে ইংরেজিতে যে
ইংরেজ সমালোচনাসাহিত্য গড়ে উঠেছে, রবীন্দ্রনাথের মতো প্রতিভাকে
কম করে আমরা সে রকম কিছুই করতে পারিনি। এ দুর্বলতার কারণ
হল তা ভেবে দেখতে হবে।

বাংলাদেশের সাহিত্যে বাঙালীর যে-মন প্রকাশিত তা সাধারণত
মৌলিক ও আবেগধর্মী। এর একটি কারণ ঐতিহ্যগত। কীর্তন-
ফলক-বৈষ্ণবকাব্য আশ্রিত বাংলা সাহিত্যের ঐতিহ্যে যে ধারাটি প্রধান
নব্বই এই মনটিই প্রকট। বাঙালী মন যখন যুক্তি বা গ্যায়ের দিকে ঝুঁকিছে
এ সে গ্যায় প্রায়শই তথ্যবিমুখ নবাগ্যায়। এমনভাবে যুক্তি চর্চার
বাঙালীর অন্তর্মুখী মন ধরা পড়েছে। আশ্চর্য হবার কিছু নেই যে
সাহিত্যচর্চায় লিরিক যতটা হয়েছে, প্রবন্ধ ততটা হয়নি। আবার
চর্চার ক্ষেত্রে রম্যরচনা যতখানি উৎকর্ষলাভ করেছে, অল্প রচনা ততটা
হয়নি।

আলোচনা প্রসঙ্গে কেউ কেউ বলেছেন যে সাহিত্য উদ্দেশ্যমূলক হওয়া প্রয়োজন। কিন্তু সেক্ষেত্রে উদ্দেশ্যের ব্যাপকতা কি আবশ্যিক নয়? রাজনৈতিক উদ্দেশ্যই তো জীবনের একমাত্র উদ্দেশ্য নয়। জীবন অনেক ব্যাপক। তাতে রসের, আনন্দের যে কামনা, তাও একটা মহৎ উদ্দেশ্য! উদ্দেশ্যের দিক থেকে সাহিত্যকে দুটি প্রধান ভাগে ভাগ করা চলে। এক ধরনের সাহিত্যের উদ্দেশ্য, আত্মপ্রকাশের আনন্দেই শুধু একমনের আবেগ ও অনুভূতি অল্প মনে সঞ্চারিত করা : বাহ্যজগতের উপর এর কী প্রতিক্রিয়া সে-প্রশ্ন এখানে গৌণ। দ্বিতীয় ধরনের সাহিত্য প্রচারধর্মী : সাহিত্যিকের লক্ষ্য বা আদর্শ অনুযায়ী বহির্জগৎকে পরিবর্তিত করাই এর প্রধান উদ্দেশ্য। যুক্তিধর্মী প্রবন্ধ-সাহিত্য অনেক ক্ষেত্রেই দ্বিতীয় পর্যায়ভুক্ত। উনিশ শতকে বাংলায় প্রবন্ধ-সাহিত্যের যে ধারাটির উল্লেখযোগ্য উন্নতি ঘটে, সমাজ-সংস্কারের অনুপ্রেরণা তাতে প্রত্যক্ষ। সমাজকে নূতনভাবে গড়বার প্রয়োজনে আত্ম-প্রবন্ধ-সাহিত্যের প্রতি দৃষ্টি দেওয়া আবশ্যিক। যে সাহিত্যের মূল্য অল্প-ফল-নিরপেক্ষ, যে সাহিত্য আপনি সংসার বিষবৃক্ষের অমৃত ফলস্বরূপ, সেই পরম মূল্যবান সম্পদের যোগ্য সামাজিক পরিবেশ সৃষ্টির কাজে সহায়তার জগুই সংস্কারপন্থী, প্রচারধর্মী প্রবন্ধসাহিত্যের প্রয়োজন। এই প্রচারধর্মী সাহিত্যে যদি যুক্তির স্থান অপ্রধান হয় তবে সমাজ-প্রগতির নির্ভরযোগ্য নির্দেশ এতে পাওয়া যাবে না। যুক্তিনির্ভরতা তাই প্রবন্ধসাহিত্যিকের অন্যতম সামাজিক দায়িত্ব ॥

ভাষণ : প্রবন্ধ সাহিত্য

কাজী আব্দুল ওহুদ

কদিন পরে অনেক আলোচনাই এখানে হয়েছে। লেখকরা নানাভাবে সাম্প্রতিক সাহিত্য সম্বন্ধে আমাদের ওকীবহাল করবার চেষ্টা কবেছেন। অনেকেই ভোর দিয়ে বলেছেন যে সাহিত্যে অগ্রগতি অগ্নাহতভাবে চলছে। কেউ কেউ তা নিয়ে সন্তোষ প্রকাশও করেছেন। আমার কিন্তু মনে হয় সমগ্রভাবে জাতির অন্তরে সাহিত্য প্রেরণা আশাশঙ্করূপভাবে জাগছে না। পূর্বে কলকাতার পত্রপত্রিকা জুড়ে যেরকম সাহিত্যিক সমাজ গড়ে উঠেছিল, তাদের মধ্যে যেরকম healthy rivalry লক্ষ্য করা যেত, আজ আর তার চিহ্ন তেমন দেখি না। দেশবিভাগ সম্ভবতঃ তার একটা বড়ো কারণ। এমনকি স্বাধীনতাও তার অবসাদ কাটাতে পারছে না। জাতির মৃত্যু ঘটলেও তার সাহিত্য বেঁচে থাকতে পারে। কিন্তু জীবন্ত জাতির পক্ষে সেটা তো কোনো সাঙ্ঘনাই নয়। বরং প্রাণ আপন বৈচিত্র্যের ঐশ্বর্ষে বেঁচে উঠুক, এই আমাদের কাম্য। জাতির জন্তে সাহিত্যের যে আয়োজন, তা পূর্ণাঙ্গ এবং নিখুঁত হওয়া চাই। এবিষয়ে আমাদের সচেতন হওয়া আবশ্যিক। বঙ্গদেবের মধ্যে কেউ কেউ বলেছেন, সাহিত্য যুক্তিপ্ৰধান হওয়া উচিত। কিন্তু আমার মনে হয় শুধু বিশ্লেষণ দিয়ে সাহিত্য হয় না। সেজন্তু চর্চার প্রয়োজন হয়, সর্বোপরি প্রেরণার। উনিশ শতকে জীবনকে নতুন করে দেখবার অদম্য প্রেরণা জাতির মধ্যে সঞ্চারিত হয়েছিল। রবীন্দ্রনাথ সেই নবচেতনার ঘনীভূত ফল। উদ্দীপনা

যদি জ্ঞাতির মধ্যে না আসে, তবে শুধু যুক্তি দিয়ে তাকে জাগানোর চেষ্টা নিরর্থক। এই উদ্দীপনা স্বাধীনতার পর জোয়ারের মতো আমাদের জীবনে আসা উচিত ছিল। দুর্ভাগ্যক্রমে সে আশা পূর্ণ হয়নি। তাই আজ বৃহৎ দায়িত্ব আমাদের সাহিত্যিকদের সামনে। নতুন করে বাঁচতে শেখাবেন তাঁরা। দেশের ভাঙা মনকে নতুন করে তৈরি করতে হবে, তার দায়িত্ব প্রধানতঃ তাঁদেরই। একদিন ব্যর্থভাবে ফিরিয়ে দিয়েছি রামমোহন—বঙ্কিমচন্দ্র বিবেকানন্দ—রবীন্দ্রনাথের—সমৃদ্ধ চিন্তার আদর্শকে। এ ভুলের পুনরাবৃত্তি যাতে না ঘটে, সেদিকে লক্ষ্য রাখতে হবে শিক্ষিত সমাজকে। সে আদর্শকে যদি সফলভাবে গ্রহণ করতে পারি, আবার চিন্তার নবজাগরণ ঘটবে, রচিত হবে জীবনবোধদীপ্ত সাহিত্য। এ কথাটাই আমাদের বিশেষ ভাবে মনে রাখতে হবে। উপদেশ বর্ষণ করে কোনো উপকার করা যাবে না। কারণ সাহিত্যে, আর যাই চলুক, গুরুগরি চলে না। ল্যাবরেটোরিতে সাহিত্য সৃষ্টি হয় না; সাহিত্যিকই সাহিত্য সৃষ্টি করেন।

